



Ex Bibliotheca
majori Coll. Rom.
Societ. Jesu

49 3.2.
49
E
2

44

SCIENTIA
RELIGIONIS
UNIVERSA
SEU
CHRISTIANA
THEOLOGIA
HISTORIÆ
ECCLESIASTICÆ



NOVA METHODO SOCIATA,

Quæstiones Juris & Facti Theologicas

COMPLECTENS.

*Auctore R. P. JOANNE GISBERT, è So-
cietate IESU, & in Academia Tolosana
Regio Theologia Professore.*

TOMUS PRIMUS
IN SERIE QUÆSTIONUM JURIS.



PARISIIS,



Apud STEPHANUM MICHALLET, Regis
Architypographum, viâ Jacobæâ, sub signo S. Pauli,
juxta Fontem sancti Severini.

M. DC. LXXXIX.
CUM PRIVILEGIO REGIS.

C 4-2



REVERENDO ADMODUM PATRI
THIRSO GONZALEZ
DE
SANTALLA
SOCIETATIS JESU,
PRÆPOSITO GENERALI.



REVERENDE ADMODUM PATER,

*Cum primū PATERNITA-
TEM VESTRAM ad supres
a ij.*

EPISTOLA.

num societatis Magistratum , fuisse assumptam , fama vulgavit , omnes , credo , Theologorum Academiae plausuerunt manibus , & novo Generali fausta omnia acclamarunt ; quasi foret ista assumptio , Theologiae ipsius summa provectio ; & quae solum in scholis dominari solebat , Regina scientiarum , jam protensis extra scholarum septa imperii finibus , latius dominatura speraretur. Sed inter ceterarum plausus Academia nostra Tolosana , quam nuper placido conspectu tuo , & elogio dignabaris
REVERENDE ADMODUM
PATER, non postrema applausit ; mihi-
que privatim , in communi gaudio sociorum , ut fuit praecipua quaedam causa gaudendi , ita , ausim dicere , non commune gaudium fuit. Cum enim apud me scientiam Religionis universam , seu Theologiam Christianam historiae Ecclesiasticae sociatam , periculose plenum opus alicui , meditarer ; jamque

EPISTOLA.

nascenti operi idoneum aliquem Patrum quærerem , quo sustentaretur : opportunè , & ex insperato , inveni , in te , quem quærebam , Generalem scilicet Theologum , & Theologorum Patrem , de scientiâ Religionis , ipsâque Religione totâ , omnibus modis optimè meritum : & , quod raræ felicitatis est , eundem ipsum inveni , quem paulo antè senseram studiosum suasorem exequendi operis , & benevolum hortatorem. A Domino factum est istud , & est mirabile in oculis nostris. Salmantica tu quidem , REVERENDE ADMODUM PATER , in primariâ Hispaniæ Academiâ , per annos viginti , Professor Theologiæ fueras , non tam ætatis , aut ordinis , quàm meriti gradu primarius. Jam Theologica volumina tua , eaque multa , & magna , sed mole minùs , aut numero , quàm doctrinæ soliditate , & sublimitate censenda vul-

EPISTOLA.

gaueras ; ut quem antè Salmantica
 habuisset , haberet deinceps universa
 Ecclesia Doctorem. Jam pro Mahume-
 tanis in Christianismum vocandis , lon-
 gam , utilemque operam posueras , secu-
 tus eam ipsam methodum , quam aliis
 tradere parabas , in libro illo divino ,
 cujus mihi ideam , Tolosâ transiens ,
 monstrare , & relinquere voluisti. Jam
 Hispaniarum Apostolus nuncupatus ,
 Hieronymi tui Lopès , quem alterum
 Xaverium nominare solitus es , vesti-
 giis insists , plures Provincias , ritu
 planè Apostolico , peragraveras. Magna
 hæc erant excellentis meriti argumenta ,
 & magni passus , nec extra viam , quâ ad
 Generalatum pervenitur. Nam ei socie-
 tati , in quâ omnis homo Theologus esse
 debet , quid magis decebat , quàm præ-
 poni emeritum Theologiæ Doctorem , in
 quo Theologia tam insigniter emereret.
 Præjudicata res erat in LAYNEZ , cele-
 berrimo illo Theologo ; quem summis Pon-

EPISTOLA.

tificibus , & Concilio Tridentino pretiosum , primi societatis Patres alterum à fundatore Generalem crearunt ; præstuentes venturis nepotibus exemplum , quod sequerentur , ut re ipsâ secuti sunt , subrogando te in locum tanti viri ; cujus non solum renovares memoriam , aut repræsentares merita ; sed immensæ eruditionis , quam patimur , jacturam scriptis tuis reparares. Quid verò congruentius erat , quàm ut Apostolicam societatem regeret Apostolus aliquis , aut vir eximiè Apostolicus ? Quid magis ex sensu Ignatii nostri , qui Xaverium Indiarum Apostolum ab extremo orbe revocare parabat , ad societatem gubernandam ; æquum reputans , ut qui totus in excursionibus , & laboribus Apostolicis tamdiù fuisset ; ad clarum tandem sederet , aliorumque excursiones , & labores dirigeret : sed Ignatii votum , quod , in Xaverio , impleri non potuit , in te debuit , REVERENDE

à iiij

EPISTOLA.

AD MODUM PATER, Tu enim de sublimi illâ Theologiâ, quam, tanto omnium plausu, profitebaris; ad popularem, & familiarem delapsus, ut revelares parvulis, quæ Cæli & Terræ Dominus, à prudentibus, & sapientibus absconsa voluit, orbem veterem, decem annorum spatio, ut Xaverius novum, eodem, quo ille, zelo lustraveras; mirabilior, meo iudicio, cum, velut humi reptans, rudi populo prima fidei elementa traderes, quàm cum, in morem Aquilæ, superna conscendens, scrutareris profunda Dei, & stupentibus Doctores aperires. Unum tibi, pace dixerim tuâ, ad supremum Magistratum deesse videbatur, experientia regiminis: quippe qui nostrorum hominum necdum Præfecturam ullam habueras; gravioribus nimirum occupatus. Verum si deerat experientia, scientia tamen non deerat: divinam enim regendi artem, quam

E P I S T O L A.

alii, non nisi longo usu, acquirunt, jam ipse tenebas (quæ divinæ cujusdam mentis prærogativa est) à naturâ ingentam ; ad magna negotia magis natus, quàm factus. Nec deerat tibi omnis experientia regiminis. Nam tu quidem non uni societatis familiæ, sed florentissimæ scholæ præfueras ; sed Urbes, & Provincias integras, sapientissimis consiliis tuis, movere ad nutum assueveras ; sed Regi Catholico, in negotiis difficillimis extricandis, industriam ; & dexteritatem tuam non raro probaveras ; sed orbem Christianum, lumine doctrinæ tuæ, & heroicæ virtutis exemplo, si non imperio, regebas in Aulâ Principum, in scholâ Doctorum, in grege plebeiorum, ubique opere potens, & sermone. Sola in te desiderari poterat Oeconomica, seu scientia familiæ regendæ : sed hæc politicam universalis regiminis scientiam magis impedire dicitur, quàm juvare. Subti-

E P I S T O L A.

liter enim notavit Philosophus id, quod satis usurvenit, eos, qui nimii sunt in singularibus, quales esse solent viri æconomi familiarum rectores, non admodum capaces esse idearum, & principiorum universalium; in quibus tamen versandis, & rectè applicandis omnis Politica consistit. Atque hinc, opinor, est; quòd sapientissimi Generalium Comitiorum Patres, partem unam prudentiæ distinguentes ab alterâ, tibi, quamvis æconomica inexperto, divinam tamen Politicam, ex Evangelio haustam, non defuturam esse præviderint; nec sua Electores opinio fefellit: in novo enim Generali, præter comitatem, & suavitatem morum omnibus amabilem, apparere cæpit, ab ipso regiminis exordio, mira in rebus gerendis dexteritas, qualem etiam post longum usum, exercitati Politici non habent. Nihil enim te gravat inusitata negotiorum moles, quæ alium obrueret. Sola tibi gravis est, &

EPISTOLA.

penè importabilis tua dignitas , quæ
 alium sublevaret. A Domino factum
 est istud , & est mirabile in ocu-
 lis nostris. Sed quantum habet admi-
 rabilitatis Generalatus iste tuus , tan-
 tum habet publicæ approbationis , Pon-
 tificio confirmatus oraculo , & sanctissi-
 mi Pontificis Innocentii ore laudatus ,
 palàm declarantis , se , vel ex hoc uno ,
 sapiens Electorum iudicium , & bonum
 societatis gustum satis intelligere. Nec
 modò Hispania , quæ te genuit , ni-
 miùm certè beata , quòd te genuerit ; sed
 ipsa etiam Gallia novum Generalem So-
 cietati gratulata est , hoc unum dolens ,
 quòd Gallus non sis , qui talis ac tan-
 tus es. Hispaniæ tuæ te penè invidit
 Ludovicus ipse Magnus , quem tu nu-
 per Patrem societatis appellabas , tuam
 ei Paternitatem aliquo modo communi-
 cans , & reverenter submittens ; eo
 scilicet nomine , quòd augustus Princeps ,
 verè Rex magnus super omnem

E P I S T O L A.

Terram , socios omnes nostros , si non
 conditione nascendi subditos habet , in-
 gentibus certè in societatem universam
 meritis , & affectu plusquàm paterno
 sibi jam pridem subditos fecit. Ex tam
 præclaris initiis , REVERENDE
 A D M O D U M P A T E R ,
 satis pronum est augurari , quid nobis
 de te sperandum sit : nam si tanta fecisti
 privatus , quanta Generalis facturus
 es ? age ergo , ut feliciter cæpisti , so-
 cietatem vigili in omnem partem pru-
 dentiâ circumspice ; totumque corpus ,
 & singula corporis membra , eodem ,
 quo ipse regeris , spiritu rege. Posuit
 te quidem Deus in nobis Ducem uni-
 versarum virtutum ; sed , quantum
 auguror , Theologiam in primis , &
 Apostolatum , quæ ministeria duo sunt
 veluti Cardines societatis , ut promo-
 visti exemplo , ita nunc suavi , &
 efficaci imperio promovebis , attingens
 à fine usque ad finem fortiter , &

EPISTOLA.


disponens omnia suaviter. *Florebit ergo, per te, ubique divina Theologia, debellatrix illa omnium errorum, & vera Religionis propugnatrix. Per te accendetur in nobis ignis ille divinus, quem Christus misit in Terram, & voluit vehementer accendi. Mittet, per te, Dominus operarios, nec jam paucos, in messem suam. Current, te urgente, speciosi pedes evangelizantium pacem, evangelizantium bona. Afflante te, exhibit in omnem Terram sonus eorum, & in fines orbis Terræ verba eorum. Grandia hæc dum animo volvis,*
REVERENDE ADMODUM PATER, *ne, quæso, dedigneris, quas offero, Theologiæ novæ qualescumque primitias, sed paternâ tuâ benedictione sæcundans, dic, pro imperio, libris meis, adhuc parvulis, nec omninò evolutis, Crescite & multiplicamini, & replete Terram: nam, si dixeris, fiet; & faciam ego,*

EPISTOLA.

*ut habeat Deus , in singulis , totidem
quasi vernaculos , ad laudem , & glo-
riam suam expeditos ; nec te patrocini-
tui , quod nobis tam liberaliter indul-
ges , aliquandò pœniteat. Ita spondet
ita vovet ; post manuum oscula , &
sincera vota multorum annorum*

PATERNITATIS VESTRÆ,

Humillimus, & obsequentissimus
in Christo servus & filius
JOANNES GISBERT,
è Societate JESU.



LECTORI THEOPHILO.

JAm ferè decem fluxère anni,
optime Theophile, ex quo Theologia scholasticæ cum historiâ sociandæ primam Ideam dedi in libello cui titulus est, *vera idea Theologiæ cum historiâ Ecclesiasticâ sociatæ, seu quæstiones Juris & facti Theologici*. Nec displicuit libellus ille noster, sed avidè supra meritum exceptus est, & jam tertiâ editione repræsentatus: adeò ut opus integrum quale promissi non nostratum tantùm, sed exterorum etiam votis jampridem postuletur; indignantibus multis tarditatem meam in liberandâ fide, & nonnullis etiam suspicantibus, esse me de numero illorum quibus, cum ad partum venerint, non est virtus pariendi:

LECTORI THEOPHILO.

sed meæ me tarditatis planè non
pœnitet, differendi enim fuerunt
causæ gravissimæ. Nam primò in-
finiti momenti semper esse duxi
non peccare in ideâ; quidquid
enim peccetur in opere, per rectam
ideam reformari potest, quod pec-
catum est; sed si peccetur in ipsâ
ideâ, irreformabile peccatum est,
& in opus totum Originali quo-
dam vitio transfunditur. Longâ
igitur morâ opus fuit in ideâ
Theologiæ rectè formandâ, expo-
liendâque. Deinde, capere volui
experimentum aliquod mei, & ex
consilio Evangelico computare
mecum sumptus, qui necessarij
sunt, si habeam ad perficiendum,
satifne sim exequendo operi, cujus
exemplar mihi monstratum est.
Ea vero diffidentis hominis mo-
destia laudem potius habet, quàm
reprehensionem. Denique tenuit
me

LECTORI THEOPHILO.

me timida quædam reverentia
judicii publici : satis enim vide-
bam ; quàm difficile sit in agro
Theologico tantorum virorum
manibus tamdiu versato novi ali-
quid invenire , nec diu omnibus
placere posse , quod leviter & in-
consideratè ab uno effunditur :
opus igitur habui , & longum me-
ditari ipse , & aliorum de me ju-
dicia reverenter explorare ; sed jam
satis , & ideæ formandæ , & capien-
do experimento , & aliorum judiciis
explorandis , datum puto.


Aggredior igitur , Deo duce &
auspice Deiparâ , Theologiam no-
vam , non novitate quidem , aut sin-
gularitate sentiendi ; testis enim
mihi est Deus , quàm religiosè anti-
quitatem sequar , & communio-
rem Theologorum sensum , sed
longè alio titulo , eoque multiplici
planè novam : novam scilicet re-

LECTORI THEOPHILO.

jectione inutilium tricarum, quibus Theologia aliquandò inficitur: novam additione solidarum quæstionem, quæ prætermittuntur: novam revelatione aliorum principiorum quæ non satis deteguntur: novam ordinatiore methodo & amœniore rerum tractatione, novam usu & commodo majore litteratorum, novam denique ex mirabili Historiæ Ecclesiasticæ consortio, & ita novam, ut nulla, quod sciam, talis apparuerit. Hanc tu satis bonis auspiciis nascentem, *optime Theophile*, bonis oculis aspice, Deumque precare, ut mihi, ad consummationem totius operis, in laudem & gloriam suam, necessarias vires suppeditet. Nolim ego te longis aut ingratis tenere Prolegomenis, tria tantum præmittere habeo. Primum de idoneâ materiâ, quæ tractatur. Alterum, de idoneo tracta-

LECTORI THEOPHILO.

tore. Tertium, de idoneâ formâ tractandi : nimirum, ut omnibus appareat quanti sit Theologia Scholastica, & quàm digna tractari, visum est ante omnia contra iniquos illius criminatores repræsentare defensionem Theologiæ Scholasticæ olim à me habitam coram Augusto Tolosatium Senatu. Deinde, ut mihi ipse præscribam, qualis esse debeam in Theologiæ tractatione, visum est veri perfectique Theologi ideam exhibere, qualem nuper exprimebam coram venerabili utroque Tolosana Ecclesiæ Capitulo. Denique, ut intelligant omnes qualis futura sit nostra hæc Theologia, sub uno aspectu ponam, & formam illius essentialem, & quos sequitur Characteres, & totam materiæ Theologicæ distributionem.



INDEX

DISPUTATIONUM
quæ in hoc primo volumine
continentur.

PROLEGOMENON PRIMUM.
Ad universam scientiam Religionis.

D efensio Theologiae Scholasticae.	pag. 1.
PROLEGOMENON II. Theologi, seu Theologia tractatoris vera idea.	12.
PROLEGOMENON III. Idea Theologiae cum Historiâ sociata.	23.
Forma essentialis Theologiae nostrae.	24.
Quos sequatur Theologia nostra Characteres.	25.
Distributio materiae Theologicae.	31.
Organum Novae Theologiae cum Historiâ sociatae Tomus praeambulus & singularis.	37.
QUÆSTIO I. De Existentiâ Dei, quam Theo- logia non propriè demonstrat, sed contra Atheos demonstratam supponit.	39.
Caput I. An Existentiâ Dei sit saltè mediata evidens & per discursum demonstrabilis.	40.
Articulus I. Demonstrationes ex mundo intellectu- ali petita.	45.
§. I. Prima demonstratio existentiae Dei ex idea entis Perfectissimi.	45.
§. II. Altera demonstratio ex idea Necessarii.	51.

Index disputationum.

- §. III. *Tertia demonstratio ex ideâ Contingentis,*
53.
- Articulus II. *Demonstrationes existentia Dei ex mundo Physico & naturali deducta.* 59.
- §. I. *Prima demonstratio, ex generali contemplatione mundi.* 59.
- §. II. *Secunda demonstratio, ex contemplatione partium mundi singularium.* 64.
- §. III. *Tertia demonstratio, ex mundi phœnomenis extraordinariis.* 67.
- Articulus III. *Demonstrationes existentia Dei, ex mundo morali deprompta.* 69.
- §. I. *Prima demonstratio, ex finibus bonorum & malorum.* 70.
- §. II. *Secunda demonstratio, ex generali instrumento bene vivendi, quæ est persuasio divinitatis.*
73.
- §. III. *Tertia demonstratio, ex unanimi consensione hominum in persuasionem divinitatis.* 75.
- Caput II. *An existentia Dei sit etiam immediate evidens & per se nota.* 78.
- QUÆSTIO II. *De unitate seu singularitate Dei, quæ ex solis nature principiis contra polytheos decidenda est.* 94.
- Caput I. *Demonstratur unitas & singularitas Dei contra polytheismum in genere.* 95.
- Caput II. *Demonstratur unitas & singularitas Dei contra polytheismum in specie.* 102.
- Articulus I. *Contra polytheismum Gentilium.* 102.
- Articulus II. *Contra Polytheismum Hæreticorum.*
III.
- §. I. *De polytheismo Valentini.* III.
- §. II. *De polytheismo Marcionis.* III.
- §. III. *De polytheismo Manichæi.* III.

Index disputationum.

QUÆSTIO III. *De summâ Dei loquentis auctoritate, in quâ contra Libertinos fides nostra fundatur.* 131.

Articulus I. *Demonstratur repugnare Deo omnem mendacium, & quamcumque assertionem falsi.* 136.

Articulus II. *Demonstratur repugnare Deo omnem equivocationem fallacem.* 146.

Articulus III. *Demonstratur repugnare Deo Confirmationem falsi per miracula.* 156.

Articulus IV. *Demonstratur repugnare Deo infusionem & operationem erroris.* 169.

QUÆSTIO IV. *De divinitate Doctrinæ Christi, per quem Deus plenè Locutus est.* 186.

Caput I. *Evidens credibilitas divinitatis Doctrinæ Christi.* 187.

Articulus I. *Demonstratur prudens credibilitas divinitatis Doctrinæ Christi.* 188.

§. I. *Qualitas Doctrinæ Christi.* 190.

§. II. *Modus extraordinarius introductionis & propagationis Doctrinæ Christi.* 198.

§. III. *Authoritas irrefragabilis testimonium Doctrinæ Christi suffragantium.* 206.

§. IV. *Confirmatio Doctrinæ Christi per miracula.* 210.

Articulus II. *Expenditur prudens credibilitas Doctrinæ Christi, quanta sit.*

Caput II. *Demonstratur incredibilitas cujuscunque sectæ Christianismo opposita.* 230.

QUÆSTIO V. *De verâ Ecclesiâ Christi quatenus divina ipsius Doctrinæ fidelissima custos est.* 240.

Caput I. *Demonstratur esse aliquam veram Ecclesiam Christi visibilem,* 241.

Index disputationum.

Caput II. Demonstratur solam Ecclesiam Romanam esse veram Ecclesiam Christi.	253.
Caput III. Demonstratur Ecclesiam Romanam esse veram Ecclesiam Christi.	264.
QUÆSTIO VI. De scripturâ & Traditione divinâ, in quibus Doctrina Christi continetur.	269.
Caput I. De scripturâ divinâ.	269.
Articulus I. Demonstratur esse aliquam scripturam verè divinam.	270.
Articulus II. Determinatur scriptura verè divina.	276.
Articulus III. Definitur scriptura divina textus authenticus.	294.
Articulus IV. Quomodo intelligendus sit scriptura sensus.	312.
Caput II. De Traditione divinâ.	321.
Articulus I. Statuitur existentia divinarum Traditionum.	321.
Articulus II. Explicantur nota & characteres singularum traditionum.	329.
QUÆSTIO VII. De viâ duplici cognoscendæ veræ Doctrinæ Christi in scripturâ & Traditione contentæ.	337.
Caput I. Statuitur & explicatur prima regula quæ est sensus Patrum.	338.
Articulus I. De unanimi sensu Patrum.	339.
Articulus II. De sensu singulorum Patrum.	345.
Caput II. Statuitur altera regula, quæ est Ecclesiæ sensus.	350.
Articulus I. De sensu Ecclesiæ per orbem diffusæ.	351.
Articulus II. De sensu Ecclesiæ in Concilio congregata.	382.

Index disputationum.

Articulus III. *De sensu Ecclesiâ in capite adin-*
nata. 398.

QUÆSTIO VIII. *De Censurâ Theologicâ ,*
quâ Doctrina aliqua fidei opposita notari solet.
403.

Caput I. *De Censurâ Theologicâ dogmatum.* 404.

Caput II. *De Censurâ Theologicâ Personarum.*
430.

QUÆSTIO IX. *De usu legitimo luminis natu-*
ralis & humani in Theologiâ. 445.

Caput I. *De usu luminis proprii , seu rationis hu-*
manæ in Theologiâ. 446.

Articulus I. *De multiplici usu rationis humanæ*
in statu conjunctionis cum lumine divino. 448.

Articulus II. *De usu legitimo rationis humanæ*
in statu oppositionis cum lumine divino. 453.

Articulus III. *De usu legitimo rationis humanæ*
in statu suæ Eclypsis , seu defectus sui circa lu-
men divinum. 461.

Articulus IV. *De usu legitimo rationis humanæ*
in statu sui supplementi pro lumine divino. 464.

Caput II. *De usu legitimo luminis alieni , seu*
authoritatis humanæ in Theologiâ. 470.

Articulus I. *De usu legitimo authoritatis extra-*
neorum in Theologiâ. 471.

Articulus II. *Authoritas humana domesticorum*
fidei, quem in Theologia usum habere debeat. 479.



A P P R O B A T I O.

E Go infra scriptus Sacræ Theologiæ Professor Regius in Academiâ Tolosanâ & Universitatis Decanus, ab Illustrissimo Cancellario ad Revisionem Deputatus, testor legisse me Tomum præambulum operis, cui titulus est JOANNIS GISBERT è Societate JESU in Academiâ Tolosanâ Regii Theologiæ Professoris *Theologia nova Historiæ Ecclesiasticæ sociata, seu Scientia Religionis universa, Quæstiones juris & facti Theologicas complectens*, Tomus autem ille præambulus, inscribitur, *Organum Theologiæ novæ cum Historiâ Ecclesiasticâ sociatæ*, In quo nihil deprehendi à Rectâ fide, aut à bonis moribus alienum, quin potius authoris sui excellens ingenium, vastam eruditionem, miramque solertiam opus illud publicâ luce dignissimum ubique spirat & prodit. Ita censeo, Tolosæ Die 30. Aprilis anno salutis 1687.

CASEMAJOUR Regius Theologiæ
Professor & Universitatis Decanus.

PRIVILEGE DU ROY.

L OUIS PAR LA GRACE DE DIEU
ROY DE FRANCE ET DE NAVARRE,
A nos Amez & feaux Conseillers les Gens tenans nos Cours de Parlemens, Maistres des Requestes ordinaires de nôtre Hostel, Baillifs, Seneschaux, Prevosts, Juges leurs Lieutenans, & à tous autres Justiciers & Officiers qu'il appartiendra, Salut. Nôtre cher & bien Amé le Pere JEAN GISBERT Prestre de la Compagnie de JESUS, & Professeur Royal de Theologie en l'Université de Tholose nous a fait remontrer qu'il a composé un Livre intitulé, *Theologia Christiana Historia Ecclesiastica sociata, seu universa scientia Religionis, quaestiones Juris & facti Theologicas complectens*, lequel il desireroit faire imprimer, s'il nous plaisoit luy en accorder la Permission & nos Lettres sur ce nécessaires, qu'il nous a tres-humblement fait supplier luy octroyer. A CES CAUSES voulant favorablement traiter l'Exposant, Nous luy avons permis & accordé, permettons & accordons par ces Presentes de faire imprimer ledit Livre en un, ou plusieurs volumes, en tels marges, caracteres, & autant de fois que bon luy semblera, pendant le temps de dix années consecutives, à commencer du jour qu'il sera achevé d'imprimer pour la premiere fois, iceluy vendre, debiter par tout nostre Royaume, & Terres de nostre obeissance. Faisons defences à tous Libraires, Imprimeurs & autres d'impri-

mer, faire imprimer, vendre, ny debiter ledit Livre sous quelque pretexte que ce soit, mesme d'impression estrangere, ou autrement, sans le consentement de l'Exposant, ou de ses ayans cause, à peine de confiscation des Exemplaires contrefaits, trois mil livres d'amende payable sans deport par chacun des contrevenans, applicable un tiers à Nous, un tiers à l'Hôtel-Dieu de Paris, & l'autre tiers à l'Exposant, & de tous dépens, dommages & interets, à la charge d'en mettre deux Exemplaires en nôtre Bibliothèque publique, un en celle du Cabinet des Livres de nôtre Château du Louvre, & un en celle de nôtre tres-cher & feal le Sieur Boucherau Chevalier, Chancelier de France, de faire faire l'impression dudit Livre dans nôtre Royaume & non ailleurs, en beaux Caracteres & Papier conformément à nos Reglemens des années mil six cens soixante dix-huit, & mil six cens quatre-vingt-six, & de faire Register ces Presentes es Registres de la Communauté des Marchands Libraires de nôtre ville de Paris, à peine de nullité des Presentes, du contenu desquelles vous mandons & enjoignons faire jouir & user ledit Exposant, ou ceux qui auront droit de luy pleinement & paisiblement, cessant & faisant cesser tous troubles & empêchemens au contraire. Voulons qu'en mettant au commencement ou à la fin dudit Livre l'Extrait des Presentes elles soient tenues pour deuëment signifiées, & qu'aux Copies collationnées par un de nos Amez & Feaux Conseillers Secretaires foy soit adjoutée comme au present Original, Commandons au premier nostre Huissier ou

Sergent sur ce requis faire pour l'exécution des
Présentes tous Exploits, Significations, Défenses
& autres actes nécessaires sans demander
autre permission. CAR TEL est nostre plaisir.
Donné à Versailles le vingt-quatre jour de
Juillet l'an de grace mil six cents quatre-vingt-
sept, & de nostre Règne le quarante-cinquième.

Par le Roy en son Conseil. Signé, B O U E O T.

*Registré sur le Livre de la Communauté des
Imprimeurs & Libraires de Paris le 20. Aoust
1687. suivant l'Arrest du Parlement du 8. Avril
1653. Celuy du Conseil Privé du Roy du 27. Fe-
vrier 1665. Et l'Edit de Sa Majesté à Versailles
au mois d'Aoust 1685. Le present Enregistrement
fait à la charge que le debit dudit Livre se fera
par un Imprimeur ou Libraire.*

J. B. COIGNARD, Syndic.

*Omnibus vera Theologia, & scientia
Religionis studiosis.*

R. P. JOANNES GISBERT, è Societate JESU Sacræ Theologiæ Professor Regius in Collegio Tolosano Academico ejusdem Societatis, & in Academiâ Tolosanâ Antecessor meritissimus, Theologicum opus suum, cujus ideam repetitis editionibus vulgatam aliquot ab hinc annis præmonstravit, jam exequitur, magno, ut spes est, Ecclesiæ bono.

Totius operis Titulus est, *Scientia Religionis universa, seu nova Theologia Historia Ecclesiastica sociata Quæstiones Juris & Facti Theologicas complectens*. Constat totum opus viginti circiter Tomis *in octavo*, ita inter se aptè connexis, ut unus ab altero dependeat, & unus alteri faciem præferat; omnesque Scientiæ Religionis partes, Scripturæ interpretationem, Theologiam Scholasticam, Moralem, Historicam, comprehendet.

Authoris scopus & finis est, puram, solidam, amœnam, facilem omnibus, utilemque Theologiam dare; id quod, si Deus dederit, facturum non dubitant, quotquot ipsum jam à multis annis audierunt, hodieque docentem audiunt. Nova planè est hæc Theologia, idque multiplici titulo. Nova scilicet rejectione inutilium tricarum quibus Theologia plerumquè inficitur. Nova additione solidarum quæstionum, quæ non rarò prætermittuntur. Nova revelatione aliorum principiorum, quæ non satis deteguntur. Nova ordinatione Methodo, & amœniore rerum tractatio-

ne. Nova usu & commodo majore litteratorum. Nova denique ex mirabili Historiæ Ecclesiasticæ consortio. Procedet autem tota in duplici serie Quæstionum, quarum una Dogmaticarum erit, Historicarum altera. Jamque prodire incipit primus operis tomus, quem cæteri sine interruptione sequentur, seorsum evulgandi. Inscribitur autem primus iste Tomus *Organum Novæ Theologiæ cum Historiâ sociatæ*; propterea quod veritates omnes fundamentales Christianæ Theologiæ complectens, idoneum erit instrumentum Theologiæ Christianæ, seu tradendæ, seu addiscendæ: consistit enim Organum istud non in vanis subtilitatibus, puerilibusque nugis, sed in primariis veritatibus, solidisque principiis, quibus scientia Religionis universa innititur. Utilis erit imprimis tomus ille prior, tum ad quoscunque infideles in Christianismum vocandos, tum ad hæreticos in sinum Ecclesiæ reducendos, tum ad firmandos in suâ religione veros fideles, tum ad singulos scientiæ Religionis studiosos, sensim in arcana veræ Theologiæ introducendos.

Hæc vos monere voluit STEPHANUS MICHALLET Primarius Regis Christianissimi Typographus, editionem totius operis in se suscipiens, & sumptibus suis.

Parisiis viâ Jacobæâ, sub signo Sancti Pauli juxtâ fontem Sancti Severini. Anno 1688.

APPROBATIO DOCTORUM

Sacra Facultatis Parisiensis.

SUB beneplacito Sacrae Facultatis Parisiensis, Snos infra conscripti Doctores ejusdem Facultatis illiusque Symmistæ inoffenso pede per-
lustravimus primum hunc Tomum operis Theologi-
ci cui pro lemmate titulus hic præfigitur. *Scientia Religionis Universa, seu Christiana Theologia Historia Ecclesiastica novâ methodo sociata, Quaestiones Juris & Facti Theologicas complectens.* Qui Tomus cum sit præambulus & Antesignanus aliorum non paucorum, prænunciat Authorem Reverendum Patrem GISBERT de Societate Jesu Theologum primarium, magnæ molis opus meditari & concinnare, in quo quidem opere nihil redolebit novitatem illam culpabilem, quâ Neoterici tractatores veritatem interpolare identidem attentant; quippè qui cum prophanas vitet novitates, veritates revelat antiquas, easque in novo collocat atque optimo lumine. Neque etiam insolens cordatis viris videbitur quoddam Theologia Scholastica & positiva hocce novo faustoque nexu confociata sint; quæ duo veluti ubera rationabile lac præbebunt alumni Theologis in solidiorem cibum convertendum. Quid si malumus Universæ Theologiæ ideam novam à mari magno & spatiose nimis haurire, itidem Authori huic scientissimo juxta ac felicissimo usurpare licebit verus effatum, *piscatu novo me uberi composuisti divina pronæa.* Nihil autem nisi fidei

Orthodoxæ apprimè consonum continet Organum istud novæ Theologiæ. Ita conscripsimus & recensuimus Parisiis sexto Calendas Sept. M. DC. LXXXVIII.

LEONARDUS CHAPELAS.

Curio S. Jacobi à Maçtabovia.

DUMAS Doctor
Sorbonicus.

*APPROBATIO DOCTORUM.
Sacra Facultatis Tolosana.*

PRodit in lucem aliquot ab hinc annis *Vera idea Theologiæ cum Historiâ Ecclesiasticâ Sociata*. Authore R. Patre JOANNE GISBERT in Academiâ Tolosanâ Regio Professore : Opus quidem multis nominibus eruditis omnibus gratum, sed eo potissimum quòd idea esset Theologiæ illius quam meditabatur. Theologiam illam diu expectatam nunc tandem nobis exhibet Reverendus Pater. Quàm amœnum, quàm utile, quàmque necessarium sit opus illud ex hoc primo volumine intelligent omnes ; in quo argumenti dignitas, sermonis nitor, Methodus & Ordo rerum mirabilis cum profundâ & exquisitâ Authoris eruditione certare videntur. Opus, ut animadvertimus, non ex aliorum laboribus coarctatum, sed proprio authoris studio atque ingenio partum ; opus denique non Theologorum modò, sed eruditorum omnium quibus aliquis sanæ doctrinæ ac veræ Religionis sensus inest, manibus terendum. Ita sentimus. Tolosæ 17. Febr. 1688.

EDMUNDUS RABY Reginus Theologiæ Professor
in Academiâ Tolosanâ.

JOANNES Ô BRIEN Reginus Theologiæ Professor
in Academiâ Tolosanâ.

PROLEGOMENA

AD SCIENTIAM

RELIGIONIS

UNIVERSAM,

SEU

THEOLOGIAM

CHRISTIANAM

HISTORIÆ ECCLESIASTICÆ

Nova methodo sociatam.



DEFENSIO THEOLOGICÆ SCHOLASTICÆ.

Habita in
Collegio
Tolosano
Societatis
Jesu coram
augusto Se-
nato.



EDINTEGRATUR hodi-
que invidiosa quæstio, Theo-
logum - ne oporteat ratione
uti ; & subtilem illam con-
tentiosamque Dialecticam ;
etiã in rebus divinis tra-
ctandis usurpare. Indigna-
mini, credo, ILLUSTRISSIMI SENATUS PROCERES,
dubitari posse, utrum, quæ omnium hominum
communis laus est ratiocinari, hoc ipsum in
solis Theologis reprehensionem habeat : mo-
vendæ tamen quæstioni occasionem dedisse vi-
deri potest Tertullianus, in libro de Præscrip-
tionibus adversus Hæreticos. *Nam quid Athe-
nis, inquit, & Hierosolymis? Quid Academia
& Ecclesia? Quid Hæreticis & Christianis?*
nostra institutio de Porticu Salomonis est, qui &
ipse tradiderat Dominum in simplicitate quæren-
dum. Viderint ergo qui Stoicum, & Platicum

Calumnia
in Theolo-
giam Scho-
lasticam.

Sap. 7.

C. 7.

A

Occasio &
causæ cal-
umnix.

& *Dialecticum Christianismum protulerunt.* Hæc ille. Nec ille tantum, sed alii etiam Patres locum fecere calumniæ; quatenus primò, fidem divinam sic extollunt, nullus ut rationi locus videatur esse relictus. Cæcutire nos volunt, & mutos esse, natos quippè in aquis, ut pisces & piscatorum discipulos, fideles non rationales, credere oportere, non argumentari. Secundò. Dialecticam persequuntur iidem gravissimis verbis, ut

Idem Tert.

ibid. cap. 7.

artificem struendi, versipellem, operariam contentionum, affectatricem & interpolatricem veritatis;

Orat. 26.

doletque apertè Nazianzenus, suis etiam temporibus, captiones Sophisticas, pravumque artificium Aristotelicæ artis, velut Ægyptiacas quasdam plagas in Ecclesiam irrepsisse. Quibus Patrum locis malè intellectis abutuntur plerique, ut Theologiam scholasticam seu disceptatricem reprehendant: pertinentque ad quatuor genera hominum. Priore loco sunt Hæretici, secundum tenent Zelotæ quidam viri boni, tertium Scioli, genus hominum aut iners aut stupidum, quartum, obscuri quidam Catholici, *Mysteriotas* appellare nunc placet; quos omnes, unus idemque prætextus, sed alios aliæ rationes, in eandem calumniam impulerunt.

Accusato-
res Theo-
logiæ scho-
lasticæ.

HÆRETICI.

Primò igitur Theologiæ accusatores sunt Hæretici, nec mirum: quid enim Theologiam non oderint homines, per Theologiam toties profligati? hostes sunt, arma deponi jubent. Lupi sunt, latratum timent, eumque veluti rem indecoram domini catellis objiciunt. Canes rabidi sunt, quia mordere impunè non possunt, de naturâ queruntur; quòd lapides, duriora illa ossa, liberali manu ubique sparserit. Ideòne

audiendi ? quorum cō spectat tota querela ; ut Catholicos inermes & imparatos, ipsi Dialecticā bene armati invadant, aut certē solā nudāque authoritate res decidatur. Quo pugnae genere, si victoriam non sperant, vinci profectō minū metuant : verissimē enim dixit Hieronymus, *omnes hæreses de Scripturis sibi cervicalia consuere, quæ ponant sub cubito universa ætatis*. Nec Patribus minus abutuntur Hæretici quā Scripturis : estque insigne, quod notat, contra Joannem Wicleffum, Thomas Valdensis ; anxium Augustinum de librorum suorum calumniatione hæreticā, penē dicere illud Ecclesiastis, *odivi omnem laborem meum, quo laboravi sub sole* : quia nimirū ejus libri, in manus stultorum pervenerunt ; & tam multa, tamque varia scripsit idem, ut facile sit omnibus Hæreticis, aliquid de ipso contorquere, atque aliorsū quā ipse dixerit, avertere ; nisi accedat ratio, quæ reformet cuncta, ac restituat.

In c. 1, ad Gal.

Tom. 2. c. 31

Secundō sunt viri in speciem boni, & zelum habentes *non secundum scientiam* ; quibus placere non potest litigiosa hæc Theologia. Patrem isti nimio plus amant, & rixas sic ode- runt ; ut suam sæpē, & quod gravius est, Ecclesiæ causam perdere malint, quā litigare. Ex quācumque sensuum discrepantiā, nasci continuo putant animorum & voluntatum dissensionem, violari ferē in æstu disputationis charitatem : nam quæ disputando formulæ adhibentur, cum homini in faciem dicitur, *nego majorem, minor est falsa, nego consequentiam*, aliæque id genus ; eas, nec satis honestas, nec dignas putant homine Christiano,

ZELOTÆ.

Paul. ad Rom. c. 10.

nedùm Theologo. Addunt his artibus foveri
tumorem, humanamque superbiam : ac deni-
què nefas esse, admittere in Ecclesiæ castra Dia-
lecticam illam, quæ toties prophana stipendia
meruit, toties Hæreticis militavit. Ità sentiunt
homines pacifici. Et porro Sabbatum illud
suum quod prædicant, adeò religiosè aut su-
perstitiosè tenent ; ut quodcumque bellum
Ecclesiæ immincat, statum mentis non mu-
tent : conflagrare videant omnia, nec ad ignem
accurrant, modestiæ benè memores : expugne-
tur discerpaturque ovile Christi, nec lupos
abigant Pastores, quia cum lupis rixari oport-
eret. Quales verò ipsi sunt, tales volunt esse
& suos ; acutos, subtiles, Philosophos, Theo-
logos nolunt : humiles quærunt, atque ut
humiles habeant, stupidos volunt : sed profe-
ctò stupidos quidem, etià non quæritos in-
veniunt ; humiles, quos quærèbant, non ha-
bent. Dicant, quæso, illi Zelotæ, si in Syno-
dum generalem veniendum modò foret, du-
cerent-ne secum Diaconos Athanasio pares ?
quem in Concilio Nicæno Alexandrinus Epif-
copus, licèt adhuc juvenem, toti Arianorum
factioni opposuit. Sed sinamus bonos viros
tranquillè vivere, longè sepositos à tumultu
bellico : tollant puras ad cælum manus, ac
vota faciant, dùm alii pugnabunt ; æqua for-
tè merces erit remanentium ad sarcinas & in
aciem procurrentium : si tamen, quod omninò
monendi sunt, nec obmurmurent ipsi strenuè
pugnantibus, nec redeuntibus è pugna, &
honesto pulvere sordidis palmam invidiant.
Quod Cyrillus Joanni Antiocheno schismatico

Theologiæ Scholasticæ. 5

objiciebat, post Nestorium profligatum, his verbis. *Vides nos, inquit, velut in bello pulvere sparfos stillare sudorem, animositate spiritali & consolatione opus habere jam victores, vidisti hostem prostratum & indoluisti. Quam ob causam? ob id credo, quod Christus vicit, quod adversarios debellavit.* Homil. ad-
versus Joā.
act. 5.
Syn. Eph.

Tertium genus calumniatorum Theologiæ Scioli. scholasticæ, Scioli sunt; quibus vel propter inertiam palæstra non placet, vel propter ingenii hebetudinem, stadium illud rationale ingredi non licet. Hi de nobis acuta & subtilia disputantibus, incredibile est quantum detrahant; sive, quod notat Gregorius Nazianzenus, omnes sui similes esse cupiunt, ut privatum eorum dedecus, sub communi delitescat; sive, ut ne minus aliquid ceteris habere videantur, persuadeantque vulgo, se ab ejusmodi studiis, maturo quodam consilio, & fastidio delicatiore, non hebetudine naturæ, abstinuisse. Quærit appositè ad rem nostram, quodam loco Aristoteles; cur stupidi & hebetes, ratione minùs, quàm autoritate ducantur: & hanc reddit causam, facilem sanè & obviam, *quia ratione, inquit, & ingenio parùm possunt*; remque explicat, eleganti similitudine: idem enim ait illis contingere, quod rusticanis hominibus, in quorum conviviis, festisque diebus, omnia crepundiis, omnia fistulis, tibiisque personant; ipsis interea mutis, & præ stupore hiantibus: quia non habent, inquit Aristoteles, unde seipsi recreent, & quid dicant, necesse est advocari tibicines, quos audiant; contrà ac facere solent urbani

ingeniosique ; qui in urbibus intra domos suas, sapientibus seipsi, exquisitisque sermonibus pascunt, ac recreant, sine illâ tumultuante tibicinum turbâ. Porro hoc Sciorum genus, quod ferè memoriæ satis habent, ut non-nihil ex Historiâ Ecclesiasticâ, & aliquot locutiones Patrum retineant, reddantque feliciter, præsertim in elegantibus muliercularum non contradicentium circulis ; hoc uno totam vel-
lent comprehendere Theologiam, ne & ipsi carerent Theologiæ laude : cum tamen iidem, ad primum, *Ergò*, ut ad grande tonitru contremiscant ; & ubi ratiocinandum est, ad unam, alteramve consequentiam fluctuent, & pend-
in sicco mergantur, Ingenii acris, & solidi iudicii Theologia res est, non memoriæ. Vestram fidem, Auditores, in istis muliebribus, tenuibusque cerebellis, an sedent *Armamentaria Ecclesiæ & propugnacula Religionis*, uti Theologorum scholas, appellant Pontifices ? Num unus illorum aliquis, dictum aliquod Augustini subinde reperens, nec intelligens, nunc Vigiliam carpens, nunc Honorium, modo Gotescalco miserabiliter condolens, virum pro viro, locum pro loco, ætatem pro ætate supponens impunitâ licentiâ, num, inquam, ille talis ac tantus Theologus, nullis Dialecticæ armis instructus, Ario fortè reviviscenti, aut Pelagio, aut Nestorio, aut Calvino formidabilis occurreret ? Avertat Deus ab Ecclesiâ suâ, necessitatem talis experimenti, & faciat, ne egeamus unquam tali auxilio, & defensoribus istis.

MYSTE-
RIOTÆ.

Quartò demùm ipsi Catholici, viri alioquin

docti, plus aliquando rationi & dialecticæ tribui putant, quàm oporteret. Hic nonnullos intelligo, mysteriorum concinnatores, loquentes passim incredibilia, & quod intolerabile est, nisi credas, apertè indignantes: in mysteriis suis identidem exclamantes cum Apostolo, *O Altitudo*, & hâc intempestivâ exclamatione, non *divitiarum sapientia & scientia Dei*, sed tenebrarum suarum *altitudinem* prædicantes. Isti, quibus in rebus, rationi manifestè contradicunt, rationem Judicem recusant, fidem quærunt, & nescio, an à simplicioribus obtineant. Ego quidè moneo, si nos habere velint contentientes, priùs ipsi, cum ratione & sensu communi conveniant; clarè dicant, & intelligantur, credibilia loquantur, & credemus: nam mysteriorum, & rerum incomprehensibilium fides, Sacra, & delicata victima est, quam uni & soli Deo loquenti, exceptam reservamus.

Exposui breviter oculis vestris, Theologiæ scholasticæ criminatores, & credo, refutavi: nam satis intelligitis, quod de persecutoribus Ecclesiæ aiebat Tertullianus: *Non nisi grande aliquod bonum ab ejusmodi hominibus esse damnatum.* Controversiam ad vos totam defero, **ILLUSTRISSIMI SENATUS PROCERES**, Deorum, ut ferunt, litigantium causam, cognovit Arcopagitarum Senatus, & terminavit; fabulæ ista sunt: sed quas Græciæ mendacis vanitas finxit virtutes in suis Judiciis, sincerè in vobis exprimitis: adèd ut, non Palladium tantum, sed ipsum quoque Senatum, qualem suum esse Athenæ prædicabant, talem Tolosa nunc habeat;

Ad Senatum
Tolosanum.

Epist. ad
Syn.
Ephes.

» ea est enim vestrae fama integritatis , ut , si fas
» est dicere , disceptare coram vobis Judicibus ,
» Dii ipsi non dubitarent ; & causam istam suam
» Deus Deorum ipse , arbitrio vestro permittat.
» In istis Theologorum concessibus , non levia
» quædam , aut inania negotia tractamus ; voca-
» tur enim in iudicium , ut cum Celestino loquar,
» qui iudicaturus est mundum , discutitur , qui dis-
» cussurus est omnes , & calumniam sæpè patitur qui
» redemit. Excusabitis forrè cognitionem ejus-
» modi causarum , quòd non omnium hominum
» sit , immiscere se Ecclesiasticis & divinis nego-
» tiis , modestiam laudo , & rerum divinarum
» reverentiam. Non ordinis tamen , Viri Claris-
» simi , non autoritatis , sed ingenij , & judi-
» cii , quæ suprema in vobis sunt , erit iste ar-
» bitratus ; & quodcumque statueritis , sequemur
» omnes , non Religione quidem illà intellectum
» captivante , sed amore veri , in quo videndo
» perspicacissimi estis , ut in eo aliis monstrando
» fidelissimi : neque ad hoc controversiæ genus ,
» decrit vobis omninò persona sacra , quam quæ-
» rimus ; siquidem est in vobis , si non ordinis , at
» certè virtutum consecratio quædam. Nam di-
» gnitatem cum acceperitis politicam , pietatis
» exercitatione sacram fecistis ; agnoscimusque in
» unoquoque vestrùm , quod in Ambrosio , ex
» præfecturâ Mediolanensi ad Episcopatum as-
» sumpto , gloriabatur Valentinianus Imperator ,
» tales à se constitutos præsidēs Provinciarum , ut
» in Episcopos assumi mererentur. Magnum est ,
» Viri Clarissimi , jus dicere , legesque ferre mor-
» talibus , sed leges ultrò subire divinas , & spontè
» subdere Christo diademata capita , majus ali-

quid est ; utrumque vestrum , unum , digni-
 ratis est , alterum , Christianæ humilitatis : il-
 ludque insuper utrique additis , quòd tantam
 auctoritatem Christianâ modestiâ temperatam ;
 zelo quodam , quem Apostolicum non verebor
 dicere , ita armatis ; ut cum in causis fidei , Ju-
 dices nec velitis esse , nec videri ; habeat tamen
 in vobis Ecclesia præclaros fidei defensores ,
 protectores Conciliorum , Sacrorumque Cano-
 num acerrimos vindices. Grandia hæc nomina ,
 quæ imperatores & principes , aliique politici
 viri , vestri similes , habuere olim , vos hodiè
 omninò impletis. Nam fidei & Religioni , quid-
 quid periculi est , ab Hæresi , ab ignorantia , à
 morum corruptione , procul hinc avertitis. Hæ-
 reticum ferre , intra sua mœnia , Tolosa non
 potest : secuta nimirum est alma civitas , studia
 principum suorum , & vestris penè consiliis de-
 bet , quòd Catholica est. Circumerrantes Cal-
 vinistas terret , vel ipsum nomen Tolosani Sena-
 tus , & qui ridere solent Concilii Tridentini de-
 finitiones , vestras timent. Hinc etià credo est ,
 & nescio , an imprudens dixerim ; quòd nos
 omnium minimos , amastis tamen semper , tenui-
 stis in sinu vestro , ac penè caros habuistis , tam-
 quàm homines , quos susceptæ vitæ ratio , de-
 vovet fidei tuendæ quam defenditis. Felices ,
 quos tam sancta communis causæ necessitudo ,
 Augusto Senatui conjunxit & commendavit.
 De nobis , hoc vicissim affirmare possim , nec
 me quisquam sociorum redarguet ; licet multis
 nominibus vestro ordini adlikti simus , facti
 jampridem juris vestri , nullo tamen nomine
 arctius astringimur , quàm sacro vinculo reli-

Decretis
 & favo-
 re præ-
 cipuo
 Tolosa-
 ni Sena-
 tus de-
 fensa &
 retenta
 societas
 Occita-
 niam
 non die
 misti

gionis ; & longè pluris apud nos est , quòd
 fidei , quàm quòd nostri , defensores fuistis.
 Prædicabunt alii antiquitatem curiæ vestræ ,
 quæ Parisinæ cœva est , majestatem , quâ ne-
 mini cedit , eruditionem & integritatem quâ
 omnes superat : prædicavi eadem & ipse , nec
 me prædicationis meæ pœnitet ; sed mihi nunc
 Theologo longè aliter sapienti , aliaque cogi-
 tanti , prima laus Tolosani Senatus videtur esse ,
 quòd egregiè Catholicus est. Servent vos superi
 nobis , servent fidei , servent Theologiæ ; & erit
 hæc secunda victoriæ , contra quoscumque in-
 pugnatōres , cujuscumque generis illi sint , Hæ-
 retici , Zelotæ , Scioli , Mysteriotæ.

Quam
 Dialecti-
 cam repre-
 henderint
 Patres ;
 quam ad-
 miserint.

Lib. 6.

At nobis contrà præsidium vestrum , opponi
 adhuc audio sanctos Patres , quibus , ut supra
 indicavi , Dialecticorum sophismata , graviter
 displicuerunt. Fateor quidem , terreri me nomi-
 ne talium adversariorum , quorum vel ipsi er-
 rores , si qui sunt , venerationem & admiratio-
 nem quandam habent ; sunt enim , ut loquitur
 Facundus Herimianensis , *luminarium defectus* ,
 quæ licet nonnunquàm splendoris sui detrimen-
 ta sustineant , luminaria tamen esse non desi-
 nunt. Verùm præcisè & absolutè nego , adver-
 sari nobis Patres , in præsentī materiâ. Sicubi
 ergò parùm æqui videntur in Dialecticam , in-
 telligere putandi sunt , Dialecticam illam super-
 bam , temerariam , insolentem , & qualem ,
 contra Christianos usurpabant Gentiles , sophis-
 matum plenam : nam modestam , ancillam fidei ,
 rationi minùs , quàm auctoritati divinæ tri-
 buentem , usurparunt ipsi Patres feliciter , tan-
 tùm abest ut reprehenderint. Sic tamen Theo-

logiam oportet esse disceptatricem, sic Patres *Damasci*
 in Theologiâ rationi humanæ & Dialecticæ *Dialog. c. 12*
 hospitium permiserunt, ut eam ancillam esse *Petrus Da-*
 voluerint, non dominam. Nec verò in Theo- *mia. opusc.*
 logiæ domum, introducta antè fuit, quàm istas *36. c. 5.*
 quæ sequuntur, pacti servitii leges acceperit. *Quibus le-*
gibus Dia-

Prima est. Ut in divinam authoritatem effe- *lecticæ lo-*
 ratur nunquàm, nunquàm superbiat; suosque *cus sit in*
 partus, ut ita dicam, vernaculos, nec præferre, *Theolo-*
 nec æquare præsumat, ingenuis & liberis. Alio- *gia.*
 quin, audietur statim Saræ vox illa querula *Hieron.*
 apud Abrahamum, *Ejice ancillam & filium ejus.* *Epist. 84*

Secunda. Ne sit nimis curiosa, & in secreta di- *Seneca lib*
 vinitatis, ne altiùs inquiret, dicti illius sapientis *7. natur.*
 memor: *numquam nos verecundiores esse debere,* *quæst. c. 104*
quàm cum de iis agitur.

Tertia. Ut rem dominæ curet diligenter, ac *In c. 21*
 tueatur; sitque, juxta monitum Basilii, sacris *Isaya.*
 dogmatibus muri instar, quòd ea nec facile di-
 ripi sinat, nec quorumlibet incursioni patere.

Quarta demum. Ne foris liberius vagetur, sed
 domi se modesta contineat, intenta in divinam
 fidem, & oculos habens *in manibus dominæ suæ*:
 si enim per alia licentiùs excurrat, abeatque
 passim in quæstiones inanes, increpari digna est,
 & audire quod Angelus Agari ancillæ dixit:
Revertere ad dominam tuam, & humiliare sub *Gen. 16*
manu illius.

Intra hos terminos, si ratio humana & Dia-
 lectica consistat, ancilla erit dominæ Theologiæ,
 pretiosa, nec inutilis: id quod accuratiùs mox
 demonstrabo, cum Theologi, seu Theologiæ
 tractatoris veram ideam proponam.



Coram u-
troque ve-
nerabili
Ecclesiæ
Tolosanæ
Capitulo
expressa,

THEOLOGI

S E U

THEOLOGIÆ TRACTATORIS.

V E R A I D E A.

Idea Theo-
logi duobus
omnino
continetur. **T**heologum oportet esse apprime Dialecti-
cum. Hæc prima Theologi laus est (Viri
Clarissimi) eundem velim esse , in lectione
Scripturæ & Patrum , in Historiæ Ecclesiasti-
cæ , totiusque sacræ Antiquitatis cognitione
versatissimum. Hæc est illius laus altera. Atque
his omnino duobus, perfectum Theologum ,
seu Theologiæ tractatorem definio.

1. parte Statuo igitur cum sancto Thoma, in Theo-
quest. 1. art. logiâ priores esse partes divinæ autoritatis,
3. ad 2. rationi posteriores relinqui. Contrà ac fieri so-
let in Philosophiâ , ubi nihil , aut parum au-
thoritati, plurimum ac penè totum rationi tri-
buitur. Statuo insuper. multiplex esse Chri-
stiani Theologi munus : nam si Christianus
omnis, Dei miles est, *militia enim Dei sumus*,
ut loquitur Tertullianus , id certè præcipuo

Theologus aliquo jure in Theologum cadit. Quare, ut sunt
debet esse officia militis plurima, munire castra, progredi
Dialecticus in hostem, occupare aliena , amplificare sua ;
ad munera ità pariter Theologi Christiani multa officia
sua imple- sunt , ut Gentilium, aut Hæreticorum crassos
da.

errores refellere, iisdem religionem inferre, & veritatem persuadere Catholicam, fidem servare integram, eamque ditare pro viribus: atqui ad ea omnia ritè præstanda, ratione opus habet & dialecticâ. Ergò nequit esse perfectus Theologus, qui non sit idem apprime dialecticus.

Primum Christiani Theologi munus est, Primum
Theologi
munus.
Hæreticorum & Gentilium crassos errores re-

fellere. Sed quid ferè sunt istiusmodi errores, nisi humana figmenta, & aberrantis animi deliria, & pudenda quædam monstra exorbitantis rationis. Ergò non tam per divinam fidem, quàm per rationem ipsam, reformari, refingique, & possunt & debent: nam quemadmodum in bello Princeps aut Dux, non ipse per se, cum singulis promiscuè congregitur, sed gregarios plerùmque milites, cum ignobili hoste committit; ità pertinet ad dignitatem divinæ fidei, si non per se ipsam, sed per rationem vernaculam suam, vulgares istos, plebeiosque hostes debellet. Eoque pugnandi genere usi sunt, Irenæus, Tertul-
Lib. adver-
sus Hære-
 lianus, Augustinus, aliique Patres: & mirabile prorsus est, cum Philosophos dixerit Tertullianus, *Patriarchas Hæreticorum*; nullam tamen hæresim, à Philosopho inventam fuisse, quam non alter Philosophus ratiocinando extinxerit.

Alterum Christiani Theologi munus est, Alterum
Theologi
munus.
dogmatum nostrorum fidem, cum Ethnicis, tum Hæreticis insinuare. In fide autem duo sunt, revelatio divina, & res revelatæ. Atqui revelatio, nec sui ipsa interpretis est; nec hæ-

Ex *actis*
Conc. Nic.

bent ad manum Theologi, virgam illam Mo-
 fis, victricium miraculorum effectricem; nec
 eo Spiritu afflamur omnes, quo Spiridion ille,
 Thrymituntis in Cypro Episcopus, qui litte-
 rarum planè rudis, & minimè Philosophus,
 in Concilio Nicæno Philosophum pro Ario
 pugnantem convicit, *non persuasibilibus huma-
 na sapientia verbis, sed ostensione spiritus & vir-
 tutis*, nudâ & simplici recitatione symboli;
 hoc unum terribiliter insonans, *Credo in Deum,*
&c. Ignaros & idiotas habemus etiâ nunc
 plures, at eodem quo ille animatos spiritu,
 non habemus. Nobis igitur, hoc ferè solum
 superest; ut instando, argumentando, ra-
 tiocinando, existentia revelationis fidem fa-
 ciamus. Quòd verò spectat res revelatas, si
 rationem non superant; quid vetat, robur eis
 aliquod ac firmamentum ex ratione accersere.
 Si sunt suprâ rationem, proderit mitigare diffi-
 cultatem mysterii probabilibus conjecturis, ac
 popularibus, uti mos erat Patrum, similitudini-
 bus aliquo modo explicare.

Tertium
 Theologi
 munus.

Tertium Theologi Christiani munus est,
 fidem servare integram illibatamque: fidei
 autem periculum esse potest, vel ab Hæreticis
 revocantibus in dubium, quæ jam antiquâ
 possessione firma constant, vel à Catholicis
 rerum sæpe novarum studiosis, & in varias par-
 tes abeuntibus: tùm verò quid opus factò?
 exquirendus scilicet scripturæ sensus, consu-
 lendi Patres, versanda illorum scripta, expen-
 dendæ sententiæ. Videte autem (Viri Claris-
 simi) an id fieri sine contentione possit. At
 ubi neque hoc modo pax haberi potest; re-

curritur ad summum Pontificem, Judicem Controversiarum, aut cogitur Generale Concilium: utrobiquè sedent Episcopi Judices, sed adsunt quoque disputantes Theologi, tanquam sacri Senatûs Consultores & Advocati; tanta autem est istorum necessitas, ut in Concilio Tridentino, cum Theologorum unus febris alternante laboraret, quo die hominem febris tenebat, tota Synodus vacare consuefceret. Layneꝝ
Theolog.
Soc. Iesû.
Quid igitur est nolle Theologos litigare; nisi mutum, & sine causidicis forum instituere; aut veterem illum restaurare Graciæ Senatum, quo clausis, ut aiunt, fenestris, noctu, extinctisque luminibus, sine fori strepitu, aut contentione ullâ, & quantum ego suspicor, sine maturo examine, de gravissimis causis sententia ferebatur.

Quartum deniquè Theologi munus est, fidem non tantum servare integram, sed etiam ditare pro viribus, remque illius, ut ità dicam, familiarem amplificare. Nam cum una aliqua propositio revelata, multas sæpe contineat involutas implexasque in se, evolvuntur illæ successu temporis, & ex uno eodemque fidei principio, multa seu evidenter, seu probabiliter inferuntur: & hæc quoque ratiocinando educere, Theologi esse dico; ut fidei granum illud, quod minimum quidem est omnibus oleribus, arbor tandem fiat, ramosque latè diffundat, in quibus volucres cæli habitent, hoc, est subtilia cælestiaque ingenia, assiduâ meditatione versentur. Quartrum
Theologi
munus.

At, inquires, luxuriat Theologica ista arbor in millè folia, ramos habet adulterinos qui Abusus
Dialecticæ
in Theologia.

non de radice procedunt , corruptoque divi-
 næ arboris libro , alieni & silvestres furculi
 inolescunt. Clarè loquamur , ex perpetuâ istâ
 Theologorum contentione fit , ut certis mis-
 ceantur incerta , abeatque passim in proba-
 biles tantùm , inutilesque sententias. Non dis-
 fiteor , Viri Clarissimi , esse aliquod Theologiæ
 genus , insulsum , aridum , jejunum , in tenui
 semper , obscuroque versans , summas car-
 pens , crispansque rerum aristas , & *nimum*
per solæcismorum aut syllogismorum spineta de-
currens , quod reprehendebat Hyeronimus in
 Celestio Pelagii discipulo. Sed sunt quoque
 delicatioris fastidii homines , quorum palato
 nihil sapit , quod non sit idem certum atque
 evidens ; qui vel solidam certitudinem , vel
 suaves demonstrationum fructus ubiquè exqui-
 runt , ignari & quid *quæque ferat regio , & quid*
quæque recuset. Contrà quos demonstrare nunc
 placet , pertinere ad fidei præsidium , istam
 sententiarum probabilium varietatem. Res ut
 videtis magni momenti est , & digna hoc lo-
 co. Contingit sæpè ut revelata sit substantia
 rei , modus autem dubius maneat , atque in-
 certus , rem pono in exemplo. Revelatum
 est hominem esse liberum , & stare cum gra-
 tiâ efficaci libertatem : incertum tamen est ,
 quemadmodùm steterit ; scitis enim , quot &
 quàm varios concordix modos , alii alios
 quotidie excogitent. Dico igitur , facere ad
 fidei defensionem , vias illas probabiles ser-
 vandæ libertatis. Nam si dogma Catholicum
 impugnet Calvinista , contendatque liberum esse
 non posse ad operandum , qui careat gratiâ
 efficaci ;

*Epist. ad
 Ctesiph.*

Delicatus
 nonnullor-
 um fasti-
 dium om-
 nem proba-
 bilitatem
 respuen-
 sium.

Theologo
 prætermittendi non
 sunt modi
 probabiles
 explicandi
 divina my-
 steria.

efficaci ; respondebit facile negando Catho-
 licus , quia nimirum homini , qui gratiam
 efficacem non habet , non deest auxilium suffi-
 ciens. At quale auxilium urgetur ille , ita-ne
 sufficiens est , ut præter illud nihil ultra requi-
 ratur ? hinc confitenti fortè cuipiam de gente
 Thomistarum , requiri præterea auxilium præ-
 determinans , insultabit , credo , Hæreticus , &
 veluti triumphum canens , exclamabit cum in-
 genioso viro , *monendos igitur esse mortales, & buc-*
cinandum tubâ , auxilium sufficiens cum Thomistæ
admittunt , intelligere id genus auxilii quod non
sufficit , seu præter quod , aliud necessario requiri-
tur. Quæ quamvis plausibiliter dicerentur : An
 ideo evacuaretur fides ? absit. An ideo caderet
 causa libertatis ? minimè verò. Stat adhuc Sor-
 bonistarum , aliorumque Sententia , sunt aliæ
 defensionis viæ , alia fidei propugnacula , quæ
 nec perumpet unquam Hæreticus , & si fortè
 tentabit , poterit interea pars altera recipere
 animos , viribusque redintegratis alacrior &
 melius prædeterminata , ad pugnam redire. Ergo ,
 ut cum Cyrillo concludam , *utile est Theologia mi-*
nisterium rationis, & Dialectica falso illa nuncupata
mundi sapientia , qua olim liberale irridebat matri-
monium , nunc ingenuitati servit filiorum Dei, divi-
nis famulata dogmatibus.

Altera Theologi laus est , ut sit idem in Le-
 ctione Scripturæ & Patrum , in Historiæ Ec-
 clesiasticæ , totiusque sacræ Antiquitatis cog-
 nitione versatus.

Debet hoc primum , memoriæ magnorum vi-
 rorum , quorum adhuc armis , ingenio , ac du-
 ctu , ut de Augustino loquitur Prosper , Ca-

In List. ad
 Provinc.

Tomo 5 ;
 part. 2.

Theologus
 debet esse
 versatus in
 cognitione
 sacræ anti-
 quitatis.
 Debet hoc.

Memoriæ
 magnorum

virorum.
Epist. ad
Ruf.

2.
Gloriæ
fidei.

3.
Sibi ipsi.

tholicorum acies pugnat & vincit.

Secundò debet hoc gloriæ fidei, & præteritis Ecclesiæ victoriis: nam si gloriosum est, post victoriam trophæa erigere, hostemque jam exanimem repræsentare, suis instructum armis, & dicere, *Mezentius hic est*, Quàm pulchrum erit ad currum fidei triumphantis, religare præcipua capita Hæreticorum, suis ornata coloribus, ac dicere insultando, *Pelagius hic est, ille Calvinus, talis fuit Nestorius, hæc erat persona Eutychetis, his insignibus Monothelita pugnabant.*

Tertiò debet hoc sibi, ad privatam voluptatem, & levamentum aliquod laboris sui. Nam juvat aliquandò post debellatum hostem, in ejus castra excurrere, lustrare oculis, ut se vallo muniit, ut disposuit aciem, ut restitit, ut fugit, ut accisæ reliquiæ confederunt: dulce est, designare manu, illic raptas aquilas, hîc turbatum equitem, hîc peditem inclinatum succubuisse. Ergò & Theologo pariter jucundum erit, ex contentiosâ disputatione respirare identidem: post refutatum, verbi gratiâ, dogma Arii, assertamque filio Dei divinitatem, excurrere in orientem, & monstrare digito: Hîc Arius Alexandriæ Presbyter, primus in filium Dei rebellavit, favente imprimis Eusebio Nicomediensi, illo Ecclesiarum adultero. Ibidem adversus fidei hostes, clarissimâ tubâ bellum cecinit Alexander Alexandriæ Episcopus. Illic verò Nicææ in Bithiniâ, per trecentos & octodecim Patres, quasi per totidem Abrahami vernaculos, fides in urbe victoriæ triumphavit, pugnante præsertim magno Athanasio. Dulce erit exinde digredi ad conventicula Ariarum;

Epist. Conc.
Alexan.

ubi præsidebat Comes , spiculator apparebat , cædes vel exilia Episcopis , non fidei definitiones scribebantur. Tum ubi Liberius lapsus est , ubi cecidit magnus Osius , quomodo post Ariminensem synodum , Nicænæ fidei conclamata damnatio , totusque ingemuit orbis , & Arianum se esse miratus est. Hæc & alia fidei pericula , quæ præsentia terrebant olim , nunc præterita voluptatem habent.

Quartò Debet hoc muneri suo Theologus. 4. Neque enim jucunda tantum , aut gloriosa est ejusmodi exercitatio , sed omninò necessaria ad Theologi partes perfectè implendas. Rem faciliè demonstro. Militi ut expeditè pugnet , familiaria & usitata esse debent arma , quæ tractat. Atqui Scripturæ textus , sententiæ Patrum , Conciliorum definitiones , aliaque id genus , arma sunt quibus pugnat Theologus , ergò ut expeditè pugnet , illorum usum debet habere familiarem. Quid quòd abutuntur hæretici iisdem Ecclesiæ armis , & undè nos firmamenta causæ nostræ ducimus , errorem illi suum confirmant. 1°. Enim se illi veros , germanosque sanctorum patrum discipulos prædicant , eadè omnes impudentiâ , quâ Joannes Hussius se Joannem Augustini nominabat , aut nominari sinebat. Ergò repetenda ab illis sunt magnorum virorum spolia , repetenda magni Augustini autoritas &c. Id verò quomodo faciet , qui magnos viros viderit nunquam , & vix de nomine cognoverit. 2°. Conventicula iidem pro veris legitimisque Conciliis numerare audent. Sciendum igitur est , quâ in re Tyrannicæ illæ consultationes , & prædatoricæ Syno-

Muneri
suo.


Th. Vvald.
tom. 1.

Montalba-
ni in Aquitania anno
1662.

di, seu ut appellant, Latrocinia, à legitimi iudicii formâ defecerint. 3°. Omnia subruunt fundamenta fidei: nam nec Pontificis esse volunt cogere Concilium, nec Concilii, causas fidei definire, nec Pontificem modò, sed & Concilium integrum & universam Ecclesiam errare posse audacter pronuntiant, Honorium citantes, Vigilium, tria Capitula &c. Hic verò magni momenti est, non vinci Catholicum, cum ex legitimâ istiusmodi factorum probatione, Ecclesiæ causa ita pendeat, ut quidquid ratione & autoritate probatum fuerit, sæpè unius facti non satis explorati interjectu enervetur. Vidi ego, qui non admodum senui, vidi ipse non longè Tolosâ vestrâ, Auditores, cum Calvinistam inter, nuperis suis scriptis contrâ fidei perpetuitatem totâ Galliâ famosum, & Catholicum Dialecticæ magis quàm historiæ peritum, disputatio de fide haberetur, coram viris primariis, vidi, inquam, & sensu premi hæreticum, in easque redigi angustias responsionum, quæ ne suis quidem placere possent; sed rem ille aliò callidè detorquens, eò tandem venit ut diceret, Concilium œcumenicum errare posse, & reipsâ errasse quod citabat Concilium Ariminense in causâ Arianorum: Hic vero, quòd eam, credo, partem historiæ non satis teneret Catholicus disputator, persequi adversarium noluit per avia & ignota loca, & victoriam quam in manibus habebat, miserè dimisit. Mihi quidem, quamvis nec satis Historiâ instructus eram, nec satis decebat per ætatem loqui juniorem, in multitudine presbyterorum, su-

bibat tamen animum pugna succedere, &, ut loquar cum Hieronymo, *extorquere gladium de manibus hostium, ac Golia superbissimi caput proprio mucrone truncare*. Sed continui me tunc, uti debui; ex eo tamen invasit me vehemens ardor studia ista non negligendi, invaluitque ea cupiditas superioribus annis, cum toties abuti viderem Hæreticos Historiâ Ecclesiasticâ, ad fovendum errorem suum; dolerentque boni omnes, sæpè unum hominem in arte mentiendi exercitatum, impudenter & periculosè aliis imponere. Perfecto igitur Theologo non satis est esse Dialecticum, nisi sit idem Historiâ Ecclesiasticâ, totiusque Sacrae antiquitatis cognitione plenè instructus.


Debet ille quidem solidè stabilire fidei dogmata, nam hoc Theologi caput est, debet probabiles modos explicandi divina mysteria discutere diligenter, debet interdum ex unâ propositione revelatâ, alias ratiocinando educere. Debet enim aliquandò per naturales rationes, divinæ authoritati, aut viam sternere, aut honestum parare satellitium: atque hæc ferè sunt Dialectici partes Theologo essentialles. Sed post stabilita fidei dogmata, & quæstiones Juris accuratè disputatas, ei veniendum est, ad quæstiones facti ex Historiâ Ecclesiasticâ & Sacra antiquitate petitas, quia & inde plurimum roboris & splendoris, ipsæ Juris quæstiones accipient. Stet ergò quod demonstrandum erat, cum esse verum perfectumque Theologum, qui utrasque Juris & facti quæstiones sapienter complectatur: nam



quicumque quæstiones Juris tractans, quæstiones facti omninò prætermiserit, solidam ille quidem & nervosam, sed sine succo, nimis aridam & nimis duram Theologiam dabit; qui verò totus in quæstionibus facti, quæstiones Juris leviter tractaverit, is mollem, flaccidam, sine ossibus & nervis, vix bene coherentem Theologiam exhibebit; sed qui utraque Juris & Facti quæstiones feliciter sociarit, solidam ille, nervosam, bene habentem, succi plenam, venustam, formosamque Theologiam habuerit.

” Hæc est vera perfecti Theologi idea (Canonici venerabiles) non tam ex meo sensu deprompta, quàm ex vobismetipsis expressa; nam rudem illam imaginem cùm delineavi, fuistis mihi ob oculos, ut absoluta Theologorum exemplaria. Dixi Theologum debere esse Dialecticum: atqui vos, quo ore pacem datis populo, & veluti olivæ ramum præfertis, eodem spiratis bellum quoddam sacrum, & contra fidei hostes gladium exeritis, utrâque parte acutum; ac minimè omnium litigiosi, juxta Apostoli monitum, Theologica tamen ista litigia exercetis identidem acriter; quodque mirabile est, plerique vestrum, eâ fortè ætate quâ ardor iste contentionis deferbuit. Postea verò quàm sublimioris Theologiæ arcana scrutati estis, descenditis ad humilem populum; & digesta ad rudiorum captum fidei mysteria, *quasi modò genitis infantibus rationabile Lac* distribuitis patres & nutrices Ecclesiarum. Nec Theologiam tantum vel loquimini, vel auditis, sed quod majus est, Theologiam exemplo vivitis, magni

& verbis & factis Theologi : Dixi præterea “ Theologum debere esse historiæ peritum Eccle- “ siasticæ, atqui vos sacram antiquitatem, & fidei “ memoriâ colligitis & moribus, Apostolicorum “ temporum viros, senescenti jam mundo repræ- “ sentatis. Historiam igitur Ecclesiasticam, quam “ complexi estis, ornabitis aliquandò vestris nomi- “ nibus, & habebunt in vobis posterì, quò An- “ nales Ecclesiæ Tolosanæ locupletent, minùs ta- “ mèn eâ parte beati quàm nos, qui ea videmus “ oculis virtutum heroicarum exempla, quæ illi “ auditione tantùm accipient.



IDEA THEOLOGIÆ CUM HISTORIA SOCIATÆ.

CUM Idea Theologiæ jam satis eruditorum manibus trita, & repetitis editionibus vulgata sit, nil necesse alicui videbitur illam iterum repræsentare. Sed planè ego dicere possim cum Paulo, *quando eram parvulus, sapiebam ut parvulus, cogitabam ut parvulus, quando autem factus sum vir, evacuavi quæ erant parvuli* : nam tenet me fastidium quoddam prioris illius idæ, quæ in teneris annis efformata, habet aliquid rudis infantix, mihiq; jam multorum annorum Theologo, melior quædam Theologiæ forma, longarum meditationum fructus enascitur.

*Ad Cor. 13.
c. 13.*

Forma essentialis Theologiæ nostræ.

Complet- Retineo quidém formam essentialem, & pri-
tur nova mariam differentiam Theologiæ nostræ, in eo
Theologia positam, quòd historiæ Ecclesiasticæ Theologia
quæstiones Scholastica societur, quæstiones Juris & Facti
juris & fa- Theologicas complectens. Quæstiones juris ap-
cti Theo- pello, quæstiones scholasticas seu dogmaticas
logicas. quæ nimirum versantur circa veritates aliquas

Quid per speculativas, aut fidei dogmata per scripturam
quæstiones & traditionem decidenda: nam scripturâ & tradi-
juris intel- tione, jus Theologicum propriè continetur. Quæ-
ligatur. stiones autem facti appello, quæstiones historicas

Quid per aut quæcumque versantur circa factum, quod
quæstiones nec scripturâ nec traditione decidi potest. A
facti. quæstionibus Juris initium fiet, tum quia in iis

A quæstio- prima & præcipua cura Theologo ponenda est,
nibus ju- sunt enim osium & nervorum instar, quibus
ris initium totum Theologiæ corpus innititur, tum quia non
fieri debet, sine periculo versabit quæstiones facti, qui non

Quam ob antè fuerit in quæstionibus Juris omninò versa-
causam, tus; in quem scopulum plerique impingunt,
 Theologiam malè vertentes in historiam, & in
 magno illo historiæ Ecclesiasticæ pelago inter-
 dùm à fide naufragantes, quòd nimirum sine

Quæstio- ductu Theologiæ Scholasticæ navigare præsu-
nes facti mant, Quæstionibus Juris subjiicientur quæ-
subjiicien- stiones facti, quæcumque ad Theologiam aliquo
tur. modo pertinent, nimirum ex his novam lu-

Quem in cem novumque robur accipient Theologica
finem. dogmata, respirabit tantisper Theologus nimia
 fortè contentione fatigatus, & curiosis, quibus
 magis historica placent, quàm Scholastica, ille-

cebra quædam apponetur. Prima mihi mens erat, quæstiones Scholasticas historicis interpolare ; ita ut singulæ singulas immediatè exciperent. Nam ea series Theologiæ & historiæ alternatim dispositæ , opportuna videbatur ad tædium ipsâ varietate levandum. Sed ne itâ faciam , duo nunc præsertim absterrent.

Primum consilium auctoris de interpolandis juris & facti quæstionibus.

Primum. Quia observavi, non omnibus quæstionibus dogmaticis, respondere historicas ; multa enim sunt dogmata, quæ controversiam in Ecclesiâ aut parvam, aut nullam habuerunt ; deficeret ergo plerumque exacta illa series alternantium quæstionum. Alterum. Quia Theologiæ Scholasticæ noceret illa historicarum quæstionum interpolatio. Contingit enim ferè , ut quæstiones Scholasticæ inter se connexæ sint, & aliæ ex aliis aptæ , annulorum instar dependeant ; Iste verò nexus, per intermixtam historiam rumperetur ; quare præstabit duplicem instituere seriem quæstionum ; unam dogmaticarum , alteram historicarum , additâ notâ ad quamlibet quæstionem Scholasticam , si fortè historicam habeat sibi respondentem.

Jam ipsi auctori non placet.

Cur non placeat.

Placet magis instituere duas series quæstionum unam juris alteram facti.

Quos sequatur Theologia nostra Caractères.

Amulamur secundum Apostolum *charismata meliora* , & sequitur Theologia nostra optimos caractères ; judicabunt alij, satis-ne eos assequatur , rectè concilians Soliditatem cum Subtilitate, Profunditatem cum Perspicuitate , Majestatem cum Amœnitate ; nam eos caractères si

feliciter collegerit, ea planè nova, singularis & divina sit.

Primus
Theolo-
giæ cara-
cter.

SOLIDI-
TAS.

In quo
consistat.

Primus ergò Theologiæ caracter sit soliditas. Soliditatem autem dabit. 1°. Exquisitus rerum tractandarum delectus, neque enim fœdum aut stipulam ædificare velim, sed aurum & argentum, lapidesque pretiosos, hoc est, utiles & pretiosas quæstiones, inutiles & vanas planè rejiciens, nec tam attendens, quid tractarint alii quàm quid tractare debuerint. Nobis ergò erit perpetuò ob oculos illud Cassianum, *cui bono*. Nec quidquam in Theologiâ tractabimus, quod verè Theologicum non sit, & ad Christiana dogmata stabilienda, aut explicanda, non aliquo modo referatur. 2°. Soliditatem dabit plenitudo, si nihil necessarium, aut utile desit, non enim fatis solidum est, quod plenum non est, non est autem plenum, quod est aliquâ parte vacuum. Curabimus ergo ne nos ulla quæstio verè Theologica prætereat. 3°. Soliditatem dabit determinatio quæstionis in partem saniozem seu veriozem, est autem ferè veritas, ubi antiquitas est. Nos igitur sollicitè vitabimus *prophanas novitates*, quæ nihilum ædificationis habent, ut plurimum *vanitatis*, ea ferè sequentes quæ communi Patrum & Theologorum sensui magis congruunt. Hæc est enim via regia, quæ ducit ad veritatem. 4°. Soliditatem dabit momentum & pondus rationum, quibus innitentur conclusiones nostræ; non enim supra arenam aut instabilem humum, sed quoad fieri poterit, supra firmam petram ædificabimus. 5°. Soliditatis pars erit exacta & accurata responsio ad ea quæ obijciuntur, neque enim eludetur, aut dissimulabitur

difficultas, sed cum toto robore suo proposita, robore adhuc majori dissolveretur, 6°. Totius doctrinæ cohærentia: Theologia enim domus instar eò solidior est, quò melius omnes illius partes cohærent; quare cavendum est diligenter, ne qua parte rimam habeat, aut inconsequentiam; nam in longo præsertim opere satis humanum est non constare sibi; seu defectu memoriæ, cui antè dicta exciderunt, seu angustia comprehensionis, quæ multa simul videre non potest & invicem comparare; seu denique hebetudine & brevitate quadam ingenij, non satis procùl videntis, principiorum quæ posita sunt consequentias. 7°. Soliditatem dabit reductio frequens totius Doctrinæ ad unum aliquid; nihil enim solidius esse potest, quàm cum uni alicui principio cætera innituntur, veluti fundamento immobili, & ad illud contrariæ sententiæ argumenta, veluti fluctus ad durissimam caudem allisi in spumam abeunt.

Secundus novæ Theologiæ caracter sit Subtilitas. Subtilis autem erit Theologia. 1°. Si in arduis & Metaphysicis versabitur; nam arduas & Metaphysicas Quæstiones, si fortè utiles aut necessariae sint, non modò non præterire oportet, sed ad ipsos rerum apices promovere. 2°. Subtilis eadem erit, si faciliè omnia subeat, confusa distinguens, colligata dissolvens, atomos (ut ita dicam) insectiles secans, & ipsa dividens indivisibilia. 3°. Subtilis demùm erit, si non per flexus & mæandros, sed rectâ viâ superatis ambagibus, veritatem expedite sequatur.

Tertius novæ Theologiæ caracter esse debet Tertius.

Secundus.
SUBTILITAS.
In quo posita sit.

PROFUNDITAS.
Quid importet.

Profunditas. Profundam appello Theologiam. 1°. Quæ *Profunda Dei* scrutatur, alta mysteria ingrediens, & in ipsam abyssum divinitatis reverenter descendens. 2°. Quæ non hæret in superficie, sed abstrusa quæque, & intima quæstionum aperit. 3°. Quæ in omni materiâ fundum rei quærit, & feliciter invenit; est autem rei fundus, ultima quædam & immediate nota propositio, in quâ sistendum est: nam in quâlibet ferè materiâ, deveniri potest ad aliquam propositionem, quæ ex terminis patet, seu probabiliter, seu evidenter; ejusmodi verò propositiones revelare, est fundum rei attingere. Aliud ergò est, profundum esse, aliud obscurum; quamvis & obscuritas interdum famam habeat profunditatis, ut ferè sit in cænosâ palude, quam credimus, aut suspicamur esse profundam, quia cænosâ est; & profunditas obscuritatem trahat, ut contingit aquæ, quæ si altè profunda sit, vix umquam satis limpida & transparens est, ut tota ad fundum usquè videri possit. Hæc duo tamen conciliare oportet, profunditatem & perspicuitatem; nam perspicuitate maximè opus habet Doctor profundus.

Quartus.
PERSPICUITAS.
Quid requirat.

Quartus ergò novæ Theologiæ caracter sit Perspicuitas. Est autem ferè Perspicuitas in rectâ Methodo; & recta Methodus, ut nobis quidem videtur, hæc est. In Quæstionibus quidem Juris, præmittitur exacta definitio terminorum, constituitur verus quæstionis status, quæstio deciditur, pars decisa stabilitur, objectionibus respondetur. In Quæstionibus verò Facti, Factum breviter exponitur, quid in eo contro-

versum sit designatur, definitur controversia, definitio probatur autoritatibus & conjecturis, quid contrà pugnat dissolvitur. Sed præter Methodum illam generalem omnium facillimam, Theologiæ nostræ magnam lucem dabit. 1°. Quòd in omni re tractandâ, naturalem ordinem sequimur. 2°. Quòd in rebus implexis & confusis, exactè dividimus. 3°. Quòd æquivocationem, & ambiguitatem omnem ubicumquè occurrat, sollicitè vitamus. 4°. Quòd in Elocutione terminis utimur clavis, & quoad fieri potest, vivas splendidasque rerum ideas excitantibus. 5°. Quòd ea quæ subtilia sunt, & penè insensibilia, per familiares & populares similitudines, sensibilia facimus. 6°. Quòd ferè in arduis gradus quosdam disponimus, seu veritates quasdam alias ex aliis nexas, quibus sensum & sine labore, ad summum difficultatis apicem ascenditur. 7°. Quòd in quæstione quâlibet, ad unum ferè principium omnia revocamus. 8°. Quòd medium tenemus brevitate inter & prolixitatem; utraque enim, si nimia est, claritati nocet.

Quintus novæ Theologiæ caracter esse debet Gravitatis, & Majestatis. Quo caractere insignis erit. 1°. Si non vana sectetur, sed gravia semper & seria agitet. 2°. Si non ad aliena leviter excurrat, sed tota moretur in suis. 3°. Si memor gradus & ordinis sui, ad humana & Philosophica non descendat, ea Philosophiæ ancillulæ suæ relinquens. 4°. Si maturè & consideratè, in Judicio ferendo procedat. 5°. Si rei cuilibet, suum probabilitatis & certitudinis gradum, sapienter tribuat. 6°. Si non nisi

Quintus. |
GRAVI-
TAS ET
MAJES-
TAS.
Quid po-
tulet,

divinæ, scripturæ scilicet Conciliorum, & Patrum verbis loquatur.


Sextus.

AMOENITAS.

Quomodo
habeatur.

Sextus Theologiæ novæ caracter est Amœnitas. Barbaram enim, asperamque Theologiam nolumus esse, sed amœnam & suavem, quæ misceat *utile dulci*. Amœnam verò fecerit 1º. species ipsa, & dignitas rerum per se placentium; 2º. ordinata varietas; in ordine enim pulchritudo est; 3º. Præclarè dicta & cogitata Patrum, toti operi identidem aspersa; 4º. Speciosæ quædam & splendidæ rerum imagines, pro loco & tempore dispensatæ; 5º. Elegans forma dicendi, citra affectationem & molliem 6º. Historiæ Ecclesiasticæ suavissima societas; 7º. Demùm nescio quis gratiæ sapor inimitabilis, toti operi affusus. Hi sunt characteres, quos si fortè haberet Theologia nostræ, opus foret æternitate dignum; quale futurum esse olim prælagiebat, societatis nostræ præpositus Generalis Joannes Paulus Oliva, Vir ille magnus & toto litteratorum orbe famosus, in litteris ad nos datis de Ideâ Theologiæ nostræ. Sic enim loquitur. *Opus æternitate dignum vestra Reverentia molitur, quod nobis probatur quàm maximè; ac Deum precamur, ut necessarias ad illud vres suppeditet, ut indè multi solidam doctrinam hauriant.* Romæ 16. Febr. An. 1677.





D I S T R I B U T I O

M A T E R I Æ T H E O L O G I C Æ.

Sanctum Thomam Doctorem Angelicum, In distribu-
 ut in cæteris, ita in hoc ferè sequuti; tri- tione mate-
 partitam facimus novam hanc Theologiam, pro ria Theo-
 triplici consideratione Dei; hoc tamen disci- logica se-
 mine, quodd dignitatis, & naturæ ordinem quimur ferè
 paulò exactiùs sequimur, ut potè faciliorem, & ordinem
 Doctrinæ Christianæ tradendæ magis accommo- naturæ &
 datum. Quia igitur ordine naturæ, & dignita- dignitatis.
 tis occurrit. 1º. Deus in se. 2º. Deus in Christo Tripartita
 3º. Deus in creaturâ. Prima pars Theologiæ no- erit Theo-
 væ Deum in se. Altera Deum in Christo. Tertia logia nova
 Deum in creaturâ considerabit; instituens, ut pro triplici
 suprà dixi, juxtà formam sibi propriam & es- considera-
 sentialem, duplicem seriem quæstionum, unam tione Dei.
 Quæstionum Juris seu scholasticarum, Alteram Prima pars
 Quæstionum Facti seu Historicarum. Deum in se.

Et prima quidem series, in Tomos duodecim
 distribuatur hoc ordine. Secunda
 Deum in
 Christo.

Agnen ducet Tomus unus Præambulus & sin- Tertia
 gularis, reliquis omnibus facem veluti præfe- Deum in
 rens; quem *Organum Novæ Theologiæ* inscri- creatura
 bimus; propterea quodd locos, ut appellant, contempla-
 Theologicos, & veritates fundamentales Chri- bitur.
 stianæ Theologiæ præambulas complectens, Procedet
 idoneum instrumentum erit Theologiæ Chri- autem tota
 stianæ, seu tradendæ, seu addiscendæ. in duplici
 serie quæ-
 stionum,

Tomum præambulum, excipiet prima pars

Prima series
quæ series
est quæstio-
num juris.

In tomos
duodecim
distributa.

Theologiæ novæ, de Deo in se. In quâ scilicet consideratur, Deus in se unus, & trinus; rûm absolutè, & præscindendo à divinis personis; rûm respectivè ad personas divinas, & altissimùm sanctissimæ Trinitatis mysterium.

Primam partem sequetur altera. In quâ consideratur Deus in Christo, est enim Christus *primogenitus antè omnem creaturam*, & decretum prædestinativum Christi, in serie decretorum divinorum, primum locum tenet. Sed quia Mater à Filio, Maria à Christo disjungenda non est, Deum in Christo, & Deum in Mariâ, uno eodemque Tomo sociabimus.

Tertia pars, quæ Deum in creaturâ considerat, in Tomos plures dividetur, ut ferè solet arbor, ab unâ radice simplici, aut ab uno trunco, in plures ramos dispergi: nam Deus in creaturâ spectari potest, secundùm ordinem Naturæ, secundùm ordinem Gratia, & secundùm ordinem Gloriæ.

Ordini naturæ, duo Tomi destinantur. Unus Deum Creatorem contemplabitur, in creaturâ triplici; Deus enim, ut docet Concilium Lateranense, sub Innocentio. 3. c. 1. *Creator omnium visibilium & invisibilium, spiritualium & corporalium, suâ omnipotenti virtute, simul ab initio, utramque de nihilo condidit creaturam, angelicam & mundanam, ac deinde humanam, quasi communem ex corpore & spiritu constantem.* Hic ergò primùm differendum erit de naturâ Angelicâ; nam hæc cætera omnia quæ Deus condidit, naturæ dignitate præcedit: deindè de opere sex dierum. Postremò de creatione hominis, & statu multiplici naturæ humanæ; in cujus consideratione, homini Theologo præcipuè immorandum

immorandum est. Alter Tomus Deum contem-
plabitur directorem hominis, seu per legem,
Regulam objectivam & remotam actionum hu-
manarum, seu per ipsam hominis conscientiam,
Regulam formalem proximam. Tractandum hîc
erit, de lege, de conscientia, & de actionibus
humanis, per legem & conscientiam regulandis.

Ordini gratiæ destinantur Tomi sex. In pri-
mo, apparebit Deus sanctificator, hominem à
peccato justificans per gratiam suam; sanctifi-
catio enim & justificatio, præter remissionem
peccatorum, multiplex gratiæ donum importat.
Agendum hîc erit de peccatis, & gratiâ. In
duobus tomis sequentibus, apparebit Domi-
nus Deus virtutum. Agetur in uno, de virtutibus
divinis, seu Theologicis: sunt autem juxta Apo-
stolum, *Fides, Spes, Charitas, tria hæc.* Agetur *Prima ad*
in altero, de virtutibus moralibus, quibus fit, *Cor. c. 13.*
per gratiam Dei Salvatoris nostri; ut sobriè, justè *Epist. ad*
& pie vivamus in hoc sæculo, Officia nostra om- *Titum c. 2.*
nia implentes, ergà Deum, ergà nosmetipsos,
ergà proximum. Reliqui tres tomî occupabun-
tur, consideratione Sacramentorum novæ legis,
quæ sunt fontes salvatoris, & instrumenta gra-
tiæ. Primus post tradita principia generalia Sa-
cramentorum, tria Sacramenta explicabit, quæ
ad statum integritatis servandum pertinent,
Baptismum scilicet, Confirmationem & Eucha-
ristiam. Secundus in duobus Sacramentis insi-
stet, Pœnitentiâ & Extremâ-Unctione; quibus
Sacramentis status integritatis reparatur. Ter-
tius duo postrema sacramenta persequetur, Or-
dinem & Matrimonium, quæ spectant bonum
communitatis. In ordine autem, de Ecclesiasticâ

Hierarchiâ, de Beneficiis, Censuris Ecclesiasticis, commodè disputabitur.

Ordini Gloriæ sufficiet unus tomus, in quo Deus representabitur glorificator bonorum, & malorum vindex. In eo nimirum agetur, de æternâ beatitudine Electorum & Reproborum æternâ damnatione. Atque ità prima series Quæstionum Theologicarum claudetur.

In distributione autem istâ Materiæ Theologicæ, hoc observavimus: ut tractatibus Theologicis, qui in scholis dictantur, Tomi aliquot nostri respondeant; quò scilicet Theologia nova, Alumnorum nostrorum usui meliùs accommodetur. Quòd si numerentur Tomi plures, quàm dictari soleant Tractatus, neminem tamen deterrire debet ista Tomorum multitudo, aut nobis suspicionem facere prolixitatis; quia nimirum, præter Theologiam speculativam, moralem quoque & practicam, serie nostrâ comprehendimus. Nam nos, si Deus dederit, inter jejunam obscuramque brevitatem, & diffusam fastidiosamque prolixitatem, medium tenentes, nec ità breves erimus, ut nihil dicamus, aut dicendo aliquid, non intelligamur; nec ità prolixi, ut vel pauca dicamus pluribus, vel nimis multa dicendo, lectorem ebruamus.

Altera verò
series, quæ
series est
quæstio-
num facti,
in sex To-
mos.

Altera series Quæstionum Theologicarum, quæ series Quæstionum facti est, sex omninò tomis definietur: paucioribus, ut vides, quàm series Quæstionum Juris; quia non cuilibet Quæstioni Juris, responderi sua quæstio Facti: multa enim sunt Theologica dogmata, de quibus nulla, aut levis admodum controversia fuit. In hac autem serie disponendâ, non ordinem temporis sequemur, ut Annalistæ faciunt,

nōn ordinem naturæ, aut dignitatis, ut ferè sequuti sumus, in serie Quæstionum Juris; Sed ordinem relationis, eum scilicet quem habent inter se Quæstiones Facti, relativè ad Quæstiones Juris, quarum sunt veluti appendices.

Primus igitur Tomus fundamentalis erit, Organo Theologiæ respondens; ubi tractabuntur quæstiones Facti generales, de Atheismo, Polytheismo, Deismo, Judaismo, Mahumetismo, Christianismo; de Scripturâ, Traditione, Conciliis, Pontificibus, & si quæ aliæ annexæ sunt, quæstionibus Juris generalibus, in Organo Theologiæ tractatis. Secundus Tomus respondebit primæ parti de Deo in se; & habebit gravissimas Facti controversias, de Deo Uno & Trino. Tertius Tomus respondebit secundæ parti, de Deo in Christo, & celeberrimas, quæ de Christo sunt, Facti Quæstiones complectetur. Tres Tomi sequentes, tertiæ parti de Deo in creaturâ respondebunt. Unus quæstiones Facti, ad ordinem naturæ spectantes expediet. Alter quæstiones omnes facti Sacramentales continebit: postremus reliquas omnes colliget, sive ad ordinem Gratiæ, sive ad ordinem Gloriæ pertineant.


Sed ne quid, ad universam Religionis scientiam desideretur; quæstionibus Juris & quæstionibus Facti, pro complemento accedet summa quædam scripturæ, dialectico more tractatæ; quæ summa, quidquid in scripturâ difficile, ac præcipuum est, per selectas Theses digestum, & ex patrum sensu disputatum complectetur: observavi enim longo usu, nihil ferè teneri melius, quàm quod acrius disputant.

Accedet
pro complemento
scientiæ
religionis,
summa
scripturæ
dialectico
more tractatæ,
duobus tomis comprehensâ.

36 *Distributio Materiae Theologicae.*

tatum fuit ; quo modo nullius boni possessio, firmior esse solet ; quàm quod post longam litem , contentiosè nobis adjudicatur. Tota ista res duobus tomis conficietur. Unus erit pro Testamento Ueteri. Alter pro Novo ; qui si prioribus addantur, viginti omninò tomis, universam scientiam Religionis comprehensam habebimus.

Circà quam distributionem, tria supersunt quæ monere velim. Primùm est. Quæstiones Juris, à quæstionibus facti, ità nos secernere ; ut tamen , in quæstionibus juris tractandis , aliquid interdùm facti se immisceat, & vicissim, in quæstionibus facti, aliquid juris : sunt enim duæ istæ series quæstionum, instar gentium finitimarum, quæ intrà suos fines non ità se continent, ut non una in alteram aliquandò excurrat ; aut duorum instar fluminum, eodem alveo currentium, quæ se non modò contingunt, sed aquas interdùm suas permiscunt. Ista igitur divisio quæstionum eò solùm valebit, ut in serie quæstionum Juris, nullam facti quæstionem, & in serie quæstionum facti, nullam Juris quæstionem ex professo tractemus. Alterum est. Facturum me, ut Theologia hæc nova, non grandioribus voluminibus diffusa, ad stuporem magis aut terrorem, quàm ad usum orbis Litteratorum, sed minoribus coacta tomis, in lucem prodeat, quò possit esse ad manum, & faciliè circumferri. Tertium est. Si Deus dederit, opus absolvere, tùm verò permissurum me, ut tomi singuli, ubi per ora & manus eruditorum dispersi, satis discurrerint ; in unum corpus colligantur, & in Bibliothecis pro suo jure quiescant.



O R G A N U M
 NOVÆ THEOLOGIÆ
 CUM HISTORIA SOCIATÆ.

T O M U S P R Æ A M B U L A R I S
 E T S I N G U L A R I S.

ORGANUM Theologiæ, est quædam in Theologiam introductio, seu generale instrumentum; quo Theophilus quisquis ille est, disponitur & præparatur, ad solidam Theologiæ cognitionem obtinendam. Nam in eo traduntur prima principia Religionis, & quasi fundamenta jaciuntur, quibus Christiana Theologia innititur, & sine quibus ruere totam necesse est. Opus planè singulare, & imprimis utile; Tùm, ad quoscumque Infideles, Atheos, Polytheos, Deistas, Mahumetanos in Christianismum vocandos; tùm, ad Hæreticos in sinum Ecclesiæ, ubi verus est Christianismus, reducendos; tùm ad firmandos in suâ Religione veros fideles; tùm deniquè, ad parvulos nostros, seu *Sacra Doctrina novitios* ut eos ap- *In prologo*
 pellat Sanctus Thomas, sensim & gradatim *1. part.*
 in arcana Theologiæ introducendos: est enim *Sum.*
 Organum hoc, velut quoddam Tyrocinium, *Theol.*

C iij

& vestibulum Theologiæ, in quo non pigebit hæcere aliquamdiu, antè ingressum. Nam cum Theologiæ solemne sit, tum ad dogmata sua stabilienda, tum ad convellenda extraneæ; argumenta promere ex Scripturâ, ex Traditione, ex Patribus, ex sensu Ecclesiæ, imò interdum ex ratione humanâ & naturali; cavendum est Theophilo, ne ad Theologica dogmata antè progrediatur, quàm bene lustraverit ista omnia Theologicorum dogmatum fundamenta; satisne solida sint, ut in eis acquiescere prudenter possit.

Organum istud Theologiæ, novem omnino quæstiones complectetur, Theologiæ præambulas & fundamentales. 1^a. Erit de Existentiâ Dei, quæ in Theologia non propriè demonstrat, sed contrà Atheos demonstratam supponit. 2^a. De Unitate, seu Singularitate Dei, quæ ex solis naturæ principiis, contrà Polytheos decidenda est. 3^a. De Summâ Dei loquentis Authoritate, in quâ contrà Libertinos fides nostra fundatur. 4^a. De Divinitate Doctrinæ Christi, per quem Deus plenè locutus est, repetens quæ antè dixerat per Prophetas, & nova superaddens. 5^a. De verâ Ecclesiâ Christi, quatenus divinæ ipsius Doctrinæ fidelissima custos est. 6^a. De Scripturâ simul, & Traditione divinâ: in utrâque enim continetur Doctrina Christi: utriusque Ecclesia custos est; in utrâque jus Theologicum consistit; ex utrâque quæstiones fidei definiuntur. 7^a. De viâ duplici veræ Scripturæ, & Traditionis cognoscendæ: una est unanimis sensus Patrum. Altera, sensus Ecclesiæ, seu per orbem diffusæ, seu in Concilio

congregatæ, seu in suo capite adunatæ. 8^a. De censurâ Theologicâ, quâ Doctrina aliqua fidei opposita notari solet. 9^a. De Ratione & Autoritate humanâ, quatenus in Theologiâ locum habet; nos enim Christiani Theologi, itâ captivamus intellectum *in obsequium fidei*, ut *rationabile sit obsequium nostrum*.



QUÆSTIO PRIMA.

De existentia Dei.

AN sit Deus, quæstio est, quæ primâ specie, & inutilis, & impia videri possit: De existentia Dei inutilis quidem; nam quæ aperta sunt, & in Deo manifeste posita, de his nullam habere quæstionem sapienter monet Clemens Alexandrinus, *velut cum dies est, utrum dies sit*; Divinitas autem in manifesto est: impia verò; quia videtur impiè, de illo quæstionem movere, de quo impiè impium est dubitare: est autem impium dubitare de existentia Dei; adde ut apud ipsos Mahumetanos, Sancti Thomæ Doctoris Angelici Summa Theologica publicè combusta dicatur, quòd primæ partis secunda quæstio, hunc titulum præferat, *An Deus sit*. Re tamen ipsâ, quæstio de existentia Dei, non modò utilis & necessaria est, sed etiâ à Christianis Theologis piè admodum Instituta. Utilis quidem, & necessaria est propter Atheos, qui Deum negantes existere, *suscipiunt impietatis genus omnium maximum*, Ut loquitur Philo Judæus; à quo

De exi-
stentiâ
Dei
disputari
potest.
Lib. 5.
Strom.
Utiliter &
piè.
1. De Mo-
narch.

impietatis genere, omni opere revocandi sunt. Piè verò à Christianis Theologis instituitur, quia in illis non supponit dubitationem ullam propriè dictam, seu hæsitationem ex timore errandi venientem, sed dubitationem dumtaxat practicam, impropriè dictam, hoc est, piam quandam voluntatem inquirendi argumenta existentiae Dei, ex affectu divinitatis omnibus demonstrandæ. Quamvis enim, & impium, & fortè impossibile sit, dubitare propriè de omnibus, sapiens tamen præceptum est, dubitare practicè, seu perindè examinare momenta singulorum, ac si reipsâ de singulis dubitaretur. Quærent ergò Christiani Theologi, *An Deus sit*, non quòd ipsi dubitent an sit, sed ut aliorum dubitationem, aut tollant, aut præveniant: nec tam quærent, an sit Deus, quàm quæ sit via demonstrandæ illius existentiae. Quæstionem totam reduco ad duo capita. Primum est. An Existentia Dei sit saltem mediatè evidens, & per discursum demonstrabilis. Alterum. An Existentia Dei, etiàm immediatè evidens sit, & per se nota.

CAPUT PRIMUM.

*An existentia Dei sit saltem mediatè evidens,
& per discursum demonstrabilis.*

Termini
quæstionis
explican-
tur.

PRæmitto 1º. Dei nomine intelligi, primum aliquid, necessarium in existendo, perfectissimè intelligens, & ità independens à cæ-

teris omnibus, ut ab eo cætera omnia dependen-
deant. Hæc est Dei notio popularis, in quâ ^{Quid no-}
omnes ferè homines conveniunt : nam ^{mine Dei} *quare*,
inquit Tertullianus, *quid sit Deus, & non* ^{intelligi-}
aliter invenies ; ^{Lib. 1.} *quantum humana conditio de Deo*
definire potest, id definitio, quod & omnium conf- ^{contra}
scientia agnoscat ; *Deum, summum esse magnum, Marcion:*
in æternitate constitutum, innatum, infectum, sine ^{c. 4.}
initio, sine fine, &c. Hanc Dei notionem ad-
mittunt ipsi Athei, Deum eatenus negantes,
quatenus negant esse aliquid summum ma-
gnum. In hac ergo notione nobis sistendum
est ; nec omninò curandum, si qui fortè in-
stitutionem vocum ignorantes, alias quasdam
extraneas, & singulares ideas supponant.

Præmitto 2^o. Objectum denominari evidens, ^{Quid sit}
ab evidentiâ actûs, per quem attingitur. Est ^{objectum}
autem evidentiâ actûs, adhæsiò quædam firma ^{evidens.}
ad objectum, orta ex clarâ perceptione obje-
cti. Dicitur ergò objectum evidens, quod
atingitur per actum evidentem. Dicitur verò ^{Quid evi-}
evidens mediâtè, cui intellectus firmiter & ^{dens me-}
clarè adhæret, propter medium, à quo lucem ^{diatè,}
accipit, & in quo apparet. Ità conclusiones ^{Aut de-}
ex primis & immediatis principiis deductæ, ^{monstra-}
evidentes sunt mediâtè ; quia illis firmiter, & ^{bile.}
clarè assentitur intellectus, propter prima
principia à quibus lucem accipiunt, & in qui-
bus apparent. Hinc sequitur, objectum me-
diâtè evidens, esse objectum demonstrabile :
dicitur enim demonstrabile, id quod demon-
strari potest, seu evidenter ex alio ostendi.
Omnis autem demonstratio reduci solet ad
duas species. Ad *demonstrationem à priori*, ut ^{Demon-}
^{stratio}
^{quotuplex.}

loquuntur, & ad *demonstrationem à posteriori*: quia nimirum, medium in quo apparet objectum demonstrabile, vel est causa objecti demonstrabilis, & aliquid illo simpliciter prius, vel non est causa objecti demonstrabilis, nec aliquid illo prius simpliciter: nam si causa est, fundat *demonstrationem à priori*; si causa non est, sed effectus, vel aliquid non simpliciter prius, fundat *demonstrationem à posteriori*, ut appellant, quæ interdum commodius appellaretur, *demonstratio à simultaneo*: quando scilicet, medium cum objecto demonstrabili connexum, nec prius est, nec posterius, sed simul naturâ cum objecto demonstrabili. Cæterum tota vis demonstrationis in eo est, quod vel ex positione medii inferatur evidenter existentia objecti cum medio connexi, vel ex supposita negatione objecti demonstrabilis, ostendatur sequi aliquid impossibile, aut manifestè falsum. His ita præmissis pro terminorum explicatione, sit.

In quo sit
vis demon-
strationis,

Quæstio
dicitur.

Decisio
congruit
communi
sensui sa-
pientum.

Thesis unica. Existentia Dei est evidens saltem mediatè, & per discursum demonstrabilis; idque tantâ abundantia claritatis, ut in mediâ luce, & quod ait Psalmista, in ipso sole videatur Deus posuisse tabernaculum suum. Ità omnes sapientes, tum Gentiles, tum Christiani, ultrò profitentes, cognitionem Dei esse unicuique obviam, & cum magnâ luce, in omnium oculos obtrudentem se, & velut insipientem. Nam *Deum existere*, ait Tullius, *qui dubitat, haud sanè intelligo, cur non idem, sol sit, an nullus sit, dubitare possit*. Lactantius verò noster, illos, inquit, *qui nullum*

omnino Deum esse dixerunt, non modo Philosophos, sed ne homines quidem fuisse dixerim, qui brutis simillimi, ex solo corpore constiterunt, nihil animo cernentes. Sed ut constet sensus iste sapientum, & clarè omni homini pateat, quàm sit evidens & demonstrabilis existentia Dei; tentare placet, & experiri demonstrationem Dei multiplicem: non enim melius apparere potest rei demonstrabilitas, quàm ipsâ demonstratione. Priùs tamen quàm ultrà progrediar, moneo in demonstratione Dei peccari multipliciter. Primò enim peccatur nimîâ, nec satis solidâ subtilitate aliquorum, qui sensibiles paralogismos faciunt, aut demonstrationes afferunt adcò subriles, ut omnem intelligentiam fugiant: ità contrà causam Dei, quâ nulla melior est, præjudicium sæpè fit inepta ratio defensionis. Secundò. Peccatur ab iis, qui veras solidasque demonstrationes, libidine contradicendi rejiciunt, & labefactare student, homines in hoc nati, ut evellant & destruant, nihil ædificent, aut plantent: Atheorum causam agunt, ingenia hæc in speciem fortia; nec satis attendunt, sacrum esse debere & inviolatum, quidquid Deo servit, & militat. Tertiò. Peccatur nimîâ quâdam causæ diffidentia: sunt enim, qui solis fidei principiis agere volunt, quasi ad demonstrationem Dei, lumen naturale non sufficeret; parùm considerantes, quod ait Tertullianus, conscientiam Dei *dotem esse animæ à principio*, & intrâ naturæ terminos contineri; nec apud Atheos, quibus cum disputamus, fidei principia quidquam valere, Ergò, ne in ea vitia incurra-

In demonstratione Dei peccatur.

Primò. nimîâ subtilitate.

Secundò libidine contradicendi.

Tertiò. nimîâ causæ diffidentia.

mus, quæ reprehendimus; nec tricabimur ipsi, nec in aliorum tricis multum immorabimur, sed sincerè, & solidè Deum demonstrabimus; idque ex solo lumine naturali: Atheis scilicet, hominibus divinæ linguæ ignaris, fidei loco, delegantes rationem fidei ancillam, intelligibilius, & quasi vernaculè loquentem. Nec una tantum Dei demonstratio, sed mundus, ut ita dicam, demonstrationum præstò erit, & contra *insensatos*, hoc est Atheos, triplex pro Deo Mundus pugnabit, Mundus Intellectualis, Mundus Physicus, & Mundus Moralis, Mundum Intellectualem appello, complexionem intellectualium idearum, quas invicem comparando quisque intelligens, Deum statim inveniet, etià sine attentione ad actualem rerum existentiam. Mundus Physicus, est universitas rerum existentium, quàm universitatem quicumque intueri velit, & philosophari, Deum facilè, & sine ullo negotio intelliget. Mundus denique Moralis, est complexio principiorum moralium, seu ad mores hominum, & rectam vitæ humanæ Institutionem pertinentium; nam ea principia manifestum est, sine Deo stare non posse. Triplicem igitur instituo ordinem demonstrationum. Aliæ ex Mundo Intellectuali, aliæ ex Mundo Physico, aliæ ex Mundo Morali veniunt.

Haberi potest demonstratio Dei multiplex. Nam pro Deo pugnat triplex quasi mundus. Intellectualis.

Physicus.

Moralis.

Pro mundo illo triplici. Triplex instituitur ordo demonstrationum Dei,



ARTICULUS PRIMUS.

Demonstrationes ex mundo intellectuali petitz.

POnamus vivere hominem solum, & à conspectu mundi istius visibilis longè positum; attendat ille in suâ solitudine, ad ideas suas mentales, easque invicem compareret; in istâ comparatione Deum protinùs inveniet. Nec multis Ideis opus habebit. Sufficient, Idea Entis Perfectissimi, Idea Necessarii, & Idea Contingentis. In pauculis illis Ideis, totum negotium erit, quòt enim fient illarum idearum comparationes, aut contemplationes, tot ferè occurrent clarissimæ demonstrationes Dei. Prospiciamus ergò solitarium nostrum, ex Ideis suis subtiliter, & solidè ratiocinantem; eique*, si fieri potest, demonstrationes aliquas suffuremur.

Primus ordo demonstrationum ex mundo intellectuali.

Sive ex aliquot ideis intellectualibus inter se comparatis.

§. I.

Prima demonstratio existentia Dei ex ideâ entis perfectissimi.

DEus est ens perfectissimum, ergò existit. Antecedens probandum non est, continet enim solam Dei notionem, de quâ ipsi Athei conveniunt. Consequentia verò sic demonstratur. Ens perfectissimum; si possibile est, existit; Atqui Ens perfectissimum possibile est. Ergò existit. Major propositio, est evidens: nam si non existeret Ens perfectissimum, jam

Prima demonstratio ex ideâ entis perfectissimi.

perfectissimum non esset, existere enim melius est, quam non existere, Ergo perfectissimum simul esset, & non perfectissimum, ac proinde chimericum: igitur Ens perfectissimum, si possibile est, necessarid existit. Atqui manifestè possibile est Ens perfectissimum: nam Ens perfectissimum est habens omnem perfectionem possibilem, quod autem habet omnem perfectionem possibilem, ipsum possibile est; perfectio enim possibilis, haberi non potest, ab aliquo impossibili, ut ex terminis patet. Confirmatur 1°. Ens perfectissimum est aliquid, quo nihil melius esse potest, quocumque autem impossibili, potest esse aliquid melius; nam possibile melius est impossibili. Ergo Ens perfectissimum non est aliquid impossibile. Confirmatur 2°. Ens perfectissimum excludit à se omnem imperfectionem, impossibilitas autem, seu repugnantia ad existendum, summa quædam imperfectio est; est enim summa impotentia habendæ cujuscumque perfectionis. Ergo ens perfectissimum excludit à se impossibilitatem. Confirmatur 3°. Per Ideam impossibilis, destruitur ideâ perfectissimi; nam clarè apparet, quod est impossibile, non esse perfectissimum. Ergo perfectissimum non est impossibile.

Objicies. Non rectè infertur actualis existentia rei, præcisè ex ideâ mentali illius, Ergo solitarius noster, idearum suarum contemplator, ex ideâ quàm habet Entis perfectissimi, non rectè demonstrat actualem illius existentiam. Respondeo. Distinguo Antecedens. Non rectè infertur actualis existentia

rei, ex ideâ illius mentali, si in ideâ mentali, non videtur actualis, & necessaria rei existentia, Concedo. Si in ideâ mentali videtur actualis, & necessaria existentia rei, Nego Antecedens, & Consequentiam. Dico enim, in ideâ mentali entis perfectissimi, clarè videri actualem & necessariam existentiam subjecti sui; quia si Ens perfectissimum, actu & necessariò non existeret, jam perfectissimum non esset. Ergò idea perfectissimi, importat actualem & necessariam existentiam subjecti sui. Fateor quidè, ex ideis non rectè inferri, saltè communiter, existentiam rerum; quia sunt ferè ideæ rerum imperfectarum, in quibus non videtur existentia actualis, & necessaria ipsarum rerum: sed idea Entis perfectissimi, hoc habet singulare, ut in eâ clarè appareat actualis & necessaria existentia subjecti sui. Ergò ex ideâ Entis perfectissimi, rectè demonstrat solitarius noster, existere actu & necessariò Ens perfectissimum. Demonstratio autem tota fundatur in duabus regulis; quas ne Athei quidem negare possint, nisi negare velint prima ipsa principia, quæcumque evidentissima sunt. Prima autem regula est. Quoties in ideâ unius, clarè & necessariò includitur ideâ alterius, toties subjectum unius, convenit subjecto alterius. Ergò cum in ideâ Entis perfectissimi, clarè & necessariò includatur ideâ existentis, Ens perfectissimum debet esse actu & necessario existens. Altera regula est. Quoties ab ideâ unius, clarè & necessariò excluditur idea alterius, toties subjectum unius, disconvenit subjecto alterius. Ergò cum idea

Actualis
existentia
rei inter-
dum rectè
infertur ex
ideâ men-
tali illius,

Interdum
verò non
rectè in-
fertur.

perfectissimi ; clarè & necessariò excludat ideam impossibilis, perfectissimum non est impossibile.

Ex ideâ
Entis con-
tingentis
non rectè
infertur il-
lius exi-
stentia.

Instabis 1^o. Idea quam habemus, Angelici Doctoris meditantis Summam Theologicam, includit ideam Doctoris Angelici existentis ; non enim potest esse Doctor Angelicus meditans Summam Theologicam, nisi sit idem existens : atqui ex ideâ quam habemus, Doctoris Angelici Summam Theologicam meditantis, non rectè infertur existentia Doctoris Angelici ; est enim actu in mente nostrâ idea illa, neque tamen existit actu Doctor Angelicus. Ergò quamvis in ideâ entis perfectissimi, includatur idea existentis, non rectè infertur existere Ens perfectissimum. Respondeo nego Consequentiam, & paritatem. In ideâ enim quam habemus, Doctoris Angelici, Summam Theologicam meditantis, includitur idea Angelici Doctoris, existentis contingenter, & conditionatè tantùm, seu ex suppositione quòd sit cogitans ; quatenùs non potest esse cogitans, quin sit existens : sed non includitur idea existentis absolutè & necessariò, quia Doctor Angelicus non est absolutè & necessariò cogitans. At verò, in ideâ entis perfectissimi, importatur existentia, non contingens, aut conditionata tantùm, sed absoluta & necessaria : nam si Ens perfectissimum, non existeret absolutè & necessariò, jam perfectissimum non esset ; quia melius est, existere absolutè & necessariò, quàm existere contingenter, & conditionatè tantùm.

Ex ideâ

Instabis 2^o. Idea creaturæ perfectissimæ ;
includit

includit possibilitatem, neque tamen ex tali
 Ideâ, rectè inferitur possibilem esse creaturam
 perfectissimam; nam ferè creditur repugnare,
 aut certè dubitatur, an repugnet. Ergò quam-
 vis in ideâ perfectissimi, includatur possibili-
 tas, ex tali ideâ non rectè inferitur, possibile
 esse Ens perfectissimum. Respondeo. Magnum
 discrimen est, inter ideam creaturæ perfectissi-
 mæ, & ideam Entis perfectissimi. Nam idea
 creaturæ perfectissimæ, non includit simplicem
 possibilitatem existendi, sed possibilitatem ali-
 quam cum repugnantia conjunctam; creatura
 enim perfectissima importat terminos pugnan-
 tes, aut certè dubitatur an importet: nam
 creatura perfectissima, est creatura quâ Deus
 non potest facere perfectiorem, creatura au-
 tem quâ Deus non potest facere perfectiorem,
 terminos pugnantes includit; quia quocum-
 que dato, potest Deus facere aliquid perfe-
 ctius, ut probabile saltè est, ne dicam cer-
 tum (neque enim hîc quæstionem fieri velim,
 de possibilitate creaturæ perfectissimæ) At ve-
 rò idea perfectissimi, possibilitatem simplicem
 includit, sine ullâ repugnantia ad existendum.
 Ratio ulterior est, quia idea creaturæ perfe-
 ctissimæ, complexa est ex duobus terminis,
 de quibus dubitari potest, an rectè cohæreant;
 dubitari enim potest, an creatum rectè co-
 hæreat, cum perfectissimo. Sed idea Entis per-
 fectissimi, evidenter importat terminos benè
 cohærentes: est enim evidens, rationem entis
 rectè cohærere, cum ratione perfectissimi, quia,
 quod est perfectissimum, est maximè Ens, seu
 perfectissimam habet rationem Entis.

D

Idea entis
perfectissi-
mi termi-
nos pug-
nantes nul-
los habet.

Instabis 3^o. Idea perfectissimi terminos habet pugnantes ; sunt enim perfectiones aliquæ invicem pugnantes , ut , perfectio corporis , perfectio spiritus , Immutabilitas & libertas &c. quas tamen perfectiones habere debet Ens perfectissimum ; nam eas si non haberet , perfectissimum non esset. Respondeo 1^o. Ens perfectissimum habet quidem perfectiones omnes ; quæ meliores sunt perfectionibus oppositis , sed non formaliter habet eas perfectiones , quæ pugnant cum melioribus se , alioquin perfectissimum non esset. Quænam autem sint ejusmodi perfectiones , non est hujus loci definire. Respondeo 2^o. Quæcumque appareat repugnantia perfectionum divinarum , vel facilem solutionem habet , ut videbimus infra ; cum Dei mysteria , suis quæque locis conciliare conabimur , vel si qua nobis appareat insolubilis repugnantia , evidens est , eam in præsentî materiâ , nihil valere ; quia ex ipsis terminis notum est , si existat Deus , esse illum ita perfectum , ut omnem superet intelligentiam , ac proindè multa habere , in quibus hæret humanus intellectus : quod enim humano intellectu comprehendere potest , Deus non est. Hinc sequitur. Quidquid objiciunt Athei in speciem repugnans , Dei causæ favere magis , quàm præjudicare , apud quemcumque sapientem. Nam si , ut pulchrè ait Zeno Veronensis , *Deum quodammodo negat , quisquis rationibus humanis metiri conatur* ; Certè à contrariò , Deum quodammodo astruit , qui rationibus humanis Deum incomprehensibilem , & incommensurabilem repre-

sentat. Deum ergò astruunt Athei, cum maxime destruere volunt.

§. II.

Altera Demonstratio ex ideâ necessariâ.

ENs necessarium in existendo, existit, Deus est ens necessarium in existendo. Ergò Deus existit. Prima propositio patet, omni homini terminos penetranti; nam quidquid non existit, non est Ens necessarium in existendo: Ergò quod est Ens necessarium in existendo, existit. Altera verò, est ipse Dei conceptus: Dei enim nomine, significatur Ens aliquod necessarium in existendo. Confirmatur 1°. Tàm est evidens Deum existere, quàm sit evidens, non existere chimæram: est autem evidens, chimæram non existere; quia per chimæram intelligitur id, quod habet repugnantiam ad existendum, & ex terminis patet, non existere id quod habet repugnantiam ad existendum. Atqui nomine Dei intelligitur id, quod habet summam necessitatem existendi, Ergò evidens est Deum existere; quia tàm est evidens, existere id, quod habet summam necessitatem existendi, quàm sit evidens non existere, quod habet summam repugnantiam ad existendum, Confirmatur 2°. Necessitas existendi, est magna quædam perfectio; nam & melius est, habere existendi necessitatem, quàm non habere, & imperfectio est, esse obnoxium contingentie existendi: Atqui perfectio competit alicui subjecto possibili: nam quod est

*Secunda
Demon-
stratio ex
ideâ entis
necessaris.*

impossibile, non est capax perfectionis, Ergò necessitas existendi, competit alicui subjecto possibili, seu possibile est aliquod Ens, summam habens necessitatem existendi: Ens autem ejusmodi, Deus est.

Objicies. Ambæ præmissæ non sunt evidentes, nisi in sensu conditionato: nam prima quidè, importat conditionem possibilitatis, & facit hunc sensum. Ens necessarium in existendo existit, si possibile est. Altera verò, importat conditionem existentiae, & ità resolvitur, Deus est ens necessarium in existendo, si existit. Quo ferè modo ista propositio, Petrus est homo, importat conditionem existentiae, & facit hunc sensum. Si existit Petrus, est homo. Atqui ex propositionibus conditionatis, inferri non potest absolute existentia Dei. Ergò, &c. Respondeo. Ambæ demonstrationis præmissæ evidentes sunt, non tantum in sensu conditionato, sed etià in sensu absoluto. Prima quidem, quia possibilitas non est separabilis à necessitate existendi, sed in ipsâ existendi necessitate includitur; est enim evidens, necessitatem existendi, esse perfectionem aliquam possibilem, quia melius est, habere necessitatem existendi, quàm non habere. Id quod puto, omni homini benè rationali, & terminos intelligenti esse clarissimum. Quare ista propositio, *Ens necessarium in existendo existit*, tam est evidens in sensu absoluto, quàm sit evidens ista in sensu absoluto, *Quod non potest existere, non existit*, nec magis una importat conditionem possibilitatis, quàm altera importet conditionem re-

Hæc propositio *Ens necessarium in existendo existit*, Evidens est etiam in sensu absoluto.

pugnantia: sicut enim impotentia existendi, est formaliter repugnantia ad existendum, ita necessitas existendi, est formaliter existendi possibilitas. Quod pertinet, ad alteram demonstrationis præmissam. Dico pariter evidenter esse in sensu absoluto; quia existentia non est separabilis à necessitate existendi, sed in illâ includitur, sicut non existentia includitur in impotentia existendi. Ergo tam est evidens absolutè, Deum habere necessitatem existendi, quàm sit evidens absolutè, chimæram non posse existere. Hinc apparet magnum discrimen, inter propositionem nostram, & propositionem in objectione allatam: nam hæc quidém, & aliæ similes, quarum termini contingentes sunt, important conditionem existentia; quia scilicet illorum termini separabiles sunt ab existentia, seu possunt non existere; at verò propositio nostra, non importat conditionem existentia, quia terminos contingentes non habet, & necessitas existendi, non est separabilis ab existentia.

Et hæc quoque in sensu absoluto evidens est. Deus est ens necessarium in existendo.

§. III.

Tertia Demonstratio ex ideâ contingentis.

Quidquid possibile est, vel est contingens, vel necessarium; sed non omne possibile contingens est. Ergo est aliquod ens necessarium. Pater veritas majoris propositionis: quidquid enim possibile est, vel necessitatem habet existendi, vel non habet. Si habet, est necessarium; si non habet, contingens est. Minorem autem sic ostendo. Ratio contin-

Tertia demonstratio ex ideâ contingentis.

gentis in eo consistit, quodd res ita possit esse; ut possit etiam non esse; Atqui non omne possibile ita potest esse, ut possit etiam non esse: nam si omne possibile potest non esse, supponamus reipsa non esse, seu nihil esse eorum quæ possible sunt; in eâ suppositione, quæ manifestè possibilis est, si omnia possible contingencia sint, jam omnia possible, erunt impossibilia; impossibile enim est, quod habere esse non potest, sed nihil eorumquæ possible sunt, poterit habere esse: nam vel esse haberent à se ipsis, vel ab alio. Non primum, quia nihil potest dare sibi primum esse, alioquin esset, antequàm esset. Non secundum, quia nihil est, à quo primum esse accipiant. Suppositio enim fert, in rerum naturâ nihil omnino esse. Vides ex negatione Entis necessarii, quàm clarè sequatur impossibilitas contingentium. Confirmatur. Omne contingens, indiget accipere esse ab alio, quia non habet à se; sed non omne possibile indiget accipere esse ab alio, est enim origo, & fons omnis contingentis, fons autem & origo contingentis, non indiget accipere esse ab alio: nam si ab alio; acciperet, vel acciperet contingenter, vel necessariò. Si contingenter, Ergò non est origo omnis contingentis, non enim est origo sui ipsius. Si necessariò, Ergò est ens aliquod necessarium; necessitatem enim habet existendi, quod habet necessitatem communicandi alteri existentiam, non enim potest communicare existentiam, nisi existat, & eadem necessitate existit, quâ existentiam communicat.

Objicies 1^o. Non satis apparet, omne contingens debere esse ab alio. Quidni enim possit esse à se ipso? Respondeo. De ratione contingentis est, ut sit indifferens ad existendum, & non existendum. Ergò ut existat ens contingens, debet tolli ejus indifferentia, seu determinari debet ad existendum: atqui in nostrâ hypothesi, nihil erit per quod tollatur indifferentia entis contingentis; non enim tollitur per ipsum contingens, quod indifferens est ad existendum, & non existendum; sed neque tollitur per aliquid aliud, quia hypothesi nostra fert, nihil omninò esse in rerum naturâ. Ergò non nisi stultè dicitur, ens contingens posse esse à se ipso. Quare superest, ut sit aliquod ens necessarium, à quò contingentia suum esse accipiant, & ad existendum determinentur.

De ratione contingentis est ut sit ab alio.

Objicies 2^o. Esto omne contingens esse debet ab alio; nihil tamen necesse est, statuere certum aliquem fontem omnis contingentis, in ipsis enim contingentibus inveniri potest causa contingentium: si nimirum ipsa contingentia, sibi mutuo dent esse, & accipiant, juxtâ Doctrinam mutuae causalitatis, in Philosophiâ satis communem. Respondeo. Dubitatur quidè apud Philosophos, an sit possibile mutua causalitas quoad secundum esse, sed nulla est probabilis Philosophia, quæ non rejiciat mutuam causalitatem quoad primum esse, saltè in genere causæ efficientis Physicæ. Quia evidens est, causam efficientem Physicam præexistere effectui suo, seu habere aliquod esse ante effectum suum: Ergò evi-

Omninò necesse est statuere fontem aliquem omnis contingentis.

dens est causam efficientem Physicam; non accipere primum esse ab effectu suo. Neque nos morabitur Atheus mutuâ illâ causalitate, quam nonnulli agnoscunt, in diverso genere causæ; tùm quia versatur quæstio nostra in genere causæ efficientis, in quo genere nemo Philosophus mutuam causalitatem admittit; tùm quia mutua illa causalitas in diverso etiam genere causæ, tela quædam arancarum est, subtiliùs texta, quàm solidiùs: nam quis telam perrumpens, clarè non videat, existentiam effectus semper, & necessariò præsupponere causam suam Physicam, cujuscumque generis illa sit, seu efficiens, seu materialis; ac proindè non posse dare primum esse causæ suæ, seu efficienti, seu materiali.

Objicies 3^o. Repugnet mutua causalitas, non repugnat certè infinita series contingentium, in quâ serie nullum sit contingens, quod non habeat esse ab alio contingente. Ergò ex ideâ contingentis, non satis demonstratur ens necessarium, quod sit fons, & origo omnis contingentis, Respondeo. 1^o. Nihil opus est, Atheos insequi ad præruptam istam, & caliginosam infinitatem fugientes; est enim desperatorum hominum perfugium, qui ne existentiam Dei admittant, admittere coguntur aliquid longè difficilius existentiam Dei; Respondeo 2^o. Omnium Scholarum principibus visa est olim, hodièque videtur innumeris eorum sequacibus, apertè repugnare infinita series contingentium. Ergò saltèm respectu illorum, ex ideâ contingentis habetur inclusi-

Series infinita contingentium captu difficilis.

Impossibile.

Stabilis demonstratio existentiae Dei. Quae res nos etiam movit, ut eam partem in Philosophia sequeremur : quamvis enim Deo *periculum non sit status sui* (ut loquitur Tertullianus) sapienti tamen , & zelum Dei habenti , seu Philosopho , seu Theologo faciendum est ; ut in delectu sententiarum, eas sequatur, quae magis favent causae divinitatis. Respondeo 3^o. Admissa etiam serie infinita contingentium , demonstratio nostra , quamvis multo minorem habeat vim , retinet tamen sufficientem. Sic enim argumentor. Series illa infinita contingentium , vel existit necessario , vel contingenter : si contingenter , Ergo tota potuit non esse , ac proinde tota causam habet , per quam producta est : si necessario existit , Ergo est aliquod ens necessarium in existendo , quod Atheis non placet. Deinde , vel existit necessario , secundum omnes sui partes , quod dici non potest , alioquin non esset series contingentium , ut supponitur esse : vel existit necessario , secundum aliquas tantum , easque certas & determinatas , quod est contra suppositionem ; supponimus enim nullam esse seriei partem , quae contingens non sit. Vel denique existit necessario , secundum aliquas partes disjunctivè & indeterminatè , quod per se ridiculum est ; est enim ridiculum , admittere necessitatem disjunctivam entium contingentium , quae in nullo fundetur. Confirmari potest : quia si in serie infinita contingentium , quodlibet accipiat esse ab alio , tota series indigebit aliquo alio extra ipsam posito , Rem demonstrat vir magnus sensibili

Et si forte
possibilis
est, necessa-
rio causam
habet extra
se positam.

„ exemplo. Nam sicut multitudo mendiculo-
„ rum, quorum quilibet mendicare debet ab
„ alio, ità ut nullus sit, qui pecuniam habeat
„ de suo; non est ipsa sibi sufficiens, & mani-
„ festum est, fieri non posse sibi sufficientem,
„ per solam multiplicationem mendiculorum sibi
„ insufficientium: ità manifestum est, multitu-
„ dinem entium contingentium, quæ propriè
„ mendicantia sunt, & ab alio suum esse ac-
„ cipiunt, sufficientem non esse sibi ipsi, ne-
„ que fieri posse sufficientem, præcisè per mul-
„ tiplicationem entium mendicantium, & sibi
„ insufficientium: quia nimirum ratio insuffi-
„ cientis multiplicatur, per additionem nova-
„ rum rerum insufficientium. Ergò per eam
„ præcisè additionem, tolli non potest à col-
„ lectione ratio insufficientis, seu collectio fieri
„ non potest, de insufficienti sufficiens. Manet
„ ergò tota series contingentium insufficientis sibi,
„ seu indigens accipere esse ab alio, ac proindè
„ necesse est recurrere ad fontem, & originem
„ omnis contingentis. Certè sicut pecunia illa
„ precaria, quæ de uno mendiculo transfret in
„ alium, non de fundo collectionis mendiculo-
„ rum, sed aliundè veniret, ità quaecumque
„ illud esse, quod unum contingens alteri trans-
„ mittit, originem non habet, in serie contin-
„ gentium; sed ex alio quodam fonte derivatur.
„ Verùm hæc fortè subtilia nimis, & Metaphy-
„ sica: ad Physica, & magis sensibilia venia-
„ mus.

ARTICULUS II.

*Demonstrationes existentia Dei ex mundo Physico
& naturali deducta.*

INterpellemus ergò solitarium nostrum. Jàm satis secum ipse, & cum ideis suis collocutus est : introducamus hominem, in istam rerum sensibilibus universitatem, & de contemplatione Idearum suarum, ad mundi visibilis contemplationem transferamus. Quid non arguet ille pro Deo suo, ad primum totius mundi intuitum ? quid non, cùm singulas mundi partes lustrabit ? quid non, ubi forè in mundo portenta, & signa extraordinaria occurrent. Sequamur sapientem spectatorem mundi, quòcumque ierit, atque, ut ille, intuendo, philosophemur.

Secundus
ordo de-
monstra-
tionum ex
mundo
Physico &
naturali.

§. I.

*Prima Demonstratio ex generali contemplatione
mundi.*

EST aliqua causa mundi, causa verò mundi Deus est, Ergò est Deus. Major propositio haberi potest pro demonstratâ ; quia mundus nec seipsum fecit, nec à seipso est, ut probant sensibiles mutationes, quibus est obnoxius : nam quod à se ipso est, sibi sufficit, ut tale sit ; quod autem sibi sufficit, ut tale sit, semper & necessariò tale est. Ergò quod à seipso est, est idem immutabile. Mun-

Prima de-
monstratio
ex generali
contempla-
tione mundi.

Deum
enim cla-
mar.

Opificium
mundi.

Dispositio.

dus autem iste non est immutabilis. Minor
 propositio apparet, ex primâ contemplatione
 mundi. Mundus enim statim apparet immen-
 sum aliquod opus, & mirabilis artificii ple-
 num, quod esse non potest, nisi à causâ, &
 sapientissimâ ad delineandum, & potentissimâ
 ad exequendum; talis autem causa Deus est.
 Certè quodcumque opus artificiosum occurrer,
 subit statim cogitatio de opifice: nemo sta-
 tuam, aut picturam videt, qui statuarium aut
 pictorem non cogitet: nemo vestes, navim,
 aut ædes intuetur, qui non textorem, fa-
 brum, aut architectum intelligat. Ergò nemo
 mundum videre oculis potest, qui mundi opi-
 ficem intellectu non videat. Hæc ferè est ra-
 tiocinatio Philonis libro 1^o. De monarchiâ.
 Confirmatur 1^o. Ex ordine, & pulcherrimâ
 dispositione mundi; quia nihil tam pulchrè
 ordinatum esse potest, sine directione causæ
 alicujus intelligentis: in his enim quæ casu,
 & fortuitò fiunt, ordo non est, sed ordinis
 perturbatio. Id quod omni homini notorium
 est. Nam si quis superbum aliquod palatium,
 factum vellet ex fortuito lapidum concursu,
 si quis Virgilii Æneidem, Aristotelis Philoso-
 phiam; aut Summam Sancti Thomæ, coaluif-
 se diceret, ex characteribus fortuitò in Typo-
 graphi officinâ aliquandò convenientibus,
 verè insanire putaretur. Ergò quicumque mun-
 dum hunc visibilem factum fuisse, aut fieri
 potuisse fortuitò dixerit, insanire putandus est;
 quia rem dicit manifeste falsam, est enim
 evidens mundum ordinatissimum, opus esse
 causæ intelligentis, nec nisi à causa intelli-

gente fieri potuisse. Elegans est comparatio Gregorii Nazianzeni. *Quemadmodum, inquit, Orat. 4^o Cytharam videns bene dispositam, & concentum & 3. illius audiens, statim intelligit esse aliquem cytharadum; ita qui ordinem, & dispositionem mundi videt, rerumque naturalium quasi concentum audit, Deum esse intelligit, adeò ut nimis hebes, & stupidus sit, qui naturalium demonstrationum vestigia sequens, eò usque non progrediatur.* Confirmatur 2^o. Ex perseverantiâ mundi in suo, seu statu, seu motu regulari. Nam quod constanter, & eodem tenore fit, fortuitò, & casu non fit, ut patet experienciâ fortuitorum, & demonstrat Aristoteles in ipso talorum Jactu. *Tali enim, inquit, millies facti, impossibile est, ut coënsè Veneris signum, seu puncta septem, ad singulos factus constanter reddant.* Ergò perseverantia mundi, non est quid fortuitum, sed opus summæ intelligentiæ. Rem palpabilem facit Athanasius. *Ad consideratio-* Perseverantia, *nem, inquit, Civitatis, aut Reipublicæ benè instituta, iisdemque semper legibus viventis, occurrit statim princeps aliquis, aut moderatorem.* Contragent. *Ergò ad considerationem mundi, suas semper leges servantis, occurrit animo rector illius, & moderator Deus.* Demonstrationem totam eleganter complexus est Boëtius his verbis. *Mundus hic, ex Lib. 3 de consol. tam diversis contrariisq; partibus, in unam formam minimè convenisset, nisi unus esset, qui tam diversa conjungeret: conjuncta verò, naturarum ipsa diversitas invicem discors, dissociaret, atque divelleret; nisi esset unus, qui quod nexuit, comineret. Hoc, quidquid est, quo cuncta manent, atque agitantur, usitato vocabulo Deum nomina.*

Ineptè dic-
itur mun-
dus esse à
seipso.

Objicies 1^o. Cum Atheis, aut procuratori-
bus Atheorum. Non est satis evidens, mun-
dum non esse à seipso. Ergò demonstratio
non valet. Sed contrà 1^o. Omnia quibus con-
stat mundus contingentia sunt, Ergò & mun-
dus ipse contingens est, ac proindè indiffe-
rens ad existendum, vel non existendum,
Ergò necesse habuit determinari ab aliquo ad
existendum, non enim potuit determinari à
seipso. Contrà 2^o. Mundus iste evidenter
mutabilis est, quod autem mutabile est, non
est à seipso; nam quod est à seipso, habet
à se omnia necessaria, ut tale sit, Ergò sem-
per tale est; semper enim tale est, cui nihil
unquam deest, ut tale sit. Contrà 3^o. Videt
in se unusquisque hominum, quod incœperit.
Ergò videt quòd aliquandò non fuerit; quod
autem non fuit, facere seipsum non potuit,
ut ex terminis patet. Sed quod unusquisque
hominum de seipso videt, pronum est, ut ad
alia transferat.

Aut à se
ipso ince-
pisse.

Instabis. Potest intelligi ens, quod incipiat
necessariò à se, sicut potest intelligi ens æter-
num à se. Sed contrà. Quisquis ità objicit,
inaniter subtilis est: nam quidquid incipit,
aliquandò non fuit, ergò debuit transire à
non esse, ad esse; istius autem transitus debet
assignari aliqua causa, omnis enim mutatio-
nis debet esse aliqua causa: atqui istius mu-
tationis nulla causa esset. Non extrinseca, ut
supponitur: non intrinseca, quia ipsa res,
cum nihil esset, non potuit esse causa Physica sui
ipsius; est enim evidentissimum, quod nihil est,
nullius rei causam Physicam esse posse.

Objicies 2°. Mundus est ab Atomis, seu Ineptè ab
partibus quibusdam materiæ insensibilibus, Atomis
quæ per varias agitationes, in hanc tandè fortuitò
mundi formam visibilem fortuitò convene-
runt. Ergò nihil Deo opus est. Sed contrà. conve-
nientibus
Non responsionem, sed pœnam meretur stulta
hæc cogitatio. Probabilius dicerem ego, ex
concurſu Atomorum, quibus constat Atheus
ille, quicumque de grege Epicuri ità ob loquitur;
cùm fortè speraretur Homò futurus, casu nes-
cio quo, non nisi stolidam & irrationalem
pecudem provenisse.

Objicies 3°. Mundum, & ordinem mundi Ineptè à
à naturâ esse, est enim natura omnium pa-
rens. Sed contrà. Vel natura, est ipsemet
mundus, vel aliquid diversum à mundo. Si
primum. Cùm mundus non possit esse à se-
ipſo, esse non potest à naturâ. Si secundum.
Quæro quid sit ea natura, à mundo diversa.
Vel enim intelligentiam habet, vel non ha-
bet, si non habet, impossibile est, ut ab eâ
prodierit opus intelligentiâ plenum, quale
opus est mundus, si intelligentiam habet,
Deus est ipsa natura, inquit ex Senecâ La-
etantius, *Cum igitur ortum rerum tribuis, ac* Lib. 2.
detrabis Deo; in eodem Luto hæsitans, versu- c. 8.
ram soluis, à quo enim mundum fieri negas,
ab eodem planè fieri, mutato nomine, confi-
teris.



§. II.

Secunda Demonstratio existentia Dei ex contemplatione mundi partium singularum.

Secunda
demon-
stratio ex
contem-
platione
partium
mundi sin-
gularum.

Mundi Su-
perioris.

Jupiter est, quodcumque vides. Dictum est impium prophani hominis, significare volentis, hunc quem videmus mundum, Deum esse, & quodcumque in mundo est, esse aliquam partem Dei. Sed velim ego, prophanum dictum consecrare hodiè, & ità usurpare, ut sensus illius sit, non in mundo tantum integro, sed in singulis etiàm mundi partibus, expressam divinitatis imaginem apparere. Dividitur Mundus visibilis, in Superiorem & Inferiorem, seu in Cœlestem & Terrestrem, juxta illud Mosis, *In principio creavit Deus Cælum & Terram.* Atqui sive mundum Superiorem & Cœlestem, sive Inferiorem & Terrestrem contemplemur, Deum ubiquè intelligimus, ergò, &c. Ac 1^o. quidem ex mundo cœlesti intelligitur Deus, & quòd ait Psalmista, *Cœli enarrant gloriam Dei*, idque voce tam altâ & intelligibili, *ut in omnem terram exierit sonus eorum, & in fines orbis terræ verba eorum.* Nam quis, Amabo, immensos Cœlorum orbesevoluit, nisi qui immensus est? Quis tam arduos vastosque fornices, sine lapide, sine cæmento, sine fulcro suspendit, nisi qui est omnipotens? Quis per infinita spatia ordinatissimam cœli militiam in statione suâ adeo perseverantem disposuit, nisi qui est exercituum Deus? Quis tam splendoras faces, accendit,

accendit, nisi qui totus splendidus est luminum pater? Quis solem radiis suis veluti sponsum tam pulchrè coronavit, nisi qui pulcherrimus est? Quis denique nobis spectatoribus, tanto apparatu, tam magnificam scenam exhibuit, nisi magnificentissimus Deus? Quis ergo ei cum Davide Confessionis Hymnum non concinat, *Domine Dominus noster quam admirabile est nomen tuum, quoniam elevata est magnificentia tua super Cœlos; ex ore infantium & lactentium perfecisti laudem tuam, propter inimicos tuos*, Hoc est, Atheos: nimirum ex contemplatione mundi cœlestis, Deus tam manifestus est, ut infantibus ipsis & lactentibus, facili & insensibili discursu innotescat, ad confusionem Atheorum, oculos præ pudore in cœlum vix attollentium. Sed quem in cœlo fugiunt, iis in terrâ importunus occurret, qui ex mundo etiam terrestri clarè & multipliciter intelligitur. 1°. Enim, ea quæ nos circumstant elementa, Deum esse ità convincunt, ut ferioris. *ipsas elementorum substantias*, inquit Tertu- Mundus in-
Lib. 1.
Marcion.
c. 13.
 lianus, *illi ipsi sapientia professores, de quorum ingenio omnis hæresis animatur, Deos pronuntia-*
 verint. 2°. Quæ ex elementis fiunt mixta cor-
 pora, metalla, plantæ, arbores, imo ipsa rerum insensibilia semina, sensibilia sunt argumenta divinitatis: est enim evidens, arboris aut olusculi semen, opus esse sapientissimi & intelligentissimi artificis, ità enim superat omnem artem & industriam humanam, ut si fortè omnes sapientes conveniant, deliberentque de modo faciendi per artem unum ali-
 quod corpus, quod in terram jactum, & ger-

minet & tollat se, & frondes ferat fructusque, non omnes sapientes per spatium centum annorum deliberantes inventuri sint quod quærunt, & si fortè invenerint, omnes artifices inventum non exequentur. 3°. Animalia omnia quantumvis muta Deum loquuntur, nec cornua tantùm Rhinocerotum aut proboscides Elephantorum, sed ipsa quoque, ut loquitur Tertullianus, *Apis adificia, formica stabula, Aranea retia, Bombycis stamina*, contra Atheos *Deum defendunt*. 4°. Demùm præstantissima Imago Divinitatis, homini est homo ipse, omnium ferè quæ ex mundo ducuntur Argumentorum compendium, seu animam consideres, seu corpus: nam corporis quidem structura adeo mirabilis est, ut Galenus ex illius consideratione Deum manifestè intellexerit, & partes humani corporis, earumque usum libris aliquot prosecutus, tandem professus sit, se non tam tractatum Physicum aut medicum composuisse, quàm Hymnum Deo cecinisse, illiusque divinam sapientiam & potentiam in tam divino opere expressisse. Anima verò hominis, sive intelligat, sive memoretur, sive discurrat, ipso corpore divinius aliquid apparet, & sola, sufficiens esse possit divinitatis argumentum.

Objicies. Quòcumque se vertant oculi, nulli libi videtur Deus. Ergò &c. Respondeo, & quibus Nullibi videtur Deus oculis corporeis, quos oculisDeus habent Athei, sed videtur oculis intellectualibus, quos Athei non habent. Nullibi videtur Deus in se, sed videtur Deus ubique in mundo suo; quatenus ex mundo viso, tam facile &

Quo sensu
& quibus
oculisDeus
in mundo
videatur.

clare intelligitur; ut visio mundi, pro visione Dei haberi possit. Perindè enim est, ac si per eandem cognitionem quâ videtur mundus, Deus videretur: secundum Doctrinam Pauli Apostoli, *Invisibilia Dei per ea quæ facta sunt conspiciuntur*: nimirum habet se mundus iste visibilis instar corporis animati, cujus anima Deus est. Ergò sicut ex ipsâ specie hominis videmus vivere hominem, quamvis non videatur anima, quâ vivit homo; ità ex ipsâ mundi specie, videmus mundum animari Deo suo, quamvis invisibilis sit Deus ille quo mundus animatur.

§. III.

Tertia Demonstratio ex mundi phænomenis extraordinariis.

Habet quidem Deus testimonia, totum id quod sumus, & in quo sumus, ut loquitur Tertullianus, sed hæc ordinaria sunt & quotidiana: habet insuper Deus testimonia quædam extraordinaria, quibus se identidem esse irrefragabilius contestatur; eaque sunt phænomena triplicis generis: phænomena Exorcismorum, phænomena prædictionum, phænomena miraculorum; nam fiunt identidem Exorcismi spirituum malignorum, fiunt certæ prædictiones futurorum, fiunt ostenta miraculorum. Atqui hæc omnia testantur Deum esse. Ac 1^o. Quidem negari non potest, quin interdum in corporibus hominum sint spiritus aliqui humano majores; nam & longè posita videntur.

Tertia demonstratio ex mundi phænomenis extraordinariis.

Exorcismis spirituum malignorum.

E ij

& cordium secreta rimantur & linguis peregrinis loquuntur, & subtilissimè ratiocinantur, & motus cient stupendos : est autem aliquis istorum Spirituum Dominus, nec alius profectò est, quàm Deus. Nam & ipsi spiritus ultrò confitentur Deum esse, in virtute Dei subjiciuntur nobis, in nomine Dei fugantur &c. Audiant hîc Athei, vel in ipsâ scholâ dæmonum, & sapere discant : nec ridere pergant, ubi *dæmones credunt & contremiscunt. 2°.*

Prædictio-
nibus fu-
tutorum.

Satis constat factas fuisse certas prædictiones futurorum contingentium, eventus enim prædictionibus exactè respondit. Atqui certa prædictio futurorum contingentium, sine Deo fieri non potest, & divinitatis insigne argumentum est, secundum illud, *Annunciate quæ ventura sunt in futuro & dii eritis vos.* Ratio ulterior est, quia intellectus creatus nostro similis, certas cognitiones non habet, nisi juvetur, aut memoriâ præteriti, aut sensu & experienciâ præsentis, aut clarâ perceptione & evidentiâ veritatis. Ad cognitionem autem futurorum contingentium, juvari non potuit, seu memoriâ præteriti, quia non præterierant, seu experienciâ præsentis, quia præsentia non erant, seu evidentiâ veritatis necessariâ, quia contingentia erant & obscura. Ergò ad cognitionem certam futurorum contingentium venire non potuit intellectus creatus, nisi ex revelatione intellectûs melioris, omnia videntis, & ad omnem veritatem cognoscendam essentialiter determinati, cujusmodi intellectus non alius est, quàm divinus. 3°. Demùm dubitari non potest quin facta sint innumera miracula, seu opera extra-

Miraculis.

ordinaria , quæ vires naturæ superant : opera autem ejusmodi manifestè arguunt causam aliquam intelligentem , naturæ dominam , & legibus naturæ minimè obligatam , quæ causa non est alia , nisi Deus. Ergo , si naturam non audiunt Athei , ultrò & spontè divinitati suffragantem , audiant saltem miraculorum vi & extraordinariâ quæstione fatigatam ; nam sui semper similis respondet Deum esse , còque altius , quò frequentius interrogatur.

ARTICULUS III.

*Demonstrationes existentia Dei ex mundo
moralì depromptæ.*

Contemplationem mundi Physici , excipiet contemplatio mundi moralis. De rure igitur , aut Eremitio , deducamus in urbem solitarium nostrum : versetur aliquandiu inter homines , negotiis se humanis immisceat , mores hominum sensusque exploret ; inveniet statim humana & moralia argumenta pro Deo suo , tum ex finibus bonorum & malorum , tum ex generali instrumento benè vivendi , quæ est persuasio divinitatis , tum denique , ex communi conspiratione hominum in eam persuasionem.

Tertius
Ordo demonstrationum ex mundo moralì.



§. I.

*Prima demonstratio ex finibus bonorum
& malorum.*

Prima de-
monstratio
ex finibus
bonorum
& malo-
rum.

Sunt ex hominibus qui benè vivunt, & qui malè, ex quo sic arguo. Debet esse aliquis remunerator bonorum, & vindex malorum; remunerator autem omnium bonorum & vindex omnium malorum, est solus Deus. Ergo, &c. Major propositio demonstratur, ex conceptu virtutis & peccati. Nam ex terminis evidens est, deberi præmium virtuti, & pœnam peccato; nam virtus essentialiter est digna præmio, & peccatum est essentialiter dignum pœnâ, Ergò est evidens, omnis virtutis debere esse aliquem remuneratorem, & omnis peccati aliquem vindicem; neque enim potest deberi præmium virtuti, aut pœna peccato, nisi sit qui possit, & præmium virtuti, & pœnam peccato reddere. Minor autem demonstratur. Quia est evidens esse multas virtutes, quæ in hâc vitâ non habent suum præmium, & multa esse peccata, quæ non habent pœnam suam: videmus enim, & viros bonos interdum miseros esse, & malos interdum beatos. Ergò non est in hâc vitâ, qui remuneretur omnem virtutem, aut qui puniat omne peccatum. Superest ergò, ut post hanc vitam sit talis aliquis remunerator, & vindex. Quis autem ille est, nisi Deus? Hanc demonstrationem tangit Chrysostomus multis in locis, sed præsertim Homiliâ nonâ, in secundâ.

Nam debet
esse aliquis
vindex
malorum
& remun-
erator
bonorum.

dam Pauli ad Cor. c. 4. Confirmatur 1^o. Multa sunt peccata, quæ ab hominibus puniri non possunt; seu defectu authoritatis, ut sunt peccata principum, qui superiorem non habent; seu defectu notitiæ, ut sunt peccata interiora, aut quæ clàm, & sine arbitris facta sunt; vel defectu subjecti puniendi, ut cum reus, seu fugâ, seu morte se pœnæ subducit. Istiusmodi tamen peccatis pœna debetur. Ergò debet esse aliquis vindex, omni homine superior, omnia videns, qui & fugitivosprehendat, & mortuos ultrâ hanc etiâ vitam, nocentes persequatur. Sed quis ille est, si non est Deus? Confirmatur 2^o. Multæ sunt virtutes, quæ ab hominibus præmium suum habere non possunt; seu malignitate & invidiâ hominum, præsentī ferè virtuti detrahentium; seu conditione ipsius virtutis latere amantis; seu præfestinatione mortis coronam virtuti præcipientis: istiusmodi tamen virtutibus debetur præmium suum. Ergò debet esse aliquis remunerator illarum: sed quis ille est, si non est Deus. Confirmatur 3^o. Debet esse melior bonorum, quàm malorum conditio, est enim recti ordinis ista inæqualitas: sed si Deus non est, melior erit conditio malorum, quàm bonorum: nam ut fert præsens rerum status, sunt ferè mali bonis beatiore. Ergò debet esse aliquis, qui hunc rerum statum reformet, rectumque ordinem restituat, quis autem ille est, si Deus non est; adducturus aliquandò bonis expectatissimum diem illum, quem appellat Petrus *diem restitutionis omnium*.

Objicies. Ipsa sibi virtus præmium est, &

E iij

Si Deus non est.

Multa erunt peccata impunita.

Multæ virtutes non remunerantur.

Nec melior erit bonorum quàm malorum conditio.

Ipsa sibi sua est sibi pœna peccatum, Ergò non de-
 virtus præ- monstratur Deus, ex necessitate vindicis, &
 mium, aut remuneratoris. Respondeo 1^o. Meritum pro-
 sua sibi priè dictum à præmio distinguitur, nam præ-
 pœna pec- mium præsupponit existentiam meriti, ideò
 catum esse non nisi enim præmium datur, quia meritum est,
 non nisi Ergò propriè loquendo, nec ipsa sibi virtus
 impropriè præmium est, nec ipsum sibi sua pœna pec-
 dicitur. catum. Trahit quidè̃m conscientia virtutis,
 & rectè facti, voluptatem aliquam; sed ea vo-
 luptas, ità virtutis fructus est, ut præmium
 non sit; quia præmium de fundo ipsius me-
 rentis esse non debet. Trahit & conscientia
 peccati amaritudinem quandam, sed ea ama-
 ritudo pœna non est, quia pœna à iudice
 esse debet, non à reo. Respondeo 2^o. Demus
 & præmium esse aliquod voluptatem virtutis,
 & pœnam aliquam esse amaritudinem peccati,
 nec una, virtuti sufficit, nec altera, peccato.

Nec virtu-
 ti sufficit
 voluptas
 virtutis,
 nec pecca-
 to amari-
 tudo pec-
 cati.

Nam si virtutis voluptas, virtuti sufficeret,
 non esset cur aliud præmium boni quærerent,
 & querendi causam non haberent, si negare-
 tur. Si autem peccato sufficeret amaritudo
 peccati, jam sceleratis hominibus aliæ pœnæ
 non deberentur, & injustitia esset, quæ justitia
 vindicativa nominatur. Ratio à priori esse
 potest; quia nec virtutis voluptas sufficien-
 ter allicit ad virtutem, sæpè enim in exer-
 citio virtutis, plùs laboris est, quàm vo-
 luptatis; nec à peccando satis deterret ama-
 ritudo peccati, quæ sensim peccando minui-
 tur, & vix ulla est in peccatoribus obdu-
 ratis. Maneat igitur, aliud virtuti præmium,
 & aliam peccato pœnam deberi, ac proindè

opus esse, ut sit Deus remunerator, & vindex.

§. II.

*Secunda Demonstratio ex generali Instrumento
benè vivendi quæ est persuasio Divinitatis.*

Repugnat lumini naturali, errorem persuasum esse medium generale, per se utile, & necessarium ad benè vivendum; homo enim per se, & ex naturâ rei, ad benè vivendum non ducitur errore, sed veritate: cui principio, ratio duplex lucem afferet. 1^a. Quia obligatio benè vivendi, est solida quædam, & non imaginaria obligatio; obligatio autem solida, verum & solidum fundamentum habet. Ergò secluso omni errore, superest homini motivum sufficiens benè vivendi, ac proindè per se, & ex naturâ rei, non est homini necessarius error ad benè vivendum. 2^a. Quia natura rationalis, est intellectiva veri simul, & prosecutiva boni, hæque facultates duæ benè coherent, Ergò recta operatio unius, per se, & ex naturâ rei, juvat rectam operationem alterius. Ergò error intellectus non est per se utilis, aut necessarius ad rectum amorem voluntatis. Atqui si Deus non existit, error persuasus erit medium generale per se utile, & necessarium ad benè vivendum: nam si Deus non existit, error est, Deum existere, persuasio tamen existentiae Dei plurimum valet, & necessaria est ad benè vivendum, ut fatentur ipsi Athei,

Secunda demonstratio ex persuasione Divinitatis quæ per persuasio generale instrumentum est benè vivendi. Error persuasus non potest esse medium per se utile & necessarium ad benè vivendum.

Neque notitia primæ veritatis potest esse per se impedimentum benè vivendi.

ajentes, timore factos esse Deos, & persuasione divinitatis inventum esse politicorum, ad populos in officio continendos. Confirmatur. Evidens est, notitiam primariæ veritatis, non esse per se, & ex naturâ rei magnum impedimentum homini ad benè vivendum; atqui si Deus non existit, notitia primariæ veritatis, erit homini per se, & ex naturâ rei magnum aliquod impedimentum ad benè vivendum. Nam si Deus non existit, negatio existentiae Dei, est veritas quædam primaria, cujus notitia per se, & ex naturâ rei magnum est homini impedimentum ad benè vivendum: ut patet in Atheis ipsis, hominum flagitiosissimis. Ubi enim semel dixerunt in corde suo, *Non est Deus, corrupti sunt & abominabiles facti sunt in studiis suis.*

Valet quidem interdum error ad homines in Officio continendos sed per accidens tantum, & non per se.

Objicies. Error persuasus interdum valet, ad homines in Officio continendos: nam strenuè pugnant milites putantes vivere duces, qui in pugna cecidit, & sapiunt pueri credentes domi agere patrem, qui foris est, Ergo quamvis persuasio divinitatis, error esset, valeret tamen ad benè vivendum. Respondeo. Error persuasus quandoquæ valet ad homines in Officio, saltè exteriorius continendos, non per se, & ex naturâ rei, sed per accidens, & ex pravâ dispositione subjecti, ut probat exemplum militum, & puerorum: nam generosi milites strenuè pugnant extincto duce, & sapiunt benè morati, pueri absente Patre. Sed persuasio Divinitatis per se utilis, & necessaria est ad benè vivendum: quod enim omnifere homini utile & necessarium est ad benè

vivendum, per se tale est, non per accidens; atqui persuasio divinitatis omni ferè homini utilis & necessaria est ad benè vivendum. Ergò &c.

Instabis. Etiàm sine Deo ducerentur homines amore honesti, Ergò persuasio divinitatis non est ità necessaria ad benè vivendum. Respondeo. Sine Deo, aut cognitione Dei, paucos admodum esse, qui amore honesti ducerentur, ut patet ipso Atheorum exemplo; qui, cum persuasione divinitatis, omnem simul honesti amorem exuerunt. Ratio nimirum est, quia honestum illud quodcumque sine Deo fingitur, tam tenue motivum est, ut vix ullum hominem satis movere possit. Accedit quòd sine Deo, ratio honesti stare non potest; quia in naturâ rationali liberâ & contingenti, debitum faciendi aliquid esse non potest, nisi à supremâ quâdam voluntate, quæ sit regula faciendorum; atqui si non est Deus, non est suprema illa voluntas, Ergò si non est Deus, in naturâ rationali liberâ & contingente, non est ullum debitum faciendi.

Solo amore honesti pauci admodum ducerentur sine Deo, vix sine Deo ratio honesti stare.

§. III.

Tertia demonstratio ex unanimi consensione hominum in persuasionem Divinitatis.

Quod natura universaliter, & naturaliter confitetur, necesse est esse; naturam enim naturaliter, & universaliter mentiri impossibile est: atqui natura universaliter, & naturaliter confitetur Deum esse, Ergò Deus est.

Tertia demonstratio ex unanimi consensu hominum in persuasionem Divinitatis.

Lib. de
virtut. c. 2.

Quæ per-
suasio ap-
paret esse
divina. Ex
Antiquita-
te.
Ex quali-
tate Secta-
torum.

Ità ferè Guillelmus Parisiensis. Sed erit fortè demonstratio clarior, si dicamus. Non conveniunt hominum intellectus, nisi quòad prima principia, aut conclusiones ex primis principiis evidenter deductas; Atqui conveniunt omnium ferè hominum intellectus, quòad existentiam Dei: vix enim est ulla gens nobis nota, quæ non habuerit aliquam Dei notitiam, & cultum alicujus numinis, nec ullibi unquam publicâ authoritate receptus est Atheismus. Ergò existentia Dei, vel est primum aliquod principium, vel conclusio ex primis principiis evidenter deducta. Confirmatur 1°. Ex Antiquitate persuasionis, cujus nullus invenitur Author, non Plato, non Aristoteles, non aliquis è sapientibus, sed quæ humano generi cœva est. Confirmatur 2°. Ex qualitate Sectatorum ejus; existentia enim Dei apparet; viris præsertim sapientibus & bonis, amatoribus veritatis, & honestatis; est autèm evidens, eos aptiores esse ad veritatem inveniendam, quàm pauculos quosdam sceleratos, qui ferè rationem non habent, & si quam habent, millies perdunt. Quamquam, & ipsis etiàm invitis, sese obtrudit interdùm clarissima veritas, istarum noctuarum oculos, ad manifestissima naturæ principia caligantes, suâ luce percellens. Nàm & Athei, in periculis ad Deum confugiunt, & in extremis positi, Deum, quem antè negaverant perduellium more subditorum, tandèm aliquandò agnoscunt. Quare hîc exclamare possumus Augustini verbis contrà Donatistas. *O! violentia veritatis, quæ suos in corde torquet inimicos,*

ut eam confiteantur inviti. Confirmatur 3°. Ex constantiâ, & perpetuitate istiusmodi persuasionis : nàm detegitur tandèm aliquandò falsitas, & quòd ait Augustinus, *Veritas ad tempus occultari potest, vinci non potest.* Ergò si persuasio Divinitatis, esset falsa quædam opinio jampridèm detecta fuisset ejus falsitas, & excussa ; maximè, cum sit importuna nimis, & onerosa persuasio : Atqui tamen ea persuasio, ab initio ad nos usquè integra perseveravit, sine ullâ interruptione ; quod contrà evenit humanis opinionibus, quæ per vices antiquantur, & renovantur : persuasio autèm Divinitatis nunquam fuit antiquata, & conditionem, seu immutabilitatem objecti sui sequens, nullam passa est mutationem, nisi quòd crevit in dies, & latius propagata est. Est ergò non humana quædam opinio, sed persuasio planè divina. Confirmatur 4°. Ex facilitate, & familiaritate notitiæ Dei, nàm nec rara est, nec rarò veniens, sed crebra, familiaris, & omni homini passim obvia, ità ut vulgi naturalis iste sermo sit, *Quod Deus dederit, si Deus velit, benedicat te Deus, Deus te sospitet, Deo te commendo, &c.* Quod observans Tertullianus, tenere se non potest, quin exclamet. *O testimonium animæ naturaliter Christiana.* Hoc est, Deum quem Christiani prædicant, naturaliter consentis. Ex constantiâ & perpetuitate. Ex facilitate & familiaritate notitiæ Dei. Apolog. c. 17.

Hæc satis pro demonstrabilitate Dei contra Atheos, summæ impietatis homines, verè inexcusabiles ; Nam *hæc summa delicti est* (inquit Tertullianus) *nolle agnoscere, quem ignorare non possis.* Mundum triplicem, Intelle-

ctualem, Physicum & Moralem, velut in aciem produximus, novem demonstrationibus pro Deo pugnantem: quibus si resistere pergant Athei, Deum respicientes sese tam splendide monstrantem, futurum profecto est, ut novi isti, & indurati Pharaones, Deum aliquandò sentiant, plusquàm novem plagis ferientem.

CAPUT II.

Termini
Quæstionis
explican-
tur.

An existentia Dei sit etiam immediatè evidens, & per se nota.

Objectum
immediatè
evidens
quid sit.

PRæmitto 1^o. Objectum immediatè evidens dicitur illud, cui adhæret firmiter intellectus, sine ullo medio demonstrante, ex quo objectum inferatur, idque, vel ex solâ penetratione terminorum, vel ex solo apprehendendi modo. Objectum evidens est ex solâ penetratione terminorum, quod penetratis terminis, statim evidenter apparet: penetrari autem termini dicuntur, quandò auditis terminis, excitantur ideæ, ad quas significantes termini sunt instituti. Quare si auditis terminis, excitentur tales quædam ideæ, ut una in aliâ evidenter appareat, & illas invicem comparans intellectus, necessariò & sine hæsitatione conjungat; objectum evidens erit ex solâ penetratione terminorum, quo modo prima principia evidentia sunt. Objectum verò evidens est, ex modo apprehendendi, quod

Quid evi-
dens, ex
penetra-
tione ter-
minorum.

Quid evi-
dens, ex
modo ap-
prehen-
dendi.

ita apprehenditur, ut ipse apprehendendi modus, apprehendentem evidenter certificet, de existentia objecti. Ità evidens mihi est, me existere, aut cogitare, non ex terminis quidem; nam termini auditi non excitant ideas necessariò conjungendas, sed ex modo quodam apprehendendi intuitivo, & experimentalì, qui dubitare me non finit, quin existam, aut cogitem. Immediata autem objecti evidèntia, alia est absoluta & generalis, alia respectiva & particularis. Absoluta & generalis evidèntia, est, cum objectum evidenter apparet omnibus, aut ferè omnibus. Respectiva & particularis, cum uni tantum vel paucis apparet evidenter; seu propter perfectiorem aliquorum intellectum; seu propter majorem intellectus applicationem.

Evidèntia
immediata
alia abso-
luta & ge-
neralis.
Alia res-
pectiva &
particula-
ris.

Præmitto 1^o. Notum per se, idem est, quod evidens ex terminis: ità enim fert, & communis usus, & vox ipsa satis indicat. Dicitur enim notum per se, quod non indiget alio notificante. Quod verò non indiget alio notificante, ex ipsis terminis evidens est. Confirmatur ista termini acceptio ex Sancto Thoma. Nam illa, inquit, dicuntur per se nota, quæ statim cognitis terminis cognoscuntur. Quæ autem talia sunt, evidèntia sunt ex terminis: contingit autem, ut observat Sanctus Doctor, aliquid esse per se notum dupliciter: uno modo, secundum se, & non quoad nos: alio modo, secundum se, & quoad nos. Ex hoc, inquit, propositio dicitur nota per se, quòd predicatum includitur in ratione subiecti, ut homo est animal; nam animal, est de ratione

Notum per
se quid
sit.

Notum per
se, aliud ta-
le est in se
& non
quoad nos
aliud in se
& quoad
nos.

1. part.
quæst. 2.
art. 1.

hominis. Si igitur notum sit omnibus, de predicato & subiecto quid sit, propositio nota erit quoad omnes, ut patet, in primis demonstrationum principiis, quorum termini sunt quedam communia, quæ nullus ignorat. Ut ens, non ens, totum, & pars, &c. Si autem apud aliquos notum non sit, de subiecto & predicato, propositio quantum in se est, erit per se nota, non tamen apud illos, qui predicatum, & subiectum propositionis ignorant. Hæc est distinctio Sancti Thomæ, quæ quamvis non sit ad gustum multorum, retinenda tamen est, tum propter autoris sui reverentiam, tum quia in Scholis recepta, & bona est, si benè intelligatur.

Certum est
existentiam Dei
esse per se
notam
quantum
est in se.

Præmitto 3^o. Admissâ distinctiōe Sancti Thomæ, & explicatione nostrâ, dubitari non potest, quin existentia Dei, sit per se nota, quantum est in se; quia secundum definitionem Sancti Thomæ, *ex hoc propositio est per se nota quantum est in se, quod predicatum includitur in ratione subiecti*, sed prædicatum huius propositionis, *Deus existit*, includitur in ratione subiecti: existere enim, est de ratione & conceptu Dei, ut dicitur Exodi 3. *Ego sum qui sum*. Et satis intelligitur, ex demonstrationibus nostris. Ergo hæc propositio, *Deus existit*, est per se nota, quantum est in se. Quæstio igitur eò solum reducitur, an existentia Dei, sit per se nota quoad nos, seu nobis immediatè evidens. In quâ quæstione, duæ sunt extremæ sententiæ; negant enim ferè Thomistæ, & affirmant ferè Scottistæ. Inter utrosque medium tenebimus, ut veritatem

Dubitarur
an sit per se
nota quoad
nos.

veritatem , quæ nobis in medio videtur esse ,
teneamus.

Thesis prima. Existentiâ Dei , non est per se nota quoad omnes , seu non est immediata evidens , evidentiâ absolutâ & generali. Probatur ratiocinatione Sancti Thomæ. Quia nullus potest cogitare oppositum ejus , quod est per se notum quoad omnes , cogitari autem potest oppositum ejus , quod est Deum esse , secundum illud Psalmi 52. *Dixit insipiens in corde suo non est Deus.* Quo loco , significatur dictum interius , seu verus actus negans ; non enim dissimulanter , & ore tenus , sed interius , & in corde suo , *dixit insipiens , non est Deus.* Confirmatur. Si esset evidens immediatè , evidentiâ generali & absolutâ , Deum existere ; vel esset evidens , ex modo quodam apprehendendi intuitivo , aut experimentalis ; vel esset evidens , ex penetratione terminorum : neutrum dici potest. Non primum. Quis enim hominum in terrâ viventium , intuetur , aut experitur existentem Deum. Non secundum. Quàm multi enim sunt , qui præcisè audiendo istos terminos , *Deus existit* , non continuò formant ideas satis claras , quas invicem comparando , necessariò , & sine hæsitatione conjungant.

Objicies 1^o. Authoritatem Scripturæ nostræ , & Patrum Scripturam interpretantium. Dicitur enim Job 32. *Omnes homines vident Deum.* Quibus verbis significatur notitia Dei generalis , & immediata. In quem locum Hieronymus ait , notitiam Dei esse *naturaliter insitam cordibus nostris* ; quod ipsum eleganter expref-

Quæstio
deciditur.

Non est
per se notum
quoad omnes.

1. part.
quæst. 2.
art. 2.

Quo sensu
dicantur
omnes ho-
mines vi-
dere Deum.

§. I.

*Prima demonstratio ex finibus bonorum
& malorum.*

Prima de-
monstratio
ex finibus
bonorum
& malo-
rum.

Nam debet
esse aliquis
vindex
malorum
& remun-
erator
bonorum.

Sunt ex hominibus qui benè vivunt, & qui malè, ex quo sic arguo. Debet esse aliquis remunerator bonorum, & vindex malorum; remunerator autem omnium bonorum & vindex omnium malorum, est solus Deus. Ergo, &c. Major propositio demonstratur, ex conceptu virtutis & peccati. Nam ex terminis evidens est, deberi præmium virtuti, & pœnam peccato; nam virtus essentialiter est digna præmio, & peccatum est essentialiter dignum pœnâ, Ergo est evidens, omnis virtutis debere esse aliquem remuneratorem, & omnis peccati aliquem vindicem; neque enim potest deberi præmium virtuti, aut pœna peccato, nisi sit qui possit, & præmium virtuti, & pœnam peccato reddere. Minor autem demonstratur. Quia est evidens esse multas virtutes, quæ in hâc vitâ non habent suum præmium, & multa esse peccata, quæ non habent pœnam suam: videmus enim, & viros bonos interdum miseros esse, & malos interdum beatos. Ergo non est in hâc vitâ, qui remuneretur omnem virtutem, aut qui puniat omne peccatum. Superest ergo, ut post hanc vitam sit talis aliquis remunerator, & vindex. Quis autem ille est, nisi Deus? Hanc demonstrationem tangit Chrysostomus multis in locis, sed præsertim Homiliâ nonâ, in secun-

dam Pauli ad Cor. c. 4. Confirmatur 1^o. Multa sunt peccata, quæ ab hominibus puniri non possunt; seu defectu authoritatis, ut sunt peccata principum, qui superiorem non habent; seu defectu notitiæ, ut sunt peccata interiora, aut quæ clàm, & sine arbitris facta sunt; vel defectu subjecti puniendi, ut cum reus, seu fugâ, seu morte se pœnæ subducit. Istiusmodi tamen peccatis pœna debetur. Ergò debet esse aliquis vindex, omni homine superior, omnia videns, qui & fugitivosprehendat, & mortuos ultrâ hanc etiâ vitam, nocentes persequatur. Sed quis ille est, si non est Deus? Confirmatur 2^o. Multæ sunt virtutes, quæ ab hominibus præmium suum habere non possunt; seu malignitate & invidiâ hominum, præsentifere virtuti detrahentium; seu conditione ipsius virtutis latere amantis; seu prædestinatione mortis coronam virtuti præcipientis: istiusmodi tamen virtutibus debetur præmium suum. Ergò debet esse aliquis remunerator illarum: sed quis ille est, si non est Deus. Confirmatur 3^o. Debet esse melior bonorum, quàm malorum conditio, est enim recti ordinis ista inæqualitas: sed si Deus non est, melior erit conditio malorum, quàm bonorum: nam ut fert præsens rerum status, sunt ferè mali bonis beatiore. Ergò debet esse aliquis, qui hunc rerum statum reformet, rectumque ordinem restituat, quis autem ille est, si Deus non est; adducturus aliquandò bonis expectatissimum diem illum, quem appellat Petrus *diem restitutionis omnium*.

Si Deus non est.

Multa erunt peccata impunita.

Multæ virtutes non remunerantur.

Nec melior erit bonorum quàm malorum conditio.

Objicies. Ipsa sibi virtus præmium est, &
E. iiij

*Ipsa sibi
virtus præ-
mium, aut
sua sibi
pœna pec-
catum esse
non nisi
improprie
dicitur.*

sua est sibi pœna peccatum, Ergò non demonstratur Deus, ex necessitate vindicis, & remuneratoris. Respondeo 1^o. Meritum propriè dictum à præmio distinguitur, nam præmium præsupponit existentiam meriti, ideò enim præmium datur, quia meritum est, Ergò propriè loquendo, nec ipsa sibi virtus præmium est, nec ipsum sibi sua pœna peccatum. Trahit quidè conſcientia virtutis, & rectè facti, voluptatem aliquam; sed ea voluptas, ità virtutis fructus est, ut præmium non sit; quia præmium de fundo ipsius merentis esse non debet. Trahit & conſcientia peccati amaritudinem quandam, sed ea amaritudo pœna non est, quia pœna à iudice esse debet, non à reo. Respondeo 2^o. Demus & præmium esse aliquod voluptatem virtutis, & pœnam aliquam esse amaritudinem peccati, nec una, virtuti sufficit, nec altera, peccato. Nam si virtutis voluptas, virtuti sufficeret, non esset cur aliud præmium boni quærerent, & querendi causam non haberent, si negaretur. Si autem peccato sufficeret amaritudo peccati, jam sceleratis hominibus aliæ pœnæ non deberentur, & iniustitia esset, quæ iustitia vindicativa nominatur. Ratio à priori esse potest; quia nec virtutis voluptas sufficeret allicere ad virtutem, sæpè enim in exercitio virtutis, plus laboris est, quam voluptatis; nec à peccando satis deterret amaritudo peccati, quæ sensim peccando minuitur, & vix ulla est in peccatoribus obduratis. Maneat igitur, aliud virtuti præmium, & aliam peccato pœnam deberi, ac proinde

*Nec virtu-
ti sufficit
voluptas
virtutis,
nec pecca-
to amari-
tudo pec-
cati.*

opus esse , ut sit Deus remunerator , & vindex.

§. II.

*Secunda Demonstratio ex generali Instrumento
benè vivendi quæ est persuasio Divinitatis.*

Repugnat lumini naturali, errorem persuasum esse medium generale, per se utile, & necessarium ad benè vivendum; homo enim per se, & ex naturâ rei, ad benè vivendum non ducitur errore, sed veritate: quæ per cui principio, ratio duplex lucem afferet. 1^a. Quia obligatio benè vivendi, est solida quædam, & non imaginaria obligatio; obligatio autem solida, verum & solidum fundamentum haber. Ergò secluso omni errore, superest homini motivum sufficiens benè vivendi, ac proindè per se, & ex naturâ rei, non est homini necessarius error ad benè vivendum. 2^a. Quia natura rationalis, est intellectiva veri simul, & prosecutiva boni, hæque facultates duæ benè cohærent, Ergò recta operatio unius, per se, & ex naturâ rei, juvat rectam operationem alterius. Ergò error intellectus non est per se utilis, aut necessarius ad rectum amorem voluntatis. Atqui si Deus non existit, error persuasus erit medium generale per se utile, & necessarium ad benè vivendum: nam si Deus non existit, error est, Deum existere, persuasio tamen existentiae Dei plurimum valet, & necessaria est ad benè vivendum, ut fatentur ipsi Athei,

Secunda demonstratio ex persuasione Divinitatis quæ per generale instrumentum est benè vivendi.
Error persuasus non potest esse medium per se utile & necessarium ad benè vivendum.

Neque notitia primæ veritatis potest esse per se impedimentum benè vivendi.

agentes, timore factos esse Deos, & persuasivam divinitatis inventum esse politicorum, ad populos in officio continendos. Confirmatur. Evidens est, notitiam primariæ veritatis, non esse per se, & ex naturâ rei magnum impedimentum homini ad benè vivendum; atqui si Deus non existit, notitia primariæ veritatis, erit homini per se, & ex naturâ rei magnum aliquod impedimentum ad benè vivendum. Nam si Deus non existit, negatio existentiae Dei, est veritas quædam primaria, cujus notitia per se, & ex naturâ rei magnum est homini impedimentum ad benè vivendum: ut patet in Atheis ipsis, hominum flagitiosissimis. Ubi enim semel dixerunt in corde suo, *Non est Deus, corrupti sunt & abominabiles facti sunt in studiis suis.*

Valet quidem interdum error ad homines in Officio continendos sed per accidens tantum, & non per se.

Objicies. Error persuasus interdum valet, ad homines in Officio continendos: nam strenuè pugnant milites putantes vivere ducem, qui in pugna cecidit, & sapiunt pueri credentes domi agere patrem, qui foris est, Ergo quamvis persuasio divinitatis, error esset, valeret tamen ad benè vivendum. Respondeo. Error persuasus quandoquæ valet ad homines in Officio, saltè exteriori continendos, non per se, & ex naturâ rei, sed per accidens, & ex pravâ dispositione subjecti, ut probat exemplum militum, & puerorum: nam generosi milites strenuè pugnant extincto duce, & sapiunt benè morati, pueri absente Patre. Sed persuasio Divinitatis per se utilis, & necessaria est ad benè vivendum: quod enim omnifere homini utile & necessarium est ad benè

vivendum, per se tale est, non per accidens; atqui persuasio divinitatis omni ferè homini utilis & necessaria est ad benè vivendum. Ergò &c.

Instabis, Eriàm sine Deo ducerentur homines amore honesti, Ergò persuasio divinitatis non est ità necessaria ad benè vivendum. Respondedo. Sine Deo, aut cognitione Dei, paucos admodum esse, qui amore honesti ducerentur, ut patet ipso Atheorum exemplo; qui, cum persuasione divinitatis, omnem simul honesti amorem exuerunt. Ratio nimirum est, quia honestum illud quodcumque sine Deo fingitur, tam tenue motivum est, ut vix ullum hominem satis movere possit. Accedit quòd sine Deo, ratio honesti stare non potest; quia in naturâ rationali liberâ & contingenti, debitum faciendi aliquid esse non potest, nisi à supremâ quâdam voluntate, quæ sit regula faciendorum; atqui si non est Deus, non est suprema illa voluntas, Ergò si non est Deus, in naturâ rationali liberâ & contingente, non est ullum debitum faciendi.

Solo amore honesti pauci admodum ducerentur sine Deo, vix sine Deo ratio honesti stare.

§. III.

Tertia demonstratio ex unanimi consensione hominum in persuasionem Divinitatis.

Tertia demonstratio ex unanimi consensu hominum in persuasionem Divinitatis.

QUOD natura universaliter, & naturaliter confitetur, necesse est esse; naturam enim naturaliter, & universaliter mentiri impossibile est: atqui natura universaliter, & naturaliter confitetur Deum esse, Ergò Deus est.

Lib. de
virtut. c. 2.

Quæ per-
suasio ap-
paret esse
divina. Ex
Antiquita-
te.
Ex quali-
tate Secta-
torum.

Ità ferè Guillelmus Parisiensis. Sed erit fortè demonstratio clarior, si dicamus. Non conveniunt hominum intellectus, nisi quòad prima principia, aut conclusiones ex primis principiis evidenter deductas; Atqui conveniunt omnium ferè hominum intellectus, quòad existentiam Dei: vix enim est ulla gens nobis nota, quæ non habuerit aliquam Dei notitiam, & cultum alicujus numinis, nec ullibi unquam publicâ autoritate receptus est Atheismus. Ergò existentia Dei, vel est primum aliquod principium, vel conclusio ex primis principiis evidenter deducta. Confirmatur 1°. Ex Antiquitate persuasionis, cujus nullus invenitur Author; non Plato, non Aristoteles, non aliquis è sapientibus, sed quæ humano generi cœva est. Confirmatur 2°. Ex qualitate Sectatorum ejus; existentia enim Dei apparet; viris præsertim sapientibus & bonis, amatoribus veritatis, & honestatis; est autem evidens, eos aptiores esse ad veritatem inveniendam, quàm pauculos quosdam sceleratos, qui ferè rationem non habent, & si quam habent, millies perdunt. Quamquam, & ipsis etiàm invitis, sese obtrudit interdum clarissima veritas, istarum nocturnarum oculos, ad manifestissimam naturæ principia caligantes, suâ luce percellens. Nàm & Athei, in periculis ad Deum confugiunt, & in extremis positi, Deum, quem antè negaverant perduellium more subditorum, tandè aliquandò agnoscunt. Quare hîc exclamare possumus Augustini verbis contrà Donatistas. *O! violentia veritatis, quæ suos in corde torquet inimicos,*

ut eam confiteantur inviti. Confirmatur 3°. Ex constantiâ, & perpetuitate istiusmodi persuasionis : nâm detegitur tandèm aliquandò falsitas, & quòd ait Augustinus, *Veritas ad tempus occultari potest, vinci non potest*. Ergò si persuasio Divinitatis, esset falsa quædam opinio jampridèm detecta fuisset ejus falsitas, & excussa ; maximè, cum sit importuna nimis, & onerosa persuasio : Atqui tamen ea persuasio, ab initio ad nos usquè integra perseveravit, sine ullâ interruptione ; quòd contrà evenit humanis opinionibus, quæ per vices antiquantur, & renovantur : persuasio autèm Divinitatis nunquam fuit antiquata, & conditionem, seu immutabilitatem objecti sui sequens, nullam passâ est mutationem, nisi quòd crevit in dies, & latiùs propagata est. Est ergò non humana quædam opinio, sed persuasio planè divina. Confirmatur 4°. Ex facilitate, & familiaritate notitiæ Dei, nâm nec rara est, nec rarè veniens, sed crebra, familiaris, & omni homini passim obvia, ità ut vulgi naturalis iste sermo sit, *Quod Deus dederit, si Deus velit, benedicat te Deus, Deus te sospitet, Deo te commendo, &c.* Quòd observans Tertullianus, tenere se non potest, quin exclamet. *O testimonium animæ naturaliter Christianæ.* Hoc est, Deum quem Christiani prædicant, naturaliter consentis. Ex constantiâ & perpetuitate.

Hæc satis pro demonstrabilitate Dei contra Atheos, summæ impietatis homines, verè inexcusabiles ; Nam hæc summa delicti est (inquit Tertullianus) *nolle agnoscere, quem ignorare non possis.* Mundum triplicem, Intelle-

Ex facilitate & quasi familiaritate notitiæ Dei.

Apolog. c. 17.

ctuallem, Physicum & Moralem, velut in aciem produximus, novem demonstrationibus pro Deo pugnantem: quibus si resistere pergant Athei, Deum respicientes sese tam splendide monstrantem, futurum profectò est, ut novi isti, & indurati Pharaones, Deum aliquandò sentiant, plusquàm novem plagis ferientem.

CAPUT II.

Termini
Quæstionis
explican-
tur.

An existentia Dei sit etiam immediatè evidens, & per se nota.

Objectum
immediatè
evidens
quid sit.

Quid evi-
dens, ex
penetra-
tione ter-
minorum.

Quid evi-
dens, ex
modo ap-
prehen-
dendi.

P Ræmitto 1^o. Objectum immediatè evidens dicitur illud, cui adhæret firmiter intellectus, sine ullo medio demonstrante, ex quo objectum inferatur, idque, vel ex solâ penetratione terminorum, vel ex solo apprehendendi modo. Objectum evidens est ex solâ penetratione terminorum, quod penetratis terminis, statim evidenter apparet: penetrari autem termini dicuntur, quandò auditis terminis, excitantur idæ, ad quas significandas termini sunt instituti. Quare si auditis terminis, excitentur tales quædam idæ, ut una in aliâ evidenter appareat, & illas invicem comparans intellectus, necessariò & sine hæsitatione conjungat; objectum evidens erit ex solâ penetratione terminorum, quo modo prima principia evidentia sunt. Objectum verò evidens est, ex modo apprehendendi, quod

ita apprehenditur, ut ipse apprehendendi modus, apprehendentem evidenter certificet, de existentia objecti. Ità evidens mihi est, me existere, aut cogitare, non ex terminis quidem; nam termini auditi non excitant ideas necessario conjungendas, sed ex modo quodam apprehendendi intuitivo, & experimentalì, qui dubitare me non finit, quin existam, aut cogitem. Immediata autem objecti evidèntia, alia est absoluta & generalis, alia respectiva & particularis. Absoluta & generalis evidèntia, est, cum objectum evidenter apparet omnibus, aut ferè omnibus. Respectiva & particularis, cum uni tantum vel paucis apparet evidenter; seu propter perfectiorem aliquorum intellectum; seu propter majorem intellectus applicationem.

Evidèntia
immediata
alia abso-
luta & ge-
neralis.
Alia res-
pectiva &
particula-
ris.

Præmitto 2^o. Notum per se, idem est, quod evidens ex terminis: ità enim fert, & communis usus, & vox ipsa satis indicat. Dicitur enim notum per se, quod non indiget alio notificante. Quod verò non indiget alio notificante, ex ipsis terminis evidens est. Confirmatur ista termini acceptio ex Sancto Thoma. Nam illa, inquit, dicuntur per se nota, quæ statim cognitis terminis cognoscuntur. Quæ autem talia sunt, evidèntia sunt ex terminis: contingit autem, ut observat Sanctus Doctor, aliquid esse per se notum dupliciter: uno modo, secundum se, & non quoad nos: alio modo, secundum se, & quoad nos. Ex hoc, inquit, propositio dicitur nota per se, quòd predicatum includitur in ratione subjecti, ut homo est animal; nam animal, est de ratione

Notum per
se quid
sit.

Notum per
se, aliud ta-
le est in se
& non
quoad nos
aliud in se
& quoad
nos.

veritatem, quæ nobis in medio videtur esse, teneamus.

Thesis prima. Existentia Dei; non est per se nota quoad omnes, seu non est immediate evidens, evidentiâ absolutâ & generali.

Probatur ratiocinatione Sancti Thomæ. Quia nullus potest cogitare oppositum ejus, quod est per se notum quoad omnes, cogitari autem potest oppositum ejus, quod est Deum esse, secundum illud Psalmi 52. Dixit insipiens in corde suo non est Deus.

Quo loco, significatur dictum interius, seu verus actus negans; non enim dissimulanter, & ore tenus, sed interius, & in corde suo, dixit insipiens, non est Deus.

Confirmatur. Si esset evidens immediate, evidentiâ generali & absolutâ, Deum existere; vel esset evidens, ex modo quodam apprehendendi intuitivo, aut experimentalis; vel esset evidens, ex penetratione terminorum: neutrum dici potest. Non primum. Quis enim hominum in terrâ viventium, intuetur, aut experitur existentem Deum. Non secundum. Quam multi enim sunt, qui præcisè audiendo istos terminos, *Deus existit*, non continuò formant ideas satis claras, quas invicem comparando, necessariò, & sine hæsitatione conjungant.

Objicies 1°. Authoritatem Scripturæ nostræ, & Patrum Scripturam interpretantium. Dicitur enim Job 32. *Omnes homines vident Deum.*

Quibus verbis significatur notitia Dei generalis, & immediata. In quem locum Hieronymus ait, notitiam Dei esse *naturaliter insitam cordibus nostris*; quod ipsum eleganter expref-

Quæstio deciditur.

Non est per se notum quoad omnes.

1. pars.

quæst 2.

art. 2.

Quo sensu dicantur omnes homines videre Deum.

Lib. De te-
stimonio
anima.

ferat Tertullianus, conscientiam Dei appellans, *dotem animæ à principio*. Respondeo. Eo Scripturæ loco indicari tantum, notitiam Dei esse, & valdè communem, ità ut nemo ferè illà careat, & valdè claram, ità ut æquiva-
leat intuitivæ, & experimentalì; quamvis reipsâ, nec intuitiva, nec experimentalis sit: sicubi autem Patres cognitionem Dei dicant esse *naturalem, naturaliter insitam, ingentam-que*, id tantum volunt, cognitionem Dei haberi posse lumine naturali; quatenus habet homo vim discurrendi naturalem, & innumera argumenta Divinitatis: Tertullianus verò, cum Dei conscientiam appellat, *dotem animæ à principio*, significat eam esse facile parabilem; ità ut donata magis animæ, quàm acquisita videatur.

Quo sensu
per se nota
sit omni-
bus hæc
propositio,
Deus est
justus.

Objicies 2^o. Istæ propositiones, *Deus est justus, Deus est sapiens, Deus est colendus, &c.* Sunt immediatè evidentes, evidentiâ generali & absolutâ, Ergò & ista propositio, *Deus existit*, quæ aliis necessariò præsupponitur, est pariter immediatè evidens. Respondeo. Distinguo Antecedens. Sunt immediatè evidentes, si faciant sensum absolutum, Nego. Si faciant sensum conditionatum, Concedo Antecedens, Nego Consequentiam. Nam, si Deus existat, si non; verà semper, & evidens est ista conditionalis, *si Deus existit, colendus est*. Ratio à priori est, quia assensus exhibitus propositioni conditionatæ, non præsupponit assensum exhibitum conditioni.

Objicies 3^o. Si existentia Dei non est immediatè evidens, evidentiâ absolutâ & gene-

rali ; poterit Deus ignorari invincibiliter ; An & quomodo possit ignorari Deus invincibiliter.

multi enim sunt valdè stupidi, qui discursu non valent. Respondeo. 1^o. Transeat sequela. Neque enim est improbable, aliquem naturæ suæ stupidæ relictum, posse ignorare Deum invincibiliter : certè ferunt Brasiliæ regionis incolæ, cum primùm Lusitani in eas oras navigarunt, nullam Dei cognitionem præ se tulisse. Respondeo. 2^o. Nego sequelam. Quia Deus per immensam charitatem suam, sufficienter hominibus providit de sui cognitione ; tum per naturalem discursum, tum per Institutionem, Doctrinamque Parentum, tum etiàm per revelationem Divinam : nisi fortè homines Divino lumini aditum præcludant per abusum rationis naturalis. Respondeo 3^o. Etiàm si existentia Dei foret immediatè, & ex terminis evidens, non tamen indè fieret, Deum à nemine ignorari posse invincibiliter ; quia interdum homini stupido, in mentem non veniunt, etiàm prima principia, quantumvis sint immediatè evidentiâ, & per se nota.

Thesis 2^a. Existentiâ Dei est per se nota quoad aliquos ; seu, immediatè evidens evidentiâ particulari & respectivâ. Hæc Thesis nullatenus pugnat cum superiore : sunt enim, ut notat Sanctus Thomas ex Boëtio, *quædam communes animi conceptiones*, & per se nota apud sapientes tantum ; ac proindè fieri potest, ut quamvis existentia Dei, non sit per se nota apud omnes, sit tamen per se nota apud aliquos. Rem autem ità se habere probatur. Extrema istius propositionis, *Deus existit*, interdum apprehenduntur satis clarè, ut statim

Existentiâ Dei n. ta est per se quoad aliquos.

appareat connexio extremorum : nam sapientes, saltèm aliqui, statim ut Deum audiunt, clarè concipiunt Ens aliquod perfectissimum, colligens in se omnem perfectionem possibilem : aliundè verò, clarè concipiunt iidem, necessitatem existendi esse aliquam perfectionem, Ergò comparantes ideam Dei, & ideam necessitatis existendi, clarè vident unam convenire alteri, ac proindè necessariò unam alteri tribuunt, sine ope discursûs. Confirmatur 1^o. Mathematico per se notum est, & immediatè evidens, triangulum esse figuram, quia in ideâ quam habet trianguli, clarè videt ideam figuræ. Ergò quicumque clarè videbit in ideâ Dei, ideam existentis, per se notum erit, & immediatè evidens, Deum existere. Atqui insignis aliquis Theologus, sive ex solâ auditione terminorum, sive ex multis discursibus præviis, formare potest ideam Dei, in quâ clarè videat ideam existentis, Ergò insigni alicui Theologo, potest esse per se notum, & immediatè evidens Deum existere. Confirmatur 2^o. Quia, quod vulgo hominum evidens est mediatè & per discursum, summis ingeniis ferè evidens est immediatè, & sine discursu. Ratio à priori est. Quia necessitas discursûs tota ferè venit ex ideâ confusâ Antecedentis, quæ explicatione indiget : fit autèm ferè, ut quo tempore vulgus hominum ideas rerum confusas habet, summa ingenia, claras habeant ; quare ingenia illa gigantum more, unico passu veritatemprehendunt, quam pusilla & nana, ut ità dicam, ingenia, non nisi discurrendo, & multiplici-

ter fatigando se, assequuntur. Atqui omni ferè homini, mediare & per discursum evidens est, Deum existere, ut suprà demonstravimus, ergò &c. Confirmatur 3^o. Quia multæ demonstrationes existentiae Dei, quæ pro legitimis habentur, resoluuntur ultimò in propositiones aliquas non magis evidentes, quàm sit ista evidens, *Deus existit*. Ut facilè patebit comparanti.

Objicies 1^o. Sancto Thomæ visa est argumentatio nostra merum Sophisma. Sic enim habet, prima parte, quæstione 2. articulo 3. ad 2. *Dato etiàm, inquit, quòd quilibet intelligat hoc nomine, Deus, significari illud, quo majus cogitari non potest; non tamen propter hoc sequitur, quòd intelligat id, quod significatur per nomen, esse in rerum naturâ, sed in apprehensione intellectus tantum; nec potest tolli, quod sit in re, nisi daretur, quod sit in re aliquid, quo majus cogitari non potest, quod non est datum à supponentibus Deum non esse.* Ità Sanctus Doctor. Respondeo. Nego Antecedens. Neque enim locus ille Sancti Thomæ pugnat contra nos, & verum omninò est, quod ait Sanctus Doctor, ex eo præcisè, quòd quis concipiat quocumque modo ens, quo majus cogitari non potest, non statim ei apparere, quod tale ens existat in re: quicumque enim concipiendi modus non sufficit, ad assensum evidentem; quia potest apprehendi Deus ità confusè, ut vi apprehensionis non appareat existentia Dei. Sed non negat Sanctus Thomas, quin à viro sapiente, & docto Theologo, formari possit talis Dei conceptus, qui

Neque hoc negat Sanctus Thomas.

existentiam clarè, & formaliter importet ; unde, habens ejusmodi conceptum, & simul conceptum existentiae, unum alteri necessariò, & sine hæsitatione tribuit.

Cur non sit pariter omnibus per se nota. Objicies 2°. Non omni homini evidens est ex penetratione terminorum, Deum existere, Ergò nulli. Respondeo. Nego consequentiam, Quia non omnes eodem modo terminos penetrant ; alia est enim terminorum penetratio perfecta, alia imperfecta ; nam interdum auditis terminis, excitantur ideæ confusæ, interdum etià claræ excitantur. Dico igitur, viros doctos & ingeniosos, quicumque auditis terminis istius propositionis, *Deus existit*, formant ideas satis claras, ut in ideâ Dei clarè videant ideam existentis, habere immediatam evidentiam existentiae Dei ; quam evidentiam non habent alii, quibus ex auditione terminorum, similes ideæ non excitantur.

Cur negetur à viris etiam doctis ista evidentia, aut non habeatur. Instabis. Viris etià doctis, & ingeniosis terminos perfectè penetrantibus, non tamen evidens est immediatè, Deum existere ; magni enim Doctores immediatam istam evidentiam negant. Respondeo. 1°. Magni Doctores cum negant evidentiam immediatam Dei, absolutam dumtaxat & generalem negant, non respectivam & particularem. Respondeo 2°. Circa istiusmodi evidencias, facile est hallucinari ; nam sicut interdum nobis moveri videmur, etià cum maximè quiescimus ; ità nobis videmur aliquandò discurrere, cum minimè discurremus. Respondeo 3°. Fieri posse, ut viris etià ingeniosis & doctis, non semper immediatè appareat existentia Dei, non defectu

claritatis idearum , sed defectu attentionis ad ideas ; quam fortè attentionem viri docti aliquandò non habent.

Objicies 3^o. Si existentia Dei est ità evidens , ut Jàm diximus , à nemine poterit ignorari Deus. Respondeo. Distinguo sequentiam , à nemine non hebetè , transcat , à nemine hebetè , Nego. Sunt enim homines ferè non homines , qui in hoc mundi libro , quamvis imperitorum liber est , veritates non vident , ab homine characteribus grandioribus exaratas , legere nesciunt , & primas rerum syllabas aptare nesciunt : quare fieri potest , ut aliquis hebes , hebetudini suæ relictus Deum ignoret ; sicut fieri potest , ut patentem , & benè lucentem solem , cæcus aliquis non videat.

Ignorari
potest deus
ab homine
saltem he-
betè.

Instabis. Saltèm non poterit negari Deus ab homine ingenioso & non hebetè. Respondeo. Distinguo. Non poterit negari Deus , in sensu composito attentionis ad argumenta Divinitatem suadentia. Concedo. In sensu diviso , Nego. Sed potest homo ingeniosus facere sensum divisum , seu intellectum removere à consideratione talium argumentorum , quod , negotium est voluntatis depravatæ. Nam 1^o. Potest voluntas facere indirectè , ne intellectus assentiatur objecto alicui evidenti , quatenus potest facere voluntas , ne intellectus attendat ad objectum , aut ad media objectum demonstrantia. 2^o. Potest eadem voluntas facere , ut intellectus objecto evidenti positivè dissentiatur ; quia interdum objectum evidens habet aliquam difficultatem , quæ difficultas est umbra quædam , & species falsi : atqui

Imò & ab
homine
non hebetè
negari.

quandò apparet species aliqua falsi in objecto; potest voluntas imperare dissensum, ergo &c. Hinc generatim explicabis. Quomodo à viris etiam ingeniosis, negentur interdum propositiones verè evidentes; & in præsentì materiâ intelliges, quomodo dicat insipiens in corde suo, *non est Deus*, in corde nimirum suo, quia ità Judicat agente pravo affectu, & illius error, non tam intellectus error est, quàm voluntatis.

Evidentia
existentiæ
Dei nihil
impedit di-
vinam
ejusdem
revelatio-
nem.

Objicies 4°. Deus revelavit existentiam suam; nam Exodi 3. dicit Dominus ad Moysen. *Ego sum qui sum, & sic dices Filiis Israël, qui est, misit me ad vos.* Quibus verbis continetur clara, & formalis revelatio existentiae Dei, Ergò existentia Dei non est ità evidens: nam revelatur id solum, quod obscurum est, ut sonat ipse terminus revelationis. Revelatio enim est quasi quædam reductio veli, quo res antea tegebatur. Accedit quodd, si existentia Dei est evidens, Jam ista Dei revelatio superflua est, & nullius usus. Respondeo. Nego consequentiam, ejusque probationem. Quia quamvis ex primariâ Institutione, revelatio significet reductionem veli aliquid tegentis, à Theologis tamen applicatur iste terminus, ad significandum quodcumque dictum Dei aliquid testificantis; atqui dicere potest Deus & testificari, id quod est evidens, Ergò quamvis evidens sit existentia Dei, potuit Deus revelare, seu testificari existentiam suam. Nec verò inutilis est, aut superflua ea testificatio, habet enim usum multiplicem. Primus est, pro hominibus stupidis. Isti enim more cæcorum,

Eaque re-
velatio
usum ha-
bet multi-
plicem.

fi Deum præsentem non vident, loquentem audiunt, & quasi de voce agnoscunt, quem de vultu non norunt. Secundus usus spectat homines mediocris & vulgaris ingenii, qui non ità penetrant demonstrationum nostrarum vim, ut non suboriatur identidem aliqua suspicio latentis Sophismatis; valet autem divina revelatio ad tranquillandum animum, easque dubitationum molestias abigendas. Tertius usus spectat homines sapientes, quibus & minuitur labor, & crescit meritum ex Divinâ revelatione: Jam enim, nec ad aliorum Instructionem, necesse habent fatigari, in quærendis demonstrationibus quas vulgus intelligat, nec ipsis ad privatam rerum Divinarum meditationem præmittere opus est humanos & naturales discursus; siquidem revelationem habent Divinam, in quâ acquiescere possunt, majore merito, & certitudine non minore. Quartus usus respicit aliarum revelationum fidem; nam ex istius revelationis veritate, per naturalem rationem compertâ & quasi palpatâ, præsumitur veritas aliarum, quæ rationem humanam superant. Quintus deniquè usus, est commendatio bonitatis Dei: neque enim satis habuit uti legatione creaturarum ad nos, & alienâ, ut ità dicam, voce se prodere, vel in ideis nostris, ut in imagine monstrare, sed insuper se ipse propriâ quasi voce indicare voluit, & familiariter dicere, *Ecce ego sum*,

Instabis 1^o. Credimus, & credere tenemur existentiam Dei; non creditur autem, quod evidenter apparet. Ergò, &c. Respondeo.

Nihil ergo vetat quominus existantia Dei credatur fide divinâ, Sunt qui negent, esse obligationem credendi existentiam Dei fide divinâ propriè dictâ, hoc est, fide, quæ nitatur testimonio Dei; quia sufficere putant, si firmiter teneamus Deum existere, undecumquè veniat firmitudo adhesionis nostræ. Verum hæc sententia displicet: suppono enim nunc, quod est alterius loci, esse obligationem credendi existentiam Dei fide divinâ propriè dictâ, secundum illud Pauli ad Hebr. 11. *Credere oportet accedentem ad Deum, quia est, & quòd inquirentibus se remunerator sit.* Nam ea Apostoli verba intelligi debent de fide propriè dictâ, si intelligi possint, possunt autem, nihil enim vetat ità intelligi. Et verò, eâdem fide tenemur credere, quòd Deus existat, quâ fide tenemur credere, quòd Deus remunerator sit; tenemur autem credere fide divinâ propriè dictâ, quòd Deus remunerator sit. Ergò, &c. Quare permissâ majore, Nego minorem: existentia enim, quamvis evidenter appareat, credi potest fide divinâ propriè dictâ: quod, ut clarè intelligatur. Distinguo duplicem statum, seu dispositionem intellectûs circâ existentiam Dei. Primus, est status evidentiae actualis: cum scilicet intellectus evidenter cognoscit Deum esse, sive immediatè, & ex clarâ penetratione terminorum, qui modus paucorum est, sive mediatè, ex attentione actuali ad argumenta divinitatem demonstrantia, qui modus evidentiae communis est. Secundus status est inevidentiae actualis: cum scilicet intellectus non cognoscit evidenter Deum esse, sive ex summâ naturæ hebetudine, sive ex defectu

attentionis actualis ad argumenta divinitatem demonstrantia, aut ad ideas mentales in quibus apparet; potest enim intellectus removeri à consideratione talium argumentorum, aut idearum. Quâ distinctione statuum præsuppositâ. Dico 1^o. Existentia Dei credi potest fide divinâ propriè dictâ, saltè cum intellectus positus est, in statu inevidentiæ actualis. Ratio est, quia intellectus in statu inevidentiæ actualis, nullum habet impedimentum, quominus utatur revelatione divinâ, tanquàm medio ad existentiam Dei Judicandam: nam si quod haberet impedimentum, maximè evidentiam de objecto, sed in statu inevidentiæ, evidentiam non habet, Ergò &c. Atque hæc est expressa mens Sancti Thomæ, in responsione ad primum Articulo 2. Quæstione 2. *Nihil enim, inquit, prohibet, quod secundum se demonstrabile est, & scibile, accipi ut credibile ab aliquo, qui demonstrationem non capit.* Dico 2^o. Existentia Dei credi potest fide divinâ propriè dictâ, etiâ cum intellectus est in statu evidentiæ actualis: tenentur enim viri docti & sapientes credere existentiam Dei, Ergò vel seorsim ab evidentiâ suâ, vel conjunctim cum illâ. Non seorsim, quia evidentiam suam, nec abjicere tenentur, nec satis aliquandò possunt, Ergò tenentur credere in statu evidentiæ actualis. Certè cum Deus noster *amicus sit lumine sicut vestimento*, ut loquitur Prophetâ, quantumvis se colligat intellectus, omnemque aditum præcludere conetur, vix umquàm impiediet, ne quid divini luminis illabatur: in eo autè illapsu, quis putet virum

Saltem quando intellectus est in statu inevidentiæ actualis.

Imò & in statu actualis evidentiæ.

doctum recitare non posse Symbolum suum; nisi fortè supprimat prima Symboli verba: *Credo in Deum*. Sed longè difficilior est, ne dicam impossibile, facere omninò, ne recurrat memoria demonstrationum Dei antè-habitarum; quemadmodum Geometra, qui fortè millies demonstravit aliquam propositionem impedire non potest, quin meminerit se olim propositionem demonstrasse, quamvis jam medium demonstrationis exciderit; actualis autem illa memoria demonstrationis antè-habitæ, æquivaleret ipsi demonstrationi, in ordine ad excludendam dubitationem, & formidinem de objecto. Quare si credi non potest existentia Dei, in statu evidentie actualis, miseranda potius est, quam invidenda Doctorum hominum conditio, quibus fraudi est sua ipsorum scientia; per illam enim privantur exercitio fidei supernaturalis, quæ omni naturali evidentia potior est. Melius ergo pro causâ sapientum, quorum maximè interest, ita fideles esse posse, ut rationales esse non desinant, melius (inquam) dicitur, fidem existentie Dei cum evidentia actuali sociari posse. Ratio ulterior est. Quia nihil vetat intellectum uni eidemque objecto assentiri, propter motivum evidens, & simul propter motivum divinæ autoritatis, sive per unum eundemque actum, sive per duos, de quo non multum curant solidi Theologi.

Eaque concordia non repugnat Sancto Thomæ.

Instabis 2°. Ista concordia fidei divinæ cum evidentia displicet Sancto Thomæ, sic enim loquitur Sanctus Doctor quæst. 2. art. 2. ad 1. *Dicendum, quòd Deum esse, & alia hujusmodi,*

quæ per rationem naturalem nota esse possunt de Deo ; non sunt articuli fidei , sed præambula ad articulos. Respondeo. Nego Antecedens. Dico ex mente Sancti Thomæ , ea quæ per rationem naturalem notâ sunt , formaliter sumpta , seu prout nota sunt ratione naturali , non esse articulos fidei , quia motivum fidei non est ratio naturalis ; quamvis eadem , si præcisè sumantur à ratione naturali , & accipiantur cum motivo divinæ authoritatis , sint veri articuli fidei : quam subtilem distinctionem indicavit ipse Sanctus Thomas eodem loco aiens , *Quod demonstrabile est , posse accipi ut credibile ab aliquo , qui demonstrationem non capit.* Hoc est , qui à demonstratione præscindit , nec objectum considerat , ut apparens per demonstrationem. Cæterum , ea quæ per rationem naturalem nota sunt , dicuntur ad fidem præambula , non quòd ipsa non sint aliquid de fide , sed quia sunt prima objecta fidei , naturali ordine aliis præsupposita , & in serie rerum credendarum , quasi agmen ducunt : neque novus est iste loquendi modus , nam dux anteire dicitur exercitum , quamvis ipse sit de exercitu , Ergò objecta dici possunt pariter ad fidem præambula , quamvis ipsa sint de fide.





QUÆSTIO II.

De unitate seu singularitate Dei.

*Lib. 1.
contra
Marc.
c. 3.*

JACTO feliciter totius Religionis fundamento, seu solidè stabilità contra Atheos existentia Dei, quæ omnium veritatum prima est; superstruere oportet contra Polytheos Unitatem, seu Singularitatem Dei; quæ secunda veritas est cum primâ ità connexa, ut, quod ait Tertullianus, *Deus non sit, si unus non est*. Unitatem autem hîc accipimus, pro unitate illâ, per quam res ita est una & singularis, ut omnem multiplicitem excludat, non specificam tantum, sed etiâ numericam. *Quo modo* (inquit Bernardus.) *Sol unus est, quia non est alter, & Luna est una, quia non est altera*. Demonstrare igitur habemus, Deum ita esse unum per exclusionem pluralitatis Deorum, ut plures dii nec sint, nec esse possint. Sunt enim 1°. Ingenia quædam dura, ne dicam fortia, quibus nondum satis apparet evidenter Unitas & Singularitas Dei; quare Polytheismum in genere, vel tacitè admittunt, vel non satis apertè rejiciunt. 2°. Sunt, aut fuerunt qui Polytheismum aliquem in specie sequuntur, numerum & conditionem Deorum determinantes. Nos primo loco, contra Polytheismum in genere, deinde verò, contra Polytheismum in specie, Unitatem & Singularitatem Dei demonstrabimus.

CAPUT PRIMUM.

*Demonstratur unitas & singularitas Dei
contra Polytheismum in genere.*

THesis Unica. Evidens est Deum esse Unitas & unum & singularem, per exclusionem singulari-
omnis pluralitatis Deorum. ritas Dei demon-
stratur.

Demonstratur 1^o. Ex ipsâ Dei notione po- Ex ipsâ
pulari : nam evidens est, esse non posse plu- Dei notio-
res Deos, si ipsa Dei notio pluralitatem ne popu-
Deorum evidenter excludat; sicut evidens est, lari.

non posse esse circulum infinitum, quia ipsa
notio circuli formaliter importat rationem
figuræ essentialiter terminatæ. Atqui ipsa Dei
notio evidenter excludit pluralitatem Deorum.
Nam quid tandem est Deus? Certè aliquid
omnium Primum, Optimum, Maximum,

Hoc enim, inquit Augustinus, omnes Deum con- De Doct.
sentiant esse, quod ceteris rebus omnibus antepo- Christ. c. 7.

nitur, ea verò notio Dei evidenter excludit
pluralitatem, quia ex ipsis terminis repugnat
plures esse res, quarum quælibet sit omnium
prima, quælibet optima, quælibet maxima.
Nam si essent, exempli causâ, duo dii, unus
esset altero melior, & simul non esset. Melior
quidem esset, quia ex suppositione Deus esset,
ac proindè aliquid omnium optimum: non
esset autem melior, quia haberet collegam di-
vinitatis meliorem se, aut certè non inferio-
rem. Hæc ferè est solida ratiocinatio Tertul-

Lib. 1.
contra
Marcion.
c. 3.

liani ex conceptu Summi Magni deprompta. *Nam quæ est, inquit, conditio Summi Magni, ut nihil illi adequetur, id est, ut non sit aliud Summum Magnum, quia si fuerit, adequabitur, & si adequabitur, non erit jam Summum Magnum, eversâ conditione, & ut ita dicam, lege, quæ Summo Magno nihil finit adequare; Ergò unicum sit necesse est, quod fuerit Summum Magnum, par non habendo, ne non sit Summum Magnum.* Confirmatur 1^o. Deus ex conceptu suo habet omnem perfectionem possibilem. Repugnat autem duas naturas realiter distinctas, habere singulas omnem perfectionem possibilem, una liquidem non habebit eam perfectionem, per quam distinguetur ab alterâ. Nam ea perfectio quæ est discretiva duarum, non potest esse utrique communis. Ergò suppositio pluralitatis Deorum destruit formaliter conceptum Dei: & stat firmum illud, quod *Catholica veritas distinctè pronuntiavit*, ut loquitur Tertullianus, *Deus si non unus est, non est.* Confirmatur 2^o. Magna quædam perfectio est, non habere æqualem: ut vel ex eo patet, quod omnes singularitatem affectant, & summæ ambitionis votum sit, non habere parem: pluralitas autem Deorum detraheret Deo singularitatem, & communitatem induceret. Confirmatur 3^o. De ratione perfectissimi est, ut sit aliquid tale, à quo cætera omnia pendeant, ejusmodi enim conceptus melior est opposito; sed in hypothefi plurium Deorum, non stat ille conceptus, unus enim Deus ab altero non penderet. Ergò in hypothefi plurium Deorum, nullus esset Deus.

Deus. Quare, ut rectè concludit Athanasius, *Contra Gentiles.* perindè est dicere multos esse Deos, ac nullos esse; & Polytheismus, quidam Atheismus est, quemadmodum in politicâ multitudo principum est ruina principatus, & Poliarchia Anarchia est.

Demonstratur 2^o. Unitas Dei ex unitate *Lib. 12.* mundi, juxtà illud Ambrosii, *Unum Deum de fide communis natura testatur, quia unus est mundus.* c. 1.

Videtur enim satis impossibile, ut plures ad *Ex unitate mundi.* productionem istius rerum universitatis, sine

discordiâ convenerint; neque minùs impossibile est, ut in eodem rerum tenore servando plures conveniant: quod egregiè explicat La- *De ira Dei* ctantius similitudine multiplici. *Non possunt,* c. 11.

inquit, *in unâ civitate multi esse rectores, nec in unâ domo multi Domini, nec in unâ navi multi gubernatores, nec in armento aut grege duces multi, nec in uno examine multi reges; sed nec in cælo, multi soles esse poterunt, sicut nec anima plures, in uno corpore: adeò in unitate natura universa subsistit.* Confirmatur 1^o. Quia ad

productionem mundi, vel sufficit unus de pluribus diis, vel opera omnium necessaria est; si sufficit unus, alii omnes superflui sunt ad productionem mundi, & potuit esse mundus, diis etiam otiantibus & invitis. Quis autem ferio dixerit Deum esse, sine quo mundus esse potuerit? si autem unus non sufficit. Ergò Deus imbecillis est, qui solus non est mundo idoneus, & alienâ ope indiget. Confirmatur 2^o. Si penderet mundus à pluribus diis, non staret diu ordo iste rerum, sed brevi turbaretur, singulis omnia ad arbitrium

suum trahentibus, ut solidè ratiocinatur idem Athanasius contrà Gentiles. *Quo ferè modo*, inquit, *nec navis si gubernetur à multis rectè cursum tenere potest, nec cythara concentum edere, si à multis pulsetur.* Confirmatur 3°. Si plures dii mundum regerent, omnes essent liberi; est enim libertas, magna perfectio divinitatis. Quæro igitur, vel possent velle pugnancia, vel non possent. Si dicas posse. Velit ergò unus solem moveri, & alter velit esse immobilem, uter (Amabo) in eâ contentione prævalebit? uterque prævalere non potest, quia pugnancia volunt, superest ergò, ut vel unus prævaleat, in quâ suppositione apparet imbecillitas alterius, vel prævaleat neuter, in quo casu uterque est impotens, qui facere non possit, quod velit. Si autem eos neget posse velle pugnancia. Contrà est, quòd omninò videtur impossibile, voluntates perfectè liberas ad idem volendum semper necessitari.

Demonstratur 3°. Ex communi sensu hominum. Nam de uno Deo, omnium penè una opinio est, & quidam naturæ instinctus, quem pulchrè appellavit Tertullianus, *Testimonium anima naturaliter Christiana*, hoc est, unum Deum naturaliter, Christiano more profitentis. *Audito*, inquit Minutius, *audio vulgus, cum ad cælum manus tendunt, nihil aliud quàm Deum dicunt, & Deus magnus est, & Deus verus est, & si Deus dederit.* Vulgi iste naturalis sermo est? An Christiani contentis oratio. Plura non dico, pro demonstratione unitatis Dei; vide quæ supra diximus, pro de-

Ex com-
muni sensu
hominum
de Deo
uno.

In Octav.

monstratione existentiae : nam utraque veritas , eodem stat gradu certitudinis , & claritatis.

Objicies 1^o. Multiplicitas individuorum est quædam naturæ perfectio ; nam quò plura sunt naturæ individua , eò natura perfectior est. Naturæ autem divinæ competit omnis perfectio , Ergò & individuorum multiplicitas. Respondeo. 1^o. Cum Augustino , multiplicitatem esse defectum entis , non perfectionem : *nihil , enim (inquit) est esse , quàm unum esse : itaque , in quantum quodque unitatem adipiscitur , in tantum est.* Ergò cum natura divina maximè omnium sit ens , maximè omnium debet una esse , ac proindè omnem multiplicitatem excludere. Respondeo 2^o. Esto , multiplicitas individuorum sit perfectio naturæ limitatæ & imperfectæ , quæ nihil habet multiplicitati repugnans ; non est tamen perfectio naturæ illimitatæ , & perfectissimæ , cujusmodi est natura divina ; quia natura illimitata & perfectissima , est essentialiter immultiplicabilis : nam *duo summa magna quomodo consistant (inquit Tertullianus ,) cum hoc sit summum magnum , par non habere ; par autem non habere , uni competat , in duobus esse nullomodo possit.* Respondeo 3^o. Multiplicitas individuorum facit quidem ad perfectionem quandam naturæ extensivam , quatenùs plura individua , sunt plures naturæ , sed non facit ad perfectionem naturæ intensivam : quamvis enim Socrates esset unicus homo , natura humana in Socrate , non esset minus perfecta intensivè ; quia eadem haberet prædicata essentialia , quæ nunc

Lib. 2. de morib. Manich.

Individuorum multiplicitas naturæ defectus est magis quàm perfectio

Lib. 1. contra Maxe. c. 3.

habet. Perfectio autem extensiva naturæ, non est perfectio pura, & simpliciter simplex (ut loquuntur) sed tantum perfectio secundum quid, imperfectione mixta, & pugnans cum perfectione meliori, unitate scilicet, & singularitate. Naturæ igitur divinæ formaliter inesse non potest, cui formaliter inest quod melius est.

Obijcies 2^o. Ponamus esse duo individua naturæ divinæ, stabit in utroque tota ratio divinitatis; utrumque enim habebit omnem perfectionem possibilem, divinitati essentialem: nam, si qua uni perfectio deesset, maxime differentia numerica alterius, sed defectus perfectionis illius nullatenus impedit, quominus habeatur omnis perfectio divinitati essentialis; tum quia differentia numerica, non est essentialis naturæ; tum quia pugnat cum perfectione æquali, ac proinde est tantum perfectio secundum quid; perfectio autem secundum quid, non est divinitati essentialis. Respondco. In neutro individuo futuram essentiam divinitatis, quia neutrum haberet omnem perfectionem divinitati essentialem. 1^o. enim, Neutrum haberet singularitatem illam, quæ fit, ut Deus parem non habeat. 2^o. Neutrum haberet *Superabundantiam Divinam*, ut loquitur Divus Thomas, quæ fit, ut Deus omnia excedat. 3^o. Neutrum haberet cumulum omnium perfectionum possibilem, unum enim individuum careret perfectione alterius: nam quod additur, essentiam Dei non postulare, ut, qui Deus est, habeat perfectiones secundum quid, est omnino falsum; essentia enim Dei

Lib. 1^o

Contra
Gentes

c. 45.

In duobus
naturæ di-
vinæ indi-
viduis es-
sentia di-
vinitatis
stare non
potest.

continet omnem perfectionem possibilem, aut formaliter, aut eminenter : formaliter quidem eas perfectiones, quæ appellantur simpliciter simplices : eminenter verò, perfectiones secundum quid. Atqui in hypothese plurium Deorum, unus non contineret formaliter perfectionem numericam alterius, ut per se patet, nec contineret eminenter, quia differentia unius, non esset melior differentiâ alterius.

Objicies 3^o. Si non esset multiplicabilis ratio essentia divina, non erit multiplicabilis ratio personæ : Nam si repugnet esse plures naturas, quarum quælibet sit perfectissima, videtur æquè repugnare esse plures personas, quæ singula perfectissimæ sint. Si plures naturæ concordēs esse non possint, in productione, aut conservatione rerum; quomodo pluribus personis benè conveniet. Respondeo. Nego sequelam. Disparitas est, quia quælibet Persona Divina, ut persona est, non est simpliciter, & in omni genere perfectissima; sed perfectissima dumtaxat secundum quid, & in suo genere : paternitas v. g. perfectissima non est in omni genere, sed in genere paternitatis, &c. Nihil autem repugnat, plura esse perfectissima secundum quid, & in suo genere. At verò essentia divina est aliquid simpliciter, & in omni genere perfectissimum, quod profectò stare non potest in pluribus. De concordia autem dico, personas divinas non posse esse discordes, quia unam eandemque voluntatem habent; sed plures naturæ divinae, cum diversas haberent voluntates, easque omninò liberas, & à se invicem independen-

Cur ratio personæ divinae multiplicabilis sit; non ratio essentia.

tes, non videtur possibile, ut semper in omnibus convenirent. Sed quomodo personarum divinarum multiplicitas conciliari possit, cum unitate essentiae divinae, fusiùs tractabitur suo loco, ubi de Mysterio Sanctissimae Trinitatis.

CAPUT II.

Demonstratur unitas & singularitas Dei contra Polytheismum in specie.

Species
Polytheismi
multi-
plex.

Duplicem distinguo Polytheismi speciem. Alius est Polytheismus Gentilium, qualem scilicet finxerunt Gentiles idololatram. Alius est Polytheismus Hæreticorum, qualis nimirum placuit Hæreticis nonnullis, Christi nomen & sectam profitentibus.

ARTICULUS PRIMUS.

Contra Polytheismum Gentilium.

Contra
Polytheismum
Gentilium.

Primum
Argumentum
est.
manifesta
quædam
absurditas.

Polytheismo Gentilium, opponere quidem possumus demonstrationes omnes, quæcumque militant contra Polytheismum in genere; sed præter illa communia, tria sunt argumenta Patrum singularia, quæ addere placet, non tam meis, quam ipsorum verbis.

Primum Argumentum est, manifesta quædam absurditas Polytheismi Gentilium: nam

ea sententia absurda, & stolidi est, quæ de-
trahit Deo omnes ferè perfectiones, quas
ipso naturæ lumine clarum est, esse maximè
propriis divinitatis, Deo affingens attributa,
quæ manifestè Deo indigna sunt: talis au-
tèm est Polytheismus Gentilium, ut facilè pa-
tebit, enumeratione aliquot ejusmodi absur-
ditatum insignium. Prima est. Quòd Deo tol-
lit æternitatem, & immortalitatem suam:
quatenùs Deos exhibet temporales, qui &
incoeperunt esse, & mortui sunt. *Antè Sa- Apolog. c. i.*
turnum, inquit Tertullianus, *Deus penes vos*
nemo est, ab illo census totius, vel potioris, vel
notioris divinitatis: itaque, quod de origine con-
fiteri, id, de posteritate conveniet. Saturnum au-
tem hominem fuisse, nec Gentiles negant, &
si fortè negarent, de suis antiquitatum instru-
mentis convinci possent. *Antrum Jovis, in- Lib: De*
quit Cyprianus, In Cretâ visitur, & sepulchrum Idol.
ejus ostenditur; quare dicendum est, totum ope-
ris divini examen, tam esse mortale, quàm se-
minis sui par. Secunda absurditas est. Quòd
Deo tollit independentiam suam; Deos enim
inducit ab alio factos, non à se ipsis. *Quia*
si seipsi facere Deos potuissent, nunquàm homines
fuisse, possidentes scilicet melioris conditionis po-
testatem. Ergò necesse est, esse aliquem subli-
miorem Deum, & mancipem quendam divinita-
tis, qui ex hominibus Deos fecerit. Dii igitur
& nati & facti sunt: si autèm aliquandò nati
sunt (quærit lepidè Cyprianus,) *cur non ho-*
dieque nascuntur, nisi, si fortè Jupiter senuit, aut
partus in Junone defecit. Tertia est. Quòd Deo
tollit necessitatem existendi: quatenùs Deos

facit contingentes, & arbitrarios. Nàm *status Dei cujusque, in Senatûs æstimatione pendebat: Deus non erat, quem homo consultus noluisse, & nolendo damnasset.* Nec Senatûs tantum, sed privatorum etiam hominum arbitrio divinitas permittebatur. Homines enim politi & ingeniosi in Deos consecrabant, quos paulò antè luctu publico mortuos confessi erant. Quarta. Quòd Deo tollit immutabilitatem, & beatum illum statum, omni malo inaccessum: Deos enim exhibet patentes vulnèri, & humanis casibus obnoxios; putà, Venerem humanà sagittà sauciatam, Martem tredecim mensibus in vinculis penè consumptum. Quinta. Quòd Deo tollit Sanctitatem: Deos enim representat Sceleratissimos, ut, Jovem adulterum, Mercurium furem, Junonem invidam, Larentinam publicum Scortum, &c. Quare graviter Gentiles reprehendit Tertullianus, quòd in diis consecrarent eadem Scelera, quæ in hominibus puniebant. *Quid ergò damnatis, inquit, quorum collegas adoratis? sugillatio est in Cælo, vestra Justitia.* Sexta. Quòd Deo tollit intelligendi vim, proprium characterem divinitatis: Deos enim inducit inanimes, quos milvi & mures, & Aranea intelligunt; putà nimirum simulacra, & materias sorores vasculorum, instrumentorumque communium. Septima. Quòd Deo tollit omnipotentiam: invchit enim turbam pusillorum Deorum, qui nihil ferè possint. Unusquisque (ait Augustinus,) *Domi sua ponit ostiarium, & quia homo est, omninò sufficit: tres Deos isti posuerunt, Forculum foribus, Cardeam cardini, Limentinam li-*

*Apolog.
cap. II.*

mini : ità, non poterat Forculus simul fores & cardinem, limenque servare. Octava. Quòd Deo tollit majestatem suam, deprimendo divinitatem ad ipsas usque animantes : quod Romanis Tertullianus exprobrat, Christianos simul vindicans à calumnià, quâ caput asini adorare dicebantur, *Vos tamen, inquit, non negabitis Apolog. & jumenta, & tauros, & canterios cum suâ cap. 16. Hipponâ coli à vobis; hoc forsitan improbandum, quod inter cultores pecudum bestiarumque, asinari tantum sumus. Nec bestias tantum, sed res alias quasque indignissimas Gentiles pro diis habuerunt : nam (ut notat Cyprianus,) Lib. de idol. deam quoque Cloacinam, Tatiùs & invenit, & coluit, pavorem Hostilius & pallorem; mox, à nescio quo, febris dedicata, & Aca, & flora meretrices : atqui hi sunt dii Romani.. Sed hæc plusquàm satis de absurditate Polytheismi Gentilium : nec enim omnia dicere velim, quia, ut cum Augustino argumentum nostrum concludam, piget me, quod illos non pudet.*

Alterum Argumentum Patrum contra Polytheismum Gentilium, est ipsa Gentilium conscientia, Deos suos non modò clàm, sed etiam palàm ridèntium. *Appellamus (aiebat Tertullianus,) & provocamus à vobis ad conscientiam vestram, illa nos Judicet, illa nos damnet. Porro istam Gentilium conscientiam colligebat Tertullianus, partim ex sapientum & ingeniosorum sensu : Nam quis non Poëta, Apolog. inquit, ex authoritate principis sui dedecorator cap. 14. invenitur Deorum : de Philosophis taceo, Socrate contentus; qui in contumeliam Deorum, quer-*

Secundum.
Ipsa conscientia Gentilium.

cum , & hircum , & canem dejerabat : partim , ex sermone ipsius vulgi imperiti , Deum passim , non Deos nominantis ; nec ad Capitolium , sed ad Cælum respicientis . partim denique , ex publico & patenti Deorum contemptu , quem contemptum multipliciter præferebant . 1^o. Quidem , quòd Deos suos venderent ; nam *Domesticos* , inquit , *Deos* , quos *Lares* dicitis , domesticâ potestate tractatis , pignorando , venditando , demutando , aliquandò in cacabulum de Saturno , aliquandò in trullam de Minervâ ; ut quisque contritus atque contusus est , dùm diu colitur . 2^o. Quòd Deos vectigales haberent . *Jure* , inquit , publico fœdatis , quos in *bastario* vectigales habetis : divinitas addicta conducitur . 3^o. Quòd de diis quæstam facerent . *Majestas Quæstuarîa* efficitur ; exigitis mercedem pro Solo Templi , pro aditu Sacri : non licet Deos nosse gratis , venales sunt . 4^o. Quòd Deos riderent in mimis suis , quorum argumenta erant , *Et Mæchus Anubis* , & *masculus Luna* , & *Diana flagellata* , & *Jovis mortui testamentum* recitatum . 5^o. Quòd producerentur ab *Histrionibus* in Scenam , *Ubi* luget Sol filium jactatum de Cælo , letantibus vobis ; & *Cybele Pastorem* suspirat fastidiosum , non erubescitibus vobis . 6^o. Quòd Deorum personæ agerentur à vilissimis , & impurissimis hominibus : Nam sæpè imago Dei vestri , vestit ignominiosissimum caput . corpus impurum , *Minervam* representat ; Nonnè violatur *Majestas* , & *Divinitas* constupratur , laudantibus vobis . 7^o. Quòd in Deorum templis præsertim peccarent . Nam constat , in templis adulteria componi , inter *Aras*

Apolog.
cap. 13.

Ibidem.

Ibidem.

Apolog.
cap. 15.

Apolog.
cap. 15.

Ibidem.

Lenocinia tractari, in ipsis plerumque adituorum *Ibidem;*
& Sacerdotum tabernaculis, sub iisdem vittis &
taperibus, & purpuris, thure fragrante, libidi-
nem expungi. Unde concludens, Nescio, in-
quit, plus de vobis dii vestri, quam de Chri-
stianis querantur.

Tertium Argumentum est fides & constan- Tertium:
fides &
constantia
Martyrum
Christianorum.
 tia Christianorum Martyrum, qui Polytheis-
 mum sanguine magis, quam ratione expugna-
 runt: fuit enim hæc præcipua, & iniqua cau-
 sa persecutionum nascentis Ecclesiæ; cum
 Christiani passim accusarentur sacrilegii, & mo-
 dis omnibus torquerentur, velut contemptores
 Deorum. Hoc tamen nobis (inquit Tertullia- " Apolog.
cap. 12.
 nus,) qui propter Deos ipsos plectimur, so-
 latium pœnarum esse possit, quod eadem &
 ipsi dii patiuntur, ut fiant. Crucibus & sti-
 pitibus imponitis Christianos? quod simula-
 crum non prius Argilla deformat, cruci &
 stipiti superstructa? in patibulo primum cor-
 pus Dei vestri dedicatur. Unguibus deraditis,
 lateta Christianorum: At, in Deos vestros,
 per omnia membra validius incumbunt ascia:
 ignibus urimur, hoc & illi, à primâ quidem
 inassâ: ad metalla damnamur, inde censentur
 dii vestri. Si per hæc constat divinitas ali-
 qua, Ergò qui patiuntur, consecrantur, & nu-
 miua erunt dicenda supplicia.

Objicies. Polytheismus omnium ferè gen-
 tium opinio fuit, omnes autem in errorem
 consentire non possunt: Polytheismus anti-
 quissimus est, à primis usque temporibus ve-
 niens, novitati autem debet præscribere anti-
 quitas: Polytheismus diu multumque duravit,

Polytheis-
mo Genti-
lium nihil
faver, seu
universalit-
as, seu
antiquitas,
seu diutur-
nitas.

est autem ea mendacii natura, ut brevi dete-
gatur. Ità ferè Gentiles, pro sua superstitione
contra Christianos arguebant. Respondeo.
Antè omnia, triplicem distingui oportere Po-
lytheismum. Mentalem scilicet, Vocalem &
Realem. Polytheismum mentalem appello,
persuasionem animi internam, circa pluralita-
tem Deorum. Vocalis autèm est, cum pluri-
bus rebus per abusum tribuitur *incommunica-
bile Dei nomen*. Realis in eo consistit, quòd
multis rebus divini honores exterius reddan-
tur. Undè, primus, est Polytheismus mentis.
Secundus, est Polytheismus linguæ. Tertius,
est Polytheismus actionis. Hæc distinctione
præmissâ,

Polytheis-
mus men-
talis pau-
corum ad-
modum
fuit.

Dico primò, circa universalitatem Poly-
theismi. Polytheismum mentalem, sapien-
tum & ingeniosorum non fuisse; ea enim
est sententiæ absurditas, quæ in sapientem &
ingeniosum cadere vix possit. Igitur, sapien-
tes & ingeniosi, Deorum pluralitatem; vel
apertè negabant; ut Socrates, proptereà dam-
natus, quia Deos destruebat; vel privatim in-
ter suos, & in sinu redibant, ut plerique Ro-
mani, Epicurum eatenus secuti, & Epicuri
imaginem proptereà in sinu gestantes; vel de-
nique in scriptis publicis, ità Deos asser-
bant, ut simul ridiculos facerent: quo modo
scripsit Tullius de naturâ Deorum, cujus li-
bri, ut in Deos contumeliosi, postea cum
Christianorum libris combusti sunt, temporibus
Diocletiani. Polytheismus ergò mentalis, fuit
tantum multitudinis imperitæ: imò, nec propriè
loquendo, illius fuit, quia imperitæ plebs non

fatis intelligebat, quid nomine Dei significaretur. Quare nego Polytheismum mentalem adeò fuisse communem, fuit enim paucorum, & ferè stupidorum. Communis ergò Polytheismus vocalis tantùm fuit, aut realis; quatenùs homines *Dei nomen incommunicabile* Lapidibus & lignis imposuerunt, non satis intelligentes quid dicerent; aut creaturis supremum cultum exhibuerunt, rebellium more subditorum, qui sæpè regios honores deferunt iis, quos probè sciunt reges non esse, sed Tyrannos.

Dico secundò. Contra Antiquitatem Polytheismi, valere illud Tertulliani, *Veritati nemo præscribere potest, non spatium temporum, non patrocinia personarum, non privilegium Regnorum.* Valet quoque illa ejusdem responsio ad Gentiles. *Antiquitatem prædicatis, & novè in dies vivitis*, novos enim Deos quotidie inducebant, ablegatis etiam veteribus. Valet deniquè. Quòd sententia de Unitate Dei longè antiquior est Polytheismo: Polytheismi enim & notantur initia, & origo vitiosa ostenditur, eaque multiplex. Prima est. Quam notat Tertullianus, licentia, seu pictoria, seu poëtica: pictoribus enim atque poëtis, quibus omnia licent, libuit multiplicem fingere divinitatem. Secunda est. Quam notat Paulus ad Rom. præsumptio Philosophorum; *qui evanuerunt in cogitationibus suis, & dicentes se esse sapientes, stulti facti sunt.* Tertia. Quam notat Augustinus, Methodus malè intellecta quorundam sapientum, qui plura nomina Deo tribuebant, & divinitatem quasi partiebantur

Sententia de unitate Dei Polytheismo antiquior. In Apolog.

Polytheismi origo vitiosa eaque multiplex.

C. 1.
Lib. de Meth.

in plures perfectiones ; inde enim plebs occasionem accepit errandi, & divinitatem multiplicandi. Quarta. Indicata à Cypriano, fuit regum ambitio : reges enim non contenti humanis honoribus, divinos affectarunt : indè illis instituta Tempia, indè ad defunctorum vultus per imaginem detinendos expressa simulacra, indè posteris ficta sunt Sacra, qua priùs fuerant assumpta solatia. Quinta. Fuit adulatio, & avaritia populorum, regum ambitioni turpiter servientium, propter bona temporalia obtinenda. Hinc appellatur à Paulo avaritia,

Lib. de
idol.

Ad Coloss.
3

Idolorum servitus. Sexta. Causa fuit nimius amor parentum in filios : quæ causa tangitur Sap. 14. ubi dicitur, à luctu dolens parens, cito rapti filii fecisse imaginem, & illum, qui tùm quasi homo mortuus fuerat, nunc, ut Deum colere capisse. Septima, Fuit dæmonum fraus divinitatis umbram multipliciter captantium : illi enim *Spiritus insinceri & vagi*, (ut loquitur Cyprianus,) *Sub statuis atque imaginibus consecratis delirescunt, afflatu suo vatum peccora inspirant, avium volatus gubernant, sortes regunt, oracula effundunt, falsa veris semper involuunt.* Habent ergò Gentiles, si ad originem Polytheismi redeant, unde erubescant.

Lib. de
idol.

Polytheismi diurnitas veritatis Indicium non est.

Dico tertio. Quòd pertinet ad diuturnitatem Polytheismi, nullum omninò veritatis indicium esse : tùm quia incredibilis fuit Polytheismi inconstantia : tùm quia popularis error, in materiâ præsertim religionis, morbus est curatu difficillimus ; populus enim hoc videre non potest, quòd erret. Ad hæc, nutriebant errorem iidem hominum mores, qui errorem .

invexerant ; fovebat politica principum , quòd ex mutatione religionis timerent rerum mutationem : accedebat constans astutia diaboli , populo malè credulo illudentis. Addere possumus iram & Justitiam Dei , qui homines Dei cognitione abutentes tradiderat in reprobum sensum , miserabilem idololatriæ statum permittens ; tùm ad Justitiam suam , tùm ad Christi venturi necessitatem demonstrandam. Ille enim est , qui *Spolians potestates* , Deos gentium traditurus erat *confidenter* , *palàm Ad Col. triumphans in semetipso* , ut loquitur Apostolus. c. 2.

ARTICULUS II.

Contra Polytheismum Hæreticorum.

DEos, non pictoria tantùm , aut Poëtica licentia multiplicat , sed etiam Hæretica : nam Polythei fuere nonnulli Priorum temporum Hæretici , imprimis autem Valentiniani , Marcionitæ , & Manichæi , quos omnes refutare satis erit absurditate , & inconsequentia Doctrinæ suæ : habent enim singuli deliria sua , quæ breviter perstringam , & pro merito singulorum.

§. I.

De Polytheismo Valentini.

Dico. Polytheismus Valentini ineptissima fabula est , aut series malè texta ineptissimarum fabularum. Explicatur ex ipso Ter- Explicatur

& rejici-
tur Poly-
theismus
Valentini.
*Advers.
Valent.*

tulliano. Valentinus Ægyptius, Antonini Imperatoris temporibus, cum primum professus esset Romæ Catholicam fidem, fortè Episcopatum speraverat, quia & ingenio poterat & eloquio; sed alium ex Martyrii prærogativâ, loci positum indignatus, *de Ecclesiâ authenticæ regula abruptit, ut solent animi proprioratu exuti, presumptione ultionis accendi.* Conversus est ad expugnandam veritatem, triginta Deos, quos Æonas, seu sæcula nominavit, admittens, *usque enim ad triginta Æonum fetus, tanquam Æonia scropha, examen Divinitatis effudit.* Rejicitur autem fabula. 1º. Ipsorum silentio & dissimulatione Hæreticorum: Nam Valentiniani, frequentissimum inter Hæreticos collegium, nihil magis curant, quàm occultare, quod prædicant. *Confusio nimirum predicatur, dum religio asseveratur.* 2º. Ipsâ profunditate, seu obscuritate fabulæ; est enim intricatissima: quare, si bonâ fide quæras (inquit Tertullianus,) concreto vultu & suspensio supercilio, altum est, aiunt. Hinc est, quod Catholicos, ut simplices traducerent, se autem solos sapientes jactarent. Sed abscondat se serpens quantum potest, totamque prudentiam in latebrarum ambagibus torqueat, altè habitet in cæca, detrudatur per anfractus, seriem suam evolvat, tortuosè procedat, nec semel totus, Lucifuga bestia; nostræ columbæ domus simplex est, etiâ in editis semper, & apertis, & ad lucem, amat figuram Spiritus Sancti; nihil quippè veritas erubescit, nisi solummodo abscondi. 3º. Solâ expositione fabulæ: quem refutandi modum sequitur

sequitur Tertullianus, fabulam ridere contentus : Nam *si ridebitur*, inquit, *materiis ipsis satisfiet, multa sunt sic digna revinci, ne gravitate adorentur.* Et verò quis non rideat *Bython & Sygen*, hoc est, profunditatem & silentium, prima rerum omnium principia, Divinitatem tricenariam, triginta *Æonum* fœtus enixam, *Æonum* conjugationes, Nuptiales Thalamos, copulationes, emissiones & Genealogias indeterminatas, quas demonstrare, damnare est. Pleniorẽ singulorum refutationem, si quis velit, videri potest Irenæus Lugdunensis Episcopus, Doctrinarum omnium curiosissimus explorator, qui Valentinianos *Æonas*, *cucumeres*, *pepones* & *cucurbitas* appellat. Neceſſe habebat ille fabulam distinctius persequi, quia Rhodani populos pestis illa jam infecerat. Nobis ultra progrediendum est.

Dices. In Scripturâ plerumque fit mentio plurium Deorum, inducitur enim Deus aliquis Deorum in Sion, prædicantur Filii excelsi, &c. Respondeo 1º. In Scripturâ mentionem nusquam fieri triginta Deorum, quem numerum gratis fingebat Valentinus; sed neque Deos, *Æonas*, aut *Sæcula*, Scriptura nominavit. Sicubi igitur mentio plurimorum Deorum fit in Scripturâ, intelligenda res est, vel in sensu Gentilium, simulacra sua Deos appellantium; ita Deus noster dicitur esse præ omnibus diis, hoc est, præ omnibus quos Gentiles, ut Deos adorabant; vel dicendum est, fieri abusum & ampliacionem nominis; quatenus scilicet nomen Dei transfertur ad

Quo sensu
Scriptura
plurium
Deorum
mentio-
nem faciat.

imaginem Divinitatis ; quò ferè modo multos soles esse dicimus , cum in nube multi soles pinguntur ; nam imago quidè divinitatis potest esse multiplex , at ipsa divinitas unica est.

§. II.

De Polytheismo Marcionis.

Explicatur
& explodi-
tur Poly-
theismus
Marcionis.

Dico. Polytheismus. Marcionis insigniter peccat in multis. Explicatur. Marcion ille , quem *primogenitum diaboli* appellabat Polycarpus Smyrnenſis Episcopus , quale monstrum fuerit , depingit Tertullianus sub initium libri 1. De unico Deo contra Marcionem : ubi postquàm multa dixit de Ponto Marcionis Patrià , deque regionis duritie ac barbarie , ad hominem veniens , *sed nihil* , inquit , *tàm Barbarum ac tàm triste apud Pontum , quàm quòd illic Marcion natus est.* Duos autem Ponticus iste Deos asserebat : unum scilicet , quem negare non poterat Creatorem , hoc est , nostrum : alterum , quem probare non poterat , id est , suum , unum , bonum , alterum , malum : unum , creatorem ; alterum , reparatorem : unum , visibillum , alterum , invisibillum factorem : unum , Deum legis , alterum , Deum Evangelii ; Nam proptereà Antitheses scripserat Marcion , hoc est contrarias oppositiones Legem inter & Evangelium , ut ex diversitate sententiarum utriusque testamenti , diversitatem quoque Deorum argumentaretur. Dico autem ejusmodi Polytheisimum peccare insigniter in multis.

Nova Theologia. 115

1^o. Quidem. Peccat in numero Deorum. Rationem enim *Summi Magni* multiplicat, quæ non est multiplicabilis, Lippientibus nimirum etiam singularis *Lucerna numerosa est.*

2^o. Peccat in definiendo Deorum numero: nam si duo, cur non plures? *Locupletiolem Tert. eodem enim credi oporteret substantiam Divinitatis, si lib. competeret ei numerus. Honestior atque liberalior Valentinus*, qui ad triginta usque numerum extendit: certè, si multiplicitas sit perfectio naturæ Divinæ, ei tribuenda est quàm maxima, Ergò jam non duos Deos; sed infinitos admittere oportebit.

3^o. Peccat in disparitate Deorum suorum: duos enim Deos non æquales, aut similes, sed omninò inæquales & dissimiles, unum altero superiorem ac meliorem repræsentat, *desinit autem, & destruitur Deus, si subjiciatur.*

4^o. Peccat in constitutione Dei sui, illum enim novum facit; quis autem Deus novus, nisi falsus? Verus enim Deus, nec in seipso novus est, cum necesse sit æternum esse; nec in cognitione novus, Deus enim ignotus esse non potuit. *Invenio quidem (ait Tertullianus,) ignotis diis Ibidem. Aras prostitutas, sed Attica idololatria est, item incertis diis, sed superstitio Romana est.*

Deum item inducit, cui mundus iste totus extraneus est, cum tamen hoc Dei sit, omnia illius esse, & omnia ad illum pertinere. Sicut enim creator ex hoc probatur Deus, & indubitatus Deus, quia omnia ipsius, & nihil extraneum illi, ità & alius idcirco non Deus, quia omnia non ejus, ideoque extranea. Deum fingit insuper nullo suo opere insignem,

Lib. 1.
contra
Marc.

Unam saltem Cicerculam Deus Marcionis propriam protulisse debuerat, ut novus aliquis Triptolemus predicaretur. Denique Deum exhibet imaginariè tantùm, stupidè, & imperfectè bonum, qui nihil omninò ulciscatur, nihil puniat, neque enim *plenè bonus est, nisi qui mali emulus, & vindex est.* 5°. Peccat in constitutione Dei Creatoris; illius enim Divinitatem agnoscit simul, & destruit: nam & Deum Creatorem, alteri Deo subjicit, & vult malum esse, non bonum, rerum visibilibium conditorem, non invisibilibium. 6°. Peccat in consequentibus: nam & legem rejicit, tanquam à Deo Creatore latam, Resurrectionem carnis negat, damnat nuptias, quippè quæ tendunt ad propagationem carnis, Christum putativè tantùm, & in phantasmate apparuisse vult, non autem in verâ carne. Istorum autem omnium ratio est, quia carnem putat esse à Deo malo.

Objicies cum Marcionitis. Est aliquis Deus bonus, sed Deus Creator, bonus non est: Ergò est alius Deus distinctus à Creatore. Minorem probant multis argumentis. Nam 1°. (inquiunt) Deus creator hominem fecit malum & peccatorem. 2°. Fecit diabolum instinctorem peccati. 3°. Excusari non potest à peccato ipsa substantia Creatoris; anima enim quæ in homine peccat, est flatus Dei, & portio quædam divinæ substantiæ. Ità illi. Quibus respondet indignans Tertullianus. *O! canes quos foras expellit Apostolus, latrantes in veritatem Dei: hæc sunt argumentorum ossa, quæ abroditis.* Nego igitur Minorem. Ad primum

Deus Creator
quo-
modo non
malus.

autem dico, bonitatis esse quoddam Deus hominem fecerit, eumque liberum fecerit: quoddam autem peccaverit homo, non Dei culpam esse, sed hominis; culpa enim libertatis non ei imputari debet, à quo data est. Præsciebat ergo Deus hominem peccaturum, & peccatum impedire poterat, sed idcirco impedire noluit, quia si impediisset, rescissâ arbitrii libertate quam permiserat, exclamasset Marcion: *O! Dominum futilem, instabilem, infidelem, Contra rescindentem quæ instituit. Cur permiserat liberum arbitrium, si intercedit? Cur intercedit, lib. 2.* si permisit. Ad secundum pariter dico, Angelum à Deo factum esse bonum: nam sapientissimus erat, antequam diabolus, ut habetur multis scripturæ locis, propriâ igitur voluntate, & malus, & mendax, & diabolus factus est. Ad tertium. Nego peccatum cadere in substantiam Creatoris, anima enim ita est flatus Dei, ut non sit ipsa Dei substantia, sicut flatus hominis in fistulam, homo non est, nec urceus factus à figulo, figulus est, opus enim aliud sit ab artifice, necesse est: atqui anima, est opus Dei Creatoris.

Instabis 1^o. Deus creator sævus est; nam, vehementer irascitur, & punit, & in æternum damnat, quæ omnia non sunt Dei boni. Respondeo cum Tertulliano. Usque ad delictum hominis, Deus à primordio tantum bonus, exindè iudex, & severus; ita prior bonitas Dei, secundum naturam, severitas posterior, secundum causam, illa ingenerata, hæc accidens, illa propria, hæc accommodata, Deus igitur sævus non est, sed Justus: *Quomodo non sævus sed justus. Marc. lib. 2.*

„ iustitiam malam nemo dixerit, quæ malo non
 „ favet, nemo non bonam, quæ bono prospici-
 „ cit : omne quippe opus iustitiæ, procuratio
 „ est bonitatis. Idem, quia bonus est, & iustus.
 „ Nam quis author boni, nisi qui & exactor?
 „ quis mali extraneus, nisi qui inimicus? quis
 „ inimicus, nisi qui & expugnator? quis ex-
 „ pugnator, nisi qui & punitor? sic totus Deus
 „ bonus est, dum pro bono, omnia est. Addo
 „ insuper. Deum non posse esse perfectè bo-
 „ num, si non idem iustus sit; nam qualis es-
 „ set Deus, & quomodo bonus, sub quo deli-
 „ cta gauderent, & ei diabolus illuderet, qui ho-
 „ minem faceret magis malum severitate delicti.

Instabis 2^o. In Evangelio proponitur duplex
 arbor, una bona, altera mala; quæ duplex
 arbor Deum duplicem repræsentat, unum
 bonum, alterum malum: bona autem arbor
 non facit fructus malos, Ergò Deus qui facit
 fructus malos, non est bonus Deus; sed Deus
 Creator malos fructus facit, ipse enim se pro-
 fitetur conditorem malorum. Respondeo. Si-
 militudinem geminæ arboris ad homines, non
 ad Deos pertinere, ut vel hinc patet, quòd
 arbor mala dicitur excidenda, & mittenda in
 ignem; hoc autem Deo convenire non po-
 test: quòd autem additur, Deum esse condi-
 torem malorum; distinguenda sunt duo ma-
 lorum genera, mala scilicet culpæ, & mala
 pœnæ: & malorum quidem culpæ, Deum ne-
 gamus esse authorem, sed ultrò fatemur au-
 thorem esse malorum pœnæ, quæ scilicet ju-
 dici congruunt; nam hæc, illis tantum mala
 sunt, quibus rependuntur, alioquin bona,

Quomodo
 & quorum
 malorum
 conditor.

quia iusta, & bonorum defensiva, & delictorum inimica, & in hoc ordine, Deo digna. Quod si Marcion credendum putat Deo Creatori profitenti se mala facere, eidem pariter credendum est, asserenti se facere bona. Ità ad omnia occurrit Deus *idem percutiens & sanans, mortificans & vivificans, humilians & sublevans* : Ergò ab uno eodemque principio, & bona, & mala procedunt.

§. III.

De Polytheismo Manichæi.

Dico. Polytheismus Manichæi nihilò melior, imò longè fabulosior Polytheismo Marcionis. Explicatur. Manichæus natione Persa, conditione servus, qui & Curbicus dicebatur; se ipse Apostolum Jesu Christi nominare solebat. Non quòd se unum de Apostolis putaret esse, sed quòd eo titulo insinuare vellet, se esse paracletum illum Spiritum veritatis, à Christo Apostolis promissum, ut observat Augustinus, in libro contra Epistolam fundamenti; in quâ Epistolâ Doctrinæ suæ fundamenta jaciebat Manichæus: Admisit autem duo rerum principia æterna, sibi invicem contraria, duasque naturas & substantias, unam boni, alteram mali; Duas item terras conterminas, terram lucis & terram tenebrarum: mundum verò istum, non ex nihilo factum, sed ex permixtione boni & mali concretum; ipsum etiam hominem constare ex duobus principiis, ex bono quidem secundum

Explicatur
& rejicitur
Polytheismus.
Manichæi.

animam, ex malo autem secundum corpus. Atque hæc sunt fundamenta Manichæismi, quibus superædificati sunt errores innumeri minus ad præsentem quæstionem pertinentes. Peccat autem ista Manichæi sententia. 1º. Quod rerum principia æterna duo constituar, cum tamen necesse sit unicum esse. 2º. Peccat in constitutione principii boni, & terræ lucis : nam principium illud finitum facit, loco terminatum, quippe cui contermina sit ad unum latus terra tenebrarum, tanquam si unus panis in quadras quatuor decussatim formetur, in quibus fiat tres candidæ, una nigra : & quidem tres candidæ terram luminis, nigra vero terram tenebrarum repræsentet. Ridet Augustinus & meritò ridet tam deformem turpemque fissuram, vel scissuram Dei, tam inaniter supra hiulcū, tam deformiter infra obscuratum; & Antropomorphitas, qui Deo humanam formam tribuebant, honestiùs de Deo sentire probat, quàm Manichæos. Deinde, corruptibilem facit Deum error iste, commutabilem, violabilem, indigentia & miseria obnoxium; animam quippe Deum esse dicit vel partem Dei : *Nec video* (inquit Augustinus,) *quomodo Deus non sit, quæ pars Dei dicitur* : Nam & auri pars, aurum est, & pars aqua, aqua est, & pars lucis, lux est : sed esto, Dei pars Deus non sit, non tamen erit incorruptus Deus, in cujus parte corruptio est. 3º. Peccat in constitutione summi mali; nam summum malum vult esse naturam, & substantiam, nulla autem natura seu substantia malum esse potest; quia malum est,

quod contra naturam est. Deinde, in summo malo multa bona admittit; siquidem bona sunt, firmitas corporis, visus, auditus, locutio, fecunditas, solum genitale, libertas, vita, *quæ omnia*, inquit Augustinus, *in illo mali regno fuisse perhibetis, & summum malum audetis asserere.* 4^o. Peccat in multis consequentibus, præsertim in materiâ morum, quæ omnia eleganter & solidè pluribus libris refellit Augustinus, aliquandò & ipse Manichæus.

Quâ de re Ecclesiam sic pulchrè alloquitur. *Te ergo Sponsa veri Christi Ecclesia Catholica alloquar & ego te pro modulo meo, qualiscumque Filius & servus tuus, positus in te dispensare cibaria consuevis meis: cave semper & cave Manichæorum impiam vanitatem, ille me quondam error excusserat, expertus fugi, quod expectari non debui, sed tibi profuerint etiam pericula fundamenti.* Lib. contra Epistolam

Objicies cum Manichæis. Est aliqua mala substantia, sed mala substantia non est à bono, ergò est à malo principio. Antecedens sic probabat olim Augustino unus de primatibus Manichæis: vellem, aiebat, habere scorpionem, in manu hominis ponere, ac videre utrum non subtraheret manum; quod si faceret, non verbis, sed reipsâ convinceretur aliquam substantiam malam esse: quandoquidem illud animal esse substantiam non negaret.

Respondeo. Nego Majorem. Ad probationem autem dico cum Augustino, Manichæum illum Malum non est primatem pueriliter egisse cum pueris. Quis enim meliusculè imbutus & eruditus non videret, Scorpionem, & alia quæ mala dicuntur aliqua substantia.

per inconvenientiam lædere, & rursus per convenientiam non lædere, sæpè etiam commoda non parva conferre; nam si illud venenum per seipsum malum esset, eundem Scorpionem magis priusque interimeret; at contra si ei penitus aliquo pacto detrahatur, sine dubitatione interibit: Ergò illius corpori bonum est, quod nostro malum est, item illi bonum est habere id, quo nobis bonum est carere; quia scilicet venenum illud cum corpore Scorpionis convenientiam habet, inconvenientiam cum nostro.

Multiplex
mali conceptus ex
Augustino.

Instabis 1º. Si malum non est aliqua substantia, quid tandem erit, certè quidquid sit malum, non erit à principio bono, superest ergò ut sit à principio malo. Respondeo. Ad quæstionem mali Manichæi familiarem, multiplicem affert Augustinus conceptum mali, unde hæresim Manichæi penitus destruit. Ac 1º. Quidem malum esse dicit, quod est contra naturam: quo semel constituto, evertitur hæresis Manichæi, nulla enim natura malum est, sed quod contra naturam est, id, est malum. *Vestra igitur illa gens mali (inquit Augustinus,) quam vultis esse summum malum quomodo erit contra naturam, id est, contra substantiam, cum eam, naturam atque substantiam esse dicatis.* 2º. Malum definit id quod nocet, quidquid autem nocet bono aliquo privat eam rem cui nocet: nam si nullum bonum adimit, nihil prorsus nocet; atqui in illa gente quæ summum malum dicitur, cuique rei noceri non potest; vel enim noceretur summo malo, sed in summo malo nihil boni est, sed

nocere, est privare aliquo bono : vel noceretur summo bono, istud autem incommutabile & inviolabile est, ergò nullo bono privari potest. 3°. Malum, inquit Augustinus, est corruptio : corruptio autem non est in seipsâ, sed in aliquâ substantiâ quam corrumpit, non enim substantia, est ipsa corruptio; ea igitur res quam corrumpit corruptio, malum non est; quod enim corrumpitur, integritate & sinceritate privatur, integritas autem & sinceritas bonum est; non igitur quod corrumpitur bono caret : Ergò gens illa tenebrarum, si omni bono carebat, corrumpi non poterat, non enim habebat quod ei posset auferre corruptio, quæ si nihil auferat non corrumpit. *Audete jam dicere si potestis, Deum & Dei Regnum potuisse corrumpi, si diaboli regnum quale describitis, quomodo corrumpi possit, non invenitis.* 4°. Malum est inconvenientia, quæ sine dubio substantia non est, & à substantiâ removeri potest : quo in genere, exemplum affert Augustinus cujusdam facinorosæ mulieris Atheniensis, quæ venenum, quod certo modulo damnati hauriebant paulatim bibendo, sine ullo vel levi incommodo valetudinis, effecit ut biberet : itaque cum esset aliquando damnata, legitimam illam quantitatem veneni, quam consuetudine vicerat, accepit, ut cæteri, non, ut cæteri extincta est. Hæc ferè Augustinus in quæstione unde sit malum, sapienter præmittens quid sit malum, ne ignorantæ rei, quod absurdissimum est, origo quæretur. Sed ad quæstionem, unde sit malum,

Unde sit
malum.

valdè intricatam clarè decidendam, mihi videtur opus esse ulteriori distinctione. Distinguo igitur Bonitatem duplicem, unam Physicam, alteram Moralem. Bonitas Physica est rei perfectio, idem enim est bonum, quod perfectum, ut ait Sanctus Thomas. Moralis est ea rei perfectio, quâ fit ut conformiter rectæ rationi & legi æternæ operetur. Hinc patet, distingui posse duplicem rationem mali, Physicam & moralem. Ratio mali Physica quæ substantiæ convenit, est imperfectio substantiæ, seu negatio perfectionis quæ in substantiâ non est. Ratio autem mali moralis est ea imperfectio substantiæ, quâ fit ut difformiter rectæ rationi operetur. Rursus bonitas substantiæ Physica, alia absoluta est, alia respectiva. Bonitas absoluta substantiæ, est perfectio substantiæ considerata in seipsâ, quatenus sibi ipsi bona est. Bonitas respectiva, est ea perfectio quâ fit, ut substantia sit bona & conveniens alteri. Hinc patet rationem mali Physicam, aliam item esse absolutam, aliam respectivam. Ratio mali absoluta est ipsa imperfectio substantiæ sine respectu ad aliud: Ratio mali respectiva est disconvenientia substantiæ cum alio: quod autem disconvenit, vel est negativum aliquid; vel positivum; negativum, seu negatio rei disconvenit ipsi rei cuius est negatio; positivum, ut calor disconvenit frigori, & aqua disconvenit igni. His positis triplex nascitur quæstio. Prima est Unde sit malum Physicum absolutum. Secunda. Undè sit malum Physicum respectivum. Tertia. Unde sit malum morale. Quas omnes

quæstiones breviter decidere oportet , ut summum illud malum & principium mali , Manichæismi scilicet idolum destruatur.

Pro decisione ergo primæ quæstionis , unde sit malum physicum absolutum , statuendum est 1°. Esse aliquam substantiam summè bonam , quia est aliqua substantia summè perfecta habens omnem perfectionem possibilem sine ulla imperfectione aut defectu , & hæc substantia , Deus est. 2°. Nulla alia substantia est summè bona , quia nulla alia substantia ita perfecta est , ut non habeat defectum aliquem. 3°. Nulla substantia esse potest summè mala physicè , omnes enim substantiæ habent aliquam perfectionem , & consequenter aliquam bonitatem physicam. 4°. Substantia creata physicè sumpta dici potest mala secundum quid , hoc est non summè bona & aliquam habens imperfectionem. 5°. Substantia creata in quantum physicè bona est , à Deo est , pertinet enim ad perfectionem summi boni , ut nihil bonum sit , quod ab ipso non sit. 6°. Substantia creata in quantum deficit à bono , propriè loquendo à Deo non est ; quia Deus causa non est , cur à bono deficiat. Hæc est ratiocinatio Augustini. *Quocirca (inquit) cum in Catholica dicitur omnium naturarum atque substantiarum esse authorem Deum , simul intelligitur ab eis , qui hoc possunt intelligere , non esse Deum authorem mali. Quomodo enim potest ille qui omnium quæ sunt , causa est ut sint , causam esse rursus ut non sint , id est , ut ab essentiâ deficiant & ad non esse tendant.* 7°. Defectus ille perfectionis ulterioris , in quo solo posita est ratio

Unde sit malum physicum absolutum.

Lib. de moribus Manich. c. 2.

malī physici absoluti, nullam causam habet propriè dictam. Non physicam, quia defectus ille non est aliquid positivum, sed mera negatio. Non moralem, defectus enim ille nulli causæ liber est, sed essentialiter alligatus naturæ creatæ; nam sicut essentialiter est Deo ut sit ens summè perfectum, ita essentialiter creaturæ est, ut sit ens limitatum, & habens negationem alicujus perfectionis.

Unde sit
malum
physicum
respecti-
vum.

Pro decisione autem secundæ quæstionis, unde sit malum physicum respectivum, statuendum est. 1°. Esse aliquam substantiam summè bonam etiam bonitate respectivâ, quia est aliqua substantia ita conveniens & necessaria cæteris omnibus, ut sine illâ cætera esse non possint. 2°. Nulla est substantia summè mala etiam malitiâ respectivâ, quia nulla est substantia quæ omni substantiæ disconveniat, nam neque disconvenit sibi ipsi, neque disconvenit substantiæ summè bonæ, quæ cum omni substantia benè convenit. 3°. Substantia creata, partim bona est respectivè, partim mala, quia partim conveniens est, partim disconveniens; convenit enim uni & disconvenit alteri, ut longâ inductione demonstrat Augustinus. 4°. Naturæ creatæ bonitas respectiva à Deo est, quia bonitas illa respectiva, seu convenientia quam habet res una cum alterâ, est aliquid positivum & absolutè bonum, ut supponimus. 5°. Naturæ autem creatæ malitia respectiva, seu disconvenientia cum altero etiam à Deo est. Ista enim disconvenientia, vel est aliquid positivum consistens in naturâ & qualitatibus utriusque termini, qualis est disconvenientia aquæ & ignis,

caloris & frigoris, uterque autem terminus absolute bonus est. Vel importat aliquid negativum, ut disconvenientia substantiæ cum negatione sui, quæ malum est substantiæ; ista autem negatio à Deo est suo modo, quatenus scilicet Deus liberè non conservat substantiam, potens illam conservare, quare Deo imputari potest quod substantia non sit, propterea dicitur Deus *formans lucem & creans tenebras.*

Ad decisionem denique tertiæ quæstionis, unde sit malum morale, statuendum est 1°. Esse substantiam aliquam summè bonam bonitate morali, quæ substantia Deus est, summam habens necessitatem, ut omnes sui affectus rectè rationi & legi æternæ conformes sint, omnes infinitè honesti. 2°. Nulla esse potest substantia summè mala moraliter, talis enim substantia, vel peccaret necessitate, quod ex terminis repugnat; nam peccatum essentialiter voluntarium est, vel peccaret tantum voluntate, & consequenter mala esset, non conditione naturæ sed voluntate; quæcumque igitur substantia mala est moraliter, voluntate talis est, non necessitate aut conditione naturæ. 3°. Malum igitur morale seu peccatum, est à voluntate creatum non à Deo. Deus enim substantiæ quidem causa est, quæ substantia mala dicitur, quia ejusmodi substantia bona est, sed non est causa malæ voluntatis, quæ substantiam facit moraliter malam; quare cum audimus, *omnia ex ipso & per ipsum & in ipso* omnes utique naturas intelligere debemus, inquit Aug. quæ naturaliter sunt, neque enim ex ipso sunt peccata quæ naturam non servant, sed viciant, quæ

Unde sit
malum
Morale.

peccata ex voluntate peccantium esse, multis modis scriptura testatur. Sed hæc pluribus in materiâ de peccatis suo loco.

A principio Objicies 1°. principium summè bonum non potest esse causa ullius mali etiam respectivi, quale malum est dolor, privatio, destructio. esse aliquid Videretur enim illud longè melius esse, quod mali physici respectivi, non autem absolute, quia nullum tale est.

potest esse causa ullius mali etiam respectivi, quale malum est dolor, privatio, destructio. Videretur enim illud longè melius esse, quod ita bonum, est ut nulli omnino rei nocere possit, ergo principium, est aliqua substantia summè mala. Respondeo, nego Ant. Principium enim summè bonum, est summè perfectum, ac proinde habet dominium perfectissimum in cætera omnia, debet ergo posse producere, conservare, destruere pro arbitrio. Adde quod, privationes & destructiones rerum non parum conferunt ad pulchritudinem universi; nam & Deus certa loca & tempora non illuminando, tenebras facit tam decenter, quàm dies: Si enim „ nos (inquit Aug.) continendo vocem decen- „ ter interponimus in loquendo silentium, quan- „ to magis illas rerum omnium privationes de- „ center facit rerum omnium perfectus artifex. „ Unde & in hymno trium puerorum lux & te- „ nebræ laudant Deum, id est, ejus laudem in be- „ nè considerantium cordibus pariunt.

Nàm nec Instabis. 1°. sunt mali Angeli, mala est potestas nocendi data diabolo & principibus malis, malus item est ignis ille æternus, qui paratus est diabolo & Angelis ejus, hæc omnia mala sunt, ergo non sunt à principio bono. Respondeo ad primum. Angeli non à Deo mali sunt conditi, sed ipsi peccando facti sunt mali. Ad secundum, potestas nocendi ipsa mala non est, sed illius usus, quia injustum non est ut reprobis

reprobis accipientibus nocendi potestatem, & bonorum patientia probetur, & malorum iniquitas puniatur. Certè per potestatem diabolo datam, & Job probatus est, ut Justus appareret, & Petrus tentatus est, ut non de se præsumeret, & Paulus Colaphizatus, ne se extolleret, & Judas damnatus, ut se suspenderet. Ad Tertium. Ignis ille æternus, malus non est absolute, sed respectivè tantum, nimirum damnatis malus est, quorum peccatis est datus.

Instabis. 2°. peccatum est appetitio naturæ malæ, quomodo enim quis peccet appetendo quod bonum est, & quomodo peccavit homo appetendo arborem veritam, si mala non fuit arbor. Respondet Augustinus. Peccatum non est appetitio naturæ malæ, sed desertio melioris: non ergo naturam malam homo appetiit cum arborem veritam tetigit, sed id, quod melius erat deferendo, factum malum ipse commisit: melior quippè creator, quàm ulla creatura quam condidit, cujus imperium non erat deferendum, ut tangeretur prohibitum, quamvis bonum. Non itaque arborem malam Deus in Paradiso plantaverat, sed ipse erat melior qui eam tangi prohibebat; idcirco autem prohibebat, ut ostenderet naturam animæ rationalis Deo debere esse subjectam, & ordinem salutis per obedientiam custodiri, per inobedientiam corrumpi; quare arborem, quam tangi vetuit, appellavit dignoscentiæ boni & mali, ut homo eam tangendo contra vetitum, expiraretur pœnam peccati, & ità dignosceret quid interesset inter obedientiæ bonum, & inobedientiæ malum.

Nec mala erat arbor quam Adamus appetendo peccavit
Lib. de Gen.

Respon-
siones Augu-
stini ad
multas Ma-
nichæo-
rum quæ-
stiones.

Instabis denique multis Manichæorum quæ-
stionibus, quas collegit Augustinus sub finem
Libri 2. de Genesi contra Manichæos cap. 29.
Interrogationibus Manichæorum breves res-
poniones subiiciens, in hunc ferè modum. Qua-
re fecit Deus hominem, quem peccaturum sciebat ?
quia (inquit Aug.) & de peccante multa
bona facere poterat, ordinans eum secundum
moderamen justitiæ suæ, & quia nihil oberat
Deo peccatum ejus sed sic eum faceret,
inquiunt, ut non peccaret ? ... imo, ipse hoc fa-
ceret, sic enim factus est, ut si noluisset, non
peccaret ... non admitteretur diabolus ad ejus
mulierem ? imo, ipsa ad se diabolum non ad-
mitteret ... non fieret, inquiunt, mulier ?
Hoc est dicere non fieret bonum, quia & ipsa
utique aliquid bonum est, & tantum bonum,
ut Apostolus eam dicat esse gloriam viri. Ite-
rum dicunt. Quis fecit diabolum ? seipse, non
enim naturâ, sed peccando diabolus factus
est ... vel ipsum, aiunt, non faceret Deus, si
eum peccaturum esse sciebat ? Imo quare non
faceret, cum per suam justitiam & providen-
tiam multos de malitiâ diaboli corrigit. Er-
go, inquiunt, bonus est diabolus, quia utilis ?
Imo diabolus malus est, sed bonus & potens
Deus est, qui etiam de malitiâ ejus multa
justa & bona operatur ; non enim diabo-
lo imputatur nisi voluntas sua, quæ conatur
facere malè ; non Dei providentia, quæ de illo
benè facit.

1. Ad Cor.
c. 11.



QUÆSTIO III.

De summâ Dei loquentis Authoritate.

DEUM hæc tènus demonstravi contra Atheos, & Dei unitatem seu singularitatem contra Polytheos; sequitur, ut contra Libertinos, pro fundamento Christianæ Theologiæ, quæ Dei unius testimonio nititur, ex ipsis principiis naturalibus, summam Dei loquentis authoritatem evidenter demonstrẽm: contendo enim, ut evidens est, Deum existere, eundemque ita esse unum, ut nisi sit unus, nullus sit, non minus esse evidens, Deum, si loquitur, mereri summam fidem, ac proinde summam esse Dei loquentis authoritatem. Quod, ut clarè appareat.

Præmittò 1°. loqui, ut communiter dicitur, est manifestare alteri mentem suam, seu adhibere signa conceptus interni manifestativa, cum ordinatione ad audientem. Quare ad locutionem tria requiruntur. Nam 1°. debet loquens adhibere signa conceptus interni manifestativa, quia cum finis locutionis sit communicatio conceptuum, qui intus latent, necesse est, eum qui loquitur, adhibere aliqua signa quibus latentes conceptus manifestet. 2°. ea signa dirigere debet ad audientem cum ordinatione mentis suæ, seu velle debet, ut audiens veniat in cognitionem conceptus interni, per signa expressa. 3°. directio illa signorum, & ordinatio mentis fieri debet certo quodam modo, qui locutivus

Quid sic loqui.

dicitur ; ità ut loquens ad audientem ea signa mentemque suam dirigat , quasi nomine suo : nam qui loquitur , testem seipse facit dicti sui , suummet iudicium producens in testimonium rei assertæ , suâque autoritate illam muniens & signans. Dirigere autem signa modo locutivo , & quasi nomine suo , est , ità signa exhibere ; ut , ex ipso exhibendi modo cognoscat audiens , ea à loquente ad se dirigi. Tria hæc in locutione propriè datâ ità importantur , ut si vel unum desit , locutio non sit.

Quid au-
thoritas lo-
quentis , &
in quo fun-
detur.

Præmitto 2^o. *Autoritas loquentis* , est titulus ille , propter quem loquenti debetur fides. Titulus verò ille fundatur in duobus , in sapientiâ scilicet , & in veracitate loquentis. Sapientia , dicitur ea perfectio , quâ fit , ut loquens , verum assequatur in cognoscendo , seu res , uti sunt , cognoscat. Veracitas , dicitur ea perfectio , quâ fit , ut loquens res ità esse dicat , quemadmodum iudicat esse. Cur autem duæ illæ perfectiones autoritatem loquentis constituent ratio in promptu est : quia scilicet naturaliter ordinantur , ad veram rei attestationem & manifestationem ; aded ut illis præcisè positis in loquente , repugnet falli quicumque loquenti assentitur : nam si loquens sapiens est , non fallitur iudicando , si verax est , non fallit loquendo : fidem autem profectò meretur , qui nec falli potest , nec fallere , cum in credendo ipsius dictis , nullum sit errandi periculum.

Thesis. Summa est Dei loquentis autoritas. Demonstratur. Summa loquentis autoritas , est titulus ille , propter quem debetur loquenti summa fides : atqui in Deo est talis titulus : ti-

tulus enim ille, est magna quardam perfectio, ut, vel hinc patet, quod magni facere putamus eos, in quorum dictis acquiescimus, & insignis habetur illius Philosophi laus, qui tantæ erat apud suos autoritatis, ut pro omni ratione usurparent, *ipse dixit*. Confirmatur 1°. si non est summa Dei loquentis autoritas, caret Deus titulo, quo mereatur summam fidem, sed Deus eo titulo non caret; quia in Deo nulla est imperfectio, defectus autem talis tituli aliqua imperfectio est; nam apud homines, qui fidem non meretur, habetur pro nullo; & offendi se putat, cui testificanti non creditur. Confirmatur. 2°. quia perfectiones quæ fundant summam loquentis autoritatem, in Deo summæ sunt; Deus enim summè sapiens est, essentialiter determinatus ad cognoscendam omnem veritatem, idemque summè verax, & necessitatus, si loquitur, ad verum loquendum: atqui summa sapientia, & summa veracitas fundant summam loquentis autoritatem: quam autoritatem supponentes Prophetæ nostri, uti rem indubitam, quod prædicationibus suis fidem conciliarent, soliti erant in fronte ponere, *Hæc dicit Dominus*, eâ epigraphie veluti sigillo, dicta sua munientes. Neque tantum Prophetis id solemne est, sed omnibus omninò hominibus, qui ad faciendam fidem iurjurandum adhibere solent, Deumque assumere in testem, quasi ipso naturæ instinctu consentiant omnes, & Deum esse, & Deo deberi summam fidem. Addo ego autoritatem Dei loquentis evidentiorē esse, ipsâ Dei existentia; nam existentia Dei non apparet

Summa
Dei lo-
quentis au-
thoritas
demon-
stratur.

saltem omnibus immediate, & ex terminis : at verò, ex suppositione existentiae Dei, immediate & ex terminis apparet summa Dei loquentis autoritas ; quia evidens est ex terminis, si Deus existat, habere illum omnem perfectionem, nec minùs ex terminis evidens est, summam in attestando auctoritatem perfectionem esse aliquam. Ergò immediate, & ex terminis evidens est, ex suppositione quòd Deus existat, summam esse Dei loquentis auctoritatem. Hinc

*Quanta sit
& ejus
ponderis.*

Sequitur 1°. Auctoritatem Dei loquentis tantam esse, ut præponderet omni humanæ auctoritati ; quia omnis homo mendax, seu mendacio & errori obnoxius est : quare, si fortè omnes homines aliquid testificarentur, Deus autem solus contradiceret ; ratio naturalis dicat evidenter, contra auctoritatem omnium hominum, Deo soli credendum esse.

Sequitur 2°. Auctoritatem Dei loquentis tantam esse, ut cuicumque testimonio sensuum prævaleat ; quia testimonium sensuum obnoxium est errori, & absolute conjungi potest cum falsitate : quare, si fortè sensus omnes testimonio Dei refragarentur, evidens tamen est, non propterea deseri debere testimonium Dei, ut sensibus credatur.

Sequitur 3°. tantam esse Dei loquentis auctoritatem, ut præponderet omni evidentiae humanæ, eo sensu, ut si fortè Deus testificetur contra id, quod nobis apparet evidenter, nihilominus Deo credendum sit ; quia evidentiae nostræ, saltem aliquæ, possunt fieri nobis suspectæ ; experimur enim esse aliquas evidencias

personales, seu aliqua apparere nobis evidentia, quæ tamen evidentia non sunt. At verò autoritas Dei evidentissima est, nec potest esse ulla suspicio evidentiae falsæ; quia scilicet autoritas Dei, est veritas quædam, ut ita dicam, fori nostri, & fines rationis humanæ non superans; debetur enim naturaliter homini cognitio autoritatis Dei, seu in loquendo, seu in præcipiendo, ut, & loquenti credere possit, & obedire præcipienti: in materiâ autem fori nostri, quæcumque veritas evidenter apparet, reipsâ talis est, qualis apparet: quare cum intellectum captivamus in obsequium fidei, omninò rationabile, & legitimum est obsequium nostrum; Deus enim loquens, tanto jure exigere potest creaturæ fidem, quanto jure Deus præcipiens exigere potest creaturæ obedientiam, ergo sicut evidens est, creaturam debere obsequi Deo præcipienti, quidquid præcipiat; ita evidens est, creaturam debere credere Deo loquenti, quidquid loquatur.

Sufficerent quidè̃m pauca hæc apud hominem fidelem, & bene rationalem: Sed quia omni homini debitores sumus, quatuor sunt, quæ distinctius demonstrare velim, tum ad confusionem infidelium & irrationalium hominum, tum ad summam Dei loquentis auctoritatem, omni ex parte muniendam. Primum est. Repugnare Deo omne mendacium; nam sunt, qui, ut mendacia sua consecrarent vani homines, Deum ipsum fecere mendacem, aut certè capacem mendacii. Alterum est. Repugnare Deo omnem æquivocationem fallacem: sunt enim, qui verum Deum repræsentent,

instar cujusdam Apollinis ambigua Oracula red-
 dentis. Tertium. Repugnare Deo omnem con-
 firmationem falsi per miracula : nam sunt ,
 qui Deum inducant ut prastigiatores , qui per
 signa & miracula spectatorum oculis imponat.
 Quartum Denique , repugnare Deo infusio-
 nem & operationem propriam erroris : non
 enim desunt , qui Deum ipsum velint esse
 spiritum deceptorem.

ARTICULUS I.

*Demonstratur repugnare Deo omne mendacium,
 & quancumque assertionem falsi.*

Quid sit
 mentiri, seu
 immediatè
 seu media-
 tè.

PRæmitto. Mendacium, est locutio qua-
 dam menti difformis. Mentiri enim, ut
 fert ipsum nomen, est, loquendo ire contra
 mentem, seu, ut explicat Augustinus, dicere
 aliquid aliter ac sentimus. Ex quâ definitione
 statim intelligitur, non omnem assertionem
 falsi, mendacium esse; non enim mentitur,
 qui ignoranter falsum dicit: contra verò,
 qui verum dicit, credens falsum esse, menti-
 tur. Sicut autem potest aliquis loqui duobus
 modis, ita, & mentiri. Potest igitur aliquis
 mentiri: vel immediatè & per se, vel media-
 tè & per alium: mentitur immediatè & per
 se, qui signa à se edita dirigit alteri, quasi
 nomine suo, ad manifestandum judicium;
 quod reipsâ non habet: mentitur verò me-
 diatè & per alium, qui signa ab alio edita as-
 sumit tanquam sua, eaque dirigit ad au-
 dientem quasi nomine suo, ut significet ju-

dicium internum, quod re ipsâ non habet. Nunc demonstrandum nobis est, Deum, nec immediatè & per se, nec mediatè & per alium, mentiri posse, nec falsum quocumque modo asserere.

Dico igitur. 1°. Deus mentiri non potest Deus menti-
 immediatè & per se. Est contra Priscilliani- tiri non
 stas Hæreticorum mendacissimos, eosdemque potest im-
 mendacii Patronos turpissimos, quibus, Au- mediatè.
 gustino teste, ad regendas turpitudines suas, De hæres.
 erat perpetuò, & in ore, & in usu, *Jura*, c. 7.
perjura, secretum prodere noli. Facile autem de-
 monstratur. Quia, impotentia mentiendi, seu
 necessitas ad verum loquendum, videtur ex
 ipsis terminis pertinere ad perfectionem Dei.
 Confirmatur. Quia summa autoritas in at-
 testando, & meritum summæ fidei, magna
 quædam perfectio est; nam, ut apparet ex ipsâ
 penetratione terminorum, melius est habere
 meritum summæ fidei, quàm non habere; at-
 qui si Deus mentiri posset immediatè & per
 se, caderet statim summâ suâ autoritate, &
 meritum summæ fidei non haberet; Ergò,
 &c. Minor probatur. 1°. Enim summa fides,
 est fides omnem dubitationem de falsitate di-
 cti excludens, Deo autem, si mentiri potest,
 non debetur fides omnem dubitationem exclu-
 dens de falsitate dictorum ejus; quia potest
 esse aliqua dubitatio, num Deus utens pote-
 state mentiendi, reipsâ aliquandò mentiatur,
 & falsum dicat. 2°. Summa fides est ea, quâ
 firmior esse non potest; sed, si Deus mentiri
 possit, potest esse firmior aliqua fides, quàm
 quæ debetur Deo loquenti; illa nimirum

quæ deberetur personæ ad verum loquendum necessitatæ. 3°. Motivum fundans summam fidem, debet esse motivum absolutè & necessariò connexum cum veritate ; atqui si Deus mentiri possit, locutio Dei non est absolutè & necessariò connexa cum veritate, ac proindè non potest fundare summam fidem. 4°. Si Deus posset falli in iudicando, Deus attestans non mereretur summam fidem. Ergò neque si posset fallere mentiendo ; veracitas enim summa, non minùs fundat meritum fidei, quàm sapientia loquentis.

Objicies 1°. Deus supremus Dominus non tenetur legibus humanis : Ergò quamvis hominibus non liceat mentiri, Deo tamen licebit. Confirmatur. Quia si Deus mentiri non possit, non erit summè liber, necessitabitur enim ad verum loquendum. Respondeo. Non tenetur Deus legibus humanis, sed tenetur legibus suis, seu divinis : est autem divina lex, vel potiùs summa naturæ necessitas, & indispensable obligatio in Deo, ne umquam mentiatur ; quia si semel mentiretur, caderet auctoritate suâ, non haberet meritum summæ fidei, & destrueret fundamentum societatis suæ cum Creaturis intellectualibus. Ad Confirmationem dico. Non pertinere ad libertatem Dei, ut mentiri possit ; nam summa libertas non se habet ad actus dedecentes, potestas autem mentiendi se habet ad actum dedecentem ; mendacium enim est actus dedecens : Ergò potestas mentiendi, non est summa, sed imperfecta quædam libertas, Deo planè indigna. Quòd verò dicitur Deus necessitari ad

Libertas
Dei non
postulat, ut
possit men-
tiri.

verum loquendum, accipiendum est in sensu conditionato; quatenus ex suppositione, quod Deus loqui velit, necessitatur ad verum loquendum; sed absolute & independenter ab omni hypothese, Deus ad verum loquendum nullatenus necessitatur, potest enim verum loqui, & non loqui pro arbitrio,

Obijcies 2^o. Stat mentiendi potestas, cum summâ Dei loquentis authoritate; Deus enim, etiam si mentiri possit, poterit à creaturâ exigere, & obtinere summam fidem; quia licet mentiri possit, poterit persuadere se reipsâ non mentiri: nam, si potest fieri credibile Deum loqui, quamvis absolute possit Deus non loqui: quidni possit fieri credibile Deum non mentiri, quamvis absolute mentiri possit? Respondeo. Nego Antecedens. Deus enim, si mentiri posset, non obtineret à creaturâ summam fidem, titulo & merito suæ authoritatis; esto, aliis fortè mediis obtineret. Rueret ergò summa Dei loquentis authoritas, de cujus ratione est, ut sola, & sine alterius adminiculo fundare possit summam fidem. Quod verò additur, posse fieri credibile, Deum non mentiri, quamvis absolute mentiri possit, difficillimum est. Sed demus ità fieri posse, nihilominus destruetur authoritas Divinâ, & meritum summæ fidei, consistens in connexionе necessariâ locutionis divinæ cum veritate, quæ connexio jam supponitur non esse. Quare, si fortè crederetur Deo loquenti, non jam ei crederetur propter solam loquentis, authoritatem, sed propter alia quædam motiva, quæ suaderent Deum verè loqui, & non mentiri. Quod

Si mentiri posset, non posset exigere à creaturâ summam fidem, titulo & merito summæ suæ authoritatis.

planè indignum est Deo, & imperfectam in attestando auctoritatem sapit; nam imperfecta est auctoritas hominis, qui, ut fidem obtineat, opus habet adhibere juramentum, testes, aliaque fidei humanæ præsidia. Confirmatur responsio. Si non creditur homini; nisi propter prædem datum, non tam illius auctoritati creditur, quàm prædi; Ergò, si Deus indigeret externis testimoniis, quibus probaret se non mentiri, jam non ei propter auctoritatem suam, sed propter externa testimonia crederetur. Hinc patet, nullam esse paritatem, quæ ab existentia divinæ locutionis petitur; nihil enim nocet summæ Dei loquentis auctoritati, quoddam externis quibusdam motivis persuadeat Deus, se fuisse locutum; auctoritas enim Dei non postulat, ut necessitetur ad loquendum, aut, ut evidenter, aut immediate appareat existentia locutionis ejus; sed summa Dei loquentis auctoritas postulat, ut si Deus loquatur, non nisi verum loqui possit, omnisque Divina locutio necessariam habeat cum veritate connexionem.

Jurare tamen potest.

Objicies 3^o. Si Deus mentiri non potest, nihil opus est ut juret, jurare tamen passim dicitur. Sequela probatur. Quia juramentum adhibetur dumtaxat ad confirmanda dicta, & faciendam fidem; Deus autem nihil opus habet confirmare dicta sua; nec majorem fidem facit jurans, quàm simpliciter loquens. Respondeo. Deus cum jurat, non alium assumit in testem, quàm seipsum, secundum illud, *per memetipsum Juravi, dicit Dominus*, nec aliam interponit auctoritatem, quàm suam.

Cum autem simpliciter loquitur, facit se testem rei, quam dicit, suamque pariter auctoritatem interponit: quare fateor, in re, non esse majorem auctoritatem Dei jurantis, quam Dei simpliciter loquentis: Nego tamen inutile esse juramentum Dei. Valet enim 1°. Ad inculcanda Dei dicta, quia juramentum est quasi geminata locutio. 2°. Ad majorem Dei loquentis reverentiam ingenerandam apud homines; nam juramentum, est testificatio quædam Sanctior. 3°. Ad significandam immobilitatem voluntatis Dei aliquid promittentis, quem juramenti Divini usum sic explicat Apostolus ad Hebræos, *Volens, inquit, Deus abundantius ostendere immobilitatem consilii sui, interposuit jusjurandum, ut per duas res immobiles, quibus impossibile est mentiri Deum, firmissimum solatium haberemus.* Quò per- tineat jusjurandum Dei.

Objicies 4°. Deus mentitus est, multa enim locutus est pugnancia, multa promisit, quæ non implevit, multa minatus est, quæ non evenere. Respondeo. Quicumque tam impudenter objicit, dignus est, cui per alapam respondeatur: nam si alapam mereri creditur, qui homini in faciem dicere audet, mentiris; quantò magis, qui Deum mentiri blasphematur, in conspectu & in auribus ipsius Dei. Sed quia alapa genus est responsionis non satis Theologicum, præstat impudenti blasphemix, opponere humilem Psalmistæ Confessionem, *Fidelis Deus in omnibus verbis suis.* Quâ Confessione præmissâ. Nego absolūtè, Deum unquam locutum fuisse pugnancia; nam quæ in Scripturâ videntur esse pugnancia, reipsâ pu-

Vindicatur
Deus à calumniâ
mendacii;

gnantia non sunt ; nec aded difficilis est eorum concordia , ut non omnia Patres , & Scripturæ interpretes satis feliciter conciliarint. Accedit quod , quamvis nulla via occurreret conciliandi dicta Dei , impudenter tamen , & irrationabiliter diceretur , Deum fuisse mentitum ; quia præsumendum est pro Deo , contra humani ingenii imbecillitatem ; neque deferenda est possessio manifestæ veritatis , propter quamcumque difficultatem occurrentem. Ergo , cum semel teneamus tanquàm certum & evidens , Deum mentiri non posse ; nihil nos movere debet , quidquid contra occurrerit. Quod verò spectat promissiones , & minas Dei irritas : dico , illas conditionatas esse , & à conditione suspensas ; idedque effectum non habere , quia non est posita conditio , sub quâ Deus promisit , aut minatus est : nam si fortè conditionatæ non sunt , sed absolutæ , certissimè effectum suum , aut jam habuerunt , aut habituræ sunt , juxta illud , *Cælum & terra transibunt , verba autem mea non transibunt.*

Mat. c. 13.

Deus mentiri non potest etiã mediâtè & per alium.

Dico 2°. Deus mentiri non potest mediâtè & per alium. Demonstratur pariter. Quia impotentia mentiendi per alium , magna perfectio est , fundans titulum , propter quem debetur summa fides Deo , per alium loquenti. Nam si Deus per alium loquens mentiri posset , Deus per alium loquens non mereretur summam fidem , consequens verò summæ Dei authoritati multum derogat. Confirmari potest 1°. Quia summa Dei veracitas postulat , ne Deus ullo modo loqui possit contra mea-

tem suam , quocumque instrumento utatur ad loquendum : Nam si fortè Deus aliquo instrumento utens , posset falsum loqui , jam posset excogitari veracitas aliqua major veracitate Dei; illa nimirum quâ fieret , ne quis ullo modo posset falsum loqui. Confirmari potest. 2°. Quia peccaret homo contra veracitatem , sive suâ , sive alterius linguâ , vel manu , falsum testificaretur. Ergò peccaret Deus , sive per suam , ut ità dicam , linguam aut manum , sive per linguam aut manum alterius , falsum testificaretur.

Objicies 1°. Potest Deus præcipere homini ut mentiatur : supponamus enim credere hominem , invincibiliter obligari se , ex præcepto charitatis ad mentiendum ; in circumstantiâ ignorantie invincibilis obligatur ad mentendum , vult autem Deus hominem implere obligationem suam ; ergò vult , & præcipit , ut homo mentiatur : Atqui Deus cùm præcipit homini , ut mentiatur , ipse per hominem mentitur. Respondeo. Admissâ suppositione , Deum hoc ipso præcisè , quòd præcipit mendacium , non mentiri ; quia Deus ità mendacium præcipit , ut tamen non assumat verba hominis tanquàm sua ; neque dirigat ea nomine suo ad audientes , tanquam signa mentis suæ , ergò Deus , ità mendacium præcipit , ut non mentiatur.

Potest tamen præcipere homini ut mentiatur in circumstantiâ ignorantie invincibilis.

Instabis , si Deus mendacium præcipiat , imputabitur mendacium Deo : quo ferè modo , imputatur homicidium ei , qui homicidium præcipit , ergò sicut qui homicidium præcipit , dicitur occidere mediatè & per alium , ità

In quâ hypothesis mendacium Deo imputaretur, ut præcipienti, non tamen ut mentienti, quia aliud est mentiri, aliud præcipere mendacium.

Deus, si mendacium præcipiat, dicitur mentiri mediâtè & per alium. Respondeo. Si Deus mendacium præcipiat, imputabitur mendacium Deo, ut præcipienti, non tamen, ut mentienti. Nam, aliud est præcipere mendacium, & aliud mentiri: cur autem qui præcipit mendacium, non dicatur mentiri mediâtè & per alium, dicatur verò occidere mediâtè & per alium, qui homicidium præcipit; discriminè petendum est, ex diversitate istarum denominationum: nam denominatur verè occidens, quicumque est vera causa homicidii; præcipiens autem homicidium, est vera causa homicidii. At verò, non dicitur mentiens, quicumque causa est mendacii, sed ille tantum, qui falsa signa adhibet cum ordinatione mentis, & quasi nomine suo; ergò cum Deus in his circumstantiis, ita mendacium præcipiat, ut verba hominis mentientis non adhibeat ipse cum ordinatione mentis ad audientem, & nomine suo, ita mendacium præcipit, ut tamen ipse non mentiat.

Potest Deus assumere actionem Ministri malam tanquam suam.

Sed non potest assumere locutionem Ministri falsam.

Obijcies 2°. Deus potest assumere actionem ministri malam tanquam suam; ita ut ministro physice agente, Deus moraliter agat, ergò potest Deus assumere locutionem ministri falsam pro suâ, ita ut ministro falsum loquente, Deus moraliter falsum loquatur. Respondeo. Nego consequentiam, & paritatem. Quia denominatio agentis longè simplicior est, denominatione loquentis: nimirum, una generica est, altera specifica; nam agit quidem, quicumque loquitur, sed non loquitur, quicumque agit, ergò ut Christus denominetur agens moraliter

per

per actionem ministri , satis est , si actio ministri , perindè se habeat in ordine ad aliquem effectum Christi proprium , ac si esset actio physica ipsius Christi ; hoc enim ipso actio ministri , quamvis mala sit , dicitur esse actio moralis Christi , non quidè , in ordine ad omnem effectum , sed in ordine ad illum , quem perindè præstat , ac si esset actio ipsius Christi. Atqui intentio ministri Baptizantis v. g. quamvis fortè sit mala , potest ex voluntate Christi , ità se habere in ordine ad aliquem effectum , ac si esset intentio physica Christi , ergò actio ministri , quamvis mala , potest esse moralis actio Christi. At verò , ut Deus denominetur loquens moraliter per locutionem ministri ; non satis est , locutionem perindè se habere ad aliquem effectum præstandum , ac si esset locutio ipsius Dei , sed necesse est , ut Deus verba à ministro edita , assumat tanquam sua , dirigens illa nomine suo ad audientem , cum ordinatione mentis suæ : Deus autèm id facere non potest , si verba à Ministro edita falsam significationem habent , ergò Deus non potest moraliter falsum loqui , per Ministrum loquentem.

Ratio discriminis inter utrumque.

Dico 3°. Non potest Deus falsum asserere quocumque modo. Sequitur ex suprà dictis : nam , quamvis assertio falsi , in homine separari possit à mendacio , propter ignorantiam hominis , in Deo tamen non potest ; Deus enim , si falsum diceret , scienter diceret , & contra mentem suam , ergò si falsum diceret , mentiretur. Confirmari potest. Etsi daremus in Deo assertionem falsi , posse à mendacio se-

Deus non potest falsum quocumque modo asserere.

parari, non tamen Deus posset falsum asserere; quia, si falsum assereret quocumque modo, perinde caderet summâ suâ autoritate, perinde perderet meritum summæ fidei, perinde destrueret fundamentum Societatis suæ cum Creaturis intellectualibus, ac si mentiretur.

ARTICULUS II.

Demonstratur repugnare Deo omnem equivocationem fallacem.

PRæmitto. *Equivocatio*, est locutio ambigua, seu, quæ duplicem sensum habet, unum verum, alterum falsum. Verus sensus dicitur, quem verba ita exprimunt, ut sit etiam in mente loquentis. Falsus dicitur, qui exprimitur quidem per verba, sed in mente loquentis non est. *Equivocatio*, alia *vocalis* est, alia *mentalis*. *Vocalis* tota consistit in verbis expressis & formalibus; duplicem habentibus sensum; eaque, vel determinabilis est, vel indeterminabilis. *Determinabilis*, si ex circumstantiis ambiguitas verborum tolli possit; *indeterminabilis*, si tolli non possit. *Equivocatio mentalis*, seu locutio mentaliter restricta, constat partim verbis, quæ exprimuntur, partim, quæ supprimuntur: eaque locutio vel insensibilis est, & purè mentalis, vel sensibilis, & non purè mentalis. *Insensibilem* appello, in quâ aliquid ita supprimitur, ut neque ex verbis prolatis, neque ex circumstantiis haberi possit. *Sensibilem* appello, in quâ, id quod supprimitur, vel ex verbis prolatis,

Equivocatio quid sit. Aliavocalis est, aliamentalis.

Vocalis vel determinabilis est, vel indeterminabilis.

Mentalis vero sensibilis, vel insensibilis.

vel ex circumstantiis haberi potest : est enim diligenter observandum , circumstantias personæ loquentis , loci , temporis , aliasque , esse quædam verba realia , quæ addita verbis formalibus , locutionem integrant.

Dico 1°. Deo repugnat æquivocatio insensibilis , & purè mentalis : Demonstratur. *Quia* Repugnat Deo æquivocatio insensibilis & purè mentalis. Deo repugnat omnis locutio mendax , ut supra ostensum est ; æquivocatio autem insensibilis & purè mentalis , est aliqua locutio mendax ; omnia enim signa à loquente exhibita , falsum significant , & contra mentem loquentis testificantur. Confirmatur. 1°. Si quid eam locutionem excusaret à mendacio , maximè verba quæ in mente retinentur , & quæ , si fortè cum verbis expressis jungerentur , veram loquentis mentem significarent ; sed ea verba talem locutionem non excusant à mendacio , quia perindè se habent , ac si non essent , in ordine ad unam locutionem cum verbis expressis faciendam ; verba enim illa quæ supprimuntur , neque in se , neque in circumstantiis ullatenùs apparent. Confirmatur 2°. Quia si Deus uti potest restrictione mentali insensibili , Deus loquens non meretur summam fidem ; quantumvis enim exteriùs testificetur aliquid esse , potest semper dubitari , num sub verbis Dei lateat aliqua falsitas , Deo locutionem interiùs restringente.

Objices. Non repugnat Deo æquivocatio sensibilis , ergo neque insensibilis. Antecedens negari non potest ; in Scripturâ enim multæ sunt locutiones Dei mentaliter restrictæ , restrictione sensibili. Consequentia verò proba-

Non ta-
men repug-
nat æqui-
vocatio
sensibilis.

tur, quia quæcumque æquivocationem insensibilem à Deo excludunt, excludere videntur sensibilem. Nam 1°. Si Deus uti potest æquivocatione sensibili, non debebitur Deo loquenti summa fides, poterit enim dubitari de veritate dictorum Dei; quia quidquid Deus loquatur, dubitari poterit, an loquendo utatur restrictione mentali. 2°. Æquivocatio sensibilis tendit ad deceptionem audientium; per illam enim plerumque audientes decipiuntur. Ergo est locutio mendax. Respondeo. Nego Consequentiam. Locutio enim mentaliter restricta, restrictione sensibili, est vera quædam locutio, nihil habens Deo indignum: Nam, quod verba quæ exprimuntur, sensum habeant falsum, si solitariè sumantur, nihil omninò facit ad locutionem falsificandam; quia verba quæ exprimuntur, accipi debent cum verbis quæ supprimuntur, ità autem accepta veram faciunt locutionem. Quod additur ad probationem consequentiæ.

Dico 1°. In æquivocatione sensibili, dubitari non posse de veritate dictorum Dei, si dicta Dei integrè, & non dimidiatè accepta, necessariò vera sunt. Esto. Dubitari possit, an dicta Dei dimidiata veritatem habeant; fateor enim interdum falsum esse id, quod verba Dei dimidiata significant; sed omninò nego falsum esse id, quod per integram Dei locutionem significatur: quod verò dicitur, semper dubitari posse, quidquid Deus loquatur, an loquendo utatur restrictione mentali, omninò falsum est; satis enim constare nobis potest, Deum multa loqui sine restrictione mentali.

Ratio generalis est , quia quandò Deus ità loquitur , ut nemo prudens , attentis omnibus circumstantiis , judicare possit Deum uti restrictione mentali , pro certo tenendum est , Deum mentali restrictione non uti ; Deus enim uti non potest restrictione mentali insensibili , restrictio autèm in talibus circumstantiis esset insensibilis. 2°. Nego absolutè locutionem sensibilibiter restrictam , tendere per se ad deceptionem audientium ; ordinatur enim ad verum aliquem sensum eis communicandum. Quòd si fortè contingat eà locutione audientes decipi , non culpa locutionis est , quæ per se est apta ad verum significandum ; sed culpa ipsorum audientium , qui non satis attendunt ad circumstantias , & judicium suum præcipitant. Quare locutio sensibilibiter restricta , nihil pugnat cum summâ Dei veracitate : Quamvis enim summa veracitas Deum obliget , ne utatur locutione , quæ per se tendat ad audientes decipiendos ; non obligat tamen , ut abstineat ab omni locutione , quâ prævidet audientes suâ imprudentiâ abuturos , ut in errorem veniant.

Instabis. Deus loquens , vel intendit manifestare veram mentem suam , vel non intendit :

Si primum, non debet uti restrictione, restrictio enim in hunc finem adhibetur , ut vera mens loquentis dissimuletur. Si secundum, locutio Dei ordinatur ad decipiendos audientes. Respondeo. Deus loquens , intendit manifestare veram aliquam mentem suam, illam scilicet, quam verba expressa unà cum circumstantiis significant. Christus (exempli causâ) interrogatus à Discipulis de die judicij , & respondens se nescire

Quia neque per se tendit ad decipiendos audientes, neque ordinatur à Deo in hunc finem.

Act. Apost.
6: 1.

illum diem , intendit manifestare veram aliquam mentem suam ; illam nimirum , quâ iudicat , se nescire illum diem scientiâ communicabili : aut si mavis , significare vult Discipulos esse nimis curiosos , aut ea interrogare , quæ scire ipsos non expediret ; quod aliis verbis clariùs dicit , *non est vestrum nosse tempora vel momenta , quæ Pater posuit in suâ potestate*. Cur autem verba aliqua supprimit , quæ locutionem integram facerent , ratio est , honestas loquentis ; multò enim honestius , ineptè interroganti dicitur , *nescio* , quàm dicatur , *ineptus es , & curiosus , nolo dicere , quod interrogas*. Quòd verò aiunt , restrictionem mentalem usurpari , ad veram mentem dissimulandam tegendamque ; fateor , illam usurpari ad dissimulandam tegendamque aliquam mentem , sed non eam mentem , quam locutio significat : mens enim loquentis sæpe multiplex est ; una , quam per verba non exprimit loquens , sed dissimulat & tegit ; altera , quam per verba , & circumstantias significat , & manifestare vult. Ut stemus in exemplo nostro. Christus restrictione mentali utens , duplicem habet mentem ; unam , quâ videt diem iudicii certo aliquo tempore futurum , & hanc mentem , quam scire volunt Apostoli , ipse prudenter dissimulat. Alteram , quâ videt se nescire diem iudicii scientiâ communicabili , & curiosos esse Apostolos , qui interrogent de eâ re , quam pater occultam esse voluit ; istam verò mentem suam Apostolis manifestare vult , & per verba talibus circumstantiis affecta significat.

Dico 2°. Deo repugnat æquivocatio indeterminabilis, seu ità ambigua, ut ambiguitas tolli non possit. Demonstratur autem repugnare ex duplici capite. 1°. Quidem. Ex capite summæ veracitatis: nam æquivocatio ejusmodi apta est significare sensum aliquem falsum; nec est aliquid, ut supponimus, per quod determinetur ad verum significandum, talis autem æquivocatio Deo repugnat summè veraci; quia scilicet audientes exponeret manifesto periculo deceptionis, summa enim veracitas postulare videtur, ne loquens, audientes tali periculo exponat; sed potius ità loquatur, ut per ipsum non steter, quominus audientes verum sensum assequantur. 2°. Ex capite summæ sapientiæ. Nam Deus loquens intendit significare mentem suam, per ea signa quæ exhibet; id enim si non intenderet, non loqueretur; ergò debet exhibere signa idonea ad verum sensum significandum: atqui æquivocatio indeterminabilis constat signis, quæ idonea non sunt ad verum sensum significandum, cum omnia ex suppositione indifferentia sint, nec magis significant id, quod Deus habet in mente, quàm, quod non habet. Ergò Deus summè sapiens ea signa ordinare non potest, ad veram mentem suam significandam.

Objicies. 1°. Deus æquivocè locutus est æquivocatione indeterminabili: quàm multæ enim occurrunt in Scripturâ locutiones ambiguae, in quibus interpretandis sæpè desudarunt patres, & quidem conatu irritò, nondùm enim satis habetur verus illarum sensus. Respondeo. Locutiones Scripturæ ambiguas,

K iiiij

Locutiones
Dei ambiguarum multis
modis determinabiles
sunt.

determinabiles esse ad verum sensum ; idque multis modis , ut notat Augustinus lib. 3. De Doct. Christ. Nam locutio ambigua determinari potest ad verum sensum , per circumstantias personæ , seu audientis , seu loquentis ; per circumstantias loci , & temporis , per Antecedentia , & consequentia , per ipsum proferendi modum , per adhibitum interpretem &c. Determinatio autem illa , quæ locutionis divinæ ambiguitatem tollit , integrat ipsam locutionem divinam , quod omninò advertendum est , adeò ut , non sit integra & perfecta locutio divina , ante talem determinationem ; quia locutio divina integra & perfecta , debet esse determinata ad verum significandum. Hic tamen multa sunt , quæ monere oportet. 1°. Nihil necesse est , ut locutio ambigua Dei , sit à quocumque determinabilis ; sed satis est , si determinabilis sit ab eo , ad quem dirigitur. Nam potest quis , saluâ sinceritate , ita loqui uni , ut ab illo solo intelligatur , non intelligatur à cæteris. Nihil ergò derogat sinceritati Dei loquentis , quòd multæ sint in Scripturâ locutiones ambiguarum , & fortè etiâ nobis absolute indeterminabiles ; quia fortè , hæ locutiones determinari poterant ab iis , ad quos solos dirigebantur : nimirum deest nobis circumstantia aliqua determinans , quæ fortè illis non deerat. 2°. Nihil necesse est , ut locutio ambigua Dei , statim & sine ullo labore determinabilis sit ab eo , ad quem dirigitur ; sed satis est , si adhibito labore , & post longam examinis moram , determinari tandem possit : nam apud homines , saluâ sinceritate , potest

quis scribere amico epistolam ità implexam & intricatam, ut non nisi magno labore explicari possit. Nihil ergò mirum est, si nos hæreanus interdum in locutionibus Dei intelligendis; cum, ne ipsi quidem Apostoli, aut Prophetæ, quibus Deus immediatè loquebatur, Deum loquentem statim intelligerent. 3°. Nihil necesse est, ut locutio ambigua Dei determinabilis sit, solo ingenio & labore ejus, ad quem dirigitur; sed satis est, si determinari possit, adhibitâ operâ interpretis. Nam & homines, saluâ sinceritate, loquuntur interdum linguâ peregrinâ, & iis ignotâ, ad quos sermonem dirigunt; si nimirum præsto est interpres, qui defectum intelligentiæ, qui in audientibus est, suppleat. Nihil ergò movere nos debet, quòd, ad locutiones Dei intelligendas, non satis ipsi idonei sumus, sed interpretatione Doctorum, & etiâ totius Ecclesiæ opus habeamus. 4°. Demùm. Nihil necesse est, ut locutio ambigua Dei, actu determinetur ad verum sensum; sed satis est, si determinari possit: Nam, si fortè audiens non attendat ad circumstantias determinantes, Jam non erit culpa Dei loquentis, sed creaturæ audientis.

Obijcies 2°. Ergò æquivocatio etiâ determinabilis, Deo pariter repugnabit; nam æquivocatio determinabilis ambiguitatem habet, quam ambiguitatem in falsis gentilium diis reprehendimus. Respondeo. Nego consequentiam: æquivocatio enim determinabilis, est vera quædam locutio, nihil habens Deo indignum: quamvis enim signa ambigua, se-

Ambiguitas ista locutionis Dei longè diversa est

ab illâ
quam falsi
gentilium
dii affecta-
bant.

cundum se , & præcisè sumpta à circumstan-
tiis , apta sint significare sensum falsum ; si ta-
men accipiantur cum circumstantiis determi-
nantibus , Jam non ad falsum , sed ad verum
sensum significandum omninò determinata sunt :
quod additur ad probationem , de oraculis
falsorum Deorum , dico , in illis duo reprehendi.
Primum , quod ambigua sint ambiguitate
indeterminabili. Alterum , quod ista ambigui-
tas ordinetur ad decipiendos mortales. At verò
in oraculis veri Dei , nihil tale reprehendi
potest ; nam ea , si forrè ambigua sunt , am-
biguitatem determinabilem habent ; nec ordi-
natur ista ambiguitas , ad deceptionem audien-
tium , sed ad fines alios sanctissimos.

Benè stat
cum sum-
mâ Dei ve-
racitate.

Instabis 1^o. Ista ambiguitas pugnare vide-
tur cum summâ Dei veracitate , major liqui-
dem intelligeretur esse veracitas Dei , si Deus
necessitaretur ad mentem suam , claris & apertis
signis manifestandam. Respondeo. Nego An-
tecedens , ejusque probationem. Nam , sicut ve-
racitas Dei non postulat , ut Deus aperiat men-
tem suam , saluâ enim suâ veracitate potest
Deus omninò regere mentem suam , & nihil
loqui ; itâ veracitas Dei non postulat , ut Deus
utatur signis , mentem suam clarè & apertè ma-
nifestantibus , sed satis est , si utatur signis ,
veram & non falsam mentem manifestantibus ,
quocumque tandem modo illam manifestent :
atqui , signa ambigua determinabilia , sumpta
cum circumstantiis determinantibus , veram &
non falsam Dei mentem manifestant. Esto , non
nisi obscure id faciant , & cum aliquo labore
audientium.

Instabis 2^o. Ambiguitas ordinatur à Deo ad deceptionem audientium , nam si Deus noller audientes decipi , clarè & apertè loqueretur. *Ordinatur non ad deceptionem audientium.*
 Respondeo. Nego Antecedens. Deus enim , etiamsi obscurè & ambiguè loquatur , nullatenus tamen intendit suâ locutione audientes decipi , sed alios fines habet dignos se , quos passim indicant patres. Primus est. Ne apud populum locutio divina , suâ perspicuitate & facilitate vilescat ; populus enim ea ferè contemnit , quæ obvia sunt , & magni facere solet , quæ non intelligit. *Sed ad fines alios Deo dignos.*
 Quare , sicut reges majestatis causâ , id cavent , ne subditis nimium pateant , & per aditus difficiles reverentiam sibi conciliant ; ità Deus dignitatis causâ non vult , ut pateant omnibus omnia dicta sua , populi reverentiam captans ex difficili intellectu. Secundus finis est exercitatio nostra. Nam sicut nonnullorum ars est , demissè loqui , ut curiosius audiantur , quia aures arrigit difficultas audiendi ; ita ars quædam divina est , obscurè & ambiguè interdum loqui , ut curiosius dicta Dei examinentur , quia industriam excitat difficultas intelligendi : nec verò caruit ars ista effectu suo ; Jam enim in verbo & lege Dei , magna ingenia meditantur die ac nocte , quæ profectò statim languerent , si plana omnia , & facilia invenirent. Tertius finis est dissimulatio mysteriorum fidei , quæ interdum necessaria est , neque enim expedit omnia fidei mysteria simul proponere ; sunt enim aliqua lactis instar , quæ parvulis in fide statim instillare oportet ; sed alia sunt , veluti solidiores cibi , quæ parvulos suffocarent , non ale-

rent : obscuritas autem divinæ locutionis, est velum quoddam, quo mysteria dissimulantur, & ad tempus teguntur. Quartus Finis est subordinatio fidelium. Obscuritas enim, & ambiguitas divinæ locutionis facit, ut pro vero illius sensu intelligendo, fidelis populus ad Pastores & Doctores Ecclesiæ recurrat ; cessaret autem iste recursus, si locutio divina nihil difficile, & obscurum haberet.

ARTICULUS III.

Demonstratur repugnare Deo confirmationem falsi per miracula.

Miraculum, seu opus miraculosum quid sit.

Aliud est miraculosum quoad substantiam, aliud quoad modum,

Ordinari potest multiplicitè ad confirmationem liti.

Premitto 1°. Miraculum dicitur opus aliud quod extraordinarium, superans naturæ vires, saltèm in circumstantiis, in quibus fit ; nam si fortè opus aliquod superet vires naturæ, in quibuscumque circumstantiis posita, miraculosum dicitur quoad substantiam : si verò, ità naturam superet in præsentibus circumstantiis, ut non superaret in aliis, miraculosum dicitur quoad modum : sed miraculum ; sive quoad substantiam, sive quoad modum, fieri potest, vel à Deo extraordinariè operante, sine consortio ullius creaturæ, vel à Deo simul & à creaturâ ; Deo scilicet creaturam assumente & elevante ad operandum miraculosè ; quocumque autem modo miraculum fiat, semper est proprium opus Dei, & Deum habet pro causâ principali.

Premitto 2°. Miraculum intelligi potest fieri à Deo in confirmationem falsi dupliciter. 1°. Ità ut Deus per miraculum intendat

confirmationem falsi. 2º. Ità ut sola creatura miraculo abutatur, ad falsi confirmationem; Deo interim miraculum ordinante, ad alios fines. Rursus, Iste abusus miraculi esse potest, vel sensibilis, vel insensibilis; sensibilis erit, si fiat in iis circumstantiis, in quibus videntes judicare possunt, creaturam abuti miraculo ad confirmandum falsum, miraculum verò à Deo ordinari in alios fines. Abusus insensibilis erit, si fiat in iis circumstantiis, in quibus judicari potest prudenter, miraculum à Deo ipso ordinari in confirmationem falsi, ità ut non nisi imprudenter contrarium judicari possit.

Miraculi
abusus alius
sensibilis
alius insensibilis.

Dico 1º. In statu, saltèm providentiæ præsentis, fieri non potest miraculum ad confirmandum falsum, Deo ipso confirmationem falsi intendente. Demonstratur. Quia miraculum est quoddam quasi sigillum divinum, quo Deus dicti alicujus, seu sui, seu alieni, veritatem confirmat, & veluti sigillat: atqui Deus non potest apponere dicto falso sigillum suum, unicè institutum ad sigillandam veritatem; Ergò Deus non potest facere miraculum in confirmationem falsi. Minor est evidens. Nam si Deus hoc faceret, testificaretur aliquo modo falsum, & deciperet. Rem confirmat Cardinalis Toletus illustri similitudine.

In statu
providentiæ
præsentis deus
miraculum
ordinare
non potest
ad confir-
mationem
falsi.

Sicut enim, inquit, rex apponens sigillum suum Scripturæ, quam scit falsam esse, censetur eo ipso testificari falsum, & decipere; ità, si Deus sigillum suum apponeret dicto falso, censeretur testificari falsum & decipere, quod est contra summam veracitatem & sinceritatem. Major verò probari potest 1º. Fi-

delibus nostris, ex Scripturâ, ubi miracula passim dicuntur signa, & testificationes Dei: nam Marci cap. ultimo, dicuntur Apostoli *predicasse ubique, Domino cooperante, & sermonem confirmante sequentibus signis*, hoc est, miraculis. Pauli ad Hebræos 2. Dicitur Deus *contestari signis & potentis*. Joan. 3. *Opera*, inquit Christus, *quæ ego facio, ipsa testimonium perhibent de me*. Hoc est, miracula illa, quæ fieri à me videtis, testantur talem me esse, qualem me dico: & Joan. 10. *Si mihi*, inquit, *non creditis, operibus credite*: quasi diceret. Litteras legationis meæ, ne fortè fallaces & furtivas putetis esse, ecce, exhibeo illas à Deo ipso benè sigillatas, & miraculorum sigillo munitas. Unde sic argumentor. Verum sigillum Dei nemo novit melius ipso Deo; sed Deus ipse pro sigillo suo agnoscit miraculum: Ergò miraculum est verum sigillum Dei. 2^o. Probari potest etiâ extraneis ex communi sensu hominum. Nam quod omnes homines pro sigillo Dei agnoscunt, non potest non esse verum sigillum Dei: si enim Deus omnes homines errare permetteret in agnitione sigilli sui, satis sincerus non esset; sicut satis sincerus non esset princeps, qui sciens & videns haberi passim à subditis pro regio annulo, qui regius annulus non est, de errore publico non admoneret. Atqui omnes homines miraculum agnoscunt pro sigillo Dei. Judæi quidem: quantumvis enim inimicissimi Christo, nunquam tamen negarunt, veris miraculis inesse vim confirmandæ veritatis; sed Christi miracula non vera, sed falsa fuisse calumniati sunt.

Christiani verò ad defensionem fidei suæ, & infidelium conversionem, miracula passim adhibent, ut invictissima argumenta veritatis. Neque in hoc infideles ipsi dissentiunt: nam, vel convertuntur ad fidem, visis auditisque miraculis, vel, si non convertuntur, ideo non convertuntur, quia non credunt facta fuisse miracula; nam si miracula facta fuisse crederent, veritati continuò manus darent. Aded notum est omnibus, miraculum esse divinum sigillum. Atque hunc communem sensum cum supponerent Patres, Hæreticos novatores provocabant ad miracula, reposcendo ab iis literas missionis suæ, miraculorum sigillo obsignatas: *Probent se* (aiebat Tertullianus Hæreticis insultans,) *probent se novos Apostolos esse, dare illis Christum virtutem eadem signa edendi, quæ & ipse. Volo igitur, & virtutes eorum proferre, nisi quod agnosco maximam virtutem eorum, quæ Apostolos in perversum amulatur; illi enim de mortuis vivos faciebant, isti de vivis faciunt mortuos.* Probari potest. 3^o. Ex usu miraculi: nam Deus miraculo passim utitur, ut sigillo; quodcumque enim vult haberi specialiter pro suo, ei miraculum, quasi propriam notam apponit. Hunc miraculi usum intelligebat Elias cum diceret, *Si homo Dei* 4. Reg. c. 1. *sum, descendat ignis de Cælo, & devoret te.* Intelligebat Moyses, miraculum quærens, quo veluti legatus Dei extraordinarius signaretur. Intelligimus & nos, passim agnoscentes pro divino, quidquid Deus miraculo confirmaverit. Deus igitur quodcumque dictum miraculo confirmat, eo ipso aut agnoscit pro suo,

aut adoptat in suum : Deus autem dictum falsum, nec potest agnoscere pro suo, nec adoptare in suum ; quia si id faceret, manifestè deceptor esset. Ergò non potest Deus confirmare miraculo dictum falsum.

Miraculum non est verbum Dei, sed sigillum.

Luc. c. 5.

Objicies. Miraculum non est verbum Dei : nam Deus miraculum faciens, non est formaliter loquens. Ergò nihil repugnat divinæ veracitati, quòd Deus, miraculum faciat in confirmationem falsi : ibi enim non periclitatur veracitas Dei, ubi Deus non loquitur. Respondeo. Miraculum non est verbum, sed sigillum Dei. Inter sigillum autèm & verbum hoc interest, quòd verbum dirigatur ad testificandam mentem loquentis de aliquo objecto, omnis enim loquens, est formaliter testificans mentem suam : sigillum verò non dirigatur ad significandam mentem sigillantis, sed præcisè ad testificandam veritatem dicti, quod sigillo munitur. Quare Deus miraculum faciens v. g. Paralyticum sanans, ad confirmandum illud Christi dictum, *Filius hominis habet potestatem in terrâ dimittendi peccata*, non loquebatur formaliter, neque significabat mentem suam de potestate Christi, sed testificabatur dumtaxat illud Christi dictum, & miraculo tamquam sigillo suo muniebat. Hinc tamen non sequitur, Deum posse facere miraculum in confirmationem falsi salvâ suâ veracitate ; quia summa Dei veracitas inducit in Deo, non modo impotentiam testificandi mentem, quæ re ipsâ non sit, sed etiâ impotentiam falsi quocunque modo testificandi : atqui Deus, si miraculo falsum aliquod dictum confirmaret, testificaretur

ferur sigillo suo aliquid falsum : quod si con-
tendas istam testificationem falsi , non pugna-
re cum veracitate Dei , dico pugnare falsum
cum summâ Dei sinceritate , quâ fit , ut Deus
deceptor esse non possit ; nam si Deus falsum
aliquid miraculo confirmaret , deceptor esset.

Dico 2°. In statu præsentis providentiæ , Deus non potest facere miraculum , quo crea-
tura ad confirmandum errorem abutatur abusu
insensibili. Probat. Quia in statu saltẽm
providentiæ præsentis , miraculum est verum
sigillum Dei , ad confirmandam veritatem in-
stitutum ; Deus autem non potest permittere
abusum sigilli sui , ad confirmandam falsita-
tem in circumstantiis , in quibus ipse pruden-
ter & necessariò crederetur , apposuisse sigil-
lum falsitati ; quia si talem abusum permitte-
ret in talibus circumstantiis , ipse moraliter
deciperet. Quo ferè modo , si permetteret Rex
sciens ac videns , Ministrum abuti sigillo re-
gio , ad confirmandam scripturam aliquam fal-
sam , veniret in partem falsitatis , & morali-
ter ipse deciperet.

Objicies 1°. Potest Deus conferre Ministro po-
testatem conficiendi Sacramentum , quâ pote-
state minister pro arbitrio suo abutatur in ma-
lum finem , Ergo potest Deus dare ministro
virtutem miraculorum , quâ virtute minister
pro suo arbitrio abutatur ad falsum confir-
mandum. Respondeo. Nego Consequentiam :
disparitas est , quia abusus Sacramenti in ma-
lum finem , non est aliquid , quo Deus atte-
stetur falsum : at verò , abusus ille miraculi
esset aliquid , quo Deus falsum attestaretur ,

In statu
providen-
tiæ præ-
sentis, Deus
non potest
permittere
abusum
miraculi
insensibi-
lem ad
confirma-
tionem fal-
si.

Potest ta-
men per-
mittere
abusum Sa-
cramenti
in malum
finem.

& moraliter deciperet. Ratio ulterior est. Quia confectio Sacramenti, non est testificatio Dei, operatio verò miraculi, est quædam Dei testificatio. Accedit quòd, nemo ignorare potest, confectioem Sacramenti ordinari ab ipso Deo in bonum aliquem finem; sed in nostrâ suppositione crederent omnes, & prudenter crederent, operationem miraculi ordinari ab ipso Deo, ad confirmandum dictum, quod reipsâ falsum est.

Objicies 2^o. Supponamus dare Regem Ministro suo sigillum Regium, & ità dare, ut omninò velit Ministrum sigillo uti, ad veram Scripturam sigillandam. Certè, si minister contra voluntatem Regis, abuteretur sigillo Regio ad sigillandam Scripturam falsam, nemo propterea accusaret Regem falsitatis, aut deceptionis. Ergò, si Deus daret alicui virtutem miraculorum ad veritatem confirmandam, minister verò abuteretur miraculo contra voluntatem Dei, ad falsum aliquid confirmandum, nemo diceret Deum esse deceptorem. Respondeo. Nego Consequentiam. Quia ùm minister sigillum regium apponit scripturæ falsæ, supponitur Rex non esse conscius falsitatis. Contra verò Deus miraculum faciens, quo minister abuteretur ad confirmandum falsum, conscius esset falsitatis, eique sigillum suum moraliter apponeret, ac proinde deciperet.

Nō peccat Deus præcursu Dei ordinario ad peccandum, non tamen Deus peccat creaturâ peccante, quia creaturâ peccans agit præter intentionem Dei,

Ergò etiamſi creatura abuteretur concuſſu Dei extraordinario ad decipiendum, Deus tamen non deciperet, quia creatura decipiens, ageret præter intentionem Dei. Reſpondeo. Nego Conſequentiam. Diſparitas eſt, quia peccare, eſt facere aliquid contra debitum ſuum; Deus autem concurrens ad peccatum præter intentionem, & determinatus à creaturâ, nihil facit contra debitum ſuum, ergò non peccat. At verò, permittere ſcienter abuſum inſenſibilem ſigilli ſui, ad confirmandum falſum; eſt moraliter, ſeu in aſtimatione hominum atteſtari falſum, ac proinde decipere. Certè ſatis notum eſt, concuſſum Dei ordinarium non dari creaturæ ad peccandum; quare ſi eo concuſſu abutatur creatura ad peccandum, abuſus ille non Deo, ſed creaturæ imputandus eſt. Sed non eſt notum, ut ſupponimus, concuſſum extraordinarium & miraculoſum non dari, ad confirmandum dictum illud, propter quod confirmandum creatura miraculo abutitur. Quare, ſi fiat ejuſmodi abuſus, Deo tribuetur; prudenter enim credetur Deus munire ſigillo ſuo dictum falſum. Ergò Deus ipſe decipiet.

dinarium
ad peccan-
dum, quia
non facit
aliquid
contra de-
bitum ſuū.

At verò
permittens
ſcienter
abuſum in-
ſenſibilem
ſigilli ſui
ad confir-
mandum
falſum,
deciperet.

Obijcies 4º. Deus concurreret cum Pſeudo- prophetis illis, qui in fine temporum facturi ſunt tot ac tanta ſigna, ut ipſi etiam electi periclitentur; neque tamen Deus deceptor erit: Ergò etiamſi faciat Deus verum miraculum, quo creatura abutatur in confirmationem falſi, non erit deceptor: nam quòd falſa ſint, aut vera miracula, nihil intereſt, ſi pro veris habeantur. Reſpondeo. Nego Conſequentiam.

Non decia-
piet tamen
Deus con-
currens
cū Pſeudo-
prophetis
ad falſa
miracula.

Quia, falsum miraculum non est verum Dei sigillum.

Quia Deus ad falsa miracula cum Pseudopphetis concurrens, non apponet sigillum suum; falsum enim miraculum, non est sigillum Dei: sed si Deus ad verum miraculum faciendum cum impostore concurreret, sigillo suo imposturam munitet; quia verum miraculum, est verum Dei sigillum. Quòd autem falsis miraculis homines in errorem adducantur, culpa est hominum non satis attendentium; qui, si diligentius attenderent, detegerent imposturam, & miraculorum vanitatem: nam, si quâcumque diligentia adhibitâ detegi non potest impostura, falsumque miraculum constanter ac prudenter habeatur pro vero; dico pertinere ad sinceritatem Dei, ne in talibus circumstantiis cum impostore concurrat, ad confirmationem falsi; quia ille concursus in æstimatione prudentum haberetur pro falsi contestatione, Deusque ipse moraliter deciperet.

Repugnat absolute, & pro omni statu providentiæ possibilis ordinari à Deo miraculum, aut abusus illius insensibilem ad confirmandum falsum.

Dico 3^o. Impotentia faciendi miraculum in confirmationem falsi superius explicata, absoluta est, & pro omni statu providentiæ possibilis. Demonstratur. Quia miraculum est sigillum Dei, non ex institutione liberâ, ut placuit nonnullis, quasi potuerit miraculum à Deo non assumi in sigillum, sed est naturale quoddam sigillum; essentialiter & necessario tale: atqui Deus absolute non potest ordinare sigillum suum, aut permittere sigilli sui abusum insensibilem, ad confirmationem falsi. Ergò non potest Deus absolute ordinare miraculum, aut permittere miraculi abusum in confirmationem falsi. Minor propositio jam

fatis suprà offensa est. Major verò ostendi potest. 1^o. Quia cùm miraculum sit sigillum divinum, vel tale est ex institutione, vel ex naturâ suâ: sed tale non est ex institutione, quia nullibi extat institutio miraculi in sigillam. Certè, cum Apostoli apud infideles per miracula fidem quærerent dictis suis, nullam mentionem fecerunt illius institutionis, nullam de illâ quæstionem moverunt; infideles autem nulla illius argumenta quæsierunt. Et verò, si fortè infidelis probari peteret istam institutionem; non video, quemadmodum efficaciter probaretur. Hic enim deficeret probatio miraculorum, cùm supponatur miraculum antè institutionem, non esse sigillum Dei, ac proindè non habere vim confirmandæ veritatis. Ostendi potest. 2^o. Quia apud omnes gentes miraculum agnoscitur pro sigillo Dei, Ergò dicendum est tale esse ex naturâ suâ; signa enim ex liberâ institutione, non sunt adeò generalia, neque idem significant apud omnes gentes. Ostendi potest. 3^o. Ex ipsâ miraculi naturâ; nam miraculum est opus aliquod extraordinarium, Dei solius ità proprium, ut totius naturæ vires superet, in circumstantiis in quibus fit: Ergò miraculum est specialis quædam nota Dei operantis. Aliundè verò, cùm Deus extraordinariè & propriè non possit operari, ad confirmandum falsum, ne Deus ipse videatur esse deceptor; sequitur non posse Deum uti miraculo ad confirmandum falsum. Ergò miraculum, est quædam specialis nota Dei operantis, quâ Deus uti non potest, nisi ad confirmandum verum: Ergò miraculum ex na-

Miraculum est sigillum Dei naturale.

turâ suâ , non ex institutione habet , ut sit sigillum divinum , ad solam veritatem signandam naturaliter ordinatum.

Objicies 1°. Si miraculum est sigillum Dei ad confirmandam veritatem naturâ suâ ordinatum , omne dictum vero miraculo confirmatum , evidenter verum erit ; atqui omne dictum vero miraculo confirmatum , non est evidenter verum ; Doctrina enim Christi veris miraculis confirmata est , neque tamen est evidenter vera. Respondeo. Nego Sequelam. Ratio negandi est. 1°. Quia fieri potest , ut veniat in dubium veritas miraculi. 2°. Quia dubitari potest de ordinatione miraculi , ad confirmandam Doctrinam. Atque hinc est , quòd Doctrina Christi , quamvis miraculis confirmata sit , non sit tamen evidenter vera. Quòd si fortè evidens fieret veritas miraculorum , ipsaque intentio Dei miracula ordinantis ad confirmandam Doctrinam Christi , jam evidens fieret Doctrina Christi ; quia evidens est , Deum non posse esse deceptorem ; est itè̃ evidens , Deum fore deceptorem , si Doctrinam falsam miraculo confirmaret. Ergò evidens est , Deum non posse confirmare miraculo Doctrinam falsam : quare , si fieret evidens Deum confirmare miraculo Doctrinam Christi , fieret evidens Doctrinam Christi veram esse.

Objicies 2°. Miraculum eatenus dicitur naturale sigillum Dei ad veritatem confirmandam , quatenus est naturalis quædam nota , quâ Deus significat se velle fidem & suasionem alicujus dicti ; atqui propterea miraculum , non est sigillum naturale Dei ad veritatem confir-

mandam ; quia Deus potest absolute velle fidem & suasionem dicti falsi ; potest enim Deus velle in pœnam peccati , ut decipiatur peccator , & credat dicto alicui falso. Respondeo. *Ratio sigilli conveniens miraculo in eo est , quod deus per miraculum tanquam per notam sibi peculiarem testetur Deus veritatem dicti.* Quare quod dicitur , posse Deum velle suasionem dicti falsi , Nego id posse velle , approbando & muniendo dictum falsum sigillo suo : esto , id velle possit aliis modis. Quod verò additur , Deum posse velle in pœnam peccati , ut decipiatur peccator , nihil repugno ; dummodo stet Deum ipsum non posse decipere ; ipse autem deciperet , si falsum aliquod dictum miraculo confirmaret.

Objicies 3°. Ergo Deus non potest facere miraculum , quo creatura abutatur ad confirmandum falsum abusu sensibili ; quia periculum esset , ne Deus pro testificatore falsi & deceptore haberetur. Consequens autem manifestè falsum est. Nam 1°. Potest Deus dare homini nequam virtutem miraculorum , gratia enim miraculorum non postulat necessariò subiectum sanctum. 2°. Potest Deus ità determinare & notificare finem propter quem vult miracula fieri , ut constet omnibus virtutem miraculorum datam esse homini nequam , propter sola misericordiæ opera exercenda , non autem propter alium finem. 3°. Potest nihilominus homo nequam abuti virtute illâ extraordinariâ ad confirmandum falsum , quemadmodum abu-

Nihilominus potest deus permittere abusum miraculi sensibilem , ad confirmationem falsi.

titur peccator virtute ordinariâ ad peccandum. Respondeo. Nego Sequelam, ejusque probationem. Fateor ergo, non tantum absolute & in statu providentiæ alicujus possibilis, sed in statu etiam providentiæ præsentis, posse Deum permittere abusum sensibilem miraculi in confirmationem falsi. Ratio est. Quia miraculum in talibus circumstantiis, non esset testificatio Dei; Deus enim neque Physicè, neque moraliter falsum attestaretur. Non Physicè, cum miraculum ipse non ordinaret ad confirmationem falsi. Non moraliter, cum satis constaret miraculum propter alios fines à Deo fieri. Deus igitur miraculosè operans in talibus circumstantiis, neque Physicè, neque moraliter deceptor esset. Confirmatur. Nam Rex, si fortè det Ministro sigillum suum, determinando usum sigilli, & notificando omnibus quem in finem sigillum Ministro permittat, certè, cum Minister sigillo Regio abuteretur ad Scripturam falsam signandam; deceptio, non Regi, sed soli Ministro imputabitur. Idem omninò dicendum est de Deo permittente abusum miraculi sensibilem.

Nam in hoc nihil est quòd Deum deceat.

Instabis. Dedecet Deum permittere sigillum suum homini nequam, si prævideat abuturum sigillo in confirmationem falsi; nam Deus, si talem abusum permetteret, conscius esset & aliquo modo particeps falsitatis. Respondeo. Nego Antecedens. Dedecet quidem Deum permittere abusum sigilli sui in circumstantiis, in quibus Deus prudenter & necessario crederetur apponere sigillum suum dicto falso; sed in circumstantiis nostris nihil tale contingit;

Deus enim, nec apponit ipse sigillum dicto falso, nec prudenter & necessario creditur sigillum apponere. Quare deceptio, si qua est, non in Deum refundi debet, sed in Ministrum.

ARTICULUS IV.

Demonstratur repugnare Deo infusionem, & operationem erroris.

Præmitto 1°. Error, alius est actualis, alius habitualis. Actualis, est quoddam iudicium falsum. Aliquandò verò directus est & simplex, hoc est, simpliciter repræsentans obiectum suum, præscindendo à statu quem habet in mente Dei: ut, si nunc ego judicarem vivere homines in mundo lunari. Aliquandò error reflexus est, vel supra mentem Dei de aliquo obiecto, vel supra ordinationem mentis divinæ ad aliquem. Ut, si nunc ego crederem, non modò vivere homines in mundo lunari, sed etiàm Deum ità sentire, mentemque suam ad me dirigere. Per errorem habitua- lem, intelligo habitum quemdam inclinantem ad falsò judicandum.

Error actualis qui sit, quid directus & simplex,

Quid reflexus.

Quid error habitualis.

Præmitto 2°. Infusio erroris, non est quicumque erroris productio: nam Deus intelligi potest producere errorem increaturâ duobus modis. 1°. Ità ut creatura determinet Deum ad errorem efficiendum. 2°. Ità ut creatura non determinet Deum, sed ipsa à Deo determinetur. Rursùm. Creatura potest determinare Deum ad efficiendum errorem,

Quid infusio erroris.

vel physicè, vel moraliter. Physicè determinare dicitur, cùm est aliquid in creatura physicè exigens concursum Dei ad errorem, ut est in amentibus, prava dispositio capitis, & in temerè judicantibus, pravus affectus voluntatis. Moraliter determinare dicitur, si aliquo peccato suo Deum moveat ad errorem ipsi immitendum, qui sit pœna peccati. Hinc sequitur infusionem erroris concipi posse duplicem. Prima est. Si Deus errorem producat in creaturâ intellectuali, concurrente quidem, sed non determinante: quo ferè modo producit Deus in intellectu gratiam illuminationis supernaturalem. Secunda est. Si Deus errorem producat cum creaturâ determinante moraliter tantùm, & non physicè; Deus enim infundere dicitur scientiam homini, quamvis fortè meritis hominis moveatur ad scientiam ei donandam. Ergò dicetur infundere errorem, quamvis fortè peccato hominis moveatur ad errorem immitendum: nullatenus autem dicendus est infundere errorem, eò præcisè quòd errorem producat cum creaturâ intellectuali physicè determinante, sive exigente concursum Dei ad errorem; quemadmodum non dicitur Deus infundere peccatum, quamvis cum creaturâ ad peccatum concurrat.

Repugnat
infusio er-
roris refle-
xi supra
ordinationem men-
tis suæ ad
creaturam.

Dico 1^o. Repugnat Deo infusio erroris reflexi supra ordinationem mentis suæ ad creaturam, idque nomine suo. Demonstratur. Error ille reflexus, est error, quo credit creatura Deum ordinare ad se mentem aliquam, idque nomine suo; repugnat autem Deo infusio talis erroris: Deus enim non potest, Exempli

causa, infundere mihi errorem, quo credam Deum ordinare ad me suam mentem de hominibus lunaribus; seu velle, ut cognoscam esse homines in mundo lunari, & hanc esse mentem Dei, mihi que hanc mentem ab ipso dirigi, & nomine suo. Ratio manifesta est penetranti terminos; quia Deus non potest falsum loqui, sed per infusionem talis erroris falsum loqueretur; infusio enim illa esset quædam Dei locutio falsa: nam 1°. Error ille, est quoddam signum naturale objecti sui; objectum autem illius est mens divina de hominibus lunaribus, & ordinatio mentis divinæ ad me, Dei nomine facta; ergo est signum naturale mentis divinæ, & ejus ordinationis ad me. 2°. Si Deus talem errorem mihi infunderet, illum ad me dirigeret cum ordinatione mentis suæ ad me; ergo dirigeret ad me signum mentis suæ, mentemque suam. Cum autem error ille sit signum aliquod mentis falsæ, seu quam Deus reipsa non habet, dirigeret Deus ad me signum mentis alicujus falsæ, ipsamque mentem falsam, ergo mihi falsum loqueretur. Ratio ulterior est, quia Deus hoc ipso quod mihi talem errorem infunderet, vellet esse in me talem errorem, ac proinde habere in me suum effectum formalem: formalis autem effectus talis erroris, est facere, ut cognoscam vivere homines in mundo lunari, ita sentire Deum, & mihi hanc mentem suam ordinare nomine suo, ergo, si Deus talem errorem mihi infunderet; vellet idem, ut cognoscerem se ita sentire de hominibus lunaribus, & hanc mentem suam ad me dirigere, idque nomine suo. Hoc autem est, formaliter loqui.

Quia talis erroris infusio, esset quædam locutio Dei falsa.

Illumina-
tus aliquis
si fortè er-
ret errore
illo reflexo,
error ille à
Deo infu-
sus esse non
potest.

Obijcies. Potest aliquis de gente illumina-
torum credere ex errore, ordinari sibi mentem
Dei de aliquo objecto, quæ tamen reipsâ non
ordinetur: Nam, quodd quis credat ordinari sibi
mentem Dei, non continuò sequitur talem or-
dinationem reipsâ fieri; atqui Deus non lo-
quitur, si reipsâ mentem suam non ordinet,
quantumvis putetur ordinare. Respondeo: di-
stinguo Antecedens. Potest aliquis credere ex
errore, ordinari sibi mentem Dei, quæ reipsâ
non ordinetur, si error ille, quo ita credit, sit
error à Deo infusus, nego. Si non sit à Deo in-
fusus, concedo. Disparitas enim magna est in-
ter errorem infusum, & non infusum: Nam
si Deus errorem infunderet, ex ipso modo pro-
ducendi vellet errorem esse in creaturâ, ergò
vellet, ut creatura cognosceret ordinari sibi
mentem Dei de objecto; est enim hic proprius
& formalis effectus talis erroris: At verò, si
error non est infusus, sed productus à Deo ad
exigentiam & determinationem creaturæ, non
vult propterea Deus errorem esse in creaturâ;
ergò neque vult, ut creatura cognoscat ordi-
nari sibi mentem Dei: Quare, ut paucis dis-
paritatem concludam, unus producendi mo-
dus, est ordinatio mentis divinæ ad creaturam,
alter, non est.

Repugnat
Deo infu-
sio erroris
reflexi su-
pra ali-
quam Dei
mentem
falsam.

Dico 2º. Repugnat Deo infusio erroris reflexi
supra aliquam Dei mentem falsam. Demonstra-
tur. Error ille reflexus, est error quo creatura
credit Deum sentire de objecto aliter ac reipsâ
sentit; Deus autem non potest infundere ta-
lem errorem, non enim potest mihi, v. g. in-
fundere errorem, quo credam vivere homines

in mundo lunari , & Deum ita sentire , cum tamen non ita sentiat. Nimirum error ille , est verum & naturale signum mentis divinæ falsæ ; repræsentat enim formaliter esse in Deo mentem aliquam , quæ reipsâ in Deo non est : Atqui Deus non potest ponere per se , verum & naturale signum mentis suæ falsæ ; hoc enim faciendo falleret. Ergo &c. Confirmatur. Si Deus per se formaret verba significantia mentem aliquam falsam Dei , eaque dirigeret ad audientem , falleret ; Ergo si Deus per se immitteret homini iudicium , repræsentans aliquam mentem Dei falsam , pariter hominem falleret ; quia error ille significaret mentem Dei falsam , non minùs quàm verba ; hoc tamen discrimine , quòd verba significarent ex instituto , error autem ille ex naturâ suâ significaret.

Quia error ille esset verum & naturale signum mentis divinæ falsæ , quod signum si Deus per se poneret , falleret.

Obijcies. Deus talem errorem infundens non loqueretur , ergo non falleret. Antecedens probatur. Quia non loquitur , qui præcisè ponit signa mentis falsæ , nisi ea signa , mentemque suam dirigat ad alterum. Respondeo 1°. Nego Antecedens. Nam si Deus talem errorem infunderet creaturæ intellectuali , non modò poneret signum mentis suæ falsæ , sed etiàm signum illud ad creaturam dirigeret ; quia ipse modus producendi importaret directionem , importaret enim voluntatem , quâ Deus vellet cognosci à creaturâ esse in Deo mentem aliquam , quæ reipsâ non esset , voluntas autem illa est formaliter directio signi , & ordinatio mentis ad creaturam. Respondeo 2°. Esto. non loqueretur per infusionem talis erroris , falleret ta-

Utrum autem infusio talis erroris esset propria locutio Dei , necne ; non multum interest.

Quia semper esset fallacia Deo indigna.

men , quia fallit formaliter , quicumque per se ponit significationem falsam , cum intentione fallendi , ergò &c. Utrum verò ea fallacia , sit fallacia loquentis , nec ne , non multum interest , dummodo stet esse fallaciam Deo indignam.

Repugnat Deo infusio cuiuscumque erroris , quantumvis simplicis.

Quia Deus ea infusione decipere-

Dico ,°. Repugnat Deo infusio cuiuscumque erroris , quantumvis simplicis. Demonstratur. Quia Deus decipere non potest , ut satis apparet ex ipsis terminis , sed si Deus errorem infunderet , deciperet ; nam quid est decipere , nisi inducere in errorem ? & quis in errorem inducit , si non inducit ille , qui errorem infundit ? Confirmatur. 1°. Ille decipit , qui ponit per se determinatum aliquod signum rei falsæ , dirigendo ad alterum ; sed Deus errorem infundens , poneret per se signum determinatum rei falsæ , dirigendo ad alterum : error enim est signum determinatum rei falsæ , & Deus signum ejusmodi dirigeret ad creaturam , quia ex modo producendi vellet , ut creatura cognosceret objectum aliter esse , ac reipsâ sit. Confirmatur 2°. Deus non potest ponere per se signum mentis suæ falsæ , dirigendo illud ad alterum , ergò neque potest ponere signum alterius objecti falsi dirigendo ad alterum ; nam si deberetur fides summa Deo significanti mentem suam , non video , cur non debeatur fides summa Deo significanti aliud quodcumque objectum : atqui , si Deus posset ponere per se signum objecti falsi , dirigendo ad alterum , non deberetur summa fides Deo significanti objectum illud ; quemadmodum non deberetur summa fides Deo significanti mentem

suam, si posset Deus ponere per se signum mentis suæ falsæ. Confirmatur 3°. Indignum est Deo, apponere sigillum suum Scripturæ falsæ, quamvis sigillum non significet mentem sigillantis, ergò indignum est Deo, ponere per se signum objecti falsi, quamvis signum illud, non sit signum mentis divinæ. Confirmatur 4°. Si Deus potest infundere errorem, destruitur, saltem ex parte, fundamentum perfectæ societatis Dei cum creaturis intellectuales; talis enim societas postulat, ut merces à Deo immediatè venientes, non possint esse suspectæ: atqui si Deus infundere potest errorem, merces à Deo immediatè venientes suspectæ erunt; nam suspectæ erunt cogitationes à Deo inspiratæ, quæ sunt instar mercium à Deo immediatè venientium, quia dubitari poterit, an sint falsæ.

Obijcies. Deus potest infundere homini dolorem, ergò & errorem: nam dolor, non est minus malum, quàm error. Respondeo. Nego consequentiam ejusque probationem. Error enim est majus quoddam malum & alterius ordinis: cujus rei conjecturæ sunt. Quòd error homini pudorem faciat, non dolor. Quòd Christus dolorem assumpsit, non errorem. Quòd jubemur errorem fugere, non dolorem. Cur autem error majus quoddam malum sit, quàm dolor. Ratio duplex est. Prima quia error dedecet naturam rationalem, ut rationalis est; natura enim rationalis, ut rationalis est, est intellectiva veri. Altera est, quia error per se tendit ad depravandum affectum: cum enim intellectus sit regula voluntatis, ubi errat in-

Cur Deus
dolorem
infundere
possit, erro-
rem non
possit.

tellektus judicando , errat ferè voluntas amando. Atque hinc est , quòd error dicatur esse malum aliquod morale , seu ad mores aliquo modo pertinens. Hæc quamvis verissima sint , nondum tamen in iis acquiesco , sed aliam affero , causam disparitatis inter dolorem & errorem : nimirum , error est signum naturale & determinatum rei falsæ : dedecet autem Deum ponere per se , & quasi nomine suo signum determinatum rei falsæ , dirigendo ad alterum , ergò dedecet Deum ponere per se , & quasi nomine suo errorem dirigendo ad alterum : Deus autem si errorem infunderet , poneret per se & nomine suo errorem , dirigendo ad creaturam errantem. At verò dolor , aliudve malum physicum , non est signum determinatum rei falsæ ; quare Deus infundens dolorem , non decipit , deciperet autem infundens errorem.

Quicum-
que ponit
per se &
nomine suo
signum de-
termina-
tum rei fal-
sæ , eo ipso
decipit.

Contra hoc
pr. 1. m
immobile
multa pro-
ponuntur.

Instabis. Non continuò decipit , qui ponit signum determinatum rei falsæ , dirigendo ad alterum , ergò Deus infundens errorem , non deciperet. Antecedens demonstrari potest multis exemplis. Nam 1^o. cum ad conspectum classis inimicæ exploditur tormentum bellicum , explosio illa , lætitiæ , aut salutationis honorificæ signum est , & quidem falsum ; non decipit tamen , qui tormentum explodit in eum finem , ut classis inimica decipiatur , & pro amicis habeat , qui amici non sunt. 2^o. Potest Deus miraculosè efficere , aut conservare visionem rosæ , quamvis rosæ non sit præsens ; visio autem illa rosæ , esset signum aliquod falsum , necessariò trahens errorem , quo judicaretur

dicaretur rosa præsens, quæ præsens non esset.
 3°. Christus ita Magdalena appatuit, ut crederetur esse hortulanus; neque tamen Magdalenam decepit. 4°. Discipulis euntibus in Emmaus, Christus idem dissimulavit speciem suam; addo ut videretur esse peregrinus, & longè alius ab ipso, secundum illud, *tenebantur oculi eorum*, *Luc. c. 24. v. 16.*
ne eum agnoscerent. 5°. Conservat Deus quotidie accidentia sensibilia panis & vini, destructâ panis & vini substantiâ; accidentia autem illa sunt signa falsa, quæ determinant ad judicandam panis & vini præsentiam; Deus tamen non decipit; ergo quamvis error sit signum rei falsæ, poterit à Deo infundi sine ullâ deceptione. Respondeo. Nemo ponit per se & nomine suo, signum determinatum rei falsæ, dirigendo ad alterum, quin eo ipso decipiat; Deus autem, si errorem infunderet, poneret per se & nomine suo signum determinatum rei falsæ, dirigendo ad alterum, ergo deciperet.

Quo principio immobili constituto, non erit admodum difficile, ad exempla proposita respondere. Ad primum igitur dico. Explosionem tormenti bellici, non esse signum determinatum lætitiæ, aut salutationis honorificæ, in alios enim fines tormentum explodere licet, maxime belli tempore, quo tempore omnia ejusmodi signa, æquivoca, indifferentia & suspecta esse debent: quare, si classis inimica tormenti explosione decipitur, imprudentiâ suâ decipitur. Esto. Velit explodens, ut hostes decipiantur, signum illud æquivocum malè interpretantes, ipse tamen non decipit; nam homini quidem licet interdum velle, ut alii suâ

Sed facile solvantur omnia, per legitimam principii applicationem.

imprudentiâ decipiantur, decipere autem nunquam licet. Ad secundum dico. Visionem rosæ miraculosè conservatam, non esse signum determinatum rosæ præsentis, significat enim tantum indeterminatè & disjunctivè, vel rosam præsentem esse, vel ita feriri oculos, ac si rosæ præsens esset: nec verò errorem necessariò trahit ista visio; nam si Deus fortè moneat de absentia rosæ, non sequetur error; si fiat prudens suspicio miraculi, poterit suspendi judicium; si rosam videns Stoicus sit, & prudentiæ adeo circumspectæ, ut, non existentiam rerum, sed solam apparentiam judicare soleat, judicabit apparere rosæ præsentiam, sed præsentiam non judicabit. Poterit deniquè hære in solo disjuncto, & judicare tantum, vel rosam præsentem esse, vel ita feriri oculos, ac si præsens esset, quod verissimum est; ergò visio rosæ miraculosè conservata, non determinat necessariò ad judicandam rosæ præsentiam. Quòd si supponatur conservari ea visio in circumstantiis, in quibus ad judicandam rosæ præsentiam necessitat; dicendum erit, complexum circumstantiarum non esse propriè & per se à Deo, sed esse aliquam circumstantiam quam Deus non vult, & per se non posuit: Nam si totum complexum necessitans ad errorem Deus propriè & per se poneret, jam propriè in errorem induceret, ac proinde propriè deciperet: oportet ergò ut sit in complexo aliqua circumstantia non veniens à Deo, quæ si non esset, non fieret ulla errandi necessitas, errandi enim necessitas à Deo non est. Ad tertium, dici potest Magda-

lenam , ex vi amoris & doloris non satis sui compotem , non satis attendisse ad speciem Christi , eumque pro alio præcipitanter accepisse ; nam dicitur quidem Magdalena existimasse , quòd hortulanus esset , sed nusquam dicitur Christus in specie hortulani apparuisse. Quòd si velis Christum ità apparuisse , potuit tamen Magdalena Christum introspicere sub eâ specie latentem ; aut si non potuit , profectò venit ea impotentia , ex aliquâ circumstantiâ , quam Christus esse noluisse : nam Christus talem speciem assumpserat , non ut alius à seipso , sed ut , qualis reipsâ erat , appareret , verus scilicet & spiritualis hortulanus , ut explicant Patres , non modo *plantans* aut *rigans* , sed gratiæ & virtutum seminibus *incrementum* dans. Ad quartum. Christus Discipulis ita dissimulavit speciem suam , ut posset internosci ; nam species assumpta peregrini & viatoris , eò solum pertinebat , ut intelligerent Christum jam esse in procinctu subtrahendi se ipsis , & remeandi ad patrem : tenebantur autem oculi eorum , ne eum agnoscerent , vel fascinatione diaboli , ut putavit Augustinus , vel suâ ipsorum inconsideratione , & examinandi negligentia , vel aliquo alio impedimento , quod Christus esse noluisse ; quare , si qua fuit in Discipulis errandi necessitas , à Christo propriè non fuit. Ad quintum Dico. Accidentia panis & vini confervari , non in signum panis & vini , sed in signum cibi & potûs , quem Christus fidelibus apposuit in Eucharistiâ , neque per ea accidentia inducuntur in errorem fideles , de mysterio

*Pauli i. ad
Cor. c. 3.*

instructi ; infideles autem , si errant , causa errandi est infidelitas & ignorantia ipsorum , quam Deus nollit esse : quare , si quam habent errandi necessitatem , à Deo propriè non venit. Sed si Deus errorem infunderet , Jam errandi necessitas à Deo veniret ; Deus enim propriè & per se poneret signum determinatum rei falsæ , quo formaliter creatura constitueretur errans , ergò Deus propriè Creaturam deciperet.

Repugnat
Deo quæ-
cumque
propria
operatio
erroris ac-
tualis.

Ratio peti-
tur ex sum-
mâ Dei sin-
ceritate.

Dico 4°. Repugnat Deo quæcumque propria operatio erroris actualis. Demonstratur ex summâ sinceritate Dei. Nam si Deus posset operari propriè errorem , summè sincerus non esset , posset enim excogitari major aliqua sinceritas, sinceritate Dei ; ea nimirum , quæ omnem operationem erroris propriè dictam excluderet. Confirmatur 1°. Autoritate Scripturæ , quæ passim removet à Deo operationem erroris , eamque dicit esse operationem Sathanæ. Confirmatur. 2°. Autoritate Patrum , qui duriora quædam Scripturæ loca , in quibus dicitur Deus excæcare , decipere , seducere , interpretantur de solâ permissione erroris , putantes nimirum propriam erroris operationem Deo esse indignam. Confirmatur 3°. Autoritate spiritualium & mysticorum , qui omnes in suis regulis pro discretionem spirituum , supponunt falsas cogitationes ab spiritu bono inspirari non posse , & cavendum monent ab spiritu malo , qui se in *Angelum lucis* , & in Deum ipsum , non rarè *transfigurat*. Confirmatur 4°. Ex communi sensu fidelium : vix enim unus est , qui non admitteret cogitatio-

nem aliquam ut veram , si certò sciret illam esse propriè à deo. Deus igitur causa erroris est , non propria & per se , sed impropriè & per accidens , causa nimirum universalis ad exigentiam & determinationem creaturæ operans , idque præter , aut contra intentionem suam , & cum aliquâ displicentiâ ; nec tam efficiens operationem erroris , quàm permittens.

Deus causa erroris est non propria & per se, sed impropriè & per accidens.

Objicies 1°. Potest Deus dementare hominem, vel in pœnam peccati , vel propter alios fines; Deus autem hominem dementans, esset causa propria & per se errorum , ex dementatione sequentium. Respondeo. Deus non potest dementare hominem propriè & per se , aut sine interventu alicujus causæ liberæ ; quia si Deus propriè & per se hominem dementaret , Jàm Deus in errorem induceret , ac proinde deciperet : quare si Deus fortè hominem dementet, id non facit propriè & per se , tanquam causa particularis , sed tanquam causa universalis , mediante spiritu malo , aliâve causâ libera determinante , cui Deus hominis dementationem permittit. Atque hic est verus sensus Patrum , qui operationem erroris Satanæ tribuunt , solam erroris permissionem Deo relinquentes.

Deus hominem dementare non potest propriè & per se, aut sine interventu alicujus causæ liberæ.

Objicies 2°. Potest Deus velle errorem Creaturæ , & ità velle , ut obligationem imponat errandi ; voluntas autèm illa est propriè dicta voluntas , quæ Deum denominat propriam causam erroris. Antecedens certum est : interdum enim error ità fit credibilis , ut sine imprudentiâ repudiari non possit ; tunc autem vult Deus,

Deus velle
non potest
errorem
creaturæ
voluntate
primariâ,
& inten-
dente, sed
voluntate
dumtaxat
secundariâ
& permit-
tente.

ut errorem creatura admittat, & ita vult, ut obligationem faciat errandi; nam si creatura errorem non admitteret, peccaret. Deus autem vult, ne creatura peccet, ergo vult idem ut creatura erret. Respondeo. Deus non potest velle errorem creaturæ suæ, voluntate primariâ, & intendente, sed voluntate dumtaxat secundariâ, & permittente: Nam si Deus quandoque vult errare creaturam, id non vult, nisi ex aliquâ suppositione, quàm nollet esse, & cum aliquâ erroris displicentiâ. Ratio ulterior est, quia talis censeri debet voluntas Dei circa errorem, qualis est circa causas errorem necessariò trahentes, voluntas autem Dei circa causas errorem necessariò trahentes, non tam intendens est, quàm permittens; Deus enim nollet esse illam causarum seriem, ex quâ error necessariò sequitur. Ergo voluntas Dei circa errorem, non tam est intendens, quàm permittens. Quare, ne ipsa quidem Dei voluntas, obligans creaturam ad errandum, in circumstantiis, in quibus error ita credibilis est, ut sine imprudentiâ resisti non possit, dici debet voluntas propriè intendens; quia ita est obligans ad errandum, in suppositione tantæ credibilitatis erroris, ut eam suppositionem nollet esse, & in ipso errore displiceat. Deus nimirum ita vult errare creaturam suam, ut velit in iis tantum circumstantiis, in quibus, aut errandum, aut peccandum est, quod non est propriè velle errorem creaturæ, sed magis velle, ne creatura peccet, quàm, ne erret; utrumque enim displicet Deo, & peccatum, & error, sed mi-

nus error , quàm peccatum : Neque hinc sequitur , placere Deo errorem creaturæ , nam ex duobus malis , quorum neutrum placet , fieri potest , ut unum minùs displiceat , quàm alterum.

Instabis. Deus , ex suppositione peccati , quam nollet esse , vult propriè damnationem peccatoris , eamque propriè operatur , ergò Deus , quamvis errorem creaturæ nolit , nisi ex suppositione quam nollet esse , dici tamen potest , velle propriè errorem , eumque propriè operari. Respondeo. Nego consequentiam. Scriptum est quidem , *Deus mortem non fecit*, *Ezech. 5.*
& *voluntatis meæ non est mors impij*, dicit Do 18.

minus , quatenùs mors , & damnatio peccatoris , est contra voluntatem primam & antecedentem , quâ Deus extra suppositionem peccati , vivere vellet , & salvari peccatorem ; supposito tamen peccato , Deus propriè vult voluntate secundâ & consequente , mortem & damnationem peccatoris ; ità ut , in ipsâ morte & damnatione complacere , eamque propriè , & extraordinariè operetur. At verò quæcumque suppositio fiat , Deus in errore creaturæ suæ complacere non potest , quia talis complacentia non satis congruit summæ sinceritati Dei. Non dedecet quidem Deum justum simul & bonum , complacere in pœnâ peccatori debitâ , quia Deo etiâ summè bono placere debet , ut puniatur , qui pœnam meretur : sed planè dedecet Deum sincerum , complacere in errore creaturæ , quocumque modo error contingat ; quia satis sincerus non est , non modo ille qui alterum decipit , sed etiam ille , cui

Deus non potest in errore creaturæ suæ complacere.

placet aliquo modo alterum decipi. Esto igitur Deus propriè & per se damnationem peccatoris operetur, nullo tamen sensu propriè & per se errorem creaturæ operatur.

In suppositione parochi, falsum dogma proponentis.

Deus non est propria & specialis causa erroris, sed solius affectus credendi qui supernaturalis est.

Obicies 3°. In suppositione Parochi falsum dogma rustico proponentis, Deus auxilio supernaturali concurret ad errorem rustici, ergo est propriè & per se causa erroris. Respondeo. Nego Antecedens. Nam auxilium supernaturale quod datur rustico, non datur propriè ad errorem; error enim est actus in substantiâ naturalis, ad quem nihil opus est auxilio supernaturali: Datur ergò auxilium supernaturale ad solum affectum credendi, qui honestus & supernaturalis est. Hinc sequitur, Deum esse quidem causam propriam, & specialem affectus credendi, sed non erroris; quia Deus, nec concursum supernaturalem exhibet errori, nec errorem producit, nisi in circumstantiis quas nolle est, nec in errore ullatenus complacet. Ille autem affectus credendi, propter quem datur auxilium supernaturale, non errandi affectus est, sed potius affectus veri assequendi.

Affectus credendi supernaturalis non est per se connexus cum errore.

Instabis 1°. Deus est propria causa alicujus necessario connexi cum errore, est enim propria causa affectus credendi, qui necessario errorem trahit. Respondeo. Affectus credendi supernaturalis, non est per se connexus cum errore; est enim secundum se indifferens, ut jungatur cum actu vero, aut falso: nam, si verum dogma parochus proponeret, rusticus ex eodem affectu credendi, verum actum eliceret; affectus ergo cum errore connexus

est , per accidens tantum , & ex circumstantiâ parochi falsum dogma proponentis , quam circumstantiam Deus nolle esse : quare Deus vult quidem propriè affectum credendi supernaturalem , eumque propriè operatur , sed errorem quem affectus ille non trahit , nisi per accidens , Deus , nec propriè vult , nec propriè operatur.

Instabis 2°. Affectus credendi necessariò & per se cum errore connexus est , est enim voluntas credendi quaternitatem personarum , quæ credenda proponitur , voluntas autem illa necessariò trahit errorem , quo credatur quaternitas ; nec potest ullo modo imperare actum verum , quo Trinitas credatur , ergo si Deus propriè operatur affectum credendi , operatur & propriè errorem. Respondeo. Duplicem distinguere oportet affectum credendi , universalem scilicet , & singularem. Singularis , est voluntas credendi determinatè quaternitatem personarum , & hic quidem affectus necessariò & per se cum errore connexus est , sed non est supernaturalis , & Deum propriè authorem non habet. Universalis , est voluntas credendi quidquid sufficienter propositum fuerit , ut à Deo revelatum ; affectus autem iste , supernaturalis est , sed non est secundum se cum errore connexus , est enim indifferens secundum se , ad imperandum actum verum , aut falsum. Nam , si loco quaternitas , quæ credenda proponitur , proponeretur Trinitas , imperaretur fides Trinitatis eodem affectu , quo fides quaternitatis imperatur.

Affectus credendi duplex distinguendus est.

Universalis & singularis.

Singularis cum errore connexus est , sed non est supernaturalis.

Universalis autem supernaturalis est , sed non est per se cum errore connexus.

Instabis 3°. Affectus universalis trahit per se

Neque trahit necessarium affectum singularem cum errore connexum.

affectum singularem, affectus autem singularis trahit per se errorem, ergo si Deus est propria causa affectus universalis, est propria causa affectus singularis. Si autem est propria causa affectus singularis, est etiam propria causa erroris. Respondeo. Pro dissoluendâ serie rerum malè nexarum. Dicendum est, affectum universalem credendi non trahere necessarium & per se affectum singularem credendi quaternitatem personarum. Nam affectus universalis est indifferens secundum se, ut conjungatur cum alio affectu singulari determinante ad credendam personarum Trinitatem; quare cum affectu singulari, determinante ad quaternitatem credendam, non nisi per accidens coniungitur, & ex circumstantiâ falsæ propositionis, quam propositionem Deus esse nollet. Stergò Deum operari quidem propriè affectum universalem credendi, sed non operari propriè affectum singularem cum errore connexum.



QUÆSTIO IV.

De Divinitate Doctrinæ Christi.

PARUM est homini Libertino quod jam demonstravimus, summam esse Deiloquentis Authoritatem; nam & ipse ultro confitetur, Deum, si loquatur, mereri summam fidem, paratus etiam Christianismum amplecti, statim ut persuasum ei fuerit, Deum per Chri-

stum fuisse reipsâ locutum , & doctrinam Christi verè esse divinam. Quare progredendum est ulterius , ad divinitatem doctrinæ Christi demonstrandam. Id quod evincemus tam patentibus argumentis , ut omni homini rationali , & non præoccupato , evidenter appareat prudentissimè facere , quicumque credit doctrinam Christi divinam esse , imprudentissimè verò , quicumque non credit. Sed parùm , aut nihil omninò fecerimus , nisi nos specialiter juverit ille ipse Christus qui dixit , *ego dabo vobis os & sapientiam , cui non poterint resistere & contradicere omnes adversarii vestri.* Demonstratio tota duplici parte constabit. Prima erit , evidens credibilitas doctrinæ Christi. Secunda , evidens incredibilitas cujuscumque sectæ Christianismo oppositæ. Valebit utraque , & ad fideles confirmandos in fide , & ad convertendos infideles.

CAPUT PRIMUM.

Evidens credibilitas Divinitatis Doctrinæ Christi.

PER doctrinam Christi , intelligitur doctrina , quam Christus ipse , aut per se immediatè & proprio ore , aut per Apostolos suos tradidit. De qua doctrinâ cum quaeritur , an divina sit , non quaeritur , an Christus ipse sit Deus , hæc enim quaestio alterius loci est ; sed præscindendo à divinitate Christi ,

Quid sit doctrina Christi & quo sensu dicatur divina.

quæritur, an Deus per Christum & Apostolos Christi locutus sit, ita ut doctrina quam à Christo, & à Christi Apostolis habemus, sit doctrina quædam divina, seu Dei loquentis auctoritate signata. In quâ quæstione duo nobis præstanda sunt. Primò quidem demonstranda est credibilitas prudens divinitatis doctrinæ Christi. Deinde verò expendenda ea credibilitas quanta sit.

ARTICULUS I.

Demonstratur prudens credibilitas Divinitatis Doctrinæ Christi.

Quid sit credibilitas Doctrinæ.

Credibilitas à veritate distinguitur.

Alia prudens est, alia imprudens.

PRæmitto. Credibilitas est species, seu apparentia veri. Doctrinam ergò aliquam esse credibilem, nihil aliud est, quam ita habere speciem & apparentiam veri, ut obtinere possit assensum aliquem, quo credatur esse vera. Hinc sequitur. Aliud esse credibilitatem doctrinæ, & aliud ejus veritatem, quia aliud est veritas, & aliud apparentia veritatis; nam rei veritas petitur ab ipsâ rei existentia, quæ nimirum talis est, qualis esse creditur, credibilitas autem, seu apparentia veritatis petitur ab existentia, aut connexionemotivorum, quæ suadent rem ita esse, ut tamen res ita non sit. Ergò fieri potest, ut doctrina aliqua sit credibilis, & tamen non sit vera. Credibilitas alia prudens est, alia imprudens. Prudens, est talis ac tanta apparentia veri, ut fundare possit assensum prudentem; cum scilicet Doctrina proposita tot ac tantis nititur motivis, ut vir

prudens ei assentiri possit, sine notâ temeritatis & imprudentiæ. Credibilitas imprudens, est talis quædam apparentia veri, quæ non sufficiat ad assensum prudentem; cum scilicet Doctrina proposita habet quidem aliqua motiva, sed adedò levia, ut qui propterea assentiatur, imprudens sit. Credibilitatis autem multi sunt gradus. Nam interdum credibilitas prudens talis est, ut fundare quidem possit assensum aliquem prudentem; sed tamen, neque excludat omne dubium prudens, neque obligationem credendi inducat, neque partis oppositæ prudentem credibilitatem tollat. Interdum tanta est credibilitas, ut non modo fundet assensum prudentem, sed etiam excludat omne dubium prudens, obligationem assentiendi inducat, & partis oppositæ prudentem credibilitatem tollat. Aliquandò demum tanta est, ut rem faciat evidentem, & ad assensum necessitet. Demonstrare nunc præcisè habemus Doctrinam Christi esse prudenter credibilem. Nam quo gradu credibilis sit, articulo sequenti expendemus.

Credibilitatis multi sunt gradus.

Thesis Unica. Doctrina Christi prudenter credibilis est. Demonstratur. Illa Doctrina est prudenter credibilis, quæ talem ac tantam habet apparentiam veri, ut fundare possit assensum aliquem prudentem. Doctrina autem Christi est hujusmodi, quippe quæ nititur talibus ac tantis motivis, ut quisquis ea bene penetraverit, prudenter eis assentiri possit: motiva autem illa, quæ credibilitatis appellantur, quatuor ferè sunt. Primum est. Qualitas Doctrinæ Christi. Secundum. Modus extraordi-

Credibilitas Doctrinæ Christi in quatuor motivis fundatur.

narius quo Doctrina Christi introducta & propagata est. Tertium. Irrefragabilis autoritas testium Doctrinæ Christi suffragantium. Quartum, est exercitus, ut ita dicam, miraculorum pro Christi Doctrina militantium. Hæc omnia suam ut lucem habeant, singula persequemur.

§. I.

Qualitas Doctrinæ Christi.

Primum
motivum
est qualitas
doctrinæ
Christi.

Quæ Deū
authorem
sapit.

Quia nulla
verior,
nulla San-
ctior.

Primum ergo credibilitatis motivum est Doctrinæ qualitas. Ex quo pro divinitate doctrinæ Christi, sic argumentor. Illa doctrina prudenter creditur esse divina, quæ doctrinæ divinæ characteres omnes & proprietates ita habet, ut Deo maxime digna sit, solumque Deum authorem sapiat. Sed doctrina Christi ita habet omnes characteres, & proprietates doctrinæ divinæ, ut Deo maxime digna sit, solumque Deum authorem sapiat. Major non indiget probatione. Minor verò probatur. Quia doctrina illa Deo maxime digna est, & solum Deum authorem sapit, quæ doctrinâ nulla verior, nulla Sanctior esse possit: Deus enim cum sit summè verax, idemque summè Sanctus, nihil docere potest, quod verum Sanctumque non sit, ejusque doctrina debet esse summè vera, & summè Sancta. Atqui doctrina Christi est hujusmodi, ut nulla verior esse possit, nulla Sanctior. Ergo doctrina Christi Deo maxime digna, solumque Deum authorem sapit. Sed ut hæc ratiocinatio manifestior fiat.

Dico 1°. Ea est veritas doctrinæ Christi, ut Deo maximè digna sit, & solum Deum authorem sapiat. Nam doctrina Christi ità vera est, ut nihil habeat falsi, quod rarum est in doctrinâ valdè diffusâ, *in multiloquio enim non deerit peccatum.* Doctrina Christi universalis est, ad omnia tempora se extendens, etiam futura, quæ nemo certò videre possit, nisi Deus. Doctrina Christi plerumque versatur in rebus divinis, valdè abditis & arduis, in quibus errare facile est. Habetur autem veritas doctrinæ Christi. 1°. Ex stylo illius simplici, qui stylus fucum, artificium, & mendacium non sapit. 2°. Ex conformitate illius cum rectâ ratione, in iis quæ rationem non superant; nam in iis doctrina Christi rectæ rationi perfectè congruit, unde præsumi debet veram esse in aliis, quæ rationem superant. 3°. Ex mirabili concordia omnium capitum & articulorum doctrinæ Christi. Ista enim omnium partium proportio, est divina quædam pulchritudo veritatis. 4°. Ex certis quas continet rerum futurarum prædictionibus; nam si veritatem tenet in rebus futuris prædicendis, vehemens conjectura est in aliis, quæ minùs difficilia sunt, veritatem quoque tenere. Atqui certissimè constat in rebus futuris prædicendis doctrinam Christi veritatem tenere; multarum enim insignium prædictionum eventus notorius est. Prædixit Christus excidium Hierosolymitanum, Judæorum Cladem, Prædicationem Evangelii per universum orbem, Persecutiones Ecclesiæ ejusdemque firmitudinem. Mundi conversionem ad Crucifixum,

Ostenditur
veritas do-
ctrinæ
Christi.

Prov. c. 10.

aliaque, multa quæ, uti prædixit, manifestè evenerunt. 5^o. Cum certum sit, doctrinam Christi habere multa vera, præsumendum est pro veritate cæterorum, donec vincatur habere aliquid falsi; ex eo enim quod certò constat veram esse in multis, est in quâdam veluti possessione veritatis, à quâ possessione deturbari non debet, nisi per notoriam aliquam falsitatem, quam habere vincatur: sed doctrina Christi nullam habet falsitatem notoriam, nec convinci potest habere aliquid falsi. Ergò manere debet in suâ possessione veritatis.

Ex quâ
veritate
colligitur
divinitas
doctrinæ.

Objicies. Malè procedimus argumentando; & probamus idem per idem. Nam quæritur an doctrina Christi vera sit, nos autem probamus veram esse, quia vera est, quod planè nugari est, non argumentari. Respondeo. Quisquis es, qui ita objeicis, attendere debueras ad verum quæstionis statum, quem supra posuimus. Nam, quæstio non est, an doctrina Christi sit vera, sed, an divina sit; nos autem ex veritate, divinitatem illius arguimus, qui discurrendi modus nihil habet vitiosum.

Aut potius
credibilitas
divinitatis.

Instabis 1^o. Quæcumque allata sunt pro veritate doctrinæ Christi, non demonstrant eam esse divinam, quod tamen erat demonstrandum. Respondeo. Erras iterum in vero quæstionis statu; neque enim demonstrandum erat, doctrinam Christi esse divinam, sed esse prudenter credibilem, uti divinam. Divinitas, & prudens credibilitas divinitatis, duo sunt valdè diversa; fieri enim potest, ut pruden-
ter

ter credatur aliquid esse divinum, quod re-
ipsâ divinum non sit.

Instabis 2^o. Ex veritate doctrinæ Christi,
non colligitur evidenter illius divinitas; potest
enim doctrina humana vera esse, præsertim si
Deus hominem dirigat, ne docendo errer.
Respondeo. Necdum satis assequeris, quid
colligi debeat. Esto, ex veritate doctrinæ
Christi, non colligatur evidenter divinitas
illius, dummodò colligatur evidenter prudens
credibilitas divinitatis, hoc enim ipso habe-
mus, quod volumus. Atqui ex veritate do- Et quidem
ctrinæ Christi, qualem exposui, colligitur evi- evidenter,
denter prudens credibilitas divinitatis illius;
quia veritas aded constans doctrinæ valdè dif-
fusæ, & versantis in rebus difficilibus, arduis,
& à cognitione hominum remotis, magnum
est divinitatis argumentum. Est enim valdè
difficile, ne dicam mortaliter impossibile, ut
in rebus hujusmodi homo sibi relictus constan-
ter verum dicat. Quòd si supponatur Deus di-
rigere hominem, ne erret in doctrinâ suâ,
jàm doctrina hominis supponitur esse aliquo
modo divina, quamvis à deo ut loquente non
sit. Sed si detur nobis Deum Christo adfuisse
ne falsum doceret, evidenter sequitur doctri-
nam Christi esse propriè divinam, quia Chri-
stus ipse testatur se loqui nomine Dei, & do-
ctrinam suam divinam esse. *Mea*, inquit, *Joan. 7.*
Doctrina non est mea, sed ejus qui misit me.

Instabis 3^o. Doctrina Christi multa habet Nec quem-
incredibilia, qualia sunt, Mysterium Trinita- quam mo-
tis, Mysterium Incarnationis, Peccatum Ori- rari debent
ginale, Æternitas pœnarum pro peccato mo- que in do-

aliaque, multa quæ, uti prædixit, manifestè evenerunt. 5°. Cum certum sit, doctrinam Christi habere multa vera, præsumendum est pro veritate cæterorum, donec vincatur habere aliquid falsi; ex eo enim quod certò constat veram esse in multis, est in quâdam veluti possessione veritatis, à quâ possessione deturbari non debet; nisi per notoriam aliquam falsitatem, quam habere vincatur: sed doctrina Christi nullam habet falsitatem notoriam, nec convinci potest habere aliquid falsi. Ergò manere debet in suâ possessione veritatis.

Ex quâ
veritate
colligitur
divinitas
doctrinæ.

Objicies. Malè procedimus argumentando, & probamus idem per idem. Nam quæritur an doctrina Christi vera sit, nos autem probamus veram esse, quia vera est, quod planè nugari est, non argumentari. Respondeo. Quisquis es, qui ita objeis, attendere debueras ad verum quæstionis statum, quem supra posuimus. Nam, quæstio non est, an doctrina Christi sit vera, sed, an divina sit; nos autem ex veritate, divinitatem illius arguimus, qui discurrendi modus nihil habet vitiosum.

Aut potius
credibilitas
divinitatis.

Instabis 1°. Quæcumque allata sunt pro veritate doctrinæ Christi, non demonstrant eam esse divinam, quod tamen erat demonstrandum. Respondeo. Erras iterum in vero quæstionis statu; neque enim demonstrandum erat, doctrinam Christi esse divinam, sed esse prudenter credibilem, uti divinam. Divinitas, & prudens credibilitas divinitatis, duo sunt valdè diversa; fieri enim potest, ut pruden-
ter

ter credatur aliquid esse divinum, quod re-ipsâ divinum non sit.

Instabis 2^o. Ex veritate doctrinæ Christi, non colligitur evidenter illius divinitas; potest enim doctrina humana vera esse, præsertim si Deus hominem dirigat, ne docendo errer. Respondeo. Necdum satis assequeris, quid colligi debeat. Esto, ex veritate doctrinæ Christi, non colligatur evidenter divinitas illius, dummodò colligatur evidenter prudens credibilitas divinitatis, hoc enim ipso habemus, quod volumus. Atqui ex veritate doctrinæ Christi, qualem exposui, colligitur evidenter prudens credibilitas divinitatis illius; quia veritas aded constans doctrinæ valdè diffusæ, & versantis in rebus difficilibus, arduis, & à cognitione hominum remotis, magnum est divinitatis argumentum. Est enim valdè difficile, ne dicam moraliter impossibile, ut in rebus hujusmodi homo sibi relictus constanter verum dicat. Quòd si supponatur Deus dirigere hominem, ne erret in doctrinâ suâ, jam doctrina hominis supponitur esse aliquo modo divina, quamvis à deo ut loquente non sit. Sed si detur nobis Deum Christo adfuisse ne falsum doceret, evidenter sequitur doctrinam Christi esse propriè divinam, quia Christus ipse testatur se loqui nomine Dei, & doctrinam suam divinam esse. *Mea*, inquit, *Doctrina non est mea, sed ejus qui misit me.* *Joan. 7.*

Instabis 3^o. Doctrina Christi multa habet incredibilia, qualia sunt, Mysterium Trinitatis, Mysterium Incarnationis, Peccatum Originale, Æternitas pœnarum pro peccato mortali. Nec quemquam morari debent quæ in do-

doctrinā Christi videtur incredibile. mentaneo, aliaque id genus. Respondeo. Nego Antecedens. Ista enim homini sapienti incredibilia non sunt. Cur enim esset incredibilia? An quia ratione naturali haberi non possunt? Atqui ratio ipsa naturalis docet esse alia.

1. *Ad Cor.* qua *profunda Dei*, quæ ratio naturalis scrutari non potest. An quia habent aliquam speciem repugnantia? Atqui ipso naturæ lumine evidens est, esse debere multa in Deo in speciem repugnantia, quæ nullus creatus intellectus conciliare possit. An quia clarissimis naturæ principiis non benè congruunt? Sed pariter evidens est, humana & divina iisdem regulis non subjacere. Nam, ut ait Zeno Veronensis, *Deum quodammodo negat, qui rationibus metitur humanis.*
- Serm. de fide.*

Ostenditur
Sanctitas
doctrinæ
Christi.

Dico 2^o. Ea est Sanctitas doctrinæ Christi, ut Deo maximè digna sit, authoremque sapiat summè Sanctum. Probat. Sanctitas Doctrinæ in duobus consistit, nimirum, ut ad bonum inclinet, & avertat à malo. Est enim Sanctitas, aversio quædam à malo, & inclinatio ad bonum. Atqui doctrina Christi maximè inclinat ad bonum, & avertit à malo. Nam præter virtutes speculativas, ex quibus multæ etiam consequentiæ salutares deduci possunt pro directione morum; Doctrina Christi moralis constat præceptis, consiliis, minis, promissionibus, exemplis. Hæc autem omnia ad commendationem boni, & diffamationem mali omninò pertinent. Et præcepta quidem affirmativa, nihil jubent quod bonum non sit, totamque naturæ legem non modò continent & explicant, sed ei aliquid excellentius super-

addunt. Præcepta verò negativa prohibent omne quod malum est, usquè ad verbum otiosum, officiosumque mendacium : nec peccata tantum externa, sed voluntates etiam malas, ad morosam usquè delectationem, levemque complacentiam ; ut meritò dici possit *lex Domini Immaculata*. Consilia Doctrinæ Christi hominem promovent ad virtutes heroicas, & virtutum heroicarum perfectissimos actus ; cujusmodi sunt consilia de voluntariâ paupertate, de fugâ voluptatum etiam licitarum, de abdicatione libertatis, de continuâ in rebus omnibus mortificatione, de contemptu rerum omnium caducarum, quò meliùs & expedi- tiùs Deo serviatur, de summâ humilitate & modestiâ, de ardentissimâ charitate in Deum, de sincerâ proximi dilectione, &c. Sed quale est illud, non consilium modò, sed præceptum, *Diligite inimicos vestros, benefacite iis* *Math. 5.* *qui oderunt vos, orate pro persequentibus vos,* &c. Quòd spectat minas quas adhibet ad homines à malo deterrendos, quid terribilius inimicitîâ Dei, reprobatione, damnatione, igne devorante, & ardoribus sempiternis. De promissionibus ad virtutem allicientibus, quid magnificentius, amicitîâ, hæreditate, possessione Dei, æternitate beatitudinis. Denique exempla quæ affert, omninò demonstrant, quàm benè sit homini justo, & quàm malè impio, ac proindè magna sunt incitamenta ad virtutem. Ex quibus apparet evidenter Sanctitas Doctrinæ Christi. Confirmatur 1°. Doctrina illa Sanctissima est, quam, qui sequitur, eo ipso perfectissimè implet omnia offi-

cia sua ; sed qui sequitur Doctrinam Christi ; eo ipso perfectissimè implet omnia officia sua. Nam officia hominis , alia sunt ad Deum , alia ad proximum , alia ad se ipsum. Hæc autem omnia perfectissimè implet , qui sequitur Doctrinam Christi. 1°. Enim de Deo sentit dignè Deo , omnem ei perfectionem tribuens , omnem ab eo imperfectionem removens : Deo loquenti intellectum captivat per fidem , in Dei promissionibus acquiescit per spem , Deum præfert omni bono creato per charitatem ; & ità adhæret Deo , ut fiat unus spiritus cum illo. Nec verò ulla Doctrina est , quæ proponat tot titulos obsequii , submissionis , dependentiæ , timoris , gratitudinis , devotionis , ut Doctrina Christi ; nulla , quæ tam arctè hominem cum Deo conjungat ; ità ut Christianorum sit ista vox , non minùs quàm Israëlitarum , *non est alia natio tam grandis , quæ habeat Deos appropinquantes sibi , sicut adest Deus noster.* 2°. Qui Christi doctrinam sequitur , rectè se habet ad proximum ; quia doctrina Christi , est doctrina justitiæ , charitatis , misericordiæ , pietatis , obedientiæ , sinceritatis , fidelitatis , aliarumque virtutum , quibus disponitur homo , ut benè se habeat ad alterum. 3°. Qui sequitur doctrinam Christi rectè se habet ad se ipsum , est enim doctrina illa , doctrina humilitatis , modestiæ , temperantiæ &c. Motus omnes , seu animi , seu corporis inordinatos damnans , honestosque præscribens. Confirmatur iterùm. Doctrina illa verè Sancta , & Divina est , quæ sectatores suos sanctos facit , & verè divinos. Doctrina autem

Deuter. 4.

Christi verè Sanctos facit, & divinos sectatores suos; quod est aded verum, ut primi Christiani omnes appellentur Sancti, diceretque Chrysostomus, suis etiam temporibus *unius Christiani aspectum plus valere ad Gentilium conversionem, quàm aspectum Cœli & Terræ; nec in Christianis*, ut notat Augustinus, *aliud haberent reprehendere infideles, præter nimiam Sanctitatem*. Ex quibus omnibus concludo, doctrinam Christi ità esse Sanctam; ut illam, & Deus docere debuerit, nec docere potuerit, nisi Deus.

Objicies. Doctrina Christi diffamabatur olim ut plena impietatis, hinc enim Christiani damnabantur tanquàm Athei: ut plena crudelitatis, quæ doceret homines humanis vesci carnibus: ut plena impuritatis, *Quid enim aliud est*, aiebant Gentiles, *Communio Christianorum, quàm exercitatio libidinis*: ut plena perduellionis & contumaciæ, quæ subditorum manus armaret adversus legitimos principes. Respondéo. Sunt hæ veteres & nimium crassæ calumniæ, quas partim ignorantia, invidia, malevolentia Gentilium, partim falsorum Christianorum turpitudine, in veros & innocentes invexerat. Nam 1°. Quòd Christiani falsos Deos negarent, putabantur esse Impii & Athei, quia non Polythei. 2°. Quòd profiterentur vesci se carne & sanguine Christi, traducebantur passim, ut homicidæ, & humanarum carnum comestores. 3°. Quòd Nicolaitæ, Gnostici, Carpocratiani, aliique infames Hæretici Christianum nomen assumerent, istorum fordidus verus Christianismus onerabatur. 4°. Quòd

Cur olim
doctrina
Christi
diffamaretur
ut inimica
sanctitatis.

*Tert. in
Apolog.*

Christiani regnum Christi venturi perpetuū haberent in ore, & iurare nollent per Genios Imperatorum, recusarentque pro ipsorum salute idolis sacrificare, perduellionis accusabantur. Denique, instar omnis criminis erat Christianum esse, ita ut, quod notat Tertulianus in suo Apologetico, *ad damnationem Christianorum expectaretur Confessio nominis, non accusatio criminis*. Sed istas omnes calumnias Christiani, partim scriptis Apologiis, partim sanguine suo omnino elucunt.

Instabis. Si Doctrina Christi est adeo Sancta, cur non Sancti sunt omnes professores Doctrinae Christi. Respondeo. Quia non omnes professores Doctrinae Christi, fideliter sequuntur Doctrinam Christi. Nam si sequerentur, Sancti essent, & ideo Sancti non sunt, quia non sequuntur.

§. II.

Modus extraordinarius introductionis & propagationis Doctrinae Christi.

Secundum
motivum
est modus
extraordi-
narius in-
troductionis,
&
propaga-
tionis Do-
ctrinae
Christi.

Magnum est, modus iste, credibilitatis motivum. Nam ea Doctrina prudenter creditur esse divina, quae introducta est, & propagata modo plane divino, Doctrina vero Christi modo plane divino introducta & propagata est. Divinus autem iste modus, ut rem totam sub uno aspectu ponam, in eo consistit; quod Doctrina captu difficilis, sensibus aspera, religioni longo jam usu inveteratae contraria, per pauculos piscatores, nullis

mediis humanis, intra breve tempus, non vulgo tantum, sed viris etiam doctis & sapientibus, ipsisque principibus persuasa fuerit; eaque tandem, & facundiæ Oratorum, & sapientiæ Philosophorum, & potentiæ Principum, & obstinationi populorum, & tyrannorum persecutioni, & conjurationi omnium hominum prævalens, totum orbem invitum licet & contradicentem, totisque viribus repugnantem, momento ferè occupaverit. *Certe à Domino factum est istud, & est mirabile in oculis nostris.* Super hunc modum extruere placet argumenta aliquot contra paucos incredulos, qui novo quodam & diabolico pertinaciæ miraculo, resistunt adhuc ei Doctrinæ, cui conjuratus orbis resistere non potuit.

Math. c. 24

Super quod modum multa argumenta extruuntur.

Argumentor igitur 1°. Ex difficultate Doctrinæ Christi. Nam Doctrinæ illius persuasio, vel fuit facta modo humano & naturali, vel modo supernaturali & divino. Non modo humano & naturali. Minor probatur. Quia persuasio humana & naturalis fit, vel evidentiâ rei, vel experientiâ sensuum, vel rationis discursu, vel inclinatione voluntatis. Persuasio autem Doctrinæ Christi fieri non potuit eo modo. Non rei evidentiâ, cum illa obscura & profunda sit: non experientiâ sensuum, cum à sensibus sit remota; non discursu rationis, cum rationem in multis superet; non inclinatione voluntatis, cum tota cupiditatibus humanis contraria sit. Superest ergo, ut facta sit modo divino, Deo nimirum persuasionem operante, tanto miraculo, ac si fortè faciat Deus, ut oculus videat objectum non

Ex difficultate Doctrinæ;

illuminatum, & nanus in terrâ positus cœlum distans digito tangat.

Ex pravâ dispositione subjecti ad Doctrinam.

Argumentor 2°. Ex pravâ dispositione subjecti eam Doctrinam recipientis. Neque enim humanum est & naturale, formam inducere in subjectum malè dispositum. Sed persuasio Doctrinæ Christi inducta fuit in homines malè omninò dispositos, innumeris scilicet erroribus præoccupatos, implicatos vitiorum laqueis, & inveteratâ superstitione obduratos. Quod planè non minùs mirabile est, quàm si forma ignis in lignum viridè induceretur, aut si aqua mobilis & fluida impressos characteres retineret, aut durum marmor quamlibet sigilli figuram, ceræ instar mollis, admitteret.

Ex instrumentis quæ adhibita sunt, ad persuasionem ineptis.

Argumentor 3°. Ex instrumentis ineptis quæ adhibita sunt ad faciendam persuasionem Doctrinæ Christi. Nam operosum aliquod perficere instrumentis ineptis & impropportionatis, solius Dei proprium est; qui cùm sit causa principalis perfectissima, supplere potest defectum cujuscumque instrumenti. Atqui persuasio Doctrinæ Christi, res utique operosa, facta est per instrumenta inepta, & tanto operi impropportionata; per pauculos scilicet piscatores, idiotas, timidos, elingues. Quod considerans & admirans Augustinus lib. 12. de civ. cap. 5. *Paucis, inquit, obscuris, minimis, indoctis credidit mundus, quia in tam contemptibilibus testibus multò mirabilius Divinitas persuasit.*

Arg. lib. 12. de Civ. c. 5.

Ex defectu medii cujuscumque idonei ad eam finem.

Argumentor 4°. Ex defectu medii cujuscumque humani ad finem obtinendum idonei. Siquidem dum obtineretur finis, aliquis arduus

sine ullis mediis humanis & naturalibus, primum est suspicari media aliqua divina & supernaturalia. Atqui ad persuasionem Doctrinæ Christi, finem valdè arduum, ventum est sine mediis humanis & naturalibus; naturaliter enim loquendo ad ejusmodi persuasionem faciendam opus erat magnâ eloquentiæ, aut pecuniæ, aut armorum vi; nihil tamen horum intervenisse certum est, sed sine eloquentiâ, sine pecuniâ, sine dolo, sine vi, pauci homines Doctrinâ Christi mundum occuparunt. Quod sanè non minùs mirum est, quàm si munitissimam arcem & benè resistantem, rustici aliquot inermes, sine auro, sine ferro, sine dolo expugnarent.

Argumentor 5º. Ex mediis non modo non aptis ad finem, sed fini obtinendo contrariis, quibus tamen finis obtentus est. Nam Christus Apostolos suos & prædicatores Doctrinæ suæ, non dolo, sed simplicitate, non divitiis, sed paupertate, non armis sed patientiâ instruxit. *Ex mediis obtinendo fini contrariis.*
Ecce ego, inquit, mitto vos sicut agnos inter lupos. Luc. 10.
 Sed quod mirum, isti agni simplices, muti, & inermes, in ipsis luporum faucibus etiàm cum devorantur, de lupis agnos faciunt, & cum ipsi naturaliter converti deberent in lupos, ipsi lupos in agnos convertunt. Huc pertinent illa Pauli verba 1. ad Cor. 1. *Infirma mundi elegit Deus ut confundat fortia, & contemptibilia mundi elegit Deus & ea quæ non sunt, ut ea quæ sunt destrueret; ut non gloriatur omnis caro in conspectu ejus,* Paul. 1. ad Cor. 6. 1.
 Hoc est, ne quis conversionem mundi putet esse opus humanum, sed Divinum.

Ex mirabili- Argumentor 6°. Ex mirabili diffusione Do-
 li diffusio- ctri-*næ* istius, neque enim uni alicui, aut pau-
 ne Doctri- cis de vulgo probata est, sed viris etiam do-
 n-*næ* Christi. ctis, ipsisque principibus & Imperatoribus,
De 5. Har. qui, quos furore persequerantur, persecuti sunt &
6. 7. fide., ut loquitur Augustinus : nec uni tantum
 Civitati aut Provinciæ, sed universo orbi pro-
 bata est; in quo, Dei manum & operationem
 clarè agnoscas; cum insignes Philosophi Do-
 ctrinam suam, paucis dumtaxat discipulis pro-
 bare vix potuerint. Reipublicæ ideam finxit
 Plato, sed quam, ne una quidem civitas secu-
 ta est. Quid ergò est, quod Christianismum
 universus orbis amplexus sit, factus non Pla-
 tonicus, sed Christianus; nisi quia Christi,
 non Platonis Doctrinam, Deus promovebat.

Ex subitâ Argumentor 7°. Ex subitâ conversione mun-
 di ad Doctrinam Christi. Nam intra breve
 conversio- tempus totum ferè orbem Doctrina ista per-
 ne ad Do- valuit. Testatur Paulus ad Rom. 1. *Ipsorum*
 ctri-*næ* Christi. fidem scilicet Christianam jam annuciari in
Pauli ad universo mundo. Testatur Justinus Martyr in-
Rom. c. 1. eunte Sæculo 2. nullam fuisse tunc hominum
In dial. genus, apud quos *Jesu Crucifixi nomine preces &*
cum Tryph. *Eucharistia omnium rerum Creatori non fierent.*
Adversus Testatur Plinius ad Trajanum scribens, non
Judeos. civitates tantum, sed & vicos atque agros,
 superstitionis istius contagionem (sic enim ap-
 pellat Religionem Christi,) pervagatam esse,
 & desolata jam Deorum Tempia, Sacra so-
 lemnia intermissa. Testatur Tertullianus Reli-
 gionem Christi latius fuisse dominatam, quàm
 Romanum Imperium, & multa loca Romanis
 inaccessa, fuisse Christo subdita. Ista autem

In Apolog.

subita rerum conversio, divinitatis operantis argumentum est. Nam rerum humanarum fallentia ferè sunt, & insensibilia incrementa. Certè unius interdum hominis, aut oppiduli conversio, opus est multorum annorum: & quamvis sint hodiè innumeri prædicatores, quàm raræ sunt conversiones peccatorum. Unde ergò olim tam subitæ & tam frequentes? nisi quia Deus aliquo modo jam contraxit manum suam, nec jam extraordinariè, ut olim, operatur.

Argumentor 8º. Ex resistantiâ factâ Doctrinæ Christi. Totus enim orbis infremuit & adversus illam insurrexit, sed inani conatu. Quod prædixerat Propheta Regius Psalmo 2. *Quare fremuerunt gentes, & populi meditati sunt inania, adversus Dominum, & adversus Christum ejus. Qui habitat in cælis irridebit eos, & Dominus subsannabit illos.* Certè, si mundus unus Christianus pugnasset adversus mundum alterum infidelem, & prævaluisset, magni fieret ea victoria. Quanti ergò facienda est, cum non mundus Christianus, sed pauci aliquot Christiani toti mundo infideli prævaluerint. *Hæc est victoria que vincit mundum fides nostra,* exclamat victoriam canens Joan. Epist. suâ I. c. 3.

Ex resistantiâ factâ Doctrinæ Christi.

Psal. 2º

Joan. Epist. I. c. 3.

Argumentor 9º. Ex firmitudine persuasionis Doctrinæ Christi. Ea enim, nec internis Hæreticorum bellis, nec externis Gentilium persecutionibus everti potuit. Quin imò persecutionibus ipsis crescere visa est, & succussionibus solidari. Id quod pulchrè objiciebat Gentilibus Tertullianus Apolog. cap. ultimo,

Ex firmitudine persuasionis doctrinæ Christi.

Tert. Apol. c. ultimo. *Exquisitior quæque crudelitas vestra, illecebra est magis: secta plures efficimur, quoties à vobis metimur; semen est, sanguis Christianorum.*

Ex propriâ Argumentor 10. Ex propriâ cujusque Confessione & conscientiâ. Ponamus enim vixisse nos ante istam mirabilem mundi conversionem. Tum verò, si quis nos interrogasset, Crederemus-ne fieri posse, ut aliquandò per decem, aut duodecim homines ignaros, ignobiles, infirmos, pauperes, omnique præsidio humano destitutos, everteretur antiqua religio, & substitueretur nova, in quâ universus orbis hominem Crucifixum, pro Deo agnosceret, aliaque Doctrinæ Christi capita amplecteretur; profectò nemo nostrum hæsitasset: dixissemus omnes, rem istam sine virtute divinâ

August. lib. de verâ Rel. c. 3.

& magno miraculo fieri non posse. Ergò cum jam res facta sit, nemo nostrum hæsitare debet, quin in tanto opere virtutem divinam agnoscat. Hæc est ferè ratiocinatio Augustini lib. de verâ Religione, c. 3.

Objicies. Ex parvis initiis sæpè res magnæ veniunt. Nam ex scintillulâ magnum prodit incendium, tenuis rivulus crescit in magnum fluvium, & magna Imperia non nisi ex parvis & obscuris principiis venerunt: Ergò Christianismum ex eo malè probamus divinum esse, quòd ex parvis initiis tantoperè creverit, obscuritatem & infamiam originis

Incrementa Christianismi non sunt humana & naturalia.

malè vertentes in argumentum divinitatis. Respondeo. Ex parvis quidem initiis magnæ res interdum veniunt, sed per incrementa naturalia & humana. Nam scintillula magnum parit incendium, quia cadit in materiam com-

buri facilem, & fortè ventum habet affan-tem. Rivulus crescit in fluvium aggregatione aquarum undequaque per declivia confluentium. Ex parvis initiis magna Imperia venerunt, deprædationibus scilicet, latrociniiis, hostilibus excursionibus. Istæ omnes incrementorum viæ, naturales & humanæ sunt. At verò Christianismus tantoperè crevit, sine ullis mediis naturalibus & humanis, atque ex isto crescendimodo, benè arguitur illius Divinitas.

Instabis. Progressum nascentis Christianismi multa humana juverunt, ut gratia novitatis, hebetudo temporum, stupor populorum, favor principum, studia partium, &c. Ergò incrementa Christianismi naturalia sunt & humana. Respondeo. Progressus Christianismi ineptè tribuitur mediis naturalibus & humanis: nam quibus tandem mediis tribuitur? an gratiæ novitatis? Atqui gentilismo plus favebat præscriptio, tot annorum possessione firmata, quàm levis aliqua gratia novitatis faveret Christianismo. Deindè, nùm habuit gratiam novitatis Doctrina Platonis, aliorumque Philosophorum? Cur ergò non pariter crevit, ut Christianismus. An hebetudini temporum? sed Christianismi initia inciderunt in tempora delicatissima. An stupori populorum? sed viris etiam doctis & ingeniosis, non minùs quàm populo Doctrina Christi probata est. An favori principum? sed principes & Imperatores habuit tandiu, & totis imperii viribus repugnantes. An studiis partium? Sed notorium est Christianismum sine armorum vi

fuisse propagatum. Ergo incrementa Christianismi mediis naturalibus & humanis inepte tribuuntur.

§. III.

Authoritas irrefragabilis testium Doctrinae Christi suffragantium.

Deut. c. 19.

Tertium
motivum
authoritas
irrefragabilis
testium
Doctrinae
Christi
suffragantium.

S*I in ore duorum, aut trium testium stat omne verbum*, stabit profectò divinitas Doctrinae Christi, cui suffragantur tot testes irrefragabiles, ex quorum autoritate validum hoc argumentum confici potest. Ea doctrina prudenter creditur esse divina, quæ divinitatis suæ testes habet, & numero, & qualitate irrefragabiles. Atqui Doctrina Christi testes habet; numero & qualitate irrefragabiles, ergo &c. Major est evidens: nam si auctoritati probatorum testium in cæteris prudenter creditur, cur non & in hoc negotio prudenter credi possit. Minor autem probatur. Ad irrefragabile testimonium tria præsertim faciunt; scientia, probitas, & constantia testium; quia testis probatus debet esse, extra suspensionem ignorantia, malitia, & levitatis. Atqui Doctrina Christi divinitatis suæ testes habet, & scientiâ claros, & Sanctitate insignes, & constantiam mirabiles; quorum alij scribendo, alij vivendo, alij moriendo suffragium suum tulerunt. Ad primum genus pertinent Ecclesiae Patres & Doctores. Ad secundum, viri eximij & Sancti. Ad tertium Martyres. Primum testimonium est, suffragium verbi & sententia. Alterum est, suffragium vitæ & morum. Tertium est, suffragium sanguinis, & mortis. In triplici illo suffragio confidendo, non pigebit paululum immorari.

Ordo
testium
triplex
est.

Consideremus igitur 1°. Quanti ponderis sit ^{Primus Pa-} Patrum & Doctorum Ecclesiæ autoritas; nam ^{trum &} fuerunt 1°. illi ad miraculum usquè ingeniosi, ^{doctorum.} & omni scientiarum genere instructissimi, quod ipsorum opera satis demonstrant. 2°. Studio præsertim & intelligentiâ rerum divinarum insignes; toti enim erant in iis meditandis, tractandisque. 3°. Numero multi, omnium ferè ætatum & nationum, & aliqui de gentilismo venientes, amplexi tandem eam doctrinam, quam antè riserant, ut de se fatetur Tertulianus. *Hac & nos risimus aliquandò, de vestris* ^{In Apolog.} *fuimus.* Undè sic argumentor. In materiâ divinitatis prudenter creditur hominibus rerum divinarum studio & intelligentiâ claris; Ecclesiæ autem Patres & Doctores sunt ejusmodi. Ergo illis prudenter creditur. Et verò, quis ità reflectens: ego sum in Doctrinâ Justinî, Irenæi, Cypriani, Basilij, Gregorij, Joannis Chrysostomi, Ambrosij, Hieronymi, Augustini &c. Non prudenter in eâ cogitatione acquiescat, si modo benè intelligat, quales & quanti sint illi, quos nominavit. Quid si iterum dicat. Prudenter acquiesco in iis, in quorum sensu universus orbis acquiescit, sed universus orbis acquiescit in sensu Patrum, & Doctorum Ecclesiæ, cum illis profitens Doctrinam Christi esse divinam, igitur & ego prudenter acquiesco, idemque, quod illi, profiteor: nam si fortè in eo errarem, mihiq; Deus obiiceret errorem meum, profectò erroris culpam omnem facilè removerem, tales ac tantos viæ duces & comites allegando.

Consideremus 2°. Quanti momenti sit suffra- ^{Secundus}

virorum
Sanctitate
insignium.

gium virorum Sanctorum. Nam præterquam-
quod illorum plerique, Doctrinam cum Sancti-
tate conjunxerunt, fuerunt omnes studio re-
ligionis, prædictione rerum futurarum, ope-
ratione miraculorum & virtutum heroicarum
exercitatione conspicui. Unde sic argumentor.
Doctrina illa prudenter creditur esse divina,
quam divini illi homines sequuntur, aut secuti
sunt uti divinam; tum quia non est credibile
Deum permisisse, ut tot ejusmodi hominibus
in materiâ summè gravi illuderetur; tum quia
incredibile est vitam ipsorum adedò mirabilem &
divinam, errorem habuisse pro fundamento.
Atqui homines illi divini Doctrinam Christi
secuti sunt uti divinam, eique Doctrinæ, mi-
rabilem vitam suam superstruxerunt. Ergo Do-
ctrina Christi prudenter creditur esse divina.
Et verò, quis reflectens se esse in fide magni
Antonij, Benedicti, Bernardi, Dominici, Fran-
cisci, Ignatij, Xaverij, aliorumque ejusmodi
Sanctorum, non prudenter in eâ reflexione ac-
quiescat, dummodò magna illa nomina pene-
tret.

Tertius
martyrum.

Consideremus 3°. Quanti ponderis sit suffra-
gium purpuratorum testium, hoc est, marty-
rum Christi, quorum 1°. numerus fuit innu-
merabilis, ultra duodecim milliones. 2°. Con-
ditio omnis generis; martyrium enim fecerunt,
non viri solum robusti, sed infantes, sed pueri,
sed puellæ, sed decrepiti senes, sed delicatissi-
mi homines deliciis innutriti. 3°. Modus pa-
tiendi extraordinarius: seu spectes æquitatem
& alacritatem properantium ad mortem, seu
constantiam perseverantium in tormentis, seu
charitatem

charitatem orantium pro carnificibus suis, seu mansuetudinem respondentium. 4°. Miraculosa pœnarum fœcunditas, quâ fiebat, ut quo modo singula grana quæ in terram cadunt multiplicata renascuntur, ita ex fœcundis martyrum cineribus multiplicati fideles exurgerent, idemque contingeret Ecclesiæ quod vineæ, quæ præsertim crescit, cum putatur. 5°. Constantia miraculis plerumque coronata, Deo ipso Martyrum suorum victoriis & triumphis applaudente. Unde sic argumentor. Doctrina illa prudenter creditur esse divina, quam tot ejusmodi Martyres divinam esse crediderunt tantâ firmitudine & constantiâ, ut mori potius maluerint, quàm suâ illâ persuasione deturbati. Nam persuasio illa tot hominibus tam altè infigi non potuit sine magnis quibusdam & universalibus motivis, vel humanis, vel divinis, cum igitur humana non appareant, recurrere oportet ad divina. Deinde constantia illa communis inbecilli etiàm & infirmæ ætati, non est aliquid naturam sapiens, ergo est aliquid supra naturam, & modus ille patiendi divinum aliquid spirat: quo in genere præclara sunt verba Tertulliani de Christiano Martyre, *si denotatur, inquit, gloriatur, si accusatur non defendit, interrogatus vel ultrò confitetur; damnatis gratias agit: Quid hoc mali est, quod naturalia mali non habet, timorem, pudorem, tergiversationem, pœnitentiam, deplorationem? quid hoc mali est, cujus reus gaudet, cujus accusatiò votum est, & pœna felicitas.* Accedit quòd non est naturalis ista mortis fœcunditas. Naturale enim non est, ut pœna sit illecebra criminis,

O

neque multiplicantur scelerata, cum scelerati puniuntur, ergo fecunditas ista divina est. Denique, Deus non est credendus honestare miraculis pertinaciam in tuendo errore. Atqui constantiam Martyrum nostrorum Deus sapè miraculis honestavit. Ergo error non est, sed veritas, cujus Martyres testes fuerunt.

Discrimen
inter Mar-
tyres erro-
ris & Mar-
tyres Chri-
stianos.

Objicies. Error interdum habet testes & Martyres suos, etiam ad mortem usque perseverantes. Ergo ex constantia Martyrum Christianorum non colligitur evidenter divinitas Doctrinae Christi. Respondeo. Quamvis inveniantur interdum falsi testes, non desinit tamen esse prudenter credibile, quod in iudicio per duos tresve testes asseritur. Ergo quamvis fieri possit, ut sint aliqui testes Doctrinae falsae, non desinit esse prudenter credibilis Doctrina Christi ab autoritate tot & tantorum testimonium ei Doctrinae suffragantium. Sed magnum est discrimen inter Martyres erroris & Martyres Christianos: nam Martyres erroris, & pauci sunt nec omnis ætatis, aut sexus, nihilque præferunt divinum. Contra verò Martyres Christiani innumeri sunt & omnis ætatis & sexus & divinum aliquid præferunt, seu in modo patiendo, seu in mirabili pœnarum fecunditate, seu in miraculis ipsorum mortem coronantibus.

§. IV.

Confirmatio Doctrinae Christi per miracula.

Quantum
motivum

Est hoc præcipuum credibilitatis motivum, quod, ut in bono lumine collocem, sic ar-

gumentor. Doctrina illa prudenter creditur esse divina, ad cujus divinitatem confirmandam facta sunt innumera & vera miracula, adeo ut de illorum veritate nemo rationabiliter dubitare possit. Atqui ad confirmandam divinitatem Doctrinæ Christi facta sunt innumera & vera miracula, de quorum veritate nemo rationabiliter dubitare possit. Ergo &c. Majorem demonstravimus quæstione superiore, articulo 3. Ibi enim tanquam immobile principium statuimus, non posse fieri miraculum à Deo in confirmationem falsi; quia miraculum, est sigillum essentialiter, & ex naturâ suâ ordinatum ad confirmandam veritatem, quare si Deus miraculis falsam Doctrinam confirmaret, Jam Deus ipse falsum testificaretur, & deciperet, quod evidenter repugnat summæ Dei attestantis authoritati. Minorem verò sic probabo, ut nemo sine stultitiâ, aut irrationabili pertinatiâ negare illam possit. Nam.

1^o. Christus innumera fecit miracula in confirmationem Doctrinæ suæ, id quod testantur Apostoli & Evangelistæ, partim aliqua de multis insigniora miracula distinctè narrando, partim nubes miraculorum generatim indicando, quemadmodum indicat Mathæus capite 4. & circuibat Jesus totam Galilæam docens in Synagogis eorum, & sanans omnem languorem, & omnem infirmitatem in populo; & abiit opinio ejus in totam Syriam; & obtulerunt ei omnes malè habentes, & variis languoribus & tormentis comprehensos, & qui demonia habebant, & lunaticos, & paralyticos, & curavit eos. Quod idem significat Lu-

confirma-
tio Doctri-
næ Christi
per mira-
cula.

Nam Chri-
stus ipse
innumera
fecit mira-
cula.

Mat. c. 4.

Inc. s. 6. cas verbis paucioribus cap. 6. & *omnis turba quarebat eum tangere, quia virtus de illo exibat, & sanabat omnes.* Atqui Apostolis & Evangelistis ità narrantibus omninò credendum est, ut oculatis testibus; aut oculatorum testimonio Discipulis. Nam ea quæ narrant, ejus generis sunt, quæ si falsa fuissent, facile convinci potuissent falsitatis, ac proindè Apostoli & Evangelistæ, suâ illâ narratione, Evangelio non fecissent fidem, sed detraxissent. Si enim v. g. ficta erat resurrectio Lazari, si fictæ omnes illæ curationes, si Sol moriente Christo non erat verè eclipsim passus, si fabula erat mirabilis ille descensus Spiritûs Sancti in Discipulos, donumque linguarum ipsis communicatum, profectò in tam recenti memoriâ, exclamassent homines ad notoriam falsitatem: quid aiunt isti? & nos tempore Christi viximus? & nihil horum vidimus, aut audivimus? quæ si vera essent, ad nos usque pervenissent. Illa igitur mirabilia Christi opera, quæ narrant Evangelistæ, adeò notoria erant, ut ea, ne inimici quidem negarent, sed virtuti dæmonis tribuerent, ad eludendam probationis vim, quæ in iis est. Deindè si miracula non fecit Christus, quibus divinitatem suam probaret Discipulis suis: quid Discipulos habuit adeò fideles, ut honori ducerent pro ipso contumeliam pati, & mortem obire? Quid tandem illos homini jam mortuo tam arctè devinciebat? Quid ab illo sperabant? Quid timebant &c. Profectò benè illis persuaserat Christus divinitatem suam, persuadere autem non potuit, nisi miraculis suis. Ergo &c.

2°. Apostoli ipsi miracula fecerunt in confirmationem Doctrinæ Christi, teste Luca in actis Apostolorum, teste Paulo in Epistolis suis, teste Marco in fine Evangelij sui, quod sic concludit. *Illi autem profecti predicaverunt ubique, Domino cooperante, & sermonem confirmante sequentibus signis.* Et quidem interdum majora miracula fecerunt, quàm ipse Christus, id quod ipse promiserat; relinquens insuper in mandatis, ut quamlibet domum ingressi, curarent infirmos ibi jacentes. Atqui omninò credibile est facta fuisse ab Apostolis ea miracula, quæ ipsimet narrant se fecisse; quia si non fecissent, ea narrando prædicationem Evangelij impediissent magis, quàm promovissent, facile enim erat illos convincere falsitatis; quis autem credidisset notoriis impostoribus? Deinde, si miracula non fecerunt Apostoli, quomodo universum orbem prædicatione suâ converterunt. Deniquè, si orbem converterunt sine ope miraculorum sensibilium, ipse conversionis modus magnum miraculum fuit. Ergo Apostoli, vel multa fecerunt miracula, vel unum fecerunt multis æquivalens.

Miracula
fecerunt
Apostoli.

3°. Sancti Patres primorum temporum reliquerunt nobis historiam insignium miraculorum. Legi potest Athanasius in vitâ Sancti Antonij, Gregorius Nyssenus in vitâ Sancti Gregorij Thaumaturgi, Gregorius Nazianzenus in vitâ Sanctæ Gorgoniæ, Theodoretus in vitâ Sancti Simeonis Stilitæ, Hyeronimus in vitâ Sancti Hilarionis, Ambrosius de Virginibus, Chrysostomus in Homi. de Sancto Babyla & alibi, Augustinus lib. 22. de civit. cap. 8. & Episto-

Sancti Pa-
tres insigni-
um mi-
raculorum
historiam
relique-
runt.

lâ 99. Gregorius magnus in Dialogis &c. Sanctis autem Patribus prudentissimè creditur, quia præsumendum non est, viros Sanctitatis & sapientiæ adedè notoriæ, fuisse deceptos, & multò minus decipere voluisse. Nam si fortè miracula falsa pro veris vulgassent, protinùs excidissent omnes autoritate suâ, sibi que turpem notam fecissent malæ fidei, aut nimix credulitatis,

In actis
Martyrum
crebra fit
miraculo-
rum men-
tio.

4°. In probatissimis Martyrum actis crebra fit mentio miraculorum, quibus Deus certamina pugilum suorum honestare solebat, sive ad confirmationem fidelium, sive ad confusionem & conversionem gentilium; Atqui ejusmodi actis fides habenda est: tum quia acta Martyrum per viros fide dignos ferè excipiebantur: tum quia miracula quæ ibi memorantur, res erant publicæ, in quibus sine notâ imposturæ mentiri non licebat; tum quia ex spectaculis Martyrum, fideles fiebant in fide constantiores, & infideles magno sæpè numero ad fidem veniebant, non aliâ, quàm miraculorum illecebrâ.

Omnes fe-
rè Sancti
omnium
ætatum mi-
raculis in-
signes fue-
runt.

5°. Omnes ferè Sancti, Doctrinæ Christi professores, per omnes ætates dispersi, miraculis insignes fuerunt, ut ipsorum habet historia; idque Jam in Ecclesiâ religiosè caveretur, ne quis adscribatur Sanctorum numero, qui non Evangelico aliquo miraculo, eoque indubitato claruerit. Certè unus Franciscus Xaverius superioris sæculi Thaumaturgus, miraculorum frequentia, & splendore, utrumque orbem veterem & novum stupefecit; ità ut ipse solus magnum pro divinitate Doctrinæ Christi

credibilitatis argumentum esse possit.

Sufficiant hæc testimonia miraculorum , quæ omnia resumens & colligens , sic argumentor. Nemo sine stultitiâ , aut irrationabili pertinaciâ dubitare potest , quin in tanto numero miraculorum ; quæ facta dicuntur in confirmationem Doctrinæ Christi , sit verum aliquod miraculum. Atqui si vel unum verum miraculum factum est , in confirmationem Doctrinæ Christi , Doctrina Christi est divina. Ergo nemo sine stultitiâ , aut irrationabili pertinaciâ dubitare potest , quin Doctrina Christi divina sit.

Objicies , multa narrantur miracula quæ falsa sunt : nimirum , est in hominibus , partim audacia mentiendi , partim nimia credendi facilitas. Nam sicut in visu rerum mirabilem , ita in narratione & fide illarum est aliqua naturalis voluptas , cui facile servitur. Ergo omnia miracula habenda sunt pro falsis aut suspectis. Adde quod , Christianorum miracula gentiles historici non retulerunt. Respondeo. Nego consequentiam , quæ est omnino irrationabilis. Nam sicut ex eo quod multæ victoriæ , aut multa bella narrentur , quæ nunquam fuerunt ; malè inferret aliquis nullum fuisse verum bellum , aut veram victoriam ; ita ex eo quod multa narrentur miracula , quæ falsa sunt , malè infertur omnia habenda esse pro falsis , aut suspectis. Quare in fide miraculorum extrema vitanda sunt , nec oportet esse nimis credulum , nec difficilem nimis , sed videndum est , quemadmodum miracula probentur. Nam si miracula nitantur iis testibus , quibus rationaliter fides negari non possit , profectò non

Quod falsa
interdum
miracula
narrentur
veris mira-
culis fidem
non dero-
gat.

Cur gentiles historici, Christianorum miracula non retulerint.

nisi rationabiliter negantur miracula, aut habetur pro suspectis. Atqui miracula quæ facta fuisse diximus in confirmationem Doctrinæ Christi, sunt ejusmodi. Ergo &c. Quodd autem ea gentiles historici non retulerint, ratio in promptu est, nimirum gentiles historici, vel ea malè habebant pro falsis, vel pigebat ea referre, quæ cederent in contumeliam suæ religionis; vel denique timebant, ne ea errando venirent in suspicionem Christianismi, quod erat pro gravissimo crimine. Sed istud alienorum silentium affectatum, nihil detrahit fidei, & authoritati nostrorum hominum, ea miracula referentium.

Multa quidem pro miraculosis habentur, quæ naturalia sunt.

Instabis 1°. Multa habentur pro miraculosis quæ naturalia sunt. Est enim omnipotentis naturæ occulta vis, & longè plus potest, quàm posse credatur. Fortè pictam in pariete imaginem Crucifixi, madere vidit bona muliercula, socias pariter stolidulas ad spectaculum vocat, sudare & lacrymari imago creditur, res per urbem vulgatur, unde quaque accurritur, miraculum conclamatur, cum tamen humor ille naturalis sit, nec magis miraculosè imago sudet, quàm paries. Quid quod, multæ curationes & medicorum arti, & divinæ virtuti interdum tribuuntur, quæ sunt effectus vegetæ naturæ. Respondeo. Multa interdum pro miraculis haberi & tribui Deo extraordinariè operanti, quæ omnino naturalia sunt, nec velim ego fidem facere eorum omnium, quæ vulgus pro miraculis habet. Contendo tamen multa esse, quæ nemo prudens negare possit esse su-

Sed multa sunt, quæ nemo prudens

pernaturalia , & divina. Nam si putridum cadaver in nomine Christi suscitetur , quis istam suscitationem naturalem esse dicat ? Si æger virium profligatarum momento temporis restitatur pristino vigori , quis istam restitutionem tribuat vegetæ naturæ , non Deo ? Si cæci vident , claudi ambulant , leprosi mundantur , surdi audiunt , mortui resurgunt , quis dicat ista naturalia esse , quæ appellantur miracula Evangelica , propterea quod ea Christus producere soleret , in testimonium Evangelij sui ? Quis inspectionem cordium , aut certam præfagationem rerum contingenter & liberè futurarum , subtilitati & sagacitati naturæ adscribat ? Atqui Doctrina Christi confirmata est ejusmodi signis , quæ omnium prudentum judicio naturam superent.

dens negat
verit esse
supernatu-
ralia & di-
vina.

Instabis 2^o. Miracula illa , quæcumque circumferuntur , sunt meræ præstigiæ , aut effectus dæmonis hominum simplicitati illudentis ; nam & magi in Ægypto signa aliqua fecerunt , & habent gentiles portenta sua , & signa faciet Antichristus , multosque decipiet signis suis. Respondeo. Miracula quæ facta sunt in confirmationem Doctrinæ Christi , stultè omninò virtuti dæmonis , aut præstigiis tribuuntur. Nam 1^o. Multa ejusmodi superant potestatem dæmonis , ut inspectio cordium , & certa præfagatio rerum contingenter futurarum. 2^o. Multa fiunt in contumeliam dæmonis , ut ipsius expulsio à corporibus , everasio Idolorum , silentium oraculis impositum. Non est autem credibile dæmonem sibimetipso contumeliosum esse. 3^o. Modus faciendi ea miracula nullatenus sapit au-

Miracula
facta in fa-
vorem Do-
ctrinæ
Christi, non
nisi stultè
virtuti dæ-
monis , aut
præstigiis
tribuuntur.

thorem Diabolum, siquidem ea ferè facta sunt inter preces, & invocationes Dei, aliave opera bona. 4°. Finis istorum miraculorum esse non potest finis diaboli, ed enim spectabant ista miracula, ut cultum Dei promoverent, à cultu dæmonum averterent, & Sanctitatem hominibus persuaderent. 5°. Miracula illa fiebant in iis circumstantiis, in quibus omnes prudentes fieri putabant à Deo in confirmationem Doctrinæ Christi. Ergo reipsâ in eum finem à Deo facta sunt. Nam si Deus ea non fecit in eum finem, profectò tota fallacia in Deum refundi potest, eique cum Richardo à Sancto Victore dicere possum, *Domine, si error est quem credimus, à te ipso decepti sumus.* Nam ista in nobis, tantis signis, & prodigiis confirmata sunt, & talibus, quæ non nisi per te fieri possunt. Quod pertinet ad præstigias Magorum, portenta Gentilium, & signa Antichristi, dico hæc omnia vana esse, & industriæ humanæ, vel artis diabolicæ naturales effectus. Fallacia autem & vanitas, vel hinc satis apparet, quod ea per vanos homines fiant, & in malum finem referantur.

Lib. I. de
Trinit. c. 2.

Cur non
hodie tot
fiant mira-
cula, quot
olim fie-
bant.

Homil. 29.
in Evang.

Instabis 3°. Si tot olim facta sunt miracula, cur non hodie similia fiunt. Respondeo. Fieri hodieque multa miracula, quod si non, ut olim, tanto numero fiant, duplex causa est. Una, quia minor est adulto Jam Christianismo miraculorum necessitas. Quam causam pulchrè sic explicat Gregorius Magnus: *Hæc, inquit, necessaria in exordio Ecclesia fuerunt, ut enim ad fidem cresceret multitudo credentium, miraculis fuerat nutrienda, quia & nos cum arbuta*

plantamus , tamdiu eis aquam infundimus quousque ea in terrâ jam coaluisse videamus. At si semel radicem fixerint , irrigatio cessabit. Altera causa est; quia Jam elanguit fides nostra , nec ita vivida est , ut primorum Christianorum fides ; Deus enim operationem miraculorum vivæ fidei , tanquam conditioni fortè alligavit. Atque hæc duplex causa est , cur etiam nunc pro pauperibus plura fiant miracula , quàm pro divitibus ; quia nimirum major est pauperum necessitas , nam quibus præsidia humana defunt , æquum est ut divina suppetant. Deinde major ferè est pauperum fides ; divites enim sperare solent , non in ope divinâ , sed in multitudine divitiarum suarum.

ARTICULUS II.

Expenditur prudens credibilitas Doctrinæ Christi , quanta sit.

THESIS prima. Credibilitas Doctrinæ Christi Summa est credibilitas Doctrinæ Christi infra evidentiam absolutam & necessitantem. Probatum , quia ex omnibus credibilitatis motivis simul sumptis , Doctrina Christi ità credibilis est , ut seclusâ evidentiam absolutam & necessitante , non possit esse aliqua Doctrina credibilior. Sed quibus gradibus ad summum credibilitatis apicem Doctrina Christi ascendat , distinctè videamus ; res enim est subtilissima , & gravissima inquisitionis.

Dico igitur 1°. Ex omnibus motivis credibilitatis simul sumptis , Doctrina Christi fit credibilis , assensu aliquo prudenti. Probatum , quia

Quibus gradibus eo ascendat,

Primus evidens est omnia illa motiva simul sumpta ;
Gradus. esse fundamentum grave , quo moveri possit
Doctrina quilibet prudens ad assentiendum , sine notâ
Christi fit temeritatis & imprudentiæ : nam quis temerita-
credibilis tatis & imprudentiæ notet hominem , quod pro
assensuali- divinâ habeat Doctrinam aliquam , veritatis &
quo pru- sinceritatis specie fulgentem , modo tam ex-
denti. traordinario inductam & propagatam , irrefra-
 gabilium testimoniorum autoritate fultam , & insigni-
 um miraculorum sigillo munitam : Et verò ,
 si singula hæc motiva sufficiant ad assensum ali-
 quem prudentem , ut superiore articulo osten-
 sum est , multò magis sufficiunt omnia simul
 sumpta ; omnia enim simul sumpta talem ac
 tantam faciunt apparentiam veri , ut , moraliter
 loquendo , ei subesse falsitas non possit.

Secundus Dico 2^o. Ex omnibus credibilitatis motivis
excludit simul sumptis , Doctrina Christi fit prudenter
omne du- credibilis , assensu aliquo excludente omne du-
bium pru- bium prudens. Probatur , quia omnia illa mo-
dens. tiva simul sumpta , faciunt ne prudenter timeri
 possit periculum falsitatis ; nam si prudenter ti-
 meri posset periculum falsitatis , idè certè ,
 quia prudenter dubitari posset , vel de existen-
 tiâ talium motivorum , vel de eorum connex-
 ione cum veritate : Sed de neutro prudenter
 dubitari potest ; nam quis , nisi stultè , dubi-
 tet ea motiva existere ? Quis , nisi imprudenter
 & irrationabiliter neget , ea motiva si existant ,
 cum veritate connexionem habere.

Tertius Dico 3^o. Ex omnibus credibilitatis motivis
inducit simul sumptis , Doctrina Christi ita fit credibi-
obligatio- lis , ut inducatur obligatio eam credendi. Pro-
nem cre- batur , quia per ea motiva inducitur obliga-
dendi.

tio credendi Doctrinam Christi divinam esse, per quæ motiva fit, ut sine imprudentiâ dubitari non possit de divinitate Doctrinæ Christi: Atqui per motiva omnia credibilitatis simul sumpta omninò fit, ne prudenter dubitari possit de divinitate Doctrinæ Christi; ergo per ea motiva inducitur obligatio credendi Doctrinam Christi esse divinam. Ratio à priori est, quia ex terminis patet, esse in homine rationali obligationem non agendi imprudenter & irrationabiliter.

Dico 4°. Ex omnibus motivis credibilitatis simul sumpris, Doctrina Christi fit credibilis, assensu aliquo honesto. Sequitur ex dictis, nam assensus prudens, est assensus honestus: ergo cum Doctrina Christi credibilis sit assensu aliquo prudenti, credibilis est assensu aliquo honesto. Deindè evidens est, honestum esse id facere, cujus faciendi est obligatio tanta, ut sine imprudentiâ omitti non possit: sed tanta est obligatio credendi Doctrinam Christi esse divinam, ut sine imprudentiâ non possit non credi: ergo evidenter honestum est credere Doctrinam Christi esse divinam.

Quartus:
Credi potest assensu honesto.

Dico 5°. Ex omnibus motivis credibilitatis simul sumptis, Doctrina Christi fit credibilis assensu firmo & irrevocabili. Probatur, quia per motiva credibilitatis Doctrina Christi fit ità credibilis, ut de illâ prudenter dubitari nunquam possit: ergo fit credibilis, assensu firmo & irrevocabili; nam si de divinitate Doctrinæ dubitari nunquam possit prudenter, est obligatio assentiendi firmiter, & in perpetuum Doctrinæ Christi; si enim non esset

Quintus:
Credi potest assensu firmo & irrevocabili.

obligatio firmiter & in perpetuum assentienti di, posset aliquandò de illâ dubitari prudenter, ergò cum per motiva credibilitatis, ità fiat credibilis Doctrina Christi, ut de illâ dubitari nunquam possit prudenter, sit eadem credibilis assensu firmo & irrevocabili.

Sextus

Tollit credibilitatem prudentem partis oppositæ.

Dico 6^o. Ex omnibus credibilitatis motivis simul sumptis, Doctrina Christi ità est prudenter credibilis, ut tollat prudentem credibilitatem partis oppositæ. Ratio clara est, quia si pars opposita remaneret prudenter credibilis, Jam motiva credibilitatis simul sumpta, non inducerent obligationem credendi, non excluderent dubium omne prudens, non fundarent assensum firmum & irrevocabilem, consequens est contra ea, quæ modò demonstrata sunt.

Septimus.

Credibilitas illius moraliter evidens est evidentiâ directâ.

Dico 7^o. Ex omnibus credibilitatis motivis simul sumptis, habetur saltèm moralis evidentiâ directâ credibilitatis Doctrinæ Christi. Ratio est, quia super omnia motiva credibilitatis fundari potest iste discursus. Doctrina illa est prudenter credibilis, cui suffragantur tot ac tanta motiva credendi; Atqui Doctrinæ Christi suffragantur tot ac tanta motiva credendi, ergò &c. Nam hujus syllogismi prima propositio, est metaphysicè evidens: Altera autem saltèm moraliter evidens est, ergo conclusio quæ ex duabus sequitur, saltèm moraliter evidens est.

Octavus.

Eadem credibilitas Metaphysicè evidens est evidentiâ reflexâ.

Dico 8^o. Ex omnibus credibilitatis motivis simul sumptis, haberi potest metaphysica evidentiâ reflexa credibilitatis Doctrinæ Christi. Ratio est, quia ex omnibus credibilitatis motivis fieri potest ista ratiocinatio. Doctrina illa est mihi prudenter credibilis, quæ mihi appa-

ret niti tot ac tantis motivis credendi, sed Doctrina Christi mihi apparet talis, ergò &c. Dico autem consequentiam hujus syllogismi esse Metaphysicè certam & evidentem, quia utraque præmissa est Metaphysicè certa & evidens; nam quamvis non sit evidens Metaphysicè, Doctrinam Christi niti tot ac tantis motivis, est tamen Mephyicè certum & evidens apparere mihi, quod illa, tot ac tantis motivis nitatur.

Dico 9°. Ex omnibus credibilitatis motivis simul sumptis, Doctrina Christi, ità fit credibilis, ut divinitas illius evidens sit evidentiâ quâdam morali. Probatur. Moraliter evidens est, quod ita apparet esse, ut moraliter loquendo non possit non esse, sicut apparet; quamvis fortè absolutè possit se habere aliter, quia scilicet similis apparentia nunquam, aut rarò fallit, quamvis absolutè fallere possit: Atqui Doctrina Christi ità apparet divina, ut stante apparentiâ, quam faciunt motiva credendi, moraliter loquendo non possit non esse divina, apparentia enim illa est de genere earum, quæ nunquam fallunt, quamvis fortè absolutè fallere possint. Ergò &c. ista tamen evidentiâ moralis non necessitat simpliciter & absolutè, sed secundùm quid, & sub pœnâ imprudentiæ; ità ut qui non assentiatur, imprudens sit.

Nonus.
Ipsa Divi-
nitas Do-
ctrinæ
Christi
evidens est
evidentiâ
quâdam
moralis.

Dico 10. Ex omnibus motivis credibilitatis simul sumptis, ita fit credibilis Doctrina Christi, ut interdum evidens fiat evidentiâ respectivâ, & necessitante. Probatur. Quia multis evidens est, absolutè fieri non posse, ut error sub talibus ac tantis motivis appareat; per-

Decimus.
Evidens fit
interdum
evidentiâ
respectivâ
& necessi-
tante.

missio enim talis erroris Deo repugnat, tùm ex capite bonitatis infinitæ; tùm ex capite summæ sinceritatis. Ex capite quidem infinitæ bonitatis: Deus enim summè bonus permittere non potest, ut genus hominum veritatem sincerè quærentium; in materiâ tanti momenti errent, errore inevitabili: quo modo errarent, si Doctrina Christi Divina non esset. Ex capite verò summæ sinceritatis, quia in circumstantiis in quibus omnes homines prudenter credunt, Deum fuisse operatum extraordinariè, & nunc etiam operari ad confirmationem alicujus Doctrinæ; ità ut imprudens sit quicumque non credat, Deus summè sincerus errorem permittere non potest; illa enim erroris insensibilis permissio, deceptio esset. Confirmatur. Credunt omnes, & prudenter credunt inspectis motivis credibilitatis, Deum operari extraordinariè persuasionem Doctrinæ Christi: Ergò per motiva illa credibilitatis Deus est moraliter testificans Doctrinam Christi: Deus autem moraliter testificari non potest falsum. Concludamus ergò cum Richardo

Lib. 1. de à Sancto Victore. *Domine, si error est, quem Trin. cap. credimus, à te decepti sumus*: Sed à te decepti non sumus: tu enim decipere non potes: Ergò error non est, quem credimus,

Non facit
tamen evi-
dentiā
absolutam
& simpli-
citer ne-
cessitan-
tem.

Thesis secunda. Credibilitas Divinitatis Doctrinæ Christi tanta non est, ut evidentiam faciat absolutam & simpliciter necessitatem ad assensum. Probatur. Quia quæcumque est evidentia absoluta & generalis, ex motivis credibilitatis veniens, ea tantùm moralis est, & in gradu non necessitante ad assensum. Si qua
autem

autem interdum, & aliquo modo necessitans est, ea respectiva & particularis est; quæ nec omnium hominum est, nec omnium temporum; nam nec omnibus evidens est repugnare absolute, ut omnia credibilitatis motiva conjungantur cum falsitate; nec quibus illud evidens est, ad omnia motiva ita semper attendunt, ut ad credendum necessitentur.

Objicies 1°. Doctrina falsa vestiri potest omnibus credibilitatis motivis; quibus Doctrina Christi vestitur: Ergo Doctrina Christi non est evidenter credibilis, saltèm eo assensu, qui excludat omne dubium prudens; dubitari enim potest, num Doctrina Christi, sit error ille omnibus credendi motivis adeò bellè vestitus.

Confirmatur. Potest quis omnia illa motiva bene penetrans, dicere apud se; non obstantibus illis motivis, fieri potest absolute, ut Doctrina Christi Divina non sit; judicium autem hujusmodi, est dubitatio quædam prudens: Ergo cum omnibus illis credendi motivis, locus est aliquis dubitationi prudenti. Respon-

deò 1°. Nego Antecedens. Deus enim non potest permittere, ut error sub talibus ac tantis motivis appareat; illa enim permissio in Deum refunderetur. Sed quia non omnes hoc clare vident, & ex privatis evidentiis nostris pendere nolumus solutionem difficultatis communis. Respondeo 2°. Transeat Antecedens. Nego Consequentiam. Nam ex eo quod absolute loquendo possit res aliter esse, non sequitur non esse prudenter credibilem; quis enim neget prudenter credibilem esse existentiam Urbis Romæ, quamvis absolute fieri possit, ut Roma.

Error vestiri non potest omnibus credibilitatis motivis quibus Doctrina Christi vestitur.

Doctrina aliqua, ex eo quod possit absolute esse falsa, non definit esse credibilis.

non existat. Ratio à priori est, quia error ipse potest esse prudenter credibilis; prudentia enim credendi non postulat necessariò veritatem objecti, quod creditur. Nego igitur dubitari posse prudenter de veritate Doctrinæ Christi. Ad Confirmationem autem dico, judicium illud, quo quis judicat fieri posse absolute, ut Doctrina Christi divina non sit, non esse dubitationem de divinitate Doctrinæ Christi; nam dubitatio, vel est suspensio omnis iudicii, vel est actus positivus, quo judicantur motiva, quæ favent Doctrinæ Christi, talia esse, ut sub illis sit aliquod errandi periculum: sed qui judicat fieri posse absolute, ut Doctrina Christi non sit divina, non propterea suspendit iudicium de divinitate Doctrinæ Christi, neque judicat in eâ credendâ, esse aliquod errandi periculum: Ergò qui judicat fieri posse, ut Doctrina Christi divina non sit, non propterea dubitat, de divinitate Doctrinæ Christi.

Veritas Doctrinæ Christi non eundem habet gradum claritatis & evidentiae, quem credibilitas.

Objicies 2°. Doctrina Christi eo modo est evidenter vera, quo modo est evidenter credibilis: Doctrina autem Christi est evidenter credibilis, evidentiâ absolutâ & necessitante ad assensum veritatis. Major, quæ sola negari potest, Probatur; argumenta enim quæ demonstrant Doctrinam Christi esse credibilem, demonstrant eandem esse veram; res enim aliqua eatenus tantum fit credibilis, quatenus probatur esse vera. Respondeo. Nego Majorem. Nam sicut, aliud est credibilitas Doctrinæ, & aliud Doctrinæ veritas; ita, aliud est evidentiâ credibilitatis, & aliud evidentiâ veritatis. Ratio ulterior est. Quia argumenta de-

monstrantia credibilitatem rei, non demonstrant eodem gradu claritatis veritatem rei. Quare, quæ argumenta sufficiunt ad faciendam credibilitatis evidentiam, non continuò sufficiunt ad faciendam evidentiam veritatis; nam hoc ipso fit evidentia credibilitatis, quod est evidens esse argumenta gravia, quæ fundare possint assensum prudentem: sed non hoc ipso fit evidentia veritatis; requiritur enim insuper, ut sit evidens esse motiva, cum rei veritate connexa.

Instabis 1°. Est evidens Doctrinæ Christi favere ea motiva, quæ favere non possunt Doctrinæ falsæ: Ergo est evidens Doctrinam Christi, non esse falsam; quod si falsa non est, profectò vera est. Probatur autem, quia miracula fieri non possunt in favorem Doctrinæ falsæ: Doctrinæ autem Christi innumera favent miracula. Respondeo. Distinguo Antecedens. Est evidens Doctrinæ Christi favere ea motiva, quæ favere non possunt Doctrinæ falsæ evidentiâ absolutâ & necessitante, Nego, evidentiâ respectivâ, & non simpliciter necessitante. Concedo. Nimirum motiva credibilitatis sunt in triplici genere. Alia quidem satis evidenter existunt, sed non satis evidenter inferunt divinitatem Doctrinæ Christi. Alia verò satis evidenter divinitatem Doctrinæ Christi inferunt, sed non satis evidenter existunt respectu omnium. De miraculis autem, nec satis omnibus evidens est, ea fuisse facta, nec si facta sint, satis evidens est, ea fuisse ordinata in confirmationem Doctrinæ Christi, nec si facta & ordinata sint ad confirmandam Christi Do-

Ex nullis omninò motivis, nè ex miraculis quidem habetur evidentia absolutâ & necessitans Doctrinæ Christi.

ctinam, satis omnibus evidens est, fieri non posse miraculum in confirmationem falsi.

Instabis 2^o. Evidens est omni homini bene penetranti motiva credibilitatis, sub illis errorem latere non posse: Ergò omnis homo penetrans motiva credibilitatis, necessitatur ad judicandum Doctrinam Christi Divinam esse; necessitatur enim ad judicandum motiva credibilitatis, esse de genere eorum, quæ moraliter loquendo fallere non possunt, seu, quæ quamvis absolute fallere possint, nunquam tamen fallunt: Ergò necessitatur ad judicandum motiva credibilitatis non fallere. Motiva autem, quæ probant divinitatem Doctrinæ Christi, non fallere, probant Doctrinam Christi divinam esse. Respondeo. Nego Consequentiam. Ad probationem dico, per motiva credibilitatis duo probari. Primum est prudens credibilitas, seu prudentia credendi. Alterum est Divinitas Doctrinæ Christi. Et ad primum, quidem judicandum necessitatur, quicumque penetrat motiva credibilitatis: sed non necessitatur ad secundum; necessitatur enim solum ad judicandum motiva credibilitatis esse de genere eorum, quæ quamvis absolute fallere possint, nunquam tamen, aut raro admodum fallunt; adeò ut, nemo nisi temerè & imprudenter, possit timere in illis, aut suspicari falsitatem; sed non necessitatur ad judicandum motiva credibilitatis reipsa non fallere; potest enim, & suspendere judicium, & judicare imprudenter, quod reipsa fallant.

Quomodo
stat cum
evidentiâ
respectivâ
& necessi-

Objicies 3. Quibus est evidentia respectiva & necessitans ad assensum Divinitatis Doctrinæ Christi, nullum est meritum fidei suæ: ibi enim

meritum non est, ubi necessitas est. Respon-
 deo 1°. Quibus est evidentia respectiva & ne-
 cessitans ad assentiendum Doctrinæ Christi in
 genere, non continuò est evidentia necessitans
 ad assentiendum Doctrinæ Christi in particu-
 lari; quia nimirum fieri potest, ut major sit
 evidentia Doctrinæ Christi in genere, quàm
 singulorum articulorum, neque enim omnia
 motiva, quæ probant Doctrinam Christi in ge-
 nere Divinam esse, probant singulos ejus arti-
 culos esse Divinos, quia non probant singulos
 articulos in Doctrinâ Christi contineri: Ergò
 quævis supponatur esse necessitas ad assen-
 tiendum Doctrinæ Christi in genere, manere
 potest libertas ad assentiendum singulis articu-
 lis. Respondeo 2°. Evidentia ista etiam respecti-
 va non habetur ex singulis motivis seorsim
 sumptis, sed ex omnibus collectis, & benè
 penetratis: est autem facile, ut ea motiva non
 veniant, aut si veniant, non benè penetren-
 tur, tunc autem nulla fit assentiendi necessi-
 tas. Respondeo 3°. Positâ etiam necessitate as-
 sensûs, potest esse aliquod meritum assentien-
 tis, cum enim possit non attendere ad motiva
 credibilitatis, si attendat, meritum habet at-
 tentionis; ex quo merito, assensus etiam ne-
 cessarius denominari potest meritorius. Hic
 moneo, magnum fidei meritum non esse in eo
 quod credatur Deus loqui, sed in eo quod
 propter autoritatem Dei loquentis credat ho-
 mo, aut certè paratus sit credere quæcum-
 que difficilia: hoc est enim, quod ait Paulus,
Captivare intellectum in obsequium fidei.

tante liber-
 tas, & me-
 ritum fidei
 nostræ.

1. *Ad Cor.*
 c. 10.

CAPUT II.

*Demonstratur incredibilitas cujuscunque
Sectæ Christianismo opposita.*

Sectæ in-
credibilitas
duplex, ne-
gativa &
positiva.

Utraque
distingui-
tur à Sectæ
falsitate.

PRæmitto. Non quærimus hîc, an aliæ Sectæ Christianismo oppositæ absolutè incredibiles sint ; ità ut nullo assensu credi possint ; nam certum est , illarum aliquas credi posse aliquo assensu , & reipsâ multos habere Sectatores. Sed quærimus tantùm, an sint prudenter incredibiles , ità ut credi non possint assensu prudenti ; ista autem prudens incredibilitas, cadere potest in aliquam Sectam dupliciter , negative scilicet & positivè. Secta dicitur incredibilis negativè , cum deficit motivis sufficientibus ad fundandum assensum prudentem , & apparentiam veri, aut nullam habet , aut adeò tenuem, ut nemo illam sequi possit sine notâ temeritatis & imprudentiæ ; atque hæc negativa incredibilitas interdùm cadit in utramque partem contradictionis , quia pro neutrà parte sunt motiva sufficientia ad fundandum assensum prudentem. Secta dicitur incredibilis positivè , cum ex motivis quæ contrà pugnant , talem ac tantam habet apparentiam falsi, ut non assensum, sed dissensum prudentem fundare possit. Utraque verò incredibilitas, seu positiva, seu negativa, non est idem aliquid cum falsitate ; sectam enim aliquam esse incredibilem non est idem, quod esse falsam ; quia fieri

potest, ut vera aliqua secta deficiat motivis sufficientibus ad fundandum assensum prudentem, & motivis etiã contrariis, in modum falsæ sectæ vestiatur. Ergò fieri potest, ut secta aliqua, quæ falsa non est, sit prudenter incredibilis.

Thesis Unica. Evidens est omnem sectam Christianismo oppositam esse prudenter incredibilem. Demonstratur. Evidens est Christianismum esse prudenter credibilem eo gradu, quo supra statuimus credibilem esse : Ergò evidens est, omnem sectam Christianismo oppositam esse prudenter incredibilem. Consequentia est evidens : nam si Christianismus ita prudenter credibilis est, ut tollat prudentem credibilitatem partis oppositæ, evidens est sectam Christianismo oppositam, non esse prudenter credibilem : si Christianismus ita credibilis est, ut excludat omne dubium prudens, evidens est sectam oppositam esse prudenter incredibilem ; nam si secta opposita esset prudenter credibilis, posset dubitari prudenter de Christianismo. Denique, si Christianismi tanta est credibilitas, ut obligationem credendi inducat ; evidens est nullam sectam Christianismo oppositam credi posse prudenter ; nam si secta aliqua opposita Christianismo credi posset prudenter, jam nulla esset obligatio credendi Christianismum ; neque enim est obligatio credendi id, cujus contrarium prudenter creditur : Ergò, si est evidens Christianismum esse prudenter credibilem eo gradu, quo diximus, evidens est quamcumque sectam Chri-

secta omnis Christianismo opposita est prudenter incredibilis.

Christianismo oppositam esse prudenter incredibilem. Confirmatur. Quia quaecumque secta Christianismo opposita deficit motivis sufficientibus ad assensum prudentem, & habet motiva contrà pugnancia, quæ tantam faciant apparentiam falsi, ut ei quilibet prudens dissentiri possit ac debeat. Nam sectæ Christianismo oppositæ, præter Atheismum & Polytheismum, de quibus supra, sunt ferè Deismus, Judaïsmus, Mahumetismus : omnes autem illæ sectæ prudenter incredibiles sunt, ut patebit refutatione singularum.

Demonstratur incredibilitas Deismi.

Dico igitur 1^o. Deismus est prudenter incredibilis. Demonstratur. Deismus est secta hominum, qui unum Deum agnoscunt, & colendum esse decernunt ; sed colendi modum unicuique liberum esse, & ex solo dictamine rationis naturalis definiri debere contendunt. Hinc, & Deistæ, & Libertini, & Indifferentes & Philosophi appellantur. Deistæ quidem, quod existentiam Dei habeant pro solo dogmate necessario. Libertini, quod in modo colendi Deum, magnam libertatem faciant sequendi quicquid libuerit. Indifferentes, quod religionem omnem ità velint esse indifferentem, ut in quâlibet salus obtineri possit. Philosophi denique, quod in materiâ religionis, solo lumine naturali standum esse pronuncient : atqui hæc secta est prudenter incredibilis. Nam 1^o. Evidens est Deum potuisse multa revelare de se ipso, & summam fidem mereri, si revelaverit : Atqui evidenter credibile est, Deum multa de se ipso revelasse : Ergò evidenter credibile est, præter existentiam esse multa

alia dogmata homini credenda, ac proinde prudenter incredibile, quod volunt Deistæ, existentiam Dei esse solum dogma necessarium credendum. 2°. Evidens est, Deum potuisse determinare modum cultûs sibi à creaturâ exhibendi, quem si determinavit, evidens est, non esse relictam creaturæ libertatem cujuscunque cultûs; atqui evidenter credibile est, Deum determinasse modum cultûs sibi à creaturâ exhibendi: Ergò evidenter credibile est, non esse relictam creaturæ cultûs divini libertatem; ac proinde prudenter incredibile est, quod Libertini aiunt, unicuique liberum esse Deum colere, prout libuerit. 3°. Evidens est, Deum potuisse uni alicui religioni ità alligare salutem, ut extra illam non sit salus: quod si fecit, evidens est omnem religionem non esse indifferentem: Atqui evidenter credibile est, Deum ita fecisse: Ergò evidenter credibile est, unam aliquam religionem, ità esse viam salutis, ut extra illam non sit salus: ac proinde prudenter incredibile est, quod statuunt Indifferentes de omnium Religionum indifferentiâ. 4°. Evidens est posse fieri, ut Deus non permiserit lumini naturali cujusque hominis determinationem Religionis. Et verò conveniens fuit non permittere, tum quia in rebus Divinis valdè cæcutiunt homines, tum quia ea permissio magnam cultûs Divini deformitatem induceret. Quod si Deus non permiserit, evidens est, in materiâ Religionis, standum non esse lumini naturali præcisè: Atqui evidenter credibile est, Deum non permisisse: Ergò evidenter credibile est, non

pro cuiusque lumine naturali, sed pro ipsius Dei sensu & gustu, Deo serviendum esse; ac proinde prudenter incredibilis est istorum Philosophorum Secta. Confirmatur. Quia Secta huiusmodi levibus omnino, aut nullis nititur motivis; nam si spectetur autoritas, & paucorum est, & hominum libertinorum, hoc est, nullius fidei. Si propagationis modus, non aliâ viâ propagatur, quam ingenii artificio, & illecebrâ libertatis. Si miraculorum suffragium, miracula pro fabulis habet. Si Doctrinæ substantia, ea ferè valet ad laxitatem, & depravationem morum inducendam.

Incredibilis Judaïsmi quâ parte Christianismo oppositus est.

Dico 2^o. Judaïsminus, quâ parte Christianismo opponitur, est prudenter incredibilis. Demonstratur. Tria sunt, in quibus Secta Judæorum opponitur Christianismo. Primum est, quod Judæi Messiam venisse negent, & venturum adhuc expectent. Secundum, Quod Jesum Christum negent esse verum Messiam & Deum. Tertium, Quod legis Mosaicæ veteres cæremonias retineri velint; Atqui tria hæc sunt prudenter incredibilia. Nam quod ad primum attinet. Incredibile est Messiam non venisse, ut manifestè ostenditur ex ipsis, quas Judæi admittunt, Scripturis, tempus Messiae venturi non obscure significantibus, cuiusmodi est illud Vaticinium Jacobi Patriarchæ; *Non auferetur Sceptrum de Judâ, & Dux de femore ejus, donec veniat qui mittendus est, & ipse erit expectatio gentium*; Nam cum certò constet ablatum esse Sceptrum de Judâ, nec jam superesse Ducem de femore ejus, consequens est venisse Messiam, alioquin sua ora;

Gen. 49.

culo veritas non constaret. Alterum verò non est minus incredibile ; quia omninò credibile est Jesum Christum esse verum Messiam , & verum Dominum ; tum quia omnes Prophetiæ Christum demonstrantes perfectè cadunt in Jesum Christum ; tum quia ipse Missionem suam & dignitatem innumeris miraculis probavit ; tum denique , quia mundi conversio ad Christum , & Christianismi propagatio apparet esse opus divinum : sed hæc omnia fusiùs , cum divinitas Christi ex professò demonstrabitur. Tertium denique , in quo Judæi à Christianis dissident , incredibile est ; nam si Jesus Christus est verus Messias , & verus Deus , abrogare potuit legis Mosaicæ cæremonias , credibile autem est abrogasse ; tum quia ipsius Apostoli id disertè testantur , tum quia nemo Christianorum jam illas cæremonias observat , tum quia illæ cæremoniæ cum essent umbræ & figuræ cæterorum , evanescere debuerunt ad præsentiam veritatis.

Dices. Religio Judæorum fuit vera Religio; fundata à Mose magno Propheta , confirmata à multis aliis Prophetis , signata miraculis , ab ipsomet Christo testimonium habens : ergo secta Judæorum est prudenter credibilis. Respondeo. Distinguo consequentiam. Secta Judæorum est prudenter credibilis , qualis olim fuit, Concedo. Qualis nunc est , nego. Nam qualis nunc est , & Messiam negat venisse , cum tamen venerit , & verum Messiam negat Jesum Christum qui verus est Messias , & legis Mosaicæ obligationem supponit perseverare , quæ tamen non perseverat. At verò secta Ju-

Religio
Judæorum
fuit olim
vera Reli-
gio.

Sed longè
alia ab illà
quæ nunc
est.

dæorum quæ olim fuit, Messiam venturum credebatur, qui erat venturus, & legis Mosaicæ obligationem agnoscebat, pro eo solo tempore, quo vigeat obligatio.

Quo sensu
testamen-
tum vetus
& Sacer-
dotium
Aaronis
æternum
dicatur.

Num. c. 25.

Paul. ad
Rom. c. 9.

Ad Rom.
c. 11.

Instabis. Promisit Deus se non derelicturum Israël, promisit Testimonium Vetus, & Sacerdotium Aaronis fore æternum: Ergo Religio Judæorum adhuc perseverat. Respondeo. Promissio illa divina cadit in Christianos, qui sunt *veri Israëlita secundum Spiritum*; nam Judæi dumtaxat *Israëlita sunt secundum carnem*, ut explicat Paulus, sed neque istos secundum carnem Israëlitas omninò reliquit Deus, reliquias enim eorum aliquandò colliget & ad fidem convertet, ut prænuñciavit idem Apostolus. Testimonii verò & Sacerdotii veteris mutationem, Scriptura ipsa prædixerat; dictum est tamen æternum, tum quia diu duravit, tum quia, si non figuræ, sed veritatis ratio habeatur, nunquam finietur.

Incredibi-
litas Ma-
hometif-
mi.

Dico 3^o. Mahumetismus est prudenter incredibilis. Probatur, quia primarius & fundamentalis istius sectæ Articulus est, Mahumerum fuisse verum Prophetam à Deo missum, ad fundandam Religionem perfectissimam: sed talis articulus est omninò incredibilis: Nam verus Propheta in eum finem missus, debuit esse homo extraordinarius, & aliquo Dei dono insignis: Mahumetus autem non fuit homo extraordinarius, & præter audaciam, perfidiamque insignem, supra vulgares homines nihil habuit. Verus Propheta habere debuit testimonium aliquod illustre Missionis suæ, sed Mahumetus nihil tale habuit, nullam Prophe-

tiam edidit, nullum miraculum fecit; nisi quod aliquandò, ut ferunt, magnam Lunæ partem, quæ fortè in ipsius manicam delapsa erat, Lunari corpori remisit ad servandam rotunditatem Syderis. Verus Propheta missus ad Sanctæ Religionis institutionem, non debuit esse homo nequam & sceleratus. Atqui Mahumetus notoriè fuit homo nequam & sceleratus: nam, & aliquandò idola coluit, & latrocinia exercuit, & in adulterio deprehensus fuit à proprijs etiam uxoribus, impudenter aïens, sibi soli datam fuisse à Deo adulterandi facultatem: & adversùs legitimum Dominum rebellavit; Arabesque ad rebellionem excitavit. Denique verus Propheta mentiri non debuit, in his præsertim quæ spectabant Missionem suam; sed Mahumetus apertè in his mentitus est: dixit enim se Missum esse à Deo ad fundandam Religionem, non miraculis, uti Mòses & Christus fecerant, sed armis: Atqui hoc falsum est; nam si Mahumeto gladium dederat Deus ad fundandam Religionem, debuit Mahumetus virtute bellicâ supra ceteros hominès excellere, sicut Christus & Mòses virtute miraculorum excelluerunt, quia Religionem fundare habebant miraculis; Mahumetus tamen virtute bellicâ non excelluit, & nihil valdè præclarum egit in bello. Dixit Mahumetus, se idèò Missum fuisse, quòd hominès, nec Mòsi, nec Christo credidissent, sed hoc pariter falsum est; hominès enim, & Mòsi, & Christo crediderunt. Dixit Mahumetus prædictum fuisse à Christo & promissum ipsius adventum: Atqui Christus contra promisit legem suam ad finem usque man-

di duraturam , nec de Mahumeto quidquam locutus est , nisi fortè illum generali nomine pseudo-Prophetarum comprehendit. Dixit Mahumetus legem suam perfectiorem esse eâ lege , quam Christus dedit: Hujus autem dicti evidenter apparet falsitas ex utriusque legis comparatione: Dixit Mahumetus se Prophetam esse præstantiorem Christo , cum tamen evidens sit Christum sapientiâ , sanctitate , potentiâ , incomparabiliter præstare Mahumeto: Dixit Mahumetus Christum nunquam sibi arrogasse divinitatem , quod falsissimum est ; nam Judæis qui Christum crucifixerunt , quod se Deum faceret , plus credendum , quam Mahumeto , præsertim cum 600 annis antè Mahumeti adventum in universo orbe ita creditum fuerit. Cerrè tam est evidens dixisse Christum se esse Deum , quam sit evidens dixisse Mahumetum se esse magnum Prophetam ; nam sicut hoc postremum habetur clarè in Alcorano , ita hoc primum habetur in Evangelio. Confirmatur 1°. Quia Alcoranus, quem Mahumetani habent pro Libro divino , nullam Libri divini speciem habet ; nam Deum inducit non rectè loquentem , & indignè jurantem per creaturas suas : multa habet inepta , & fabulosa , multa apertè falsa , multa inter se pugnancia , quale est illud quod ait , Judæos & Christianos salvari , si bona opera faciant , & tamen damnari infideles , inter quos numerat Judæos & Christianos. Confirmatur 2°. Quia lex Mahumetana imperfecta valdè & mala est , malè præstituens finem & de mediis pejùs præscribens ; nam beatitudinem hominis ponit in vo-

luptate sensibili ex usu Veneris , & gustu ciborum , quorum delicatissimum ait jecur cujusdam piscis : de eâ felicitate , quid humilior ? quid turpius ? deinde , præcepta sua dirigit ferre omnia ad externam quandam munditiam , magis quàm ad internam sanctitatem , & magis spectat , ut politicos & bellatores faciat , quàm , ut Sanctos. Quid autem illo præceptorum genere imperfectius ? Denique lex illa mala est , quatenus dat licentiam fornicandi , uxores ducendi quot quisque habere potest , easque faciliè repudiandi , ulciscendi se propriâ autoritate , interficiendi eos quoscunque qui Mahumerani non sunt , & bellum inferendi vicinis populis eo solo prætextu , quòd Mahumerani esse nolunt. Confirmatur 3^o. Quia Mahumerismus deficit omnibus motivis credendi ad assensum prudentem idoneis ; quibus Christianismus ostendimus esse credibilem ; nam si spectetur Doctrinæ qualitas , nec veritatem habet , nec sanctitatem. Si propagationis modus nihil , in eo divinum est ; satis enim constat eam sectam humanis tantum artibus fuisse propagatam , voluptatis illecebrâ , & armorum vi. Si autoritas , testes nullos habet idoneos , non Martyres , non Sanctos , non Doctores ; nam omnem de Religione disputationem vetuit Mahumetus , gladium scilicet volens esse judicem & arbitrum fidei : si suffragium miraculorum , Mahumerismo miracula non favent ; fatetur enim Mahumetus ipse ; sibi datam non fuisse miraculorum virtutem , sed armorum , ergo Mahumerismus motiva non habet sufficientia ad assensum prudentem.

Credibilem
Mahumet-
tismum
non facit
dilatatio il-
lius, aut
temporalis
felicitas

Objicies: Mahumetismi dilatatio, & felicitas ac potentia sectatorum ejus, videtur esse idoneum credendi motivum; hinc enim videtur sequi Mahumetum fuisse verum Prophetam, quatenus dicit, datum sibi fuisse gladium, & felicitatem temporalem munus esse divinum concessum sectatoribus suis. Respondeo. Nec dilatatio Mahumetismi, nec temporalis felicitas, aut potentia Mahumetanorum, est motivum credendi sufficiens; nam, & Paganismus dilatatus est Mahumetismo amplius, & major fuit Romanorum felicitas ac potentia, quam Mahumetanorum; neque tamen paganismus fuit prouderer credibilis; ut farentur ipsi Mahumetani. Ratio ulterior est, quia istam Mahumetismi dilatationem factam fuisse constat artibus merè humanis, nec adeò mirum est Religionem satis facilem, commodam sensibus, & concupiscentiæ servientem, accedente armorum vi, fuisse valde dilatatam: felicitas verò & potentia temporalis Mahumetanorum, non est magis divina approbatio Mahumetismi, quam felicitas & potentia Romanorum fuerit divina approbatio paganismi.

QUÆSTIO V.

De Ecclesia Christi.

POST demonstrationem divinitatis Doctrinæ Christi, quærenda est Christi Ecclesia, in quâ Doctrina illa pura & incorrupta servetur. Triâ hîc demonstrare habemus. Primum est, esse aliquam Ecclesiam Christi veram & visibilem. Alterum

Alterum Ecclesiam illam esse solam Ecclesiam Romanam. Tertium, Ecclesiam Romanam esse fidelissimam custodem Doctrinæ Christi.

CAPUT PRIMUM.

Demonstratur esse aliquam veram Ecclesiam Christi visibilem.

THesis Unica. Est aliqua vera Christi Ecclesia visibilis. Hanc Thesim divido in tres partes. In primâ. Dico esse aliquam Ecclesiam Christi. In secundâ. Esse aliquam veram Ecclesiam. In tertiâ. Eam quæ vera est, visibilem esse.

Prima pars patere potest omni homini oculos habenti, & circumspicienti orbem in quo vivimus. Nam Ecclesiæ nomine intelligitur congregatio aliqua hominum Christo authore & fundatore gloriantium; satis autem patens est, esse aliquam ejusmodi congregationem; quia satis patens est orbis Christianus, qui se profitetur à Christo esse.

Est aliqua
Christi
Ecclesia.

Secunda pars demonstratur. Ecclesia vera Christi, est congregatio hominum profitentium ra. Doctrinam, & formam vivendi verè à Christo traditam. Est autem aliqua congregatio talis, ergò &c. Minor ostenditur 1°. Quia est aliqua congregatio hominum profitentium se sequi Scripturam, & traditionem Divinam: in Scriptura autem & traditione continetur Doctrina, & forma vivendi verè à Christo tradita. 2°. Est aliqua congregatio eandem tenens Doctrinam, & formam vivendi, quam tenebat Ecclesia Apostolicorum temporum, ut ex

Q

utriusque comparatione haberi potest; Ecclesia autem Apostolicorum temporum fuit vera Ecclesia Christi. 3°. Si non esset vera aliqua Christi Ecclesia, jam Ecclesia à Christo instituta defecisset, Ecclesia autem instituta à Christo non defecit, est enim perpetua & indefectibilis. Habetur verò ista indefectibilitas ex promissionibus Christi; nam Christus Matthæi 16. promisit se ædificaturum Ecclesiam suam *supra firmam petram, & portas inferi non prevalituræ adversus eam.* Et Matthæi ultimo dixit Christus Ecclesiæ in personâ Apostolorum: *Ecce ego vobiscum sum, usque ad consummationem sæculi.* Habetur ex Paulo ad Ephesios c. 4. ubi dicitur, *Ædificationem corporis Christi quæ est Ecclesia, permansuram esse usque ad diem Judicii, seu, donec occurramus omnes in unitatem fidei, & agnitionis Filii Dei, in virum perfectum & mensuram ætatis plenitudinis Christi.* Habetur ex constanti traditione, quæ fert Ecclesiam Christi non posse deficere. Augustini verba pro eâ traditione insignia sunt contra Donatistas Concione secundâ, in Psalmum 101. *Sed ista, inquit, Ecclesia quæ fuit omnium gentium, jam non est, periit, hoc dicunt, qui in illâ non sunt. O impudentem vocem! illa non est, quia tu in illâ non es: vide, ne tu ideò non sis, nam illa erit, etsi tu non sis.* Eodem sensu Bernardus sermone 7. in Canticum, *Venerunt, inquit, flumina, flaverunt venti, & impegerunt in eam & non cecidit, eo quòd fundata esset supra petram; itaque nec verborum Philosopherum, nec cavillationibus Hereticorum, nec gladiis Persecutorum potuit ista*

aut poterit aliquando separari à charitate Dei.

Tertia pars est contra Schismaticos Donatistas fingentes aliquam Ecclesiam invisibilem, & in solâ Donati parte superstitem. Est itèrò contra Lutheranos & Calvinistas simile aliquid somniantes: interdum tamen isti quasi evigilarent Ecclesiam dicunt esse visibilem, sed planè vigilando somniant, duas distinguendo Ecclesias; unam veram, sed invisibilem, Alteram visibilem, sed falsam. Nos autem Ecclesiam Christi ità dicimus esse visibilem, ut certò discerni possit ab omni aliâ congregatione, quæ non est vera Ecclesia Christi. Habetur ista visibilitas ex Scripturâ quæ, passim loquitur de Ecclesiâ, ut de Congregatione aliquâ certâ & designabili. Hinc Augustinus libro de unitate Ecclesiæ illum Christi locum Matthæi 16. *Non potest civitas abscondi supra montem posita*, interpretatur de Ecclesiâ in Christo fundatâ, & tractatu in 2. Joannis, *Ecclesiam esse ait tabernaculum in sole positum.* Quo sensu dixit Chrysostomus Homilia 4. in Caput 6. Isaïæ, *facilius esse solem extinguere, quàm Ecclesiam obscurari.* Confirmari potest ex obligatione, quam Scriptura passim inculcat sequendi, consulendi, audiendi Ecclesiam & communicandi cum membris ejus; nam tenentur omnes sequi veram Christi Ecclesiam, sive, qui in eâ sunt perseverando, sive, qui in eâ non sunt, ei se adjungendo, quomodo autem sequi poterint Ecclesiam invisibilem? Tenentur omnes in dubiis consulere Ecclesiam, quia Ecclesia Judex est controversiarum fidei, Judex autem debet esse visibilis; nam si invi-

Q ij

Notio vera
Ecclesiæ
Christi,

Formam
visibilem
importat.

Ephes. 4.

sibilis est, quomodo ad illum in dubiis recurretur. Tenentur omnes audire veram Ecclesiam, ejusque præceptis obedire, quomodo autem id fiet, si vera Ecclesia nesciatur. Tenentur omnes Communionem habere cum membris veræ Ecclesiæ, quomodo autem habebitur illa Communio, si vera Ecclesia ignoretur. Ratio ulterior istius visibilitatis peti potest ex ipsâ notione veræ Ecclesiæ: vera enim Ecclesia, qualem Scriptura & Patres repræsentant, est corpus aliquod morale constans hominibus in statu viæ positis, quos vera fidei professio, & Communio Sacramentorum Christi, sub uno capite Christi Vicario, adunat. Dicitur Ecclesia corpus morale. Pauli ad Rom. 12. *Unum corpus sumus in Christo.* Dicitur corpus constans hominibus in statu viæ positis, quia Ecclesia de quâ agimus, est domus fidei salutaris & meritoria, cujus fidei non sunt capaces, qui sunt extra viam positi. Dicitur constare hominibus, quos vera fidei professio & Communio Sacramentorum Christi adunat; nam membra Ecclesiæ debent aliquo modo uniri ut membra unius corporis, uniuntur autem professione veræ fidei, & Communione Sacramentorum, *una Fides*, (inquit Apostolus,) *unum Baptisma*, *unus Deus*. Additur sub uno capite Christi Vicario, quia Ecclesia Christi est Ecclesia ædificata supra Petrum, ejusque Successores Christi Vicarios. Hæc est vera notio Ecclesiæ, cujus forma visibilis est; est enim professio veræ fidei, Communio visibilium Sacramentorum, & obedientia visibiliter exhibita Petro, ejusque Successoribus Christi Vicariis. Atque hinc.

Sequitur 1°. Malè definitam fuisse Ecclesiam à Joanne Vviclefo & Joanne Hus, Congregationem prædestinatorum : nam præterquamquod, nec omnes prædestinati ad Ecclesiam pertinent, & multi pertinent qui non sunt prædestinati, juxta illud Augustini dictum, secundum præscientiam & prædestinationem, *Quàm multi lupi intus, quàm multa oves foris*, *Tract. 45. in Ioan.* Congregatio prædestinatorum non est visibilis, novit enim solus Dominus, qui sunt ejus. Quare meritò damnatus est in Concilio Constantiensi ille hæreticorum Articulus, quo aiebant, præscitum, seu reprobum, etsi aliquando sit in gratiâ secundum præsentem justitiam, nunquàm tamen esse partem Sanctæ Ecclesiæ, & prædestinatum semper manere membrum Ecclesiæ. *Vt habetur in Concil. Constantiensi sess. 17.*

Sequitur 2°. Malè à Pelagianis Ecclesiam restringi ad solum numerum justorum & perfectorum hominum : nam præterquamquod nec sunt perfecti homines eâ perfectione justitiæ, quæ omne peccatum excludat, ut volebant Pelagiani, nec omnes peccatores extra Ecclesiam sunt ; Congregatio justorum, & perfectorum hominum non est visibilis, quia nemo scit an amore, an odio dignus sit.

Sequitur 3°. Ecclesiam malè definiti à Calvino, Congregationem verè credentium, seu habentium veram & interiorem fidem : nam præterquamquod, & possunt esse extra Ecclesiam, qui verè interiùs credunt, cujusmodi sunt multi Cathecumeni, & possunt esse in Ecclesiâ, qui fidem interiorem perdiderunt ; fides interior non reddit Ecclesiam satis visibilem :

Ergò fidei interiori accedere debet alia forma quæ Ecclesiam visibilem faciat.

Ecclesiæ
membra
sensibilia
sunt,

Sequitur 4°. Sensibilia esse Ecclesiæ membra & distingui posse, quinam ad Ecclesiam pertineant; nimirum omnes illi ad Ecclesiam pertinent, in quibus est professio veræ fidei, Communio sensibilibus Sacramentorum, & obedientia Petro ejusque Successoribus exhibita, tria autem hæc sensibilia sunt. Sunt igitur intra Ecclesiam multi reprobi, habet enim Christi Arca, seu Ecclesia, Paleas suas igne inextinguibili comburendas. Sunt & multi imperfe-

In Psalm.
32.

cti, quia habet Ecclesia, ut quæritur Chrysostomus, multos homines otio & socordiae deditos. Sunt & magni interdum peccatores; nam *Arca Noë*, juxta Hyeronimum, *Ecclesiæ*

In dialog.
contra Lu-
ciferianos.

typus fuit, ut igitur in eâ omne animalium genus, ita in hac universarum gentium & morum homines sunt, ut ibi pardus, hædi, lupus & agni, ita & hîc justî & peccatores commorantur. Sunt & infideles occulti & falsi Fratres, quia licet veram fidem non habeant, veram tamen fidem exterius profitentur, quos omnes repræsentabat Judas unus ex Discipulis Domini (inquit Augustinus,) *Unus numero, non merito, unus specie, non veritate, commixtione Corporali, non vinculo Spirituali, carnis admixtione, non cordis socius unitate.*

Traît. 61.
in Joan.

Sensibiles
qui de Ec-
clesiâ non
sunt.

Sequitur 5°. Sensibiles & manifestos esse, qui de Ecclesiâ non sunt; nam quicumque signa sensibilia Ecclesiæ non habent, extra Ecclesiam sunt. Sunt igitur extra Ecclesiam. 1°. Infideles non Baptizati, quia non profitentur veram fidem, & *foris sunt*, ut loquitur Paulus 1. ad

Corinthios cap. 5. 2°. Hæretici & Apostata, quia ex nobis exierunt : nam verum est, quod ait Hyeronimus in Dialogo contra Luciferianos, *Sicubi audieris eos qui dicuntur Christi, non à Domino Jesu Christo, sed à quocumque alio nuncupari, putà Marcionitas, Valentinianos, Montenses, sive Lampenses, scito, non Ecclesiam Christi, sed Antichristi esse Synagogam.* 3°. Schismatici, est enim Ecclesia plebs Sacerdoti suo adunata, & Pastori suo Grex adhærens. Unde scire debes, inquit Cyprianus, *Episcopum in Ecclesiâ esse, & Ecclesiam in Episcopo, & si qui cum Episcopo non sint, in Ecclesiâ non esse.* 4°. Cathecumeni, quos ait Nazianzenus *esse in vestibulo pietatis, nec fideles appellari posse, donec per Baptismum ingressi in Ecclesiam, nomina sua Christo dederint.* 5°. Excommunicati, qui Sacramentorum Communionem non habentes, de Ecclesiâ sublati dicuntur, & spirituali gladio interfecti ; nam (inquit Aug.) *Hoc nunc agit in Ecclesiâ Excommunicatio, quod agebat tunc, hoc est in Ecclesiâ veteri, interfectio.*

Lib. 4.
Ep. 9.
ad Florent.
Orat. in
Sanctum
Lavacrum.

Quaest. 39.
in Deuter.

Objicies 1°. Synagoga antiqua Ecclesia defecit : Ergò & Ecclesia Christi deficere potest. Respondeo 1°. In vero aliquo sensu non tam defecisse veram Synagogam, quàm in meliorem formam transiisse ; nam vera Synagoga fuit congregatio hominum, quos & fides in Christum venturum, & Communio legalium Sacramentorum & obedientia uni Pontifici adunabat ; Successit autem fides in Christum praesentem, Communio meliorum Sacramentorum, quæ à legalibus præfigurabantur, & obedientia Pontifici Sanctiori, cujus umbra erat Pon-

Synagoga non tam defecit.

Quàm in meliorem formam transijt.

tifex Aaronicus. Quare Institutio Ecclesiæ Christi videri possit, non tam destructio, quam perfectio Synagogæ. Respondeo 2^o. Nego Consequentiam. Nam Synagogæ Judæorum promissa non erat ea perpetuitas, quæ Ecclesiæ Christi nō fuit promissa est, quin potius clarè prædictum erat defecturam Synagogam, & futuros aliquandò Judæos, sine Fide, sine Lege, sine Templo, sine Sacrificio, sine Pontifice, quod nostris oculis videmus impletum. Defecit ergò Synagoga Judæorum; Judæi enim qui supersunt, nec profitentur veram fidem, nec iis Sacramentis ligantur, quibus Deus ligari vult, nec verum Pontificem habent, cui obedire teaneantur. Contra verò perseverat Ecclesia Christi, & in professione veræ fidei, & in Communione Sacramentorum Christi, & in obedientiâ Petro, ejusque successoribus Christi Vicariis exhibitâ, nec mirum est defecisse Synagogam, quæ fuit tantum umbra Ecclesiæ Christi, & Ecclesiam Christi non defecturam; minus enim soliditatis habet umbra, quam veritas.

Ecclesia non deficit vacante sede Petri, remanet enim etiam tunc sufficiens obedientia Petro exhibitâ.

Objicies 2^o. Ecclesia Christi identidem deficit: tunc enim deficit Ecclesia Christi, cum deficit obedientia exhibita Petro; sed identidem deficit obedientia exhibita Petro; identidem enim vacat sedes Petri, & vacavit aliquandò ad duos annos. Respondeo. Etiam cum sedes Petri vacat, non deficere Ecclesiam Christi, quia tunc non deficit obedientia Petro exhibita; tunc enim in Christianis manet. 1^o. Obedientia affectiva, seu præparatio animi ad obediendum ei, quicumque in legitimum Pe-

tri successorem, & Christi Vicarium fuerit electus. Manet. 2. Obedientia actualis Clero Romano Pontificis locum tenenti, quamdiù sedes vacat, quod sufficit ad obedientiam exhibitam Petro.

Instabis. Oriuntur identidem Schismata, in Schismate autem Ecclesia deficit. Nam in Schismate Christiani, non omnes adhærent uni Pontifici, sed alii alium sequuntur. Respondeo, Multis modis contingere potest Schisma, quocumque autem modo contingat, non deficit Ecclesia Christi. Nam 1°. Si à vero & indubitato Pontifice aliqui recedant nullum alium sequentes, desinunt quidem Schismatici, esse in Ecclesiâ, sed non ideo Ecclesia deficit; manet enim semper in iis, qui verum & indubitatum Pontificem sequuntur. 2°. Si ex duobus Pontificibus qui circumferuntur, unus est notoriè verus, alter notoriè falsus, manet Ecclesia Christi in ea parte, quæ verum Pontificem sequitur; non manet in alterâ, quæ sequitur falsum. 3°. Si uterque Pontifex ita dubius est, ut pro neutro sint rationes satis graves, quæ prudenter suadere possint ipsum esse verum Pontificem, tunc neutri præstatur obedientia: Ecclesia tamen Christi perseverat, quia manet in fidelibus, tum obedientia affectiva, & præparatio animi ad obediendum ei, qui probatus fuerit esse verus Pontifex, tum obedientia actualis Clero Romano, aut alteri Pontificis locum tenenti, ut ferè fit tempore Sedis vacantis. 4°. Si pro jure utriusque Pontificis sunt rationes graves, quæ movere possint ad alterutrum pro arbitrio sequendum, habent

Non deficit item in Schismate cujuscunque generis illud sit.

singuli obedientias suas, & obedientiæ singulæ ad ueram Christi Ecclesiam pertinent; quia in singulis est, non modò obedientia affectiua, seu præparatio animi ad obediendum ei, quem certò constiterit esse Pontificem; sed obedientia etiam actualis uni, qui prudenter judicatur esse verus Pontifex, tunc igitur conveniunt Christiani omnes obediendum esse uni Christi Vicario, sed de illo uno quis tandem sit, non conveniunt; quæ disconvenientia, Ecclesiæ vulnus est, non interitus Ecclesiæ.

Objicies 3°. Vera Ecclesia Christi invisibilis est: Ergò nescire possumus an perseveret. Antecedens significatur multis Scripturæ locis, ut Lucæ 7. *Regnum Dei intra vos est*, & 1. Petri cap. 1. ubi dicitur, *Ecclesia domus Spiritualis*. Dicitur *Offerre Spirituales Hostias*. Confirmari potest ex illo Symboli articulo. *Credo in unam Sanctam Ecclesiam*, non enim creditur, quod videtur, creditur autem Ecclesia; nam si non crederetur, mutare oporteret verba Symboli, nec jam dicere Credo, sed Video. Respondeo 1°. Nego Consequentiam. Quamvis enim Ecclesia invisibilis esset, posset habere ex promissione Christi certam, & exploratam perpetuitatem. Respondeo 2°. Nego Antecedens ejusque probationem. Hæc enim, & similia Scripturæ loca significant tantum, præcipuam Ecclesiæ pulchritudinem in interiori virtute consistere; non excludunt tamen formam aliquam visibilem, quâ Ecclesia visibilis reddatur. Appellatur ergò *domus Spiritualis*, quia præsertim spiritu vivit, quo modo Justus dicitur homo spiritualis. *Per Hostias* autem

Non probatur ex Scripturâ Ecclesiæ invisibilitas.

Spirituales intelliguntur bona opera, quæ ut Deo accepta sint, rectâ intentione animari debent. Ad Confirmationem ex Symbolo petitam. Dico 1°. Fortè credi posse, id quod videtur; nam potest Deus testificari, id quod videtur, quid autem vetat acquiescere Deo testificanti: Ergò sicut in Symbolo dicitur: *Credo in unum Deum*, quamvis unus Deus demonstrabilis sit, ità dici potest, *Credo in unam Sanctam Ecclesiam*, quamvis Ecclesia visibilis sit. Dico 2°. Multa esse in Ecclesiâ quæ non videntur, cujusmodi sunt vera fides, directio Spiritus Sancti, ordinatio in vitam æternam, &c. Quoad illa autem potest Ecclesia esse objectum fidei, quare nihil necesse est Symboli verba mutari.

Instabis 1°. Forma Ecclesiam constituens est tota invisibilis: nimirum, vel prædestinatio Divina, vel interna quædam justitia, vel fides: Ergò Ecclesia invisibilis est. Respondeo 1°. Cum for-
Falsam esse consequentiam; nam quamvis forma quæ constituit hominem viventem! sit tota invisibilis, Congregatio tamen hominum viventium visibilis est, & faciliè discerni potest à non viventibus; quia nimirum anima invisibilis in se, sit satis visibilis per signa externa: Ergò quamvis daremus formam constitutivam Ecclesiæ esse totam invisibilem, fieri tamen posset, ut Ecclesia esset visibilis, quia forma illa invisibilis in se, fieri posset per signa externa visibilis. Respondeo tamen 2°. Nego Antecedens. Nam forma Ecclesiæ, vel tota visibilis est, vel saltem constat aliquo visibili. Hæc est Doctrina Augustini libro 17. contra

Cum formâ invisibili stare potest totum visibile.

Sed forma Ecclesiæ visibilis est aliquâ salutem sui parte,

Faustum Cap. 11. *In nullum, inquit, nomen Religionis Congregari homines possunt; nisi aliquo signaculorum, vel Sacramentorum visibilium consortio colligentur.*

Instabis 2^o. Fides interior est saltem forma partialis Ecclesiam constituens, nemo autem nisi Deus nosse potest quis habeat fidem interioriorem; Ergò nemo nisi Deus nosse potest veram Ecclesiam. Respondeo 1^o. Quamvis supponatur fides interior esse forma partialis Ecclesiam constituens, non tamen Ecclesia erit invisibilis, quia fides interior apparebit exteriùs; idque indiciis ità certis, ut de eâ dubitari non possit. Esto, unus aliquis decipere possit significando fidem, quam non habet, certè totà multitudo profitentium veram fidem decipere non potest: Ergò multitudo fidelium certò & infallibiliter cognosci poterit. Respondeo 2^o. Cum Cardinali Bellarmino formam veræ Ecclesiæ consistere, non in fide interiori; nam infideles multi, & falsi Fratres ad Ecclesiam pertinent, sed in professione externâ veræ fidei, & Communionem Sacramentorum cum obedientiâ visibiliter exhibitâ Vicario Christi. Quare nihil habet formam Ecclesiæ, quod visibile non sit.

Est enim
forma illa
nontàm fi-
des in-
terior,
quàm ex-
terna pro-
fessio fidei.
*De Concil.
& Ecclesiâ
lib. 3. c. 2.*



CAPUT II.

*Demonstratur solam Ecclesiam Romanam
esse veram Ecclesiam Christi.*

PRæmitto. Ecclesia Romana tripliciter accipi potest. 1°. Pro Ecclesia particulari, quæ Diœcesis est Romani Episcopi. 2°. Pro Ecclesiâ Occidentis, quæ Romanum Episcopum Patriarcham habet. 3°. Pro Ecclesiâ Universali, quæ Romanum Episcopum Successorem Petri agnoscit, ut Summum Pastorem, eique, ut vero Christi Vicario adhæret. Nam Romanus Episcopus triplicem personam gerit, & Episcopi, & Patriarchæ, & summi totius Ecclesiæ Pastoris. Ecclesiam Romanam in tertio sensu accipimus, pro Ecclesiâ scilicet universali, quæ Romanum Episcopum, ut successorem Petri & Christi Vicarium, pro Pastore & capite suo agnoscit, eique adhæret.

Thesis prima. Ecclesia Romana est vera Ecclesia Christi. Demonstratur 1°. Vera Ecclesia Christi est Ecclesia ædificata supra Petrum, ejusque successores Christi Vicarios : Atqui Ecclesia Romana est Ecclesia ædificata supra Petrum, ejusque successores Christi Vicarios ergò &c. Major continetur clarè in illis Christi verbis Mathæi 16. *Tu es Petrus, & super hanc Petram ædificabo Ecclesiam meam ;* Ubi passim agnoscunt Patres solemnem Christi promissionem, fore ut, vera Ecclesia Petro adhæ-

Ecclesiæ
Romanæ
triplex ac-
ceptio.

Ecclesiâ
Romana
est vera
Ecclesia
Christi.

Est enim
Ecclesia
supra Pe-
trum ædifi-
cata.

*In carm.
de ingr.*

reat, ejusque successoribus. Minor autem ex duobus pendet satis notoriis, unum est Petrum Romæ sedisse, Alterum, Romanum Episcopum Petro succedere in regimine Ecclesiæ: sed neutrum rationabiliter negari potest. Nam certum est Petrum Romæ sedisse, uti certum est Augustum Romæ imperasse, utrumque enim magnâ omnium consensione habetur. Sicut ergo dubitari non potest, quin Roma Augustum Imperatorem habuerit, ita dubitari non potest quin fuerit, ut magnificè canit Prosper in carmine de ingratis, *Sedes Roma Petri, quæ Pastoralis honoris facta caput mundo, quidquid non possidet Armis, Relligione tenet.* Quod autem Petro in regimine Ecclesiæ, Romanus Episcopus successerit, non est minùs certum; constat enim ex Historiâ omnium temporum, Episcopum Romanum regimen Ecclesiæ tenuisse; in quo, non modò Patres omnesque Catholici conveniunt, sed ipsi etiam Hæretici aliquandò convenerunt. Nam & ipsi, antequàm ab Ecclesiâ discederent, Romanum Episcopum pro Ecclesiæ capite agnoscebant. Dicendum est igitur à Petro constitutum & traditum esse, ut Episcopus Romanus quisquis ille esset, in regimine totius Ecclesiæ sibi succederet; sive ita constituerit Petrus ex ordinatione Christi, sive ex inspiratione Spiritus Sancti. Quocumque autem modo id constituerit, constitutio ad nos usquè venit. Confirmari potest ista Demonstratio. Quia vera Ecclesia Christi, est Beatus ille Grex cujus pascendi cura commissâ est Petro, Joannis 21. *Pasce agnos meos, pasce oves meas; Ecclesia au-*

Et Beatus
Grex Pe-
tro com-
missus.

tem Romana est Beatus ille Grex, cujus pas-
cendi cura commissa est Petro; nam Ecclesia
Romana Petrum & successorem Petri, qui-
cumque ille sit, Pastorem habet, audit, &
sequitur: Ergò Ecclesia Romana, est vera Ec-
clesia Christi. Demonstratur 2°. Illa Ecclesia est
vera Ecclesia Christi, quæ habet omnes notas Ec-
clesiæ Christi, Ecclesia autem Romana habet om-
nes notas Ecclesiæ Christi. Major satis patet; nam
si Ecclesia habens notas Ecclesiæ Christi, non ef-
fet Ecclesia Christi, Ecclesia Christi esset invi-
sibilis, Ecclesia autem Christi visibilis est. Mi-
nor probatur percurrendo insigniores notas Ec-
clesiæ Christi, easque non de nostro sensu, sed de
Scripturæ Verbis, de Apostolorum Symbolo, de
Conciliorum definitionibus, & de communi
Patrum sensu depromptas. Septem omninò nu-
merari possunt, veluti septem veræ Ecclesiæ
visibilia Sacramenta, Unitas, Sanctitas, Uni-
versalitas, Origo Apostolica, Duratio perpe-
tua, Operatio Divina, principalis Autoritas.

Habens
omnes ve-
ræ Eccle-
siæ notas.

Prima Igitur veræ Ecclesiæ Nota, est Uni-
tas. Nam credimus in unam Ecclesiam, Ec-
clesia autem Romana est propriè una, idque
triplici titulo. 1°. Quatenùs omnia illius mem-
bra in uno capite uniuntur; observant enim
Patres idcirco Ecclesiam fundatam esse supra
unum Petrum, ut unitatis negotium firmare-
tur, & una esset Ecclesia, quæ unum caput
haberet. 2°. Quatenùs profitetur unam ean-
demque fidem; contra ac faciunt Ecclesiæ Hæ-
reticorum, in quibus pro multiplicatione ca-
pitum multiplicatur fides. Ratio autem istius
unitatis fidei ex eo petitur, quod Ecclesia Ro-

Unitatem;

mana agnoscat judicem visibilem controversiarum fidei, cumque infallibilem; nam Hæretici perpetuò litigant, quia Judicem non habent qui lites finiat. 3°. Quatenus Ecclesia Romana separata est & divisa ab omnibus aliis Sectis, nunquam enim cum aliâ Sectâ Hæreticorum, aut Schismaticorum communicavit; contra verò aliæ Sectæ cum Hæreticis communicant: ut Arriani olim cum Donatistis, Pelagiani cum Nestorianis, & hodiè Calvinistæ cum Lutheranis.

Sancti-
tem.

Secunda Nota, est Sanctitas. Credimus enim *Ecclesiam Sanctam*; Ecclesia autem Romana Sancta est, idque tripliciter. 1°. Quia professio Ecclesiæ Romanæ Sancta est, in Doctrinâ fidei nihil falsi habens, in Doctrinâ morum nihil mali; cum habeant omnes aliæ Sectæ apertos quosdam errores, & rectæ rationi apertè repugnantes. 2°. Quia primi Ecclesiæ Romanæ Patres fuere viri Sancti & irreprehensibiles, in quibus nihil habebant adversarii quod reprehenderent, nisi nimiam Sancti-

Aug. lib. 2. contra Jul. tatem. *Talibus post Apostolos*, inquit Augustinus libro 2. contra Julianum, *Talibus Sancta Ecclesia plantatoribus, rigatoribus, edificatoribus, Pastoribus, nutritoribus crevit*; Contra verò alias Sectas, ut cætera taceam, una mater Superbia omnes genuit. 3°. Quia tendit Ecclesia Romana, ut animas convertat & sanctificet, *Hæreticorum verò negotium est*, inquit Tertullianus. *Non Ethnicos convertendi, sed nostros evertendi.* Nec sine causâ de Lutheri Evangelio dicebat Erasmus, *Profer mihi quem istud Evangelium ex comessatore sobrium, ex fero-*
roci

De pra-
script.
Hæret.
Epist. ad
Vulturnū.

voci mansuetum, ex rapaci liberalem, ex maledico benedicum, ex impudico reddiderit verecundum; ego tibi multos ostendam, qui facti sunt se ipsis deteriores.

Tertia Nota, est Universalitas. Nam credimus *Ecclesiam Catholicam*, seu universalem: Atqui sola Ecclesia Romana Catholica est, seu universalis; nam sola nomen habet Ecclesiæ Catholicæ: *Catholicum istud, nec Marcionem, nec Appellem, nec Montanum sonat, nec Hæreticos sumit Authores.* Ità Pacianus pulchrè dicere solitus, *Christianus mihi nomen est, Catholicus verò cognomen, illud me nuncupat, istud ostendit.* Certè notat Augustinus libro contra Epistolam fundamenti cap. 4. *Vix audere Hæreticos id nomen usurpare. Nam si fortè à Paganis interrogentur, ubi ad Catholicam conveniatur, nemo domum suam audet ostendere.* Nec modò Ecclesia Romana sola est, quæ nomen habet Catholicæ Ecclesiæ, sed sola est quæ tale nomen meretur, idque duplici de causâ. Prima est. Quia sola per totum terrarum orbem diffusa est, sola est regnum illud Christi à Patre promissum Psalmo 2. *Dabo tibi gentes hereditatem tuam, & possessionem tuam terminos terræ.* Ecclesia, ut benè notat Augustinus, *Est ubique, & hæresis est ubique, sed Ecclesia est una & eadem ubique, hæreses autem non eadem sunt, sed diversissima, quæ se invicem non noverunt.* Undè nulla earum Catholica est. Quare hæreses comparat idem Augustinus sarmentis præcisis, quæ ubi cadunt cum præscinduntur, ibi manent; cum interim Ecclesia tanquàm vitis vera extendat ubique

Universalitatem.

Epist. ad Sympronianum.

Lib. de Pastor. c. 8.

palmites suos. Altera causa est. Quia sola Ecclesia Romana veram fidem Christi amplectitur, cum totâ suâ amplitudine, Ecclesiæ verò Hæreticorum fidem limitant prout lubet.

Originem
Apostoli-
cam,

Lib. de
præscript.

Eodem lib.

Duratio-
nem per-
petuam.

Math. c. 16.

August. in
Psalm. 57.

Quarta Nota, est Origo Apostolica. Nam credimus *Apostolicam Ecclesiam*: Ecclesia autem Romana Apostolica est, idque duplici sensu. 1º. Quatenus habet successionem Episcoporum ab Apostolis ad nos usque deductam, quam successionem non habent Hæretici. *Cedant enim*, inquit Tertullianus, *Origines Ecclesiarum suarum, evoluant ordinem Episcoporum suorum, ita per successionem ab initio decurrentem, ut primus ille Episcopus aliquem ex Apostolis, vel Apostolicis viris, habuerit authorem & antecessorem, quo modo Romanorum Ecclesia Clementem à Petro ordinatum refert, confingant tale aliquid Hæretici.* 2º. Quia Ecclesia Romana constanter servat Doctrinam, quam Apostoli tradiderunt, antiquitatem præferens, & consanguinitatem cum Ecclesiâ antiquâ: Ecclesiæ autem Hæreticorum novellæ sunt, & facile convinci possunt novitatis Doctrinæ. *Qui estis vos*, aiebat Tertullianus, *Undè & quando venistis? ubi tamdiu latuistis?*

Quinta Nota, est Duratio perpetua. Nam veræ Ecclesiæ Christi promissa est soliditas, & firmitudo tanta, ut nunquàm defectura sit, *Et porta inferi non prævalebunt adversus eam*; Ecclesia autem Romana nunquàm deficit, contra verò Ecclesiæ Hæreticorum brevi deficiunt, & ad nihilum deveniunt, tanquàm aqua decurrens. *Nec vos terreant Fratres*, inquit Augustinus in Psalmum 57. *Quidam fluvii, qui de-*

euntur torrentes : decurrens aqua ad tempus perstrepat, mox cessabit, diu stare non potest. Multæ hæreses nunc emortuæ sunt, cucurrerunt in rivis suis quantum potuerunt, decurrerunt, siccati sunt rivi, vix eorum memoria reperitur. At Ecclesia Romana ab ipso Christo ad nos usque contra omnes, seu infidelium, seu Hæreticorum, seu falsorum Fratrum conatus firma permanfit.

Sexta Nota, est Operatio Divina. Promittit enim Christus Ecclesiæ suæ signa quædam, & operationes extraordinarias, quibus Divina probaretur, *Signa autem eos qui crediderint hæc sequentur: in nomine meo dæmonia ejicient. Quod* Operationem Divinam. Marc. c. ult.

Christi dictum, vel cadit in singulos credentes, vel in collectionem credentium, quæ est Ecclesia; sed manifestum est non cadere in singulos credentes, neque enim singuli ea signa faciunt: Ergo cadit in collectionem credentium, quæ est Ecclesia. Atqui Ecclesiam Romanam ea signa & operationes Divinæ sequuntur. Nam 1°. In Ecclesiâ Romanâ perseverat virtus miraculorum, ita illi propria, ut aliis Sectis non conveniat; nam Hæreticorum maxima virtus, *Quâ Apostolos in perversum emulantur*, ut loquitur Tertullianus, in eo est, ut cum illi de mortuis vivos facerent, illi de vivis mortuos faciant. 2°. Perseverat Spiritus Prophetiæ magnum argumentum Divinitatis; nam in Ecclesiâ Romanâ semper fuerunt veri Prophetæ, seu viri Sancti Prophetiæ Spiritu pleni, in aliis autem Sectis non fuerunt. 3°. Perseverat potestas ejiciendi dæmonia; energumeni enim per preces & Exorcismos Ecclesiæ à dæmonibus liberantur.

R ij

Lib. de præscriptis

Authorita- Septima Nota, est principalis Authoritas.
tem princi- Nam vera Ecclesia Christi est principalis quæ-
palem. dam Ecclesia, radix & origo aliarum om-
nium, quæ Christianum nomen habent, ea-
demque mater credentium : Atqui Ecclesia Ro-
mana est principalis illa Ecclesia, radix & ori-
go omnium aliarum Ecclesiarum, quæ Chr-
istianum nomen habent, eademque vera mater
credentium. Nam 1°. Nulla est Ecclesia, Chri-
sti nomen habens, ex quâ exierit Ecclesia Roma-
na; dicatur enim, si est. 2°. Omnes aliæ Ec-
clesiæ quæ Christi nomen habent, ex Ecclesiâ
Romanâ exierunt, ut evidens est Historiam
scienti, & Originem Ecclesiarum. 3°. Eccle-
siam Romanam omnes veri fideles pro matre
agnoscunt, habentes pro Ethnico & Publica-
no, si quis eam non audierit.

Sola Ec-
clesia Ro-
mana est
vera Chri-
sti Eccle-
sia.

Thesis secunda. Sola Ecclesia Romana est
vera Ecclesia Christi. Demonstratur. Quia Ec-
clesia Christi, est Ecclesia fundata supra Pe-
trum, sola autem Ecclesia Romana, est funda-
ta supra Petrum; quia nulla est Ecclesia, quæ
adhæreat Petro & successoribus ejus, nisi Ro-
mana; quæcumque enim Ecclesia adhæret Pe-
tro & successoribus ejus, Romana est, seu ad
Romanam pertinet. Confirmari potest. Quia
nulla alia Ecclesia habet insignes illas notas,
suprà memoratas nisi Ecclesia Romana, ut con-
sideranti patebit.

Objicies 1°. Multæ videntur esse Ecclesiæ
Christi præter Romanam; tales erant illæ sep-
tem Ecclesiæ, quibus scribebat Joannes, tales
Ecclesiæ Corinthiorum, Philippensium, The-
salonicensium de quibus scribebat Paulus. Ta-

Apocal. c. 2
3.

lis est Ecclesia Gallicana, quis enim eam neget
esse veram Ecclesiam Christi. Respondeo. Si
Ecclesia Romana accipiat pro Diœcesi Episcopi
Romani, aut Patriarchatu Occidentis, ut
aliquandò accipitur, fateor alias esse Ecclesias
Christi præter Romanam. Sed si Ecclesia Ro-
mana accipiat generatim, pro Ecclesiâ uni-
versali, quæ adhæret Petro & successoribus
ejus, uti nunc illam accipimus. Dico nullam
esse veram Ecclesiam Christi præter Romanam:
nam omnes illæ Ecclesiæ supra memoratæ ad
Romanam pertinent, tanquàm partes illius;
quia scilicet omnes illæ Ecclesiæ particulares, cum
Episcopo Romano communicant, cui si fortè
non communicarent, jam ad veram Ecclesiam
Christi non pertinerent. Quemadmodum non
pertinet magna pars Ecclesiæ Græcæ, quæ non
est Romanæ Communionis; illa enim Ecclesia
est membrum aliquod à corpore veræ Eccle-
siæ separatum, & Spiritu Christi non vi-
vens.

Objicies 20. Petrus Antiochiæ sedit, & Cur Eccle-
prius Antiochiæ, quàm Romæ: Ergò Ecclesia
Antiochena dicenda est vera Ecclesia Christi,
potius quàm Romana. Respondeo. Nego Con-
sequentiam. Nam Petrus ita sedit Antiochiæ,
ut sedem suam Romam transfulerit, & cum
sede auctoritatem sibi à Christo datam; nec,
quem sibi suffecit in regimine Ecclesiæ Antio-
chenæ, propterea suffecit in regimine Ecclesiæ
Universalis, ipse enim tale regimen sibi reti-
nuit. At verò, Petrus Romæ ultimò sedit, &
quem sibi successorem reliquit in regimine
Ecclesiæ Romanæ, eundem reliquit in regimi-

Sed Eccle-
sia Roma-
na comple-
ctitur om-
nes Eccle-
siæ particu-
lares quæ
Petro ad-
hærent.

Cur Eccle-
sia Christi
non dica-
tur pariter
esse Eccle-
sia Antio-
chena.

ne totius Ecclesiæ successorem : quare vera Ecclesia Christi dicenda est, non quæ Antiocheno Episcopo, sed quæ Romano adhæret.

Cur non
item Constantinopoli-
tana.

Instabis 1^o. Translatâ Imperii sede per Constantinum, translata est sedes Petri; voluit enim Petrus, ut prima sedes esset in Urbe Imperiali, & Ecclesia Imperium sequeretur; Ergo à temporibus Constantini Imperatoris vera Ecclesia Christi, non est Ecclesia Romana, sed potius Constantinopolitana. Respondeo. Nego Antecedens. Longè enim post tempora Constantini, Christianus orbis Episcopum Romanum, pro vero successore Petri & Christi Vicario agnovit, non Constantinopolitanum. Quoddam additur, voluisse Petrum, ut prima sedes esset in urbe Imperiali, absolute & universaliter falsum est. Verisimile quidem est, idè Petrum Romæ fixisse sedem suam, quia Roma caput erat orbis, & mundi domina; non tamen voluit Petrus, ut prima sedes esset necessariò in urbe Imperiali, & Ecclesia Imperium sequeretur.

Cur non
Avenionensis.

Instabis 2^o. Potest fieri absolute, ut sedes Petri aliò transferatur, & reipsâ Avenionem aliquandò translata est; Avenione enim multi Pontifices successores Petri federunt, tunc autem vera Ecclesia Christi, non erat Ecclesia Romana, sed Avenionensis. Respondeo. Sedes Petri non fuit translata Avenionem; nam qui Avenione Pontifices morabantur, erant iidem Episcopi Romani; eoque tantum nomine, ut Petri successores & Christi Vicarii, totius Ecclesiæ curam gerebant. Quare etiam tunc vera Christi Ecclesia non alia erat, quàm Romana,

seu quæ Episcopo Romano adhærebat. An autem sedes Petri absolutè loquendo, aliò v. g. Tolosam ità transferri possit, ut Tolosanus Episcopus esset idem successor Petri, & Christi Vicarius in regimine totius Ecclesiæ, nihil hîc ego definio. Partem negantem appellat Bellarminus piam & probabilissimam sententiam; quia probabilissimum est, traditionem esse ab ipso Christo immediatè venientem, ut Christi Vicarius Romæ sedeat. Traditiones autem à Christo immediatè venientes perpetuæ sunt, & ab Ecclesiâ mutari non possunt. Traditionis verò istius immediatè Divinæ magnum argumentum est, quod nunquàm mutata fuerit, quamvis multæ & graves mutandi causæ sese obtulerint. Rem tamen non putat certam idem Bellarminus, quia fortè solius Petri est ista constitutio, non Christi; in quo casu, & constitutio mutari posset, & sedes Petri Tolosam transferri. Sed quocumque transferri dicatur sedes Petri, manet semper veram Christi Ecclesiam, esse illam quæ adhæret Petro, & successorî ejus Christi Vicario, quicumque ille sit. Talis autem est Episcopus Romanus: Ergò vera Christi Ecclesia, est Ecclesia Romana, seu Romano Episcopo adhærens.



CAPUT III,

Demonstratur Ecclesiam Romanam esse veram custodem Doctrinæ Christi.

Ecclesia
Romana
custos est
Doctrinæ
Christi.

THesis Unica. Ecclesia Romana est vera custos Doctrinæ Christi. Demonstratur. Ecclesia Romana est vera Ecclesia Christi, ut suprà ostendimus, sed vera Ecclesia Christi est vera custos Doctrinæ Christi: nam Christus credidit alicui Doctrinam suam; illam voluit ubique prædicari, *Prædicate Evangelium omni Creaturæ*. Marci c. ult. Atqui Christus Doctrinam suam non alteri credidit, quàm Ecclesiæ suæ, quis enim putet alienis credidisse, non suis. Certè dubitari non potest, quin Christus fecerit, quod se facturum promisit; promisit autem Ecclesiæ in personâ Petri daturum se illi Claves Regni Cælorum; Ergò dubitari non potest, quin Christus Ecclesiæ suæ dederit Claves Regni Cælorum, in his autem clavibus, est clavis ad custodiam Doctrinæ, ut Patres interpretantur. Confirmatur 1°. Illa Ecclesia est custos Doctrinæ Christi, ad quam undiquè & constanter recurritur, pro habendâ verâ Doctrinâ Christi, talis autem est Ecclesia Romana. Ergò &c, Nimirum constans ille, & generalis omnium temporum recursus ad Ecclesiam Romanam, apertè indicat traditionem aliquam notoriam, quæ fert in Ecclesiâ Romanâ veram Christi

Doctrinam custodiri : eamque traditionem expressam inveniunt Patres in illis Christi verbis ad Petrum, *Pasce oves meas.* Nam ei Ecclesiæ *Ioan. 21* commissum est Doctrinæ pabulum, cujus Ecclesiæ Pastor est Petrus ; Ecclesiæ autem Romanæ Pastor est Petrus : Ergò Ecclesiæ Romanæ commissum est Doctrinæ pabulum. Confirmatur 2^o. Quia Ecclesia Romana Quæstiones de Doctrinâ Christi, Supremo & infallibili iudicio finit, ex illâ Christi promissione, *Quod Math. 16:* *cumque solveris super terram, erit solutum & in Cælis* : ista enim solvendi potestas ad solutionem Quæstionum in materiâ fidei præsertim valet : Ergò Ecclesia Romana custos est Doctrinæ Christi. Nam quomodo de illâ tam confidenter, & securè pronuntiaret, si illam sibi creditam non haberet. Confirmatur 3^o. Ex obligatione quam habent singuli fideles amplectendi Doctrinam ab Ecclesiâ Romanâ propositam, juxtâ illud Christi præceptum, *Si Math. 18:* *quis Ecclesiam non audierit, sit tibi sicut Ethnicus & Publicanus.* Nam ea obligatio supponit in Ecclesiâ Romanâ Jus docendi & proponendi veram Doctrinam Christi. Quomodo autem Ecclesia veram Christi Doctrinam proponeret, si ipsa non haberet. Confirmatur 4^o. Quia illa Ecclesia est custos Doctrinæ Christi, ad quam propriè pertinet damnare omnem Doctrinam oppositam Doctrinæ Christi ; ejusdem enim videtur esse custodire Doctrinam Christi, cujus est damnare oppositam ; Atqui ad Ecclesiam Romanam propriè pertinet damnare omnem Doctrinam, Doctrinæ Christi oppositam ; Ecclesia enim Romana per

omnes *Ætates*, quæcumque exortæ sunt hæreses damnavit : Ergò Ecclesia Romana custos est Doctrinæ Christi, & ut loquitur Paulus,

1. Ad Timotheum c. 3. *Columna & firmamentum veritatis.*

Doctrinam Christi perire non patitur culpâ suâ. Objicies 1°. Ecclesia Romana, si custos est Doctrinæ Christi, non est custos satis fidelis; neque enim satis fidelis custos est, qui rem sibi creditam dilabi sinit, & malè perire : Atqui Ecclesia Romana dilabi sinit Doctrinam Christi : quàm multi enim Doctrinæ Christi Articuli, in Ecclesiâ Romanâ perierunt. Respondeo. De ratione boni custodis est, ne rem sibi creditam perire patiatur culpâ suâ, Ecclesia autem Romana non patitur perire Doctrinam Christi culpâ suâ. Nam 1°. Præcipua & capitalia dogmata, quæ ad salutem necessaria sunt, etiâ imperitæ plebi fideliter in Ecclesiâ Romanâ proponuntur. 2°. Minores articuli, veluti minutiora panis Evangelici fragmenta in Pastorum Cophinis collecta servantur, Apostolis enim eorumque successoribus dictum est, *Colligite quæ superaverunt fragmenta, ne perdant.* 3°. Ne unus quidem Articulus Doctrinæ Christi convinci potest itâ periisse totaliter, ut nulla illius memoria supersit in Ecclesiâ Romanâ. 4°. Si quis Articulus Doctrinæ Christi periit, nec periit culpâ Ecclesiæ; nec deest Ecclesiæ, seu diligentia in quærendo, seu felicitas in inveniando : est enim Evangelica illa mulier, quæ si *perderit drachmam unam*, accendit Lucernam, evertit domum, & quærit diligenter, donec inveniat eam.

Joan. c. 6.

Luc. c. 15.

Instabis. Traditio circa numerum, & au-

thoritatem librorum Divinorum veteris testamenti, est traditio Christi, eaque traditio in Ecclesiâ Romanâ periit; ut ex eo patet, quod aliqui libri pro Canonicis nunc habentur, qui aliquandò Canonici non erant: Ergò periit aliquandò ea traditio, quæ determinat libros Canonicos; sed si aliquandò periit, non apparet quomodo restitui potuerit. Respondeo. Si periit aliquandò ea traditio, non periit culpâ Ecclesiæ, sed culpâ persecutorum, per quos innumera rerum Ecclesiasticarum monumenta perierunt. Sed nego eam traditionem periisse totaliter, semper enim in angusto saltem, & obscuro alveo currebat: quamvis tamen daremus periisse totaliter, intelligi potest, quomodo restituta sit, seu viâ alicujus Prophetæ, qui de antiquâ traditione monuerit, seu viâ examinis & inquisitionis veterum monumentorum, seu denique viâ inspirationis: Spiritus enim Sanctus Ecclesiæ assistit instar suggestoris, quæ fortè memoriâ exciderint revocantis, secundùm illam Christi promissionem, *Spiritus Sanctus docebit vos, & suggeret Ioan. c. 16. vobis omnia quacumque dixero vobis.*

Objicies 2^o. Ecclesia Romana adulterat Doctrinam Christi per admixtionem Doctrinæ alienæ, nova in dies dogmata proponens. Nam ea dogmata, vel sunt de Doctrinâ Christi, vel non sunt. Si sunt de Doctrinâ Christi, cur tamdiu in occulto tenuit, & fidelibus ea invidit. Si non sunt de Doctrinâ Christi, additione illorum Doctrina Christi corrumpitur. Respondeo. Nego Antecedens ejusque probationem. Nam ista novorum dogmatum propo-

Neque novorum dogmatum additione adulterat.

sitio, non est adulteratio Doctrinæ Christi; sed propagatio illius; ista enim quæ dicuntur nova dogmata, non sunt nova quoad substantiam, nam à Christo veniunt; sed nova dumtaxat quoad propositionem, quatenus novo modo, & in meliori lumine collocantur; adeò ut jam credendi obligationem inducant, quam antè non inducebant: cur autem tamdiu latuerint, causa esse potuit. 1º. Quia nihil necesse erat ea proponi; neque enim omnia simul obrudi debuerunt infirmis, & parvulis in fide, ne multitudine obruerentur: sed instillari sensim; quam methodum sequebatur ipse Christus, in instructione Discipulorum suorum. *Ioan. c. 16. Multa habeo vobis dicere, quæ non potestis portare modò.* 2º. Quia Ecclesiæ olim gravioribus curis occupatæ, non satis vacabat omnia explicare. 3º. Quia nova in dies præsidia ei accedunt, ad deligendam veritatem.

Interdum
de Christi
Doctrinâ
litigare fi-
deles sa-
pienter
permittit.

Objicies 3º. Ecclesia Romana interdum nescit quid sit in Doctrinâ Christi, interdum enim hæsitat, & interrogata non responder, fidelibus permittens litigare de Doctrinâ Christi. Respondeo. Fieri potest, ut qui thesaurum apud se depositum habet, nesciat idem quid sit in thesauro: Ergò quamvis nesciat interdum Ecclesia, an aliquis articulus in thesauro Doctrinæ Christi contineatur, non sequitur Ecclesiam non esse custodem thesauri; quia scilicet, & thesaurum habet, & clavim thesauri. Fateor ergò interdum hæsitare Ecclesiam, & interrogatam non statim respondere; seu quia tempus non habet, opportunum res-

pondendi ; seu quia, id quod proponitur nondum satis examinavit ; neque res ad eum certitudinis gradum venit, in quo prudenter Ecclesia pronunciare possit. Fateor item permitti fidelibus, ut de articulis Doctrinæ Christi dubiis, inter se litigent, salvâ fide & charitate, quò nimirum veritas litigando elucidetur, ac tandem controversiæ finiri possint.



Q U Æ S T I O VI.

De Scripturâ & Traditione Divinâ.

DOctrina Christi, quam ut bonum depositum Ecclesia Christi fidelissimè custodit, partim in Scripturâ, partim in traditione continetur ; utraque fidei Christianæ regula est ; utriusque cognitio necessaria, & fundamentalis.

Doctrinam Christi custodit Ecclesia in thesauro Scripturæ & traditionis.

C A P U T P R I M U M.

De Scripturâ Divinâ.

CIrca Scripturam Divinam quatuor ferè determinanda sunt. Primum est. An sit aliqua Scriptura verè Divina. Alterum. Quamnam illa sit. Tertium, Inter multas Scripturæ editiones & versiones, quis sit Scripturæ textus authenticus. Quartum, Ex multipli-

De Scripturâ Divinâ quatuor proponuntur,

ci sensu, qui Scripturæ tribuitur, quis sit sensus verè Divinus, & à Deo intentus.

ARTICULUS I.

Demonstratur esse aliquam Scripturam verè Divinam.

Quid sit
Scriptura
• propriè di-
vina.

Et quo sen-
su Divina
dicatur.

Præmitto. Scriptura propriè Divina, non est quodcumque Scriptum de Deo, aut rebus Divinis tractans, alioquin libri omnes Spirituales & Theologici, Divinæ Scripturæ nomine censerentur. Neque item est quodcumque Scriptum, Deo quomodolibet inspirante factum; multi enim Sanctorum libri sunt Deo excitante, movente, & inspirante, qui tamen libri ad Scripturam propriè Divinam non pertinent. Scriptura igitur propriè Divina, est Scriptum aliquod à Deo ut loquente inspiratum. Tale autem esse potest multis modis. Primò. Si Deus ipse proprià quasi manu, & sine ullius Scribæ operâ Scripturam fecerit. Secundò. Si Deus non Scripserit ipse propriâ manu, sed alienâ manu usus, alteri Scribenti dictaverit. Tertiò. Si neque ipse Scripserit, neque alteri Scribenti dictaverit, sed Scripturam jam factam quasi relegens, autoritate suâ confirmarit, & suam esse testificatus sit. Quartò. Si ipsa Dei loquentis Verba Scriptura contineat, quamvis fortè Deus ipse speciatim non jussit Verba sua Scriptis mandari. Nimirum Scriptura eodem sensu dicitur Divina, quo sensu Litteræ dicuntur Regiæ. Nam, ut pulchrè

de Scripturis divinis Augustinus, *de illâ*, inquit, *civitate*, unde peregrinamur, hæ litteræ nobis venerunt: Atqui litteræ dicuntur Regiæ multiplici titulo. 1°. Si Regis manu Scriptæ. 2°. Si à Rege dictatæ. 3°. Si à Rege, nec Scriptæ, nec dictatæ, sed recognitæ, approbatæ, & sigillo Regio munitæ sint. 4°. Si ipsa Regis dicta contineant, quamvis fortè Rex dicta sua Scribi non mandaverit.

Concione 2.
in Psal. 90.

Thesis unica, est aliqua Scriptura verè divina. Demonstratur contra Libertinos, qui omnem Scripturam negant, dicere soliti jocando, se minimè obnoxios esse Litteræ occidenti, & solùm Spiritum vivificantem sequi oportere juxta illud Pauli, *Littera occidit, Spiritus autem vivificat*. Contra quos procedit demonstratio nostra, quinque argumentis comprehensa. Primum petitur ex Dei hominumque providentiâ. Nam cum Deus sit supremus Dominus & gubernator naturæ humanæ, incredibile est Deum nihil fuisse hominibus locutum; optimi enim gubernatoris est præcepta dare, leges sancire, arcere à vitiis, hortari ad officia virtutum, quæ omnia fieri non possunt commodè à gubernatore muto, & nihil loquente: ergo omninò credibile est Deum multa fuisse hominibus locutum. Aliundè verò incredibile est, homines in dictis Dei excipiendis ità fuisse negligentes, ut de iis nihil omninò Scripserint, præsertim cum sapientum hominum dicta tantâ curâ & diligentia excepisse reperiantur. Secundum petitur ex communi hominum sensu. Nam, ut ait Augustinus, *Authores nostri in quibus Sacrarum litterarum figitur & terminatur*

Est aliqua
Scriptura
verè divi-
na.

2. Ad Cor.
c. 3.

Quinque
argumentis
demonstra-
tur.

Lib. 18. de
Civitate
c. 4.

Canon, cum illa scriberent; eis Deum, vel per eos locutum, non pauci in Scholis atque gymnasiis, litigiosis disputationibus garruli, sed in agris ac urbibus, cum Doctis atque indoctis, tot tantique populi crediderunt. Ex illo autem & tanto hominum consensu, tam fit credibile esse aliquam Scripturam divinam, quam credibile sit esse aliquos Platonis, aut Aristotelis libros: atqui ita credibile est, esse aliquos Platonis, aut Aristotelis libros, ut sanus non sit, qui de hoc dubitet: ergo ita credibile est esse aliquam Scripturam divinam, ut nemo sanus de hac re dubitare possit. Addo, unum eâ saltem parte altero esse credibilius, quia longè major est hominum consensus pro Scripturâ divinâ, quam pro libris Platonis, aut Aristotelis. Tertium argumentum petitur ex divinatione, quæ Divinitatis character est; nam illa Scriptura habenda est pro verè divinâ, quæ proprium habet characterem, veramque notam divinitatis: Atqui Scriptura nostra proprium habet characterem, veramque notam divinitatis; ergo &c. Minor probatur, nam præscientia rerum contingenter futurarum est proprius character, & vera nota divinitatis; cum enim solius Dei sit certò præscire res contingenter futuras, solius etiam Dei est, res ejusmodi certò prædicere. Atqui Scriptura aliqua certam habet prædictionem rerum contingenter futurarum; ut ipse eventus jam docuit, nam multa quæ prædixerat, omnino uti prædixerat, evenerunt: ergo aliqua Scriptura proprium habet characterem, veramque notam divinitatis. Quo pertinet solida illa, & subtilis reflexio Augustini
Scriptura

Scripturæ fides, inquit, *mirabilem auctoritatem* Lib. 12. de
non immerito habet in orbe terrarum, atque in om- civitate
nibus gentibus; quas sibi esse credituras, inter cate- cap. 9.
ra quæ dixit, verâ divinitate prædixit. Ex quâ
 Augustini reflexione sic argumentor. Illa Scrip-
 tura, quæ totum orbem sibi crediturum esse
 prædixit, & cui totus orbis, sicut ab eâ præ-
 dictum est, credidit, negari non potest, quin
 sit aliqua Scriptura divina; sed est aliqua
 Scriptura, quæ totum orbem sibi credituram
 esse prædixit, & cui totus orbis, sicut ab eâ
 prædictum est, credidit: ergo negari non po-
 test, quin sit aliqua Scriptura divina. Quar-
 tum petitur ex sigillo Dei alicui Scripturæ
 appolito: illa enim Scriptura habenda est pro
 divinâ, quæ præfert verum sigillum Dei, eoque
 munitur; quemadmodum litteræ illæ habendæ
 sunt pro regiis litteris, quæ præferunt sigillum
 regium, & regio sigillo muniuntur: Atqui
 Scriptura aliqua præfert verum sigillum Dei,
 eoque munitur; sigillum enim Dei, est verum
 miraculum, Deus autem innumera fecit mira-
 cula, quibus certam aliquam Scripturam mu-
 niret, eamque suam esse testaretur. Quintum
 argumentum petitur ex ipsius Scripturæ testi-
 monio; nam Scriptura magnæ alioquin Autho-
 ritatis testatur esse aliquam Scripturam divi-
 nam, Scripturæ autem ita testanti credendum
 est; quia credendum est Scripturæ, cui credit
 universus orbis, quæ certâ prædictione rerum
 futurarum insignis est, quæ Dei sigillo muni-
 tur; ejusmodi autem Scriptura testatur esse ali-
 quam Scripturam divinam. Nam Pauli secundæ
 ad Timot. c. 3. dicitur *omnis Scriptura divinitus*

inspirata, utilis ad docendum. Et 1^o. Petri c. 1. *Spiritu Sancto inspirati, locuti dicuntur Sancti Dei homines* : Ergo credendum est esse aliquam Scripturam divinam : neque in hoc discursu committitur vitiosus circulus, Scripturæ enim testimonio creditur propter autoritatem ab ipsius testimonio independentem. Quo ferè modo, epistolam regio sigillo munitam credimus scriptam fuisse propriâ manu regis, quia in epistolâ ipsâ ita dicitur, quo item modo magnum aliquem virum, & probatæ aliundè fidei credimus esse Legatum regis, quia se ipse fert pro legato.

Scriptura
quamvis
per homi-
nem Scrip-
ta sit, nihi-
lominus
divina est.

Objicies 1^o. Quæcumque Scriptura extat, etiâ illa quæ divina dicitur, per hominem Scripta est : ergo divina non est, sed humana. Antecedens patet ex ipsis librorum titulis, nam quid significant liber Mosis, Psalterium Davidis, Evangelium Joannis, Epistolæ Pauli, aliæque id genus, nisi libros ejusmodi à Mose, Davide, Joanne, Paulo, aliisve hominibus Scriptos fuisse. Respondeo, distinguo Antecedens. Quæcumque Scriptura extat, Scripta est per hominem nomine suo, aut sua tantum dicta, & cogitata Scribentem, Nego. Scripta est per hominem nomine Dei, aut Dei dicta, & cogitata Scribentem, Concedo Antecedens, & nego consequentiam. Nam ut Scriptura divina sit, nihil opus est, ut Deus immediatè, & propriâ manu Scripturam fecerit; sed satis est, si, vel dictaverit, vel Scripturam recognoscens confirmaverit, ut suam, vel ea dixerit ipse, quæ in Scripturâ continentur. Quare Authores quorum nomina Scripturæ libris præfixa sunt, dico

esse Scribas & Amanuenses Dei, aut, si velis, dictorum accuratos collectores.

Objicies 2°. Quid necesse erat Deum litteras Scribere, vel dictare, cum litteræ eo tantum sine Scribantur, ut Scribentis præsentiam suppleant, Deus autem semper & ubiquè præsens est; ergo nihil opus habet vicariis litteris. Deindè, si Deus Scribere voluit, cur non ipse propriâ manu Scripsit, cur Scribas & amanuenses adhibuit. Nam Scribæ & amanuenses propterea adhibentur, ut levent onere & labore Scribendi: Deusne defatigari timebat? Denique cur Mosem, cur Joannem, cur Matthæum &c. in Scribas assumeret, & non alium quempiam. Respondeo. Quæstiunculæ istæ nugacium libertinorum levitatem sapiunt, nec difficilem solutionem habent. Dico igitur pro Scripturâ divinâ, Deum litteras Scribere voluisse, non necessitate Scribendi, sed quia ipsi ita visum est: Cur autem ita visum fuerit, nihil necesse est reddere rationem libertinis. Hujus tamen consilij divini triplex ratio nobis occurrat. Prima, quia si Deus immediatè unicuique hominum loqueretur, longè majus esset periculum erroris, unus quisque enim mentiri posset locutionem Dei, & impunè fingere Deum dixisse sibi quidquid liberet. Secunda est, quia majestatis, est, communicare se paucis immediatè; quem morem servant & ipsi terreni principes, qui paucis admodum ministris immediatè communicant mentem & voluntatem suam, cæteris verò non nisi mediatè & per ministros. Tertia, quia Deum decebat providere ne exciderent dicta sua, sed in monumentis publicis

Cur Deus
litteras
Scribere
voluerit.

Cur Secretarios & amanuenses adhibuerit.

affervarentur. Quod verò additur Deum non opus habuisse secretariis & amanuensibus, verissimum est; secretarios igitur adhibuit, non necessitate, sed voluntate. Hujus autem voluntatis divinæ triplicem causam invenio. 1°. Ut certis quibusdam hominibus eo munere gratificaretur. 2°. Ut ipse rex Regum, & Dominus dominantium conformaret se aliis Regibus, qui Secretarios adhibent. 3°. Ut nobiscum humanius ageret, & cum hominibus per homines loqueretur. Quod demùm quærent libertini, cur Deus certos quosdam homines præ aliis assumpserit in Secretarios, Dei solius arbitrium fuit. An Deo non licuit, quod terrenis principibus licet, penes quos est ministrorum & Secretariorum delectus; fortè etiam Sanctissimorum virorum meritis datum est, ut in Secretarios Dei assumerentur. Et verò, quis sanus non videat, Mosis, aut Davidis linguam in instrumentum & calamum Dei Scribentis decentius assumi, quàm Copini, aut Quintini, aut Libertini alterius linguam.

ARTICULUS II.

Determinatur Scriptura verè divina.

Scriptura triplex distinguitur.

Incognita.

PRæmitto. Scriptura verè divina, respectu ad nos habito, triplex distingui potest. Prima, est Scriptura Incognita. Secunda, Scriptura Apocrypha. Tertia, Scriptura Canonica. Scripturam incognitam appello, quæ cum fortè divinam originem habeat, omnino nescitur habere: nam si Christus, æternum & increatum ver-

būm Patris, latere potuit, ita ut dicat Joannes Evangelista. *Mundus eum non cognovit*, & Judæis exprobrat Joannes Baptista, *medius ve-* *Cap. 1. Ibidem.*
strum stetit, quem vos nescitis, quid ni possit Scriptura aliqua verè divina omninò latere, & jacere humilis inter vulgares Scripturas. Quod si qua sit ejusmodi, quantumvis divina sit, auctoritatem non habet; donec ejus divina origo reveletur; nam quòd divina sit, non satis est ad faciendam fidem, nisi cognoscatur divinam esse. Scriptura apocrypha dicitur, quæ Apocry-
 phæ. habet quidem argumenta aliqua divinæ originis, sed ea dubia, & incerta; quare nec summe auctoritatis est, nec fidem nostram fundare valet, donec de illius divinitate certò constiterit. Scriptura Canonica, est Scriptura certò Canonica.
 divina, appellatur autem Canonica duplicem ob causam. 1°. Quia cum divina sit, & divinitatis suæ infallibile testimonium habeat, esse debet norma & regula, *quâ imperitia nostra regatur infirmitas*, ut loquitur Augustinus. 2°. Quia in Canone Ecclesiæ veram Scripturam determinante continetur. Quanam sit Scriptura illa Canonica, seu certò divina, determinabimus, de Scripturâ incognitâ, & apocryphâ non adeò solliciti.

Thesis unica. Scriptura Canonica, seu certò divina, est Scriptura Prophetica, & Apostolica, prout illam definit index Concilij Tridentini. Explicatur, & probatur. Scriptura Prophetica est Scriptura veteris Testamenti. Prophetica dicitur, quòd à Prophetis ante Christi adventum Scripta sit. Ad illam pertinent quinque libri Moysi, id est, Genesis, Exodus, Le-

Determinatur Scriptura Canonica.

Seff. 4. decreti de Canon. Script.

viticus, Numeri, Deuteronomium, Josue, Judicum, Ruth, quatuor Regum, duo Paralipomenon, Esdræ primus & secundus, qui dicitur Nehemias, Tobias, Judith, Esther, Job, Psalterium Davidicum, centum quinquaginta Psalmorum, Parabolæ, Ecclesiastes, Canticum Canticorum, Sapientia, Ecclesiasticus, Isaïas, Jeremias cum Baruch, Ezechiel, Daniel, duodecim Prophetæ minores, id est, Osea, Joël, Amos, Abdias, Jonas, Michæas, Nahum, Habacuc, Sophonias, Aggæus, Zacharias, Malachias, duo Machabæorum libri, primus & secundus. Scriptura verò Apostolica, est Scriptura novi Testamenti: Apostolica dicitur, quod à Christi Apostolis Scripta sit. Ad illam pertinent quatuor Evangelia secundum Mathæum, Marcum, Lucam, & Joannem; Actus Apostolorum à Lucâ Evangelistâ conscripti: quatuordecim Epistolæ Pauli Apostoli ad Romanos, duæ ad Corinthios, ad Galatas, ad Ephesios, ad Philipenses, ad Collossenses, duæ ad Thessalonicenses, duæ ad Timotheum, ad Titum, ad Philemonem, ad Hebræos; Petri Apostoli duæ; Joannis Apostoli tres; Jacobi Apostoli una; Judæ Apostoli una, & Apocalypsis Joannis Apostoli. Hic est Scripturæ Canonice index, quem Concilium Tridentinum definitionibus suis præmittere voluit: habetur autem sessione 4. in Decreto de Canonicis Scripturis. Jam verò omnem illam Scripturam Prophetica & Apostolicam, prout designatur à Concilio, Canonicam esse, & certò divinam, probandum nobis est contra hæreticos, qui Scripturas quoddam non recipiunt, aut si quas recipiunt *ad-*

jectionibus & detractionibus ad dispositionem instituti sui, ut ait Tertullianus, *intervertunt*. In toto autem isto negotio quadruplici viâ progrediemur: nam quâ ferè viâ haberi potest Epistolam aliquam esse verè Regiam, eâdem omninò haberi potest Scripturam aliquam esse verè divinam: Atqui quadruplex est via, quâ haberi potest Epistolam aliquam esse verè Regiam. Prima, si talem esse consentiant ij, qui manum Regis benè norunt. Secunda, si Epistola stylum Regis habeat, & Regium Scribendi modum. Tertia, si præferat eadem sigillum Regium. Quarta, si Rex ipse manum suam agnoscat, & Scriptam à se Epistolam fateatur. Quadruplici ergò viâ habere possumus Scripturam aliquam esse verè divinam, consensione scilicet eorum, qui Dei manum benè norunt, stylo divino, divino sigillo, ipsiusque Dei testimonio. Tentemus vias singulas, an Scripturæ Propheticae & Apostolicae satis faveant.

Prima quidè omninò videtur favere: nam Scriptura illa tenenda est pro certò divina, quam agnoscunt esse divinam quotquot manum, characterem, stylum & sigillum Dei benè norunt: Atqui quotquot manum, characterem, stylum, & sigillum Dei benè norunt, Scripturam Propheticam & Apostolicam agnoscunt divinam esse. Major est evidens, minor autem probatur, quia manum, characterem, stylum & sigillum Dei optimè omnium nosse præsumendi sunt illi, in quibus eminet præcipua intelligentia rerum divinarum, cum amicitia & familiaritate Dei; sed illi in quibus præcipuè eminet intelligentia rerum divinarum

Lib. do
prescript.

Eaque demonstratur esse Prophetica & Apostolica prout definitur in indice Concilij Tridentini.

Quadruplex demonstrandi via.

Prima Eorum qui Dei manum benè norunt consensio.

cum amicitia & familiaritate Dei , Scripturam Propheticam & Apostolicam agnoscunt divinam esse ; cujusmodi sunt Ecclesiae Patres & Doctores , alijque Sancti viri , meditatione rerum divinarum , & amicitia Dei insignes. Confirmatur, 1°. In cognoscenda manu Regis , amicis & familiaribus plus creditur , quam extraneis & inimicis ; ergo in cognoscenda manu , & Scriptura Dei , plus credendum est viris Sanctis , rerum divinarum contemplatoribus perpetuis , iisdemque amicis familiaribus & quasi domesticis Dei , quam libertinis , aliisque hominibus Deo extraneis & inimicis. Confirmatur. 2°. Ex communi hominum sensu , credibile est esse aliquam Scripturam divinam , non minus quam esse aliquos Platonis , aut Aristotelis Libros : ergo credibile est Scripturam Propheticam , & Apostolicam divinam esse , quia ille hominum consensus non in aliam Scripturam cadit , quam in Propheticam & Apostolicam ; quemadmodum credibile est certos quosdam libros esse Aristotelis aut Platonis , quia ita fert Doctorum hominum consensus.

Secunda.
stylus seu
modus
Scribendi
divinus.

Altera via non minus fayer. Siquidem Scriptura illa haberi debet pro divina , quae praefert ubique stylum Dei , seu modum Scribendi plane divinum ; nam liber alicujus authoris stylo suo se prodit , quia scilicet stylus est animi index , & pictura quaedam Scribentis : Atqui Scriptura Prophetica & Apostolica praefert ubique stylum , seu modum Scribendi plane divinum. Nam quid est stylus Dei , nisi modus Scribendi Deo dignus , & Dei maxime proprius , quinque praesertim dotibus constans ;

veritate, Sanctitate, profunditate, concordia rerum varietate, & prælagâ futuri divinitate. Scriptura autem Prophetica & Apostolica stylum habet quinque illis dotibus insignem. Veritate insignis est; nam quis, vel unum illius apicem convincat falsitatis? Quis eam in rebus præsentibus aut præteritis falsum dixisse suspiceretur, quæ in prædicandis rebus futuris, in quibus errare longè facilius est, veritatem tenuit, ut toties probavit eventus? Quis fucum aut fallaciam timeat, in stylo illo simplici, quo Scripta est, idque, ut observant Patres, ad studium veritatis demonstrandum, est enim veritatis amica simplicitas. Sanctitatem habet in præceptis, sive jubeat id quod bonum est, sive, id quod malum est, prohibeat; in consiliis quibus promovere conatur ad virtutem heroicam, in promissionibus quibus ad bonè vivendum allicit, in minis quibus à peccando deterret. Altam profunditatem habet, sive quatenus aperit profunda Dei, & alta quædam mysteria, quæ humani ingenii aciem fugiunt; sive quatenus fovet altos reconditosque sensus, & plus dicit, quàm statim dicere videatur: quod admirans Augustinus *mira*, inquit, *profunditas eloquiorum tuorum, quorum ecce ante nos superficies blandiens parvulis, sed mira profunditas, Deus meus, mira profunditas, horror est intendere in eam, horror honoris, & tremor amoris.* Concordem habet rerum varietatem, sive spectetur totus Scripturæ finis, qui Christus est, sive Scriptorum, qui diversis locis, temporibus, linguis, & circumstantiis Sacros Libros scripserunt concordiam tantâ; ut non tam

Lib. 12.
Confessio-
num c. 14.

Scriptores diversi, quàm unius Scriptoris diversi calami fuisse videantur, de quibus Augustinus lib. 18. de civitate cap. 41. Sapienter notat, paucos quidè illos esse debuisse, ne multitudine vilesceret, quod clarum Religione esse oporteret; nec tamen ita paucos esse, ut eorum non sit miranda consensio; *neque enim, inquit, in multitudine Philosophorum, qui labore etiam litterario monumenta suorum dogmatum reliquerunt, facile quis invenerit, inter quos, cuncta qua sensere, convenient.* Denique Scriptura Prophetica & Apostolica insignis est certâ prædictione rerum futurarum; innumera enim prædixerunt Prophetæ & Apostoli, quæ, uti prædicta sunt, evenerunt. Quale est hoc ipsum, fore ut in omnibus gentibus Scriptura divinam fidem obtineret, quàm reipsâ obtinuit. Scriptura igitur Prophetica & Apostolica stylo suo se prodit esse divinam.

Tertia. Divini sigilli authoritas.

Tertia quæ via sigilli est, nobis hîc non deest. Scripturæ enim Propheticæ & Apostolicæ appositum est sigillum divinum, nec semel tantum, aut leviter, sed repetitis quasi sigillationibus altè impressum. Innumera enim miracula facta fuere ad confirmandam Scripturæ Propheticæ & Apostolicæ divinitatem. Ac 1°. quidem Prophetis & Apostolis solemne fuit, cum aliquid nomine Dei dicerent, vel Scriberent, probare miraculis legationem suam. 2°. Scripturæ Propheticæ & Apostolicæ dogmata, prout res & necessitas tulit, singula miraculis confirmata sunt uti divina. 3°. In persecutione, præsertim Diocletiani, cum à Christianis tormentorum vi extorquerentur Sacri codices ad ignem,

Deus servare studuit Scripturam suam insignibus miraculis , ut videre est in historiâ Ecclesiasticâ. 4°. Vel miraculis inducti sunt homines , ut Scripturam Propheticam & Apostolicam crederent esse divinam , vel divinam esse sine miraculis crediderunt ? Si primum, Scripturam habemus miraculis confirmatam , & sigillo Dei munitam. Si secundum, quale est illud & quantum miraculum , universum orbem Scripturæ Propheticæ & Apostolicæ , sine miraculis credidisse.

Quarta via testimonii divini demonstrationem absoluit. Nam Scriptura illa certo divina est quam Deus ipse agnovit pro suâ : Atqui Deus ipse Scripturam Propheticam & Apostolicam agnovit pro suâ , idque multipliciter. 1°. Enim una Scripturæ pars alteri suffragatur : nam Scriptura Apostolica suffragatur Scripturæ Propheticæ , citando illam , & passim laudando , uti divinam ; Scriptura verò Prophetica suffragatur Apostolicæ , promittendo illam , ut verum testamentum Dei , priore testamento longè excellentius. 2°. Christus ipse , per quem Deus locutus est , ut nunc supponimus , & inferius demonstrabimus , ore suo divino Scripturam veteris testamenti laudavit , nec dubium est , quin Apostolis designaverit omnes libros divinos , clarè distinguens à non divinis , res enim erat infiniti momenti ; ab Apostolis autem illa Christi designatio & distinctio Ecclesiæ tradita , & fideliter custodita , in hunc usquè diem perseverat. 3°. De libris , qui post discessum Christi Scripti sunt , potuit Deus testari suos esse multis modis ; nam potuit Apostolo cuiquam

Quarta:
Testimonium divinum.

dicere, ut partēs ageret *Scribæ*, & Dei dictata exciperet; quo modo dictum est Joanni Apocalypsis 21. *Scribe, quia verba hæc fidelissima sunt & vera.* Potuit Deus recognoscens Epistolas Pauli confirmare illas, & testificari verum esse quidquid in iis continetur. Potuit Deus collectionem dictorum & factorum Christi à Mathæo aliove Evangelista Scriptam approbare, & dicere, *mea omnino sunt quæ collegisti*: illa autem privata Dei revelatio potuit communicari populo, & per miracula fieri credibilis; nec dubito quin ita factum sit. Nam Hæreticus esset, qui, vel unam Pauli Epistolam negaret Divinam esse; non est autem Hæreticus, nisi qui contradicit propositioni à Deo revelatæ: Ergò revelatum est, Pauli Epistolas Divinas esse. 4°. Potuit Christus dicere Apostolis generatim Libros illos omnes Divinos esse, quos Ecclesia Sponsa sua definiret esse Divinos; se enim non permissurum unquam, ut in re tanti momenti Ecclesia erret: quo posito, cum Ecclesia Librum aliquem definit esse Divinum, Christus ipse dixit, aut jam dicit, saltem virtualiter, Librum Divinum esse: Atqui Ecclesia Scripturam Prophetica, & Apostolicam definit Divinam esse: Ergò Christus ipse, vel dixit, vel jam dicit esse Divinam.

Objicies 1°. Non omnes consensere olim, sed neque hodiè consentiunt Scripturam Prophetica esse Divinam. Nam 1°. Marcionitæ & Manichæi vetus testamentum generatim respuebant, quod à malo Spiritu Scriptum esse dicerent. 2°. Prophetas omnes rejicere vide-

↑ batur Theodorus Mopsuestenus, contendens
eos de Christo nihil fuisse locutos. 3°. Nico-
lita & Gnostici Psalmos Davidis, ut huma-
nas quasdam cantilenas aspernabantur : Gnosti-
corum sententiæ favere visus est Paulus Sa-
mosatenus, Psalmos Davidis cantari in Ecclesiâ
non permittens. 4°. Hebræi Librum Job de
numero Divinorum excludunt, imò ipsum
Job de numero hominum. Hebræis favere vi-
sus est Lutherus Librum Job veluti fabulæ ar-
gementum habens. 5°. Alij Librum Salomo-
nis, qui inscribitur Ecclesiastes, repudiant
quasi Scriptus sit à Salomone jam corrupto
per mulieres, digniorque videatur Epicureo
quodam Doctore libidinis, quàm Deo. 6°.
Sunt, qui Canticum canticorum numerent in-
ter prophanos & amatorios Libros, & in eo
contineri nihil velint, nisi amores Salomo-
nis, & uxoris ejus Filiæ Pharaonis. Respon-
deo. Quòd ab Hæreticis aliisque nefariis &
prophanis hominibus, Scriptura Prophetica
tàm indignè tractetur, nihil nos movet; tùm
quia satis evidens est, ejusmodi homines non
esse legitimos Scripturæ judices, in magnâ
enim ista controversiâ, an, & quæ Scriptura
Divina sit, patet ex terminis, plùs credendum
esse amicis familiaribus & domesticis Dei,
quàm extraneis & inimicis; tùm quia Scri-
ptura Divina, est veluti Testamentum Dei in
sinu Ecclesiæ depositum; undè in quæstione,
an, & quæ Scriptura Divina sit, Ecclesiam
depositi custodem audire oportet, non eos,
qui foris sunt, & extra Ecclesiam positi; tùm
denique quia istiusmodi homines eam ferè

Vindictæ
Divinitas
Scripturæ
Propheti-
cæ

Cur aliqua
illius pars
ab Hære-
ticis repro-
bata.

Scripturæ partem repudiant, quâ se damnari vident; falsariis illis similes, qui adversa sibi instrumenta, præsertim ea, quæ sunt decretoria litis, suppressere student, aut falsitatis impugnare. Atque hæc generatim contra omnes Hæreticorum blasphemias sufficerent: Dico tamen ulterius. Ad Primum. Cur Manichæis vetus testamentum non placeret, causa in promptu est, nimirum stulta ipsorum hæresis de duobus rerum principiis, Divino illo instrumento evertebatur; sed veteris testamenti Autoritas integra superest, extinctis penitus Manichæis. Ad Secundum. Theodorus Mopuestiæ Episcopus non rejecit quidem Prophetas, sed eos negavit quidquam de Christo fuisse locutos, in quo aperte contradixit testimonio Petri de Christo profitentis Actorum 10. *Huic omnes Prophetæ testimonium perhibent.* Contradixit & testimonio ipsius Christi Lucæ cap. ult. *Neceffe est impleri omnia quæ Scripta sunt in lege Moïsis, Prophetis, & Psalmis de me.* Ad Tertium. Nicolaitis & Gnosticis impurissimis Hæreticis minùs credendum est, quàm Apostolis omnibus, consentientibus unâ voce Actorum 4. *Tu Domine, qui Spiritu Sancto per os Patris nostri David pueri tui dixisti, quare fremuerunt gentes* Psalmo 2. Paulus Samosatenus non Davidis Psalmos, ut dicere videtur Eusebius, tanquàm recens inventos, sed Ecclesiasticos Hymnos in Christi laudem cani solitos ab Ecclesiâ rejecit, substituens, ut aiunt, eorum loco laudes suas, & se cani in Ecclesiâ permittens homo vanissimus. Ad Quartum. Contra Hebræos stat illud Ezechielis 6,

14. Si fuerint in medio tres viri Noë, Daniel, & Job ipsi iustitiâ suâ liberabunt animas suas; Quare Historia Job Fabula non est, ipseque Job fuit homo verè Sanctus, & Justus; quod fortè si Lutherus non satis vidit, parùm curamus, quid homini plerumquè ebrio visum sit. Ad Quintum. Liber Ecclesiastæ habet præcepta morum severissima, quæ nihil redolent Epicurum, tale est illud cap. 7. *Melius est ira in domum luctûs, quàm in domum convivij*; quod si interdum cibi ac potûs delectationem commendat, id facit ad taxandam sordidorum hominum avaritiam; vel non ex personâ suâ, sed ex vulgi sensu, voluptuarios homines in scenam producens. Quo autem tempore scripserit Salomon dubitatur; puto tamen cum Augustino scripsisse ante amores & lasciviam suam; cujus rei argumentum est, quod Salomon delicias omnes suas ibi enumerans, nihil meminerit fœminarum: sed quis credat, sobrium fuisse Lutherum cum diceret in convivialibus sermonibus suis *Authorem Ecclesiastes videri sibi ocreis & calcaribus destitutum, equitare tantum in soccis, quemadmodum ipse solet cum esset in cenobio*; Quid velit his verbis, non intelligo, & dubito, an ipse intelligeret. Ad Sextum. Dico canticum canticorum esse quidem canticum amatorium, continet enim Divinos amores Christi & Ecclesiæ Sponsæ suæ, sed non prophanos amores Salomonis, & uxoris ejus Filiæ Pharaonis, ut malè suspicantur prophani homines, quam suspicionem ut longè amoveret Spiritus Sanctus, attribuit Sponsæ suæ, quæ in filiam

Cap. i.

Cap. 67.

Cap. 6.

Defenditur
pariter à
calumniis
Hæretico-
rum Divi-
nitas Scri-
pturæ Apo-
stolicæ.

Pharaonis minimè cadunt, & mulierem non formosam facerent sed informem. Nam quæ forma illius mulieris, quæ tota nigra sit, *Sicut Tabernaculum Cedar*, cui caput vastum sit, ut *Carmelus*, nasus, ut *turris*, oculi, ut *Piscina*, *Dentes*, ut *greges ovium detonsarum*.

Objicies 2. Scripturæ Apostolicæ Divinitatem multi negarunt. Nam Faustus Manichæus Evangeliorum Libros omnes Scripsit non esse Evangelistarum, sed quorundam impostorum. Julianus verò Apostata ab Apostolis scripta fuisse Evangelia non negavit, sed Apostolorum fidem suspectam habuit, quasi Magistro suo plùs studentium, quàm veritati. Delectum Evangelistarum fecerunt antiquiores Hæretici, ità ut alios reciperent, alios rejicerent; nam Marcioni placebat Sanctus Lucas, unum Joannem habebat in pretio Valentinus, Marcum Cerinthus laudabat, Paulum ferre non poterant Ebionitæ, Græcum & Apostatam appellantes. Respondeo. Jam dixi, Hæreticos non esse idoneos Scripturæ cognitores, aut judices; quare cum de Scripturâ Judicant, non magis credendi sunt, quàm cæci de coloribus judicantes. Faustum Manichæum refutat Augustinus, tùm argumento ad hominem; nam & ipsi Manichæi ex Evangelio confirmabant errores suos, ineptè ergò producebant in testimonium, quos autè dicebant falsos testes; tùm traditione, & succedentium temporum constitutione perpetuâ, quo modo Platonis, aut Aristotelis Libros habemus ipsorum esse, ità ut, si quis neget, non refelli soleat, sed rideri. Nec minus solidè Julianum

num Apostatam refutat idem Augustinus. *Nam si*, inquit, *de Pythagorâ & Socrate, Discipulis eorum Scribentibus, quidni pariter Apostolis credemus.* Deindè, si Magistri sui laudem unicè quærebant Apostoli, non veritatem; certè ignominiam Crucis tegere silentio, non uti fecerunt, fusè prosequi oportebat, Resurrectionem & Ascensionem ejus vix commemorantes. Arbitrarius autèm & fastidiosus ille Hæreticorum delectus nihil mirum habet, unusquisque ingenio suo serviebat & defensionem erroris sui; sed Scripturæ Apostolicæ Divinitatem non magis infringit iste perditorum hominum conatus, quàm rebellium subditorum conspiratio Regis Edicti Authoritatem adimat.

Objicies 3^o. In novo indice Concilii Tridentini multi sunt libri, quos non Hæretici tantum, sed ipsi etiàm Catholici, & magni Ecclesiæ Patres ac Doctores extra Canonem posuerunt: Ergò Scriptura Prophetica & Apostolica, prout in indice Concilii Tridentini definitur, non est Canonica, & certò Divina. Antecedens est certum; nam de Libris veteris Testamenti olim extra Canonem erant, Esther, Baruch, Danielis pars, Tobias, Judith, Sapientia, Ecclesiasticus, Machabæorum primus & secundus. De Libris autèm Novi Testamenti, non erant in Canone, Marci, Lucæ & Joannis pars aliqua, Epistola ad Hebræos, Epistola Jacobi, posterior Epistola Petri, 1^o. Joannis particula, 2^a. & 3^a. Joannis, Epistola Judæ, Apocalypsis. Consequentia verò probatur: quia, si libri illi antè Divini non erant, non apparet, quâ novâ Metamorphosi

Explicatur
quomodo
libri aliquot
Canonici jam
sint, qui
antè Canonici non
erant.

Divinitatem induerint. Respondeo. Nego Consequentiam. Fateor in nostro indice esse aliquos Libros, qui olim Canonici non erant : nam duplex est Librorum Canonicorum genus, alii sunt Protocanonici, alii Deuterocanonici. Protocanonici dicuntur, quorum Divinitas ita semper fuit certa publico Ecclesiæ judicio, ut nulla de illis inter Catholicos controversia fuerit. Deuterocanonici appellantur, quorum Divinitas nunc quidem inter Catholicos certa & explorata est, ita tamen, ut de illis olim fuerit aliqua dubitatio. Sed utrique nunc certò Divini sunt, & æqualem Auctoritatem habent : nam quòd additur librum, qui divinus aliquandò non fuit, fieri non posse Divinum, omninò vanum est ; Libri enim illi Divini quicquid erant in se, sed quoad nos certò Divini non erant, quia illorum Divinitas certò nobis non apparebat ; nihil enim vetat, id quod uno tempore dubium & obscurum fuit, progressu temporis clarum & certum fieri. Addo, librum qui Divinus in se non fuit, fieri posse Divinum, quia potest Deus de novo testari librum aliquem nihil habere quod verum non sit, & omnia illius dicta adoptare pro suis, quo Dei testimonio liber adoptaretur in Divinum, & Divinitatem indueret. Pro singulis libris Deuterocanoniciis, nolim hîc ego Apologiam facere, res enim longior esset, nec præsentis est instituti ; videri possunt Controversistæ & Scripturæ interpretes, nobis sufficiet monere generatim. 1°. Nullum esse ex his libris, qui primis etià temporibus, magnam apud Ecclesiæ Patres & Do-

stores auctoritatem non habuerit. 2°. Progressu temporis obtinuisse auctoritatem majorem, novis ac novis motivis quotidie accedentibus. 3°. Ex definitione Ecclesiæ summam tandem auctoritatem accepisse, Ecclesiâ Divinitatem non conferente quidem, sed Divinitatem manifestante, & certam faciente. 4°. Calumniari tamen impudentissimè Kemnitium cum ait, *Ecclesiam sine ullis Veterum testimoniis facere prout lubet librum Canonicum de non Canonico; ita ut, si Papa vellet, Scriptura non plus esset habitura Authoritatis, quam Æsopi Fabula.* Hæreticorum est impudens illa & arbitraria Metamorphosis, non Ecclesiæ. Cùm enim duplex sit via indagandi libros Canonicos, una Apostoli, aut Prophetæ cujuscpiam testimonium, quæ via communiter præsto non est altera, via Inquisitionis, & examinis; hanc Ecclesia non negligit, in discrimine librorum faciendo tria præsertim attendens. 1°. Testimonia veterum, & eorum imprimis, qui Apostolicis temporibus propiores sunt. 2°. Libri de quo dubitatur cum alio minimè dubio similitudinem. 3°. Sensum & quasi gustum populi Christiani; eaque prudens Ecclesiæ Inquisitio semper vitat errorem, ex speciali providentiâ Dei assistentis, totamque Inquisitionem dirigentis.

Objicies 4°. Multi sunt Libri, qui, & à magnis Ecclesiæ Patribus habiti sunt pro Divinis, & magnam apud fideles venerationem habent, neque tamen positi sunt in indice Concilii Tridentini; Ergò Concilium Tridentinum malè determinavit Scripturam Canonice. Respondeo. Multos esse Libros Apocryphos.

Quam Auctoritatem habeant Libri Apocryphi.

phos, seu dubiè Divinos, cujusmodi ferè sunt, quos recenset Gelasius distinctione 15. Can. *Sancta Romana*. Innocentius primus Epistola 3. Athanasius in Synopsi, & Eusebius lib. 3. Historiæ suæ cap. 25. De quibus tamen omnibus paucos habemus superstites, Librum scilicet Hermetis, qui inscribitur Pastor, Appendicem Libri Job, Orationem Manassæ, tertium & quartum Librum Esdræ, Machabæorum itè tertium & quartum, Psalmum 141. & ii quidè Libri, interdum à Patribus citati, & in privatis Ecclesiis recepti reperiuntur, neque tamen in Canone positi; quia licèt quædam argumenta habeant suæ Divinitatis, sufficientia tamen non habent, quare non sunt Libri certò Divini. Sed de Libris Apocryphis hæc obiter observa. 1°. Non repugnare, quominus liber, qui nunc Apocryphus est, fiat aliquando Canonicus, & certò Divinus, patet in libris Deuterocanonicis; nam ii libri olim in Canone non erant, nunc tamen Canonici sunt, & certò Divini. Ratio ulterior est, quia non repugnat successu temporis alicui libro dubiè Divino accedere nova & certa Divinitatis suæ argumenta. 2°. Ex eo quod liber Apocryphus sit, non sequitur falsa esse quæcumque in eo habentur; contra verò fieri potest, ut liber Apocryphus nihil habeat falsi. Quod satis colligi potest ex priori observatione. Nam si liber Apocryphus fieri possit Canonicus, & certò Divinus, manifestum est fieri etià posse, ut liber Apocryphus nihil habeat falsi; nam liber falsum aliquid habens nequit esse Divinus. 3°. Nihil

repugnat quominus liber Apocryphus habeat aliquid certò revelatum à Deo, quale habet liber Enoch inter Apocryphos rejectus, ex quo tamen Judas Apostolus in suâ Canonicâ Vaticinium excerpfit. Ratio est, quia ut liber aliquis sit simpliciter Canonicus, nihil habere debet, quod non sit certò Divinum; ut autem dicatur totus & simpliciter Apocryphus, satis est, si aliqua sui parte summâ illâ Authoritate deficiat. 4°. Libro Apocrypho inest authoritas sua, eaque major, vel minor, quò plura, vel pauciora habet argumenta Divinæ originis. Eò pertinet illa Regula Augustini de Doctrinâ Christianâ. *Tenebit igitur hunc modum in Scripturis, ut eas quæ accipiuntur ab omnibus Ecclesiis Catholicis, præponat eis, quas quadam non accipiunt; in eis quæ non accipiuntur ab omnibus, præponat eas, quas plures gravioresque accipiunt, eis quas paucioris minorisque authoritatis Ecclesia tenent: si autem alias invenerit à pluribus, alias à gravioribus teneri, quamvis hoc facile invenire non possit, equalis tamen authoritatis eas habendas puto.* Ità Augustinus. Libro 2.

Objicies 5°. Scriptura Prophetica & Apostolica non videtur habere stylum Dei, neque enim sui similis est, aut satis constans, sed stylum habet, nunc humilem, nunc sublimem, nunc inflatum, nunc tenuem, nunc Pastorium, nunc Regium; quæ styli diversitas arguit totam Scripturam ab uno eodemque Deo non esse. Respondeo. Nego Antecedens. Ad probationem autem dico, alium esse stylum humanum, & alium Divinum. Stylus quidem

Styli diversitas in Scripturâ undè petatur.

Psal. 11.

Psal. 18.

humanus positus est in quodam delectu ; & certâ dispositione verborum ; sed stylus Divinus consistit præsertim in perpetuo tenore veritatis, & Sanctitatis, secundum illud Prophetæ, *Eloquia Domini eloquia casta &c. Lex Domini Immaculata convertens animas, testimonium Domini fidele, sapientiam præstans parvulis.* Hic est stylus Dei in totâ Scripturâ Propheticâ & Apostolicâ uniformis & constans. Nam diversitas illa elocutionis arguit solum diversitatem Scribarum, quos ad scribendum Deus adhibuit ; sed nullatenus probat totam Scripturam à Deo non esse, ut patet in exemplo Regiarum Litterarum. Nam Litteræ omnes, quæ ab uno eodemque Rege veniunt, non habent unam eandemque elocutionem, sed diversam, pro diversitate Secretariorum.

ARTICULUS III.

Definitur Scriptura Divina Textus Authenticus.

Scripturam Autographam non habemus, sed Apographum.

Ejusdemque versiones innumeras.

PRæmitto 1°. Non habere nos Autographam Scripturarum, sed exemplaria tantum ; Scripturæ enim per innumeras transcriptiones ad nos usquè pervenerunt, in quibus transcriptionibus difficillimum fuit, sive ex negligentia, sive ex ignorantia, sive ex malitia hominum, non alterari aliquo modo Scripturam Divinam. Sed neque totum in transcriptionibus periculum, longè majus fuit in variis Scripturæ versionibus ; Scriptura enim de lingua originali in alias linguas versa est.

idque diversitate tantâ, ut sub unâ eâdemque linguâ multiformiter appareat.

Pramitto 2°. Omnes tamen Scripturæ editiones ad quatuor veluti capita revocari possunt, ad Hebraicam, ad Græcam, ad Latinam, & ad Vulgatem, seu vernaculam. Editio Hebraïca dicitur, quæ Litteris Hebraïcis scripta est, continetque præsertim vetus testamentum: sub Hebraïcâ editione comprehendo, tùm paraphrases Chaldaïcas, tùm editiones Syriacas, seu scriptas linguâ Syriacâ, quæ tertia quædam lingua est, mixta ex Hebræâ & Chaldaïcâ, Judæis post Babylonicam Captivitatem, materna & vulgaris. Arbitrantur Syrii totum Novum Testamentum translatum fuisse ex Græco idiomate in Syriacum à Sancto Marco Evangelistâ; sed hujus translationis antiqui Patres non meminerunt. Longè certius est Evangelium Mathæi linguâ Syriacâ scriptum fuisse, itèmq; Epistolam Pauli ad Hebræos: nec quidquam obstat, quod hi Libri Hebraïcè Scripti dicantur, accipitur enim lingua Hebraïca pro eâ, quæ Apostolorum temporibus vulgaris erat apud Hebræos, talis autem erat lingua Syriaca. Græca editio dicitur, quæ Græcis Litteris scripta est, hujusmodi autem novem ferè numerantur. Prima & omnium præcipua est editio quam appellant, Septuaginta, facta sub Ptolomæo Philadelpho, annis ferè antè Christum ducentis quinquaginta; quando scilicet septuaginta duo viri Hebræi, seni ex quâlibet tribu, utriusque linguae peritissimi, spatio dierum septuaginta duorum, Divinam Scripturam ex Hebræo in Græcum transtulerunt consensione mirabili apud

Omnes tamen ad quatuor capita revocari possunt. ad Hebraicam.

Ad Græcam.

Ad Lati-
nam.

Phanum Ægypti. Interpretationem septuaginta ita emendavit Origines, ut emendatio illius videretur nova scripturæ editio, *qua statim replevit omnes Bibliothecas*, ut scribit Hieronymus, & *communis appellata est*. Editio Latina dicitur, quæ Latinè scripta est; apud Latinos autem, quamvis fuit olim magna prurigo interpretandi Scripturam, adè ut dicat Augustinus, *qui ex Hebræâ linguâ Scripturas vertunt in Græcam numerari posse, Latinos autem nullo modo*, & addat Hieronymus, *tot esse exemplaria, quot codices*, una tamen fuit communissima Itala illa, quam Augustinus dicebat præferendam esse cæteris, quia verborum tenacior est, cum perspicuitate sententiæ. Nunc autem communissima est, quæ vulgata dicitur, sive est Itala illa, quam tantoperè commendat Augustinus, sive est versio Hieronymi interpretis. Editio deniquè vulgaris dicitur, quæcumque vulgari linguâ Scripta est, seu Gallicâ, seu Hispanicâ, seu Germanicâ. Editiones verò vulgares sunt sine numero.

Ad vulga-
rem, seu
vernacu-
lam.

Scripturæ
Textus
Authenti-
cus quid
sit.
Quid re-
quiratur
ad authen-
ticitatem.

Præmitto 3^o. Textus Scripturæ Authenticus dicitur ille, qui certò fidelis est, seu Scripturæ Autographæ certò conformis, ac proinde certò Divinus. Quare ad Textum Scripturæ Authenticum duo requiruntur. Primum est, tanta illius conformitas cum Scripturâ Autographâ, ut nullum exprimat sensum, qui non sit expressus in Scripturâ Autographâ, idemque verè à Deo intentus. Alterum est, certitudo talis conformitatis, Apographum enim fidem non facit, nisi constet fideliter ex Autographo fuisse exceptum. His præmissis definire oportet,

quis sit Scripturæ Textus Authenticus : quod , quanti laboris simul & momenti sit , nemo prudens non videt : quid enim prodest Scripturam Propheticam & Apostolicam certò Divinam esse , si non determinetur Scripturæ Propheticæ & Apostolicæ Textus Authenticus , & certò Divinus.

Thesis prima. Textus Hebraïcus qualis nunc habetur , non est Authenticus. Probatur , quia nec est omninò conformis Scripturæ Autographæ , aliquos enim errores habet ; nec satis constat certâ aliquâ autoritate illum Scripturæ Autographæ conformem esse. Atqui ad Textum Authenticum requiritur , & conformitas cum Scripturâ Autographâ , & certitudo talis conformitatis. Quanta verò sit difformitas Textûs Hebraïci , & undè illa proveniat ; quæstio est , in quâ periculose erratur à multis. Quare ulterius

Textus
Hebraïcus
qualis nunc
habetur ,
non est Au-
thenticus.

Dico 1°. Editio Hebraïca Moïsis & Prophetarum nunquàm tota periit. Est contra aliquos malè putantes tempore Captivitatis Babylonice , cum urbe & Templo , simul universam Scripturam conflagasse , ac deindè restitutam ab Esdrâ , quem totis quadraginta diebus , Spiritu Sancto afflatum , dictasse aiunt quinque viris , summâ celeritate eandem quæ exciderat Scripturam reparantibus. Sed hoc totum excerptum est ex Libro quarto Esdræ Apocrypho , nec satis credibile apparet : demus enim fieri posse , ut periret ea Scriptura , quæ in Templo publicè servabatur , quis tamen credat nulla superfuisse exemplaria , aut partes eorum apud privatos homines , qui in lege Domini meditabantur die ac nocte. Meministis

Editio He-
braïca Mo-
sis & Pro-
phetarum
nec tota
unquam
periit.

quidem Hieronymus novas Litteras Hebraicas ab Esdra inventas fuisse, & antiquas relictas Samaritanis, at. novæ Editionis Sacrorum Librorum non meminit. Sicubi ergò dicitur à Patribus Esdras recensuisse, restaurasse, & reparasse Scripturam, eatenus id fecisse dicitur, quatenus, vel disperfas Scripturæ reliquias in unum corpus collegit, vel quæ Scribarum negligentia malè irreperant, emendavit.

Nec fuit à
Judæis omnino
corrupta.

Dico 2°. Editio Hebraica non fuit omnino à Judæis corrupta. Est contra alios, qui Hebraicam editionem ad nostra tempora superstitem ita fatentur esse, ut illam tamen à Judæis in odium Christi miserabilem in modum fuisse corruptam contendant. Sed profectò nec satis sciunt isti quid dicant. Nam. 1°. Ut benè ratio- cinatur Origenes in Isaiam, si Scripturas cor- rupterunt Judæi, vel id fecerunt antè adventum Christi, vel post adventum Christi: non antè adventum Christi, qui eo nomine nunquam reperiuntur à Christo reprehensi, cùm tamen corruptio Scripturarum gravis sit causa repre- hensionis. Neque itè post adventum Christi: nam quæro, cur testimonia, quæ Christus & Apostoli citarunt, eadem nunc extant in He- bræo: cur præcipua de Christo vaticinia Judæi reliquerunt, & alicubi expressiora nostris. 2°. Non videtur verisimile Augustino, Judæos, dùm aliis inviderent authoritatem, sibi abstu- lisse veritatem; Judæos præsertim adeo religio- sos, ut scribat Philo, ad sua usque tempora, hoc est per spatium ampliùs quàm duorum mil- lium annorum, in Hebræorum lege ne verbum quidem fuisse immutatum, & moriturum cen-

Lib. 3.

ties Judæum quemlibet, ne in lege novari aliquid pateretur. 3°. Observant Patres providentiam Dei singularem in dispersione Judæorum, ut nimirum libros Legis & Prophetarum circumferrent, nosque sic haberemus testimonium, & salutem ab inimicis nostris. Quæ observatio Patrum satis indicat Scripturam non fuisse aded corruptam à Judæis.

Dico 3°. Editio Hebraïca non est tamen fons ita purus, ut nullibi turbidus fluat. Est contra Calvinum, ut in multis aliis, in hoc etiam sibi contradicentem; nam & ipse Lectionem Hebraïcam sæpe improbat, immemor datæ approbationis: mediâ igitur viâ gradiendum est, dicendumque editionem Hebraïcam, nec ita depravatam fuisse à Judæis, ut ferè sui similis non sit, nec ita puram remansisse, nullum ut errorem admiserit; habet enim suos quosdam errores, qui partim irrepsērunt negligentia & ignorantia Librariorum, ex litterarum similitudine facile æquivocantium, partim ignorantia Rabinorum, qui puncta malè addiderunt, & malè notarunt. Habemus ergo adhuc Hebraicam editionem moraliter & ferè integram, sed eam nec omninò conformem Scripturæ autographæ, nec publico Ecclesiæ judicio approbatam. Quare textus Hebraicus non est authenticus, tùm defectu conformitatis cum Scripturâ autographâ, tùm defectu summæ alicujus autoritatis conformitatem illius cum Scripturâ autographâ certificantis.

Objicies. Textus Hebraicus fuit olim authenticus, citatus à Christo, & ab Apostolis ut certò divinus: ergo etiam nunc authenticus est.

Non est tamen fons aded purus ut nullibi turbidus fluat.

Textus Hebraicus ita fuit olim au-

thenticus ,
ut hodie
authenticus non fit.

Respondeo, Nego consequentiam. Nam olim fuit perfectè conformis Scripturæ autographæ, & suæ illius conformitatis testimonium habuit infallibile à Synagogâ, seu Ecclesiâ Judæorum. At verò nunc utroque deficit, & conformitate, & certitudine conformitatis; Synagoga enim jam defecit, & quæ Synagogæ successit vera Christi Ecclesia, textum Hebraicum pro authentico non habet.

Nullus
textus
Græcus,
qualem
nunc habemus, est
authenticus.

Thesis secunda. Nullus textus Græcus, qualem nunc habemus, authenticus est. Probatur, si quis esset Græcus textus authenticus, maximè textus Editionis Septuaginta, quæ fuit omnium editionum Græcarum fidelissima & usitatissima; textus autem Editionis Septuaginta, qualem nunc habemus, non est authenticus. 1°. Quia multa habet apertè falsa, & in multis ab Hebræo discrepat etiam in his, in quibus vulgata nostra cum Hebræo congruit: Atqui, si Philoni credimus, ita olim uterque textus congruebat, Hebraicus cum Græco, ut quisquis utrumque compararet, miraretur germanitatem, & rerum verborumque consonantiam adoraret: ergo textus ille Græcus, qualis nunc habetur, non est conformis Scripturæ autographæ. 2°. Sicubi conformis est, non tamen certò constat illum conformem esse; ergo textui Græco editionis septuaginta deest, non solùm conformitas cum Scripturâ autographâ, sed etiam certitudo conformitatis, quæ tamen duo ad textum authenticum necessaria sunt. Quod de editione septuaginta dictum est, transferri potest ad Græcam editionem novi testamenti; nam ea quidem Apostolorum & Evangelistarum est, &

utinam ad nos usque incorrupta pervenisset ; sed deficit nunc, & redundat in multis, multoque habet errores admixtos, nec satis constat illius textum originali textui esse conformem.

Objicies. Editio Septuaginta multa habet argumenta editionis authenticæ. Nam 1^o. Hæc est editio facta ab interpretibus Spiritu Sancto plenis, & aperto miraculo confirmata : narrat enim Epiphanius binos & binos interpretes cellulis fuisse inclusos, & singula ipsorum paria, iisdem omninò verbis versionem suam fecisse. Justinus verò cellulas tribuit singulis singulas, singulosque interpretes tradit, majore adhuc miraculo, ne uno quidem verbo aut apice discordasse, testaturque idem vidisse se Alexandriæ vestigia cellularum. 2^o. Hæc est ipsa editio, quâ frequenter usi sunt Apostoli. 3^o. Hæc est, quæ in Ecclesiâ summam Auctoritatem per multa sæcula obtinuit ; non apparet autem, quomodo summâ illâ auctoritate exciderit. Respondeo. Hæc argumenta probant quidem editionem septuaginta aliquandò authenticam fuisse, sed non probant esse nunc authenticam ; quia scilicet non probant talem nunc esse, qualis olim fuit, & omninò incorruptam ad nos usque pervenisse. Nam quod pertinet ad miraculosam illius originem, Dico historiæ translationis multa se fabulosa immiscuisse ; illas enim interpretum cellulas ridet apertè Hieronymus, & præfatione in Pentateucum, *nescio, inquit, quis primus Author septuaginta cellulas Alexandria mendacio suo extruxerit.* Exstructas autem fuisse ejusmodi cel-

Editio septuaginta olim quidem fuit, sed non est jam authentica.

Iulus architecto mendacio probat idem testimonio Aristæi testis oculari, qui negotio interfuit, & apertè dicit interpretes consuluisse simul singulis diebus usque ad horam nonam. Accedit quòd Josephus antiquitatum Judaicarum studiosissimus, nullam mentionem facit cellularum. Quare dicendum videtur Judæos imposuisse Justino, & ruinas quasdam ostentasse pro celulis, posteriores autem Scriptores, re non ulterius examinatâ, Justino credidisse. Non negotamen habendum esse pro miraculo, quod tam brevi tempore, tot capita in tam multis consenserint, & quasi uno ore Scripturas verterint. De Apostolis autem, quod editionem septuaginta citaverint tanquam authenticam, nihil mirum est; quia Apostolorum temporibus authentica erat. Neque item movemur quod per multa sæcula summam in Ecclesiâ auctoritatem habuerit, potuit enim summâ illa auctoritate excidere; tùm quia potuit corrumpi & depravari, ac proinde paulatim amittere suam illam cum Scripturâ autographâ conformitatem; tùm quia nunc saltem dubitare possumus, an reipsâ Scripturæ autographæ sit conformis, cum nec publico Ecclesiæ judicio, nec aliundè certò constet esse conformem.

Ecclesia
Græca nul-
lam habet
editionem
authenti-
cam, quæ
Græcè
scripta sit.

Instabis. Ecclesia Græca habet editionem Scripturæ authenticam, Ergo est aliqua editio Græca authentica. Respondeo. Ecclesia Græca nullam habet editionem authenticam, quæ Græcè scripta sit; nec mirum est apud Græcos defecisse Scripturam authenticam, apud quos fides ipsa defecit. Certè in Scripturæ integritate conservandâ Græci negligentes fuerunt, aded us

dicere possumus cum Hieronymo , *profligato à Græcis patrimonio , apud Latinos tantum incorruptam Patrum hereditatem servari*. Habent tamen etiam Græci Linguâ suâ Scripturam , quâ uti possint , sed cum aliqua cautione. Nam si textus Græcus cum Latino nostro congruit , haberi potest pro divino ; si non congruit , emendari potest ex nostro.

Thesis Tertia. Nulla editionum vulgarium , seu vulgari linguâ Scriptarum Authentica est. Probatur. Nam pleræque editiones vulgares manifestè infideles sunt , aut saltèm suspectæ ; quales sunt , quæ ex Hæreticorum Officinâ prodierunt. Quod si quæ fortè fideles sint , fidelitatis suæ testimonium infallibile non habent : Ergò editiones vulgares deficiunt , vel conformitate cum Scripturâ Autographâ , vel certitudine suæ conformitatis ; utrovis deficiant , non sunt authenticæ. Circa vulgares autèm editiones duo generatim prohibentur ut , colligere possumus ex Concilio Tridentino sessione 2. c. 8. & Can. 5. Primum est , ne in communi & publico usu Ecclesiæ legantur , aut cantantur Scripturæ vulgaribus linguis , sed Latinâ tantum , Græcâ , & Hebraicâ , quas linguas Dominus titulo suæ Crucis honoravit. Alterum est , ne passim omnibus sine discrimine concedatur Lectio Scripturarum.

Objices. Saltèm nupera Novi Testamenti versio Montensis Gallicè scripta haberi debet pro authenticâ ; nam ea , & valde elegans est , & multos fautores habet , à quibus ipsi etiam vulgatæ præponitur ; & quod gravissimum est , delicatis faminarum auribus sapit , in ipsarum

Nulla Editionum vulgarium , seu vulgari linguâ Scriptarum Authentica est.

Ne versio quidem Montensis.

conciliis, seu circulis non semel approbata; Respondeo. Nec styli elegantia, nec quicumque ardor factiosorum, nec fœminarum favor Scripturam Authenticam facit; sed conformitas illius cum Scripturâ Autographâ, & certitudo talis conformitatis. Atqui Montensis Editioni utrumque deest. Nam 1^o. Nimiùm convincitur esse infidelis in multis, Textui Græco & Hebræico tenaciùs adhærens, sepositâ vulgarâ, & ad marginem malè rejectâ; studetque insuper eos passim exprimere, sensus, qui novatorum erroribus nuper ab Ecclesiâ damnatis, favere possint. 2^o. Montensis illa editio summam auctoritatem non habet; undè enim haberet. An quia eleganter scripta est? sed nimia illa styli elegantia suspicionem facit, non satis castæ versionis; ut ferè nimius cultus suspicionem facit fœminæ non satis castæ. An quia Hæreticos habet Aucthores, fautoresque acerrimos? sed hinc bonis omnibus suspecta venit. An quia fœminis etiam placet? sed fœminæ, quas in Ecclesiâ tacere jubet Apostolus, cum de Scripturâ agitur, jus suffragii non habent? An denique quia Sedis Apostolicæ judicio damnata, & prohibita est? sed eo judicio, si quam haberet aliunde auctoritatem, amitteret. Quare Editio Montensis non pro authenticâ, sed pro suspectâ & reprobâ haberi debet.

Textus Latinæ Editionis quæ Vulgatâ dicitur, est Authenticus.

Thesis quarta. Textus Latinæ Editionis quæ Vulgata dicitur, est Authenticus. Habetur ex Concilio Tridentino sessione 4. in Decreto de editione & usu Sacrorum Librorum, statuit enim & declarat Concilium, ut ipsa vetus & vulgata

vulgata editio, quæ longo tot sæculorum usu probata est, in publicis Lectionibus, Disputationibus, Prædicationibus & expositionibus pro Authenticâ habeatur, & ut illam nemo rejicere quovis prætextu audeat, vel præsumat. Ex quo Concilii Decreto sic argumentor. Illa Editio est Authentica; quam certâ & publicâ autoritate constat esse conformem Scripturæ Autographæ, talis autem est Editio vulgata: nam publico Judicio Ecclesiæ in Concilio Congregatæ constat fidem facere, fidem autem non faceret, si Scripturæ Autographæ cerò conformis non esset. Confirmatur. Ecclesiæ Latinæ non defuit per spatium mille annorum Scriptura Authentica; quis enim credat Ecclesiam, in quâ est sedes Petri, Scripturâ Authenticâ tamdiu caruisse, his maximè temporibus, cum nemo in Conciliis Hebraicè sciret, pauci etiâ Græcè: Atqui in Ecclesiâ Latinâ toto illo tempore non fuit alia editio authentica, quàm vulgata: Ergo vulgata toto illo tempore fuit authentica. Nec verò jam authentica desuit, quia nec desuit conformis esse Scripturæ Autographæ, nec amisit testimonium suæ conformitatis cum Scripturâ Autographâ; quin imò, ex ipsâ Concilii Tridentini definitione, Novum Testimonium habuit, & facta est novo quodam titulo Authentica:

Objicies 1^o. Præsumendum est Scripturam puriorem esse in fontibus, quàm in rivis: Ergò præsumendum est pro Textu Hebraico & Græco contra vulgatam. Malè ergò Tridentini Patres, ut vulgatæ faverent, damnaverunt cæteras versiones; præclusisque purissimis fon-

1er. c. 2.

Scriptura
non est pu-
rior hodie,
in fontibus
quàm in
rivis.

Quia fon-
tes corru-
pti sunt,
& rivus
aliquis fuit
purus &
incorrump-
tus.

Licet ta-
men & ju-
vat interdum
ad
fontes re-
currere.

Defenditur
vulgata à
calumniis
Hæretico-
rum.

tibus, remiserunt nos ad rivulos, *Et foderunt Cisternas dissipatas quæ continere non valent aquas.* Respondeo. Præsumendum est profontibus, si non constet aliundè fontes esse corruptos: constat autem textus Hebræum & Græcum corruptos fuisse, neque difficile captu est Latinum Textum potuisse manere purum & incorruptum, corrupto Textu Hebræo & Græco; quia Ecclesia Latina, in qua est sedes Petri, longè fuit diligentior in Scripturæ puritate servandâ, quàm fuerint aliæ Ecclesiæ. Quòd autem additur, Concilium Tridentinum damnasse cæteras omnes versiones, omninò falsum est. Nam ità vulgatam habere voluit pro Authenticâ, ut de cæteris non damnarit, nisi novellas & suspectas versiones, quales sunt, quæ ab hæreticis veniunt. Fontes verò nec præcluserit, nec interdixit, dummodò cum cautione adeantur. Quare etiàm nunc post Decretum Concilii Tridentini, licet, & interdum juvat ad fontes recurrere. 1º. Ad energiam & proprietatem vocabulorum meliùs intelligendam. 2º. Ad tollendam ambiguitatem, sicuti occurrit Latina vox anceps, aut æquivoca. 3º. Ad corrigendum Librariorum aliquem errorem, quando illius magna est & vehemens suspicio.

Instabis. Calvinus in Antidoto Concilii Tridentini, ità vulgatæ detrahit, ut dicat in eâ non esse tres continuos versûs non aliquo insigni errore fædatos; Kemnitius verò in examine Concilii Tridentini vehementer indignatur adversùs Tridentinos Patres, quòd imprudenter, & nullo veritatis habito respectu, cæteris versionibus eam versionem prætulerint,

nimirum, ut ait, *Totam ad dogmata Pontificia transformatam*. Respondeo. Ista Calvinii impudentia, aut Kemnitii indignatio, nihil vulgatæ nocet, aut Tridentinis Patribus. Nimirum perversi homines conantur infringere fidem illius instrumenti, quo suam hæresim perimissent, simulque Authoritatem detrahere iudicibus suis, à quibus damnationis sententiam acceperunt. Quare nego absolute ullos esse in vulgatâ errores, nisi fortè Librariorum, eoque satis obvios, & emendari faciles. Vulgatam ab objectis erroribus solidè vindicavit, unus de multis Bellarminus, & prudens Concilii Tridentini Judicium super eâ re, radiis, ut ita dicam, solaribus demonstravit.

Objicies 2^o. Vulgata nostra non est omnium Editionum perfectissima: Ergò non est Authentica. Respondeo. Nego Consequentiam. Nihil enim necesse est, ut Editio Authentica sit omnium Editionum perfectissima; sed satis est, si cum Scripturâ Autographâ conformis sit, suæque illius conformitatis infallibile testimonium habeat. Quod totum vulgatæ nostræ convertit. Undè, sequitur quidè vulgatam plus habere auctoritatis, quàm cæteras omnes versiones, quia nulla cæterarum est Authentica, ac proindè plus habere auctoritatis, quàm Græcum & Hebræicum Textum; quia, nec Græcus, nec Hebræicus Textus est Authenticus: sed non eò pertinet ista vulgatæ prærogativa, ut nulla versio esse possit, aut elegantior, aut fidelior; neque enim id postulat Scripturæ Authenticæ ratio; sufficit enim, si certo constet nullum in vulgatâ sensum expri-

Vulgata
ita est Au-
thentica, ut
non sit
omnium
Editionum
possibilium
perfectissi-
ma.

mi, qui non sit in Scripturâ Autographâ expressus, & à Spiritu Sancto verè intentus. Quare potuit fortè idem sensus clariùs exprimi, & plenius per aliam Versionem, nec scimus, an sensus omnes à Spiritu Sancto intentos vulgata expresserit, imò, neque an primarium, aut potissimum; quicumque tamen ille alius sensus, donec eum Ecclesia approbaverit, tantùm non habet authoritatis, quantum habet sensus per vulgatam expressus.

Infalibilitatem habet, non ab interprete, sed ab Ecclesiæ approbatione.

Instabis. Interpres Author vulgatæ, sive is Hieronymus, sive quicumque alius, non fuit Author Canonicus & infallibilis in interpretando: Ergò vulgata Editio non habet certam cum Scripturâ Autographâ conformitatem. Respondeo. Certitudinem suæ conformitatis cum Scripturâ Autographâ vulgata ducit, non à suo interprete, quasi ille Canonici Scriptoris instar, dirigente Spiritu Sancto versionem fecerit, sed ab Ecclesiâ ipsam approbante; quemadmodùm Synodicè dicta, aut scripta privatorum, si fortè ab Ecclesiâ approbentur, ex approbatione Ecclesiæ certam authoritatem accipiunt. Hinc sequitur fieri posse, ut alia quædam versio erigatur in Authenticam, approbante illam & erigente Ecclesiâ post sufficiens examen.

Objicies 3^o. Difficile intellectu est, quomodo Concilium Tridentinum vulgatam declararit Authenticam. Nam, vel reperit Authenticam, vel Authenticam fecit. Non primum. Quid enim fecit Authenticam, si Authenticam reperit? Non secundum. Quia comparare non potuit vulgatam cum Scripturâ Autographâ, debuit tamen

comparare ad conformitatem utriusque certo
judicandam. Respondeo. Nego Antecedens.
Ad probationem autem dico, antè Concilium
Tridentinum vulgatam fuisse Authenticam ex
usu & consensu Ecclesiæ ; nam Textus illius
passim à fidelibus agnoscebatur pro Divino,
& in Conciliis Generalibus ad scribendas fidei
definitiones, jam à multis sæculis adhiberi so-
lebat. Concilium tamen Tridentinum ità re-
perit vulgatam Authenticam, ut novo judicio
Authenticam fecerit; tùm, ut meliùs fidelibus
constaret de illius Authenticitate ; tùm, ut
hæreticis vulgatæ detrahentibus os obstrueretur.
Neque ad judicium illud ferendum ne-
cesse fuit comparari vulgatam cum Scripturâ
Autographâ, satis enim erat Apographum fi-
dele ; quia Scriptura quæ fideli Apographo
conformis est, eadem conformis est Autogra-
pho. Sic ergò petuerunt sapienter procedere
Tridentini Patres, ut in iis in quibus Textus
vulgatæ cum Hebræo & Græco congruebat,
vulgatæ fidem pro exploratâ haberent ; in iis
autem in quibus ab utroque, vel ab alteru-
tro discrepabat, consulerent Patres singula-
rum ætatum ; & si quidè apud illos Textus
vulgatæ constanter reperiretur, pro indubitato
illum haberent. In toto autem isto processu
errare non potuerunt, quia Ecclesia in istius-
modi factis errare non potest, Deo specialiter
assistente, ne erret ; quod jam postulamus, &
inferiùs probabimus.

Concilium
Tridentinum vul-
gatam ita
reperit Au-
thenticam,
ut novo ju-
dicio fe-
cerit Au-
thenticam.

Instabis 1^o. Concilium Tridentinum præci-
pit emendari vulgatam, & reipsâ emendata
fuit curâ Summorum Pontificum, eademque

Emendatio
vulgatæ à
Concilio

præcepta
nihil nocet
illius Au-
thenticita-
ti.

nunc post emendationem, aliquos errores habet, ut fatentur ipsi Pontifices: Ergò antè Authentica non erat, nec dùm satis Authentica est. Respondeo. Emendationem vulgatæ seu factam, seu faciendam, nihil nocere illius Authenticitati. Nam errores quoscumque habet, aut habuit, impressionis errores sunt, non interpretationis: errores autem illi impressionis, vel non adedò Textum immutant, ut sensum faciant diversum; vel si qui sensum faciunt diversum, non tamen talem faciunt, ut falsus sit, & non divinus; vel deniquè, si fortè textum adedò immutant, ut fiat sensus falsus, & non divinus, ex Antecedentibus & Consequentibus facilè detegi potest vitium impressionis. Nulla igitur, sive additio, sive detractio, sive transpositio quæcumque in vulgatam irrepsit, valere potest ad textum ità alterandum, ut exprimat sensum falsum & non divinum: esto, valere possit ad supprimendum sensum aliquem verè divinum, aut suspendendum qui determinatus erat, aut qui clarus erat obscurandum.

Instabis 2^o Fieri potest, ut in vulgatâ, sive impressionis, sive interpretationis vitio, sit textus aliquis exprimens sensum falsum, aut non certò divinum: ergo vulgata non est authentica. Respondeo. Permittunt aliqui Antecedens, negando Consequentiam, putantes nihil nocere authenticitati vulgatæ, quòd in eâ sit textus aliquis exprimens sensum falsum & non divinum, dummodò stet, nihil illam habere contrarium fidei, aut bonis moribus: volunt nimirum isti vulgatam catenùs authenticam dici, quatenùs fidem facere potest in iudicio pro definiendis

fidei, & morum quæstionibus; fidem autem facere potest in tali iudicio, si quicumque textus ad materiam fidei, & morum pertinens, certò divinus sit, quamvis textum habeat in aliâ materiâ non divinum. Fateor quidè ad firmamentum fidei, & directionem morum pro magno habendum esse (in quo catholici omnes conveniunt) *Nullus est* nullum esse vulgatæ textum in materiâ fidei & *textus vul-* morum, qui divinus non sit; sed contendo hoc *gatæ, qui* non sufficere, & durum videri quod isti dicunt, *sensum ex-* extra materiam fidei & morum esse posse tex- *primat fal-* tum aliquem vulgatæ falsum, aut non divinum. *sium, aut* Nam 1°. Si ità est, quomodo stat decretum Con- *non certò* cillii Tridentini, quo statuitur, ut vulgata in pu- *divinum.* blicis lectionibus & expositionibus pro Authent- icâ habeatur. Nam in expositionibus & lectionibus ea etiam veniunt, quæ ad fidem & mores non pertinent; ergo in iis fidem vulgata non faciet; vult tamen Concilium, ut fidem faciat, statuit enim, ut pro Authenticâ habeatur. 2°. Si ità est, aliquo sic arguente. *Ità asseritur in vul-* *gatà, ergo ità se res habet;* non valebit conse- quentia, quis autem ferat consequentiam negari? & quanto fidelium scandalo negaretur. 3°. Si ità est, jam poterit rejici aliquid vulgatæ; nam textus ille rejici potest, qui potest convinci, aut fieri suspectus falsitatis; atqui statuit Concilium Tridentinum, ut vulgatam nemo rejicere quovis prætextu audeat, vel præsumat. 4°. Ad materiam fidei pertinere potest quidquid in scripturâ divinâ continetur, potest enim esse objectum fidei, quidquid Deus dixit, Deus autem dixit, quod in scripturâ continetur, ut à Deo dictum; nam hinc ferè pro-

bamus aliquid à Deo dictum esse, quia in scripturâ reperitur. Tenendum est igitur, nulum esse vulgatæ textum, qui sensum falsum exprimat, aut non certò divinum.

ARTICULUS IV.

Quomodo intelligendus sit scripturæ sensus.

Quid &
quotuplex
sit scriptu-
ræ sensus.

Scripturæ sensus dicitur, id quod per scripturam Deus significare intendit, seu, ut melius dicam, scripturæ sensus est illa mens, ad cuius manifestationem, verba scripturæ Deus assumit, ordinatque. Hinc statim patet, quanti momenti sit verum scripturæ sensum intelligere; nam quid prodest habere scripturam certò divinam, textumque Authenticum, si verus lateat scripturæ sensus, & falsus pro vero accipiatur. Distingui potest multiplex scripturæ sensus: nam alius est litteralis, & historicus, alius mysticus, symbolicus, & spiritualis. Sensus litteralis dicitur, qui primus est, saltèm negativè, ità ut priorem non habeat, cui subordinetur. Mysticus dicitur, quicumque primus non est, sed subordinatur alteri, & per alterum judicatur. Rursum sensus mysticus, vel pertinet ad mores, & tropologicus dicitur, seu moralis; vel pertinet ad statum vitæ futuræ, & dicitur Anagogicus; vel denique ad statum viæ, sive legis novæ, sive veteris scriptæ, vel naturalis, & appellatur Allegoricus. Exemplum sensus illius multiplicis exhibet Cassianus collatione 14. c. 4. in unâ voce Jerusalem, est enim Jerusalem secundum litteralem scripturæ sensum, Judaorum civitas, allegoricè, eccle-

ſia, anagoge, patria celeſtis, anima hominis tropologicè.

Thesis prima. Omnis ſcripturæ textus habet aliquem ſenſum litteralem, imò unus idemque textus multiplicem ſenſum litteralem habere poteſt. Sunt duæ partes. Prima evidens eſt: nam omnis ſcripturæ textus, vel unicum habet ſenſum, vel plures; ſi unicum, ille literalis eſt, cum nulli alteri ſubordinetur; ſi plures, neceſſe eſt unum eorum litteralem eſſe, neque enim omnes alteri ſubordinantur: ergo eſt unus aliquis literalis. Secunda verò pars probatur. Quia unus idemque textus habere poteſt multos ſenſus alteri non ſubordinatos. Talis eſt textus ille Iſaiæ 53. *Generationem ejus quis enarrabit?* de utrâque enim Chriſti generatione, æternâ, & temporali, literaliter intelligi poteſt. Talis item eſt textus Pſalmi 2. *Dominus dixit ad me, filiùs meus es tu, ego hodie genui te*: nam tres habet ſenſus omnes litterales. Primus ſpectat generationem Chriſti æternam, & colligitur ex Apolto ad Hebræos 1. *Tantò melior Angelis effectus, quantò differentius præ illis nomen hereditavit; cui enim dixit aliquandò Angelorum, filiùs meus es tu, ego hodie genui te.* Secundus ſpectat reſurrectionem Dominicam: colligitur autèm ex eodem Apolto actorum 13. *Et nos vobis annunciamus eam, qua ad patres noſtros repromiſſio facta eſt, quoniam hanc Deus adimplevit filiùs veſtris, reſuſcitans Jeſum, ſicut & in Pſalmo 2. Scriptum eſt, filiùs meus es tu, ego hodie genui te.* Tertius tangit Nativitatem Domini ſecundùm carnem: colligitur ex patribus, & ex ipſâ eccleſiâ, quæ

Omnis ſcripturæ textus habet aliquem ſenſum litteralem.

Imò unus idemque textus habere poteſt ſenſum litteralem multiplem.

aliquem verè divinum alteri subordinatum habet sensus autem alteri subordinatus mysticus est. sum mysticum. Exemplum sit in textu illo Psalmi 18. *In omnem terram exivit sonus eorum, & in fines orbis terra verba eorum.* Nam in sensu litterali, de cælis intelligi debet; in sensu autem mystico prædicationem Apostolorum significat; interpretante Paulo ad Rom. 10. Quare, non minus certum est, eo textu significari prædicantes Apostolos, quàm cælos gloriam Dei enarrantes, cum hoc tamen discrimine, quòd primario & immediatè textus cadat in cælos, secundario autem & mediatè in Apostolos cadat; significantur enim Apostoli mediantibus cælis, tanquàm Apostolorum imaginibus & figuris.

Ratio secundæ partis est, quia unus idemque scripturæ textus habere potest multos sensus alteri subordinatos, & omnes à Deo intentos. Talis est ille scripturæ locus Genesis 27. *Abraham duos filios habuit, unum de ancillâ, & unum de liberâ.* Nam ille locus secundum interpretationem Pauli, allegoricè significat duo testamenta, unum *in servitutem generans*, alterum donans libertatem. Idemque textus significare potest mentem & carnem, una enim domina est, altera ancilla, habens utraque filium suum, ut passim interpretantur patres.

Eumque
interdum
multipli-
cem.

Ad Galat.
c. 4.

Objicies. Sensus mysticus est sensus scripturæ accommodatus, sensus autem accommodatus, non est intentus à Deo, sed ab interprete accommodante: & verò quis credat divinos esse omnes sensus interpretum, aut concionatorum, quocumque lubet scripturam detorquentium. Respondeo. Sensus mysticus interdum à Deo in

tentus est, nec solum ab interprete accommodante, ut satis constat ipso testimonio Dei, interdum explicantis in una parte scripturæ suæ, quid per alteram significare voluerit; quis enim sensum Dei melius novit ipso Deo. Quod au-

Sensus accommodati interpretum, aut concionatorum non sunt semper divini. tem pertinet ad sensus interpretum, aut concionatorum, dico, non omnes divinos esse, sed plerumque meros conceptus humanos, qui fidem non faciant. Hic obiter observa, quam parum solide concionentur, qui ad moralia fidei dogmata stabilienda, scripturam in conceptus quosdam arbitrarios, seu ingeniose, seu, ut plerumque fit, putide detorquent, adulterando verbum Dei, & sensus humanos supponendo pro divinis, vano fortè plausu, sed fructu nullo. Observa item Concilii Tridentini sapientem cautionem Sessione 4. in Decreto de usu sacrorum Librorum: volens enim reprimere temeritatem illam, quæ ad prophana quæcumque convertuntur, & torquentur verba sacræ scripturæ, ad scurrilia scilicet, fabulosa, vanas adulationes, detractiones, superstitiones impias, & diabolicas; incantationes, divinationes, sortes, libellos etiam famulos, mandat & præcipit, ad tollendam hujusmodi irreverentiam & contemptum, ne de cætero quisquam quomodolibet verba Scripturæ sacræ ad hæc & similia audeat usurpare, & ut omnes hujus generis homines, temeratores & violatores verbi Dei, Juris & arbitrii pænis, per Episcopos coërceantur.

*Sessione
quartâ in
decr. de usu
sac. Lib.*

Sed sensus quos Apostoli & Instabis 1°. Ipsi Apostoli & Evangelistæ ad privatos sensus suos Scripturam accommodarunt, aut certè accommodare potuerunt: ergo non constat esse ullum mysticum sensum certò

divinum. Respondeo. Esto, Apostoli & Evangelistæ ad privatos & humanos sensus Scripturam accommodare potuerint, aut etiã interdum accommodarint; nego tamen semper ita fecisse; nam interdum testantur Scripturam impleri in sensu quem afferunt, ita illud Exodi, *Os non comminuetis ex eo*, quod de Agno Paschali litteraliter Scriptum est, dicitur fuisse in Christo impletum Joannis 19. Interdum contra Judæos argumentantur Apostoli, ex aliquo sensu mystico, quod sæpe facit Paulus, præsertim in Epistolâ ad Hebræos. Interdum significant vetera, fuisse figuras novorum, tunc autem Scripturæ non accommodant sensus humanos, sed afferunt sensus verè à Deo intentos.

Evangelistæ Scripturæ accommodarunt plerique certò divini sunt, & à Deo intenti. *Exodi c. 12.*

Instabis 2°. Sanctus Thomas 1. parte, quæst. 1. Art. 10. docet ex solo litterali sensu, trahi posse argumentum efficax, ad probanda fidei dogmata: Ergo solus sensus litteralis divinus est, non autem mysticus. Respondeo 1°. Loqui Sanctum Thomam de eo quod communiter fit, fit autem communiter, ut solus litteralis sensus sit certò divinus, quia communiter non satis constat sensum mysticum divinum esse. Respondeo 2°. cum sensus mysticus ad fidem non valeat, nisi certò constet esse divinum, constare autem id non possit, nisi per litteralem aliquam explicationem, probatio demùm resolvitur in sensum litteralem, per quem nobis constat de divinitate sensus mystici.

Quomodo juxta Sanctum Thomam ex solo litterali sensu ducatur argumentum efficax.

Thesis tertia. Non omnis Scripturæ sensus obscurus est, non omnis item clarus. Sunt duæ partes. Prima facilis est; nam verba Scripturæ sæpe clara sunt, minimèque ambigua, & ita est.

Non omnis Scripturæ sensus obscurus est.

Non omnis
item cla-
rus.

determinata ad unum sensum significandum, ut de eo dubitari non possit. 2^a verò, ut mihi quidem videtur, facilior est & sensibilibior, quidquid dicant Lutherani & Calvinistæ, qui Scripturam volunt esse ubiquè facillimam, suique interpretem multò clariorem omnibus Patrum commentariis. Sed aperte reclamatur. 1^o. Scriptura ipsa, quæ se aliquâ parte obscuram esse testatur, nam si Scriptura adeò clara est & facilis, cur Psalmo 118: Regius Propheta ad legem Dei intelligendam cælestem lumen implorat, *Da mihi intellectum, & scrutabor legem tuam*? Cur Lucæ, C. ult. dicitur Christus aperuisse Apostolis sensum, *ut intelligerent Scripturas*? Cur 2^a. Petri, C. ult. dicuntur esse in Epistolis Pauli quædam *difficilia intellectu, quæ indocti & instabiles depravant, sicut & cæteras Scripturas ad suam ipsorum perditionem*. Reclamat 2^o. communis sensus Patrum Scripturam in multis difficillimam esse prædicantium, ita ut Origeni videretur scriptura, Liber ille signatus, quem nemo potest aperire præter agnū de Tribu Juda; Chrysostomo, thesaurus profundè reconditus, Ambrosio & Gregorio, altum quoddam & profundum mare, &c: Reclamat 3^o. Piorum doctorumque hominum experientia in sensu Scripturæ inveniendò valdè laborantium. Reclamant denique ipsi hæretici sibi contradicentes, nam & ipsi de Scripturæ sensu perpetuò litigant, & ad suos errores scripturam singuli detorquent.

Objicies contra primam partem. Semper dubitari potest, an Scripturæ locutio sit figurata, seu, an verba Scripturæ in proprio sensu acci-

pienda sint, an in metaphorico; ergo Scripturæ sensus semper obscurus est. Respondeo nego Antecedens; verba enim Scripturæ in proprio sensu accipienda sunt, quando non constat locutionem esse figuratam. Ratio à priori est, quia Deus loquens cum hominibus more humano, usurpare debet verba in eo sensu, in quo apud homines usurpantur: Atqui verba apud homines usurpantur in sensu proprio, nisi aliundè ad sensum figuratum determinantur; ergo Deus credendus est usurpare verba in sensu proprio, nisi forte ea ad figuratum sensum aliquo signo determinet. Certè, si Deus verba alio sensu usurparet, quàm proprio, non significando talem abusum verborum, audientes falleret.

Verba scripturæ in proprio sensu accipienda sunt quando non constat locutionem esse figuratam.

Objicies. Contra 2^{am} partem. Obscuritas scriptionis est imperfectio quædam scribentis. Ergò nulla est Scripturæ Divinæ obscuritas. Respondeo. Distinguo Antecedens. Scriptionis obscuritas est aliqua imperfectio scribentis hominis, transeat; scribentis Dei. Nego. Inter autem hominem & Deum discrimen est, quod in homine obscuritas scriptionis proveniat ferè ex aliquo defectu, vel intelligentiæ, cum homo res non videt satis clarè, & signa rerum non satis novit, vel diligentia, seu in ideis rerum ordinandis, seu in signis benè disponendis; vel deniquè sinceritatis, quò interdum fit, ut homo signa adhibeat obscura & ambigua ad decipiendum. Sed scriptionis obscuritas nullam ex his imperfectiõibus denotat in Deo. Ordinatur enim ad fines Sanctissimos, præsertim verò, ut notat Augustinus, ad edomandam labore superbiam nostram, & intel,

Scriptionis obscuritas imperfectio est hominis scribentis, sed non Dei.

Ratio discriminis.

lectum à fastidio revocandum, cui facile inveſtigata plerumque vileſcunt.

Regulæ
aliquot pro
exquirendo
vero
ſenſu Scri-
pturæ.

Theſis Quarta. In exquirendo Scripturæ ſenſu magnâ cautione verſari oportet; quia periculum eſt, ne falſus aliquis ſenſus pro vero accipiatur, humanus pro Divino, aut ne ſenſus aliquis dumtaxat probabilis, habeatur pro notorio & evidenti. Ad hanc verò cautionem valebunt regulæ ſequentes omnibus Scripturæ ſtudioſis, & præſertim Scripturæ interpretibus neceſſariæ. Prima eſt. Scripturæ indagator antè omnia cœleſte lumen imploret, & hoc primum intelligat, *Quod omnis Prophetia Scripturæ*, ut dicitur 2^æ. Petri c. 1. *Propriâ interpretatione non fit*, hoc eſt propriâ, & privatâ indiſtriâ Spiritûs humani, ſed illuſtratione Divini Spiritûs. Secunda. Ad Scripturam intelligendam afferat animum pravo ſpiritu partium, aut præiudicio purum, & veri ſenſus inveniendi unicè cupidum. Tertiâ. Habeat exactam notitiam linguarum, interdum enim tota Scripturæ obſcuritas in eo eſt, quòd non ſatis à legentibus intelligatur proprietas & vis verborum. Quarta. Conferat codicem cum codice, unus enim aliquandò tollit totam ambiguitatem alterius. Quinta. Loca Scripturæ invicem comparet, ex uno enim lux derivatur in alterum. Sexta. Conſulat Patres, Scriptura enim interpretanda eſt, juxtà unanimem ſenſum Patrum. Septima. Eccleſiam audiat bonus Eccleſiæ Filius, eſt enim Eccleſia, ut loquitur Celeſtinus Papa in Epiſtolâ ad Epiſcopos Galliæ, *Beatus ille Grex; cui dedit Dominus de paſcuis judicare*. Huc pertinet Decretum illud Concilii Tridentini, ut nemo

nemo suæ prudentiæ innixus Scripturam interpretari audeat, contra eum sensum, quem tenuit & tenet Sancta Mater Ecclesia, cujus est judicare de vero sensu, & interpretatione Scripturarum.

“ In dec.
“ de Editio-
“ ne & usu
“ Sac. Lib.
“ sess. 4.
“

CAPUT II.

De Traditione Divinâ.

Traditio Divina propriè accepta, est Verbum Dei non Scriptum; sed communicatum memoriæ hominum, ac veluti per manus traditum. Statuamus Hic 1^o. Existentiâ Divinarum traditionum, deinde verò characteres & notas illarum explicabimus.

Quid sit
traditio Di-
vinâ.

ARTICULUS I.

Statuitur existentia Divinarum Traditionum.

Thesis Unica. Sunt aliquæ traditiones verè Divinæ. Est contra hæreticos præsertim Lutheranos & Calvinistas, quorum dogma est, in solâ Scripturâ acquiescendum esse, cætera omnia humanam dumtaxat habere auctoritatem, non Divinam. Probatur autem 1^o. Quia credendum est scripturæ, ut fatentur ipsi quos ex ipsâ refutamus hæretici; Scriptura autem docet esse aliquas traditiones verè Divinas; ergo &c. Minor habetur ex 2^a. Pauli ad Thessalonicenses cap. 2. *Itaque Fratres, inquit, fate & tenete tradi-*

Sunt ali-
quæ tradi-
tiones verè
Divinæ.
Habetur
ex ipsâ
Scripturâ.



tionem quas didicistis, sive per Sermonem, sive per Epistolam nostram. Ubi Paulus sermonem distinguit ab Epistolâ, per Epistolam intelligens Verbum scriptum, per Sermonem, Verbum non scriptum; utrumque autem ita comparat, ut sermoni non minorem auctoritatem tribuat, quàm Epistolæ. Eodem pertinet illud 2^o. ad Timotheum c. 1. *Formam habere sanorum Verborum, quæ à me audisti in fide & dilectione.* Et c. 2. ejusdem Epistolæ, *quæ à me audisti per multos testes, hæc commenda fidelibus hominibus, qui idonei erunt, & alios docere.* Ubi observanda sunt duo. 1^{um} est. Loqui Paulum de rebus ad fidem & dilectionem pertinentibus, iisque non scriptis, sed ore tantum, & vivâ voce traditis. Alterum est. Non præcipere Paulum Timotheo, ut ea quæ audivit scribat, sed ut commendet fidelibus, idoneis alios docere: Ergo ex Paulo sunt traditiones aliquæ non Scriptæ verè Divinæ. Probat 2^o.

Ex Conciliis Generalibus.

ex Conciliis. Nam Concilium Nicænum primum hæresim Arii damnavit ex traditione; quamvis enim scriptura faveret dogmati Catholico contra Arium, præcipuè tamen traditione agebant Patres; quia & ipse Arius scripturam pro se citabat. Nicænum item 2^{um} actione 6. definit, *Quod, cum multis aliis, quæ in Ecclesiâ observantur, nec scripta sunt, nobis imaginum veneratio tradita sit.* Et Can. 7. *Si quis traditionem Ecclesiæ, sive scripto, sive consuetudine valentem non curaverit, Anathema sit.* Probat 3^o. Ex Patribus. Sufficiunt ex Græcis Basilius & Chrysostomus; nam hic quidem in Caput 2. Epist. 2^a ad Thessalonicenses, Tra-

Ex sensu Patrum.

*ditio est, inquit, nihil amplius queras. Ille vero Lib. de Spiritu Sancto ad Amphilo-
chium, Apostolicum, inquit, esse arbitror traditionibus
etiam non Scriptis inharere. Ex Latinis autem
Tertullianus & Cyprianus; nam Tertullianus
Lib. de Coronâ Militis, post enumeratas Ba-
ptismi, signi Crucis, sacrificii, Anniversarii
pro Defunctis, aliasque ejusmodi ceremonias,
Harum, inquit, & similium Disciplinarum, si
leges expostules Scripturarum, nullam invenies,
traditio tibi prætenditur auctrix, consuetudo con-
firmatrix, & fides observatrix. Cyprianus Lib.
2. Epist. 3. admonitos, inquit, nos scias, ut
in Calice offerendo, Dominica traditio servetur,
neque aliud fiat à nobis, quàm quod pro nobis
Dominus prior fecit, ut Calix qui in Commemo-
ratione ejus offertur, mixtus vino offeratur. Pro-
batur 4^o. Ex sensu totius Ecclesiæ: nam Ec-
clesia agnoscit multa pertinere ad fidem, quæ
tamen in Scripturâ non reperiuntur: Ergo
agnoscit Verbum aliquod non Scriptum, in
quo istiusmodi dogmatum fides fundetur, ni-
hil enim ad fidem pertinet, quod non nitatur
aliquo Dei testimonio.*

*Ex sensu
totius Ec-
clesiæ.*

*Obijcies 1^o. Scriptura traditioni adversatur.
Nam 1^o. Scriptura vetat quidquam sibi addi,
vel detrahi, Deuteronomii 4. Non addetis ad
Verbum quod ego præcipio vobis, nec auferetis
ex eo. Et Apocalypsis c. ult. Si quis apposuerit
ad hac, apponat Deus super illum plagas Scri-
ptas in Libro isto. 2^o. Scriptura docet se suffi-
cientem esse, & continere omnia necessaria,
dicitur enim, omnis Scriptura utilis ad docendum,
ad arguendum, ad corripiendum, ad erudiendum*

*Traditioni
Scriptura
non adver-
satur.*

in iustitiâ &c. 3°. Christus Judæos reprehendit, quod traditionem sequerentur. Matthæi 15. *Irritum fecistis mandatum Dei propter traditionem vestram.* Respondeo. Scriptura nullatenus adversatur traditioni, quæ verè Divina sit: Deus enim negare se non potest, aut secum pugnare. Quare ad testimonia primi generis dico. Cum traditio additur Scripturæ, nihil fieri contra præceptum Scripturæ vetantis sibi quidquam addi, aut detrahi. Scriptura enim vetat tantum se alterari, & corrumpi per additionem, aut deductionem, aut mutationem quamlibet, quâ fiat, ut jam non retineat eundem sensum: Atqui per traditionem Divinam non alteratur, aut corrumpitur Scriptura, sed potius explicatur & defenditur; traditio enim ferè est explicatio Scripturæ. Pater responsionis veritas, quia post Scripturæ præceptum de additione vitandâ, multi alii Libri Divini Scripti fuerunt, & prioribus superadditi. Ad testimonia secundi generis dico, Scripturam non dici à Paulo sufficientem, sed utilem, quæ duo valde differunt. Nam singuli Scripturæ Libri sunt utiles, singuli tamen non sufficiunt. Quod si velis Scripturam aliquo sensu sufficientem esse, non repugno; Scriptura enim si accipiat cum omnibus quæ continet tam virtualiter & implicite, quam formaliter & explicitè, sufficiens est. Sed Scriptura ita sumpta continet traditiones Divinas, docet enim credendum esse omni Verbo Dei, & audiendam esse Ecclesiam, veluti columnam & firmamentum veritatis. Ad testimonia tertii generis dico, iis damnari, non traditiones, quæ

verè Divinæ sunt , sed traditiones humanas Verbo Dei contrarias , aut quæ pro Divinis circumferuntur , cùm tamen Divinæ non sint.

Objicies 2°. Videntur Patres non favere traditionibus. 1°. Enim docent contineri omnia in Scripturis ; *Adoro* , inquit Tertullianus lib. contra Hermogenem , *Adoro Scripturæ plenitudinem*. 2°. Docent nullam fieri fidem sine Scripturâ , sine autoritate Scripturæ : *Garulitas non habet fidem* , inquit Hieronymus in Caput 1. Epistolæ ad Titum. 3°. Vetant quidquam addi Scripturæ. *Infidelitatis* , inquit Basilius , *Argumentum fuerit & signum superbiæ certissimum* , si quis eorum quæ Scripta sunt velit rejicere , aut eorum quæ non scripta , aliquid introducere. Ità ille Sermone de fidei Confessione. 4°. Solam Scripturam volunt esse Regulam fidei. *Sancta Scriptura* , inquit Augustinus , *Nostre Doctrinæ Regulam figit* , ne audeamus sapere plus quàm oportet. Lib. de bono Viduitatis. 5°. In rebus obscuris , ubi Scriptura dubia est , judicium suspendi volunt. *Ubi de re obscurissimâ disputatur* , inquit idem Augustinus , *non adjuvantibus Divinarum Scripturarum certis clarisque documentis* , cohibere se debet humana præsumptio , nihil faciens in alteram partem declinando. Lib. 2. de peccatorum meritis & remissione c. 36. Atqui hæc omnia non dicerent Patres , si Traditiones Divinas à Scripturâ distinctas agnoscerent. Respondeo. Pro traditionibus Divinis aperta & indubitata Patrum sententia est , quare sicubi videntur dicere aliquid repugnans , benignè interpretandi sunt ; neque magnam difficultatem habent

Non adversantur Patres.

quæcumque ex Patribus opponuntur : quod, ut per singula appareat. Dico 1°. Cùm Patres docent omnia in Scripturis contineri, intelligunt ea omnia, quorum cognitio prævia esse debet ad Baptismum suscipiendum, vel omnia illa, quæ ad unum aliquod dogma, de quo fortè agebant, determinandum necessaria sunt : quod si omnia omninò nullâ factâ exceptione contineri velint in Scripturis, intelligendi sunt de continentia aliquâ implicitâ & virtuali, non de formali & explicitâ. Dico 2°. Cùm Patres docent nullam fieri fidem sine Scripturâ ; sensus est, in rebus ad fidem pertinentibus, non privato, aut humano sensu agendum esse, sed Divino, qui ferè habetur in Scripturâ, & hæreticos nullam habituros fidem, nisi & ipsi ex Scripturâ confirmarent errores suos ; vel denique putandi sunt loqui Patres, de iis quæstionibus, quæ per Scripturas determinari possunt. Dico 3°. Cùm Patres quidquam verant addi Scripturæ, intelligendi sunt de eâ additione per quam alteretur & corrumpatur Scriptura, vel de eâ additione, quâ supponatur pro Divino, id quod verè Divinum non est. Dico 4°. Cùm Patres Scripturam dicunt esse regulam fidei nostræ, vel non dicunt esse regulam solam, vel si solam esse dicunt, restringendi sunt ad quæstiones nonnullas per Scripturam solam determinabiles ; vel si restrictio non placet, Scripturam dicunt esse solam regulam, quatenus Scriptura etiã sola seorsum à traditione ad fidem faciendam sufficit. Dico 5°. Cùm Patres iudicium suspendi volunt in iis quæstionibus in

quibus Scriptura dubia est, cohibere dumtaxat volunt humanam præsumptionem, ne scilicet quæstiones obscuras, quæ non nisi Deo revelante decidi possunt, decidere audeat proprio & privato sensu.

Objicies 3°. Traditio malè comparatur Scripturæ, Scriptura enim longè præstat traditione; imò traditio quantumvis Divina dicatur esse, non est satis sensibilis & constans, ut possit esse regula fidei: nam ubi tandem est verbum Dei non scriptum? aut quomodo purum, & incorruptum ad nos usquè pervenit? Respondeo. Nego Antecedens. Scriptura enim & traditio comparari invicem possunt: nam utraque Divina est, utraque infallibilis, utraque summam habens auctoritatem. Quare si præcisè spectetur auctoritas, una regula nihil habet supra alteram. Sed in multis traditio præstare videtur Scripturæ. Nam 1°. Traditio Scripturâ antiquior est, in lege enim naturæ, in quâ vixit Abraham Pater credentium, fuit fides sine Scripturâ: Ergò ante Scripturam fuit traditio, quæ primorum parentum fidem fundaret. Prima & nascenti Christi Ecclesia aliquot annis viguit fortis in fide, neque tamen Scripturam Apostolicam ante habuit, quàm à Matthæo Evangelium scriberetur. 2°. Traditio auctoritatem tribuit Scripturæ, Divinitatem ejus notificando: nam Libros Scripturæ habemus esse Divinos, præsertim viâ traditionis. 3°. Traditio dat Lucem Scripturæ, & verum illius sensum aperit, nimirum Prophetæ & Apostoli quod obscurè scripserant, interrogantibus fidelibus aliquandò interpre-

Comparatio traditionis cum Scripturâ.

Traditionis supra Scripturam excellentia.

tabantur, eaque interpretatio non minoris authoritatis erat, quàm ipse Textus. Est igitur Traditio, interpretatio quædam Divina, & Divinus Commentarius Scripturæ. Quod verò obijciunt Hæretici, traditionem conservari non posse puram & incorruptam, prorsus inane est; pertinet quippè ad providentiam Dei, ut in ipsius Ecclesiâ, non minùs, quàm Scriptura ipsa, pura & incorrupta servetur. Accedit quòd, ad conservationem traditionis multa juvant, ut scripta veterum, continuus Ecclesiæ usus, monumenta quædam externa, & quæ subindè exoriuntur hæreses. Hinc enim fit, ut in singulis ætatibus Catholici diligenter investigent Doctrinam Ecclesiæ, & Traditiones antiquas, easque magnâ diligentîâ posteris commendent. Nimirum idem faciunt nostri homines, quod perpetuò litigantes, qui diligentissimè custodire solent instrumenta, & Literas, quibus jus suum contineri putant.

Obijciēs 4^o. Traditiones quas Divinas appellamus, humanæ sunt; nam eæ à Prælatiis, à Conciliis, ab Ecclesiâ venerunt, non à Deo. Respondeo. Nego Antecedens. Nam præter traditiones Ecclesiasticas, quæ propriè Divinæ non sunt, quia Deus per Ecclesiam propriè non loquitur, sunt aliæ traditiones, quæ ab ipsius Christi ore (ut loquitur Tridentinum) ab Apostolis acceptæ, aut ipsis Apostolis à Spiritu Sancto dictatæ, quasi per manus traditæ, ad nos usquè pervenerunt; easque traditiones, sive ad mores, sive ad fidem pertinentes, tanquàm ore tenus à Christo, vel à Spiritu Sancto dictatas, & continuâ successu

In Dec.
de Can.
script.
sess. 4.

sione in Ecclesiâ Catholicâ conservatas , pari pietatis affectu , quo Scripturæ libros , suscipit ac veneratur Sacrosancta Synodus. Sunt ergo tres species traditionum. Aliæ, quas immediatè divinas appellare possumus, quòd ab ore Christi qui Deus est , immediatè veniant. Aliæ Apostolicæ , quæ non à Christo immediatè , sed ab Apostolis Dei nomine loquentibus , Spiritu Sancto dictante , profectæ sunt. Aliæ demùm Ecclesiasticæ ; quæ nec à Christo , nec ab Apostolis , sed ab Ecclesiâ originem habent , Spiritu quidem Sancto illas suggerente , sed per Ecclesiam non loquente. Cavendum autem est diligenter , ne istæ traditionum species confundantur , Ecclesiasticæ cum Apostolicis , aut Apostolicæ cum immediatè divinis. Est enim magni momenti alias ab aliis benè discernere , & proprios characteres habere singularum.

Tres sunt species traditionum. Immediatè divinæ , Apostolicæ , Ecclesiasticæ.

ARTICULUS II.

Explicantur notæ & characteres singularum traditionum.

THesis 1^a. Multiplici notâ haberi possunt traditiones immediatè divinæ. Explicatur & probatur. 1^a Nota est ipsa traditionum frons & species , si nimirum ad nos usquè venerint tanquàm à Christo immediatè acceptæ , & hoc ipso clarè dicant se esse à Christo : nam sicut scripserunt Apostoli , ita interdum vivâ voce dixerunt , *Ego enim accepi à Domino , quod & tradidi vobis*. Altera notâ est conditio materiæ

Nota mixta
triplex tra-
ditionum
immediatè
divinarum.

1^a Ad Cor.
6, 11.

circa quam traditiones versantur : nam si materia traditionum non subjaceat Apostolorum, aut Ecclesiæ potestati, certum est traditiones esse immediatè divinas ; cujusmodi sunt traditiones multæ, quæ spectant substantiam Sacramentorum. 3^a. Nota est consensus Patrum : nam si Patres conveniant traditionem aliquam à Christo esse, tenenda est pro traditione immediatè divinâ. 4^a. Nota est sensus & determinatio Ecclesiæ ; illa enim traditio immediatè divina est, quam Ecclesia credit immediatè divinam esse.

Earundem
veri charac-
teres.

Thesis 2^a. Multi sunt characteres traditionum immediatè divinarum. Explicatur & probatur. Primus character est immutabilitas & perpetuitas : traditiones enim immediatè divinæ, perpetuæ sunt, & immutabiles. Nam, vel sunt traditiones fidei, vel traditiones morum ; Si sunt traditiones fidei, patet perpetuas esse ; quia, verbum Domini manet in æternum, & omnis divina revelatio, hoc ipso quod divina est, necessariam habet & perpetuam veritatem. Si sunt traditiones morum, perpetuitatem habent ex illo generali Christi edicto, *Cælum & terra transibunt, verba autem mea non transibunt*. Et verò, traditiones omnes à Christo immediatè venientes, in Ecclesiâ Catholicâ integræ adhuc & intactæ perseverant, adeò ut nullam Ecclesia abrogaverit ; sive quia abrogare non vult, propter reverentiam Domini ; sive quia abrogare non potest, Christo talem potestatem non faciente. Fateor tamen potuisse à Christo fieri Ecclesiæ talem potestatem, quia non est contra rationem legis divinæ quòd mutetur, aut abro-

getur. Lex enim Mosaica divina erat, eademque abrogari potuit, & reipsa fuit in multis abrogata. Secundus character est Universalitas. traditiones enim immediatè divinæ, seu fidei, seu morum, universales sunt: Traditiones quidè fidei, quia fides toti Ecclesiæ communis est; traditiones verò morum, quia Christus, totius Ecclesiæ caput & legislator, leges suas toti Ecclesiæ communes esse voluit. Tertius character est vis directiva: nam, si sunt traditiones fidei, dirigunt fidem nostram, si traditiones morum, valent ad mores dirigendos, vel per modum præcepti, vel per modum consilii.

Thesis 3^a. Multiplici notâ haberi possunt traditiones Apostolicæ. Explicatur & probatur.

1^a. Nota est ipsa species traditionum, si nimirum traditiones ferant se pro Apostolicis; nam quemadmodum scripserunt Apostoli, ita interdum sine scripto dixerunt, *Visum est Spiritui Sancto, & nobis*. Altera nota est conditio materiæ circa quam traditiones versantur; nam si traditiones versantur circa materiam, quæ Christi discessum præsupponant, argumentum ferè est, traditiones ab Apostolis esse, non à Christo; cujusmodi sunt traditiones de memoriis Martyrum, de cultu Reliquiarum, &c. 3^a Nota est consensus Patrum. Id enim de quo Patres concordissimè loquuntur, ut de dogmate Catholico, si neque inveniatur in Scripturâ, neque sciatur à Christo immediatè revelatum, pro Apostolicâ traditione tenendum est, cujusmodi esse potest traditio de divinitate Scripturæ Apostolicæ. 4^a. Nota est Ecclesiæ sensus; nam ut ait Aug. l. 4.

Traditio-
num Apo-
stolicarum
notæ.

de Bapt. contra Donatistas, c. 24. *Quod universa tenet Ecclesia, nec Conciliis institutum est, sed semper retentum est, non nisi Apostolicâ auctoritate traditum rectissime creditur.* Exemplum esse possit jejunium quadragesimæ. Observa tamen sæpe confundi ab ipsis etiâ Patribus traditiones Apostolicas cum traditionibus immediatè divinis: quia nimirum vix scire possumus quid Christus ipse proprio ore Apostolis dixerit, & quid Spiritui-Sancto dicendum reliquerit. Sed ea confusio nihil nocet fidei nostræ; traditiones enim, sive à Christo immediatè veniant, sive ab Apostolis dictante Spiritu-Sancto, divinam auctoritatem habent.

Thesis 4^a. Traditiones Apostolicæ partim characteres habent traditionum immediatè divinarum, partim non habent. Sunt duæ partes. 1^a. Difficultatem non habet, quia aliquæ saltèm traditiones Apostolicæ, sunt traditiones fidei, ejusmodi autèm traditiones æquè perpetuæ sunt & universales, nec minoris auctoritatis, quam immediatè divinæ. 2^a Verò pars, in quâ plus difficultatis est, probatur. Quia inter traditiones Apostolicas multæ sunt traditiones morum, traditiones autèm morum Apostolicæ non habent omnes characteres traditionum immediatè divinarum. Nam 1^o traditiones morum Apostolicæ ex genere suo mutabiles sunt, traditiones enim non scriptæ mutabilitati non minùs sunt obnoxie, quàm traditiones scriptæ: Atqui traditiones Apostolicæ scriptæ obnoxie sunt mutabilitati, aliquæ enim reipsâ mutatæ & abrogatæ sunt, ut facilè demonstrari potest contra quosdam laudatores

Earumque
proprii ca-
racteres.

temporis acti , & importunos reformatores , quibus revocari placeret quidquid olim sanctè institutum fuit. 2^o. Traditiones morum Apostolicæ , non omnes sunt universales ; Apostoli enim , nec eadem omnes , nec omnibus eadem tradiderunt ; atque hinc profectæ sunt diversæ diversarum Ecclesiarum consuetudines : ità , Exempli causâ , ex Apostolicâ institutione in Occidente jejunabatur Sabbato , in Oriente non jejunabatur ; de quâ non jejunandi consuetudine sic loquitur Martyr Ignatius in Epist. ad fideles Philadelphix , *Si quis Sabbato jejuna-verit, praterquàm uno solo , interfecto Domini est.*

Objicies. Traditiones Apostolicæ sunt traditiones divinæ , Deus enim per Apostolos , & loquebatur , & præcipiebat , Ecclesia autem abrogare non potest traditiones divinas. Respondeo 1^o non omnes traditiones ab Apostolis venientes divinas esse , sed illas solum , quas Apostoli tradiderunt Spiritu-Sancto dictante , & per ipsos loquente. Quare traditiones aliquæ Apostolicæ , humana dumtaxat præcepta sunt , quia interdum Apostoli præceperunt nomine suo , non Dei , ut Paulus ipse testatur 1^a ad Cor. c. 7. *Dico ego , non Dominus* ; ea verò præcepta nihil mirum est , si Ecclesiæ potestati subjaceant. Respondeo 2^o. traditiones Apostolicas etiã divinas abrogari posse ab Ecclesiâ , ut ex eo patet , quod multæ etiã scriptæ abrogatæ sint. Nam 1^o. Visum erat Spiritui-Sancto & Apostolis , ut fideles abstinerent à sanguine & præfocatis carnibus ; elegerant nimirum Apostoli rem facilem , in quâ

Ecclesia
abrogare
potest tra-
ditiones
Apostolo-
rum non
modò hu-
manas.

Sed etiã
divinas.

observandâ cum Israëlitis gentes concordarent ; sed quis jam hoc Christianus observat , inquit Augustinus. 2°. Ex Apostoli præcepto fluxerat mos ille in Ecclesiâ receptus , ut fideles finitis precibus , viri viros , & fæminæ fæminas se mutuo oscularentur ; sed gravissimis de causis mos ille nunc sublatus est , & fraterno osculo , sacræ tabellæ , aut crucis osculum succedit. 3°. Apostolicæ institutionis erant Agapes , seu convivia illa communia celebrari solita à fidelibus post Sacramentorum communionem ; sed contra illum morem declamarunt Ambrosius , & Augustinus ; nec acquieverunt viri Sancti , donec fidelibus communes illas mensas subtraxerint. Sufficiant hæc , ut appareat traditiones Apostolicas mutabiles esse.

Quomodo
id possit
Ecclesia.

Instabis : Non apparet in quâ potestate traditiones Apostolicas Ecclesia abrogaverit ; ergo abrogatio illa abusus est , non usus legitimæ potestatis. Respondeo cum Augustino , audi quod scriptum est , *Quodcumque solueris super terram , erit solutum & in cælis* ; Dupliciter autem intelligi potest , quomodo Ecclesia dispensare potuit etiâ in lege sui superioris. 1°. Si potestatem faciat superior dispensandi in suâ lege , eamque abrogandi. 2°. Si lex dicatur esse conditionata , & importare tacitam hanc clausulam. *Nisi aliud Ecclesiâ videbitur pro opportunitate temporum*. Quamvis autem nulla sit obligatio faciendi rem traditione Apostolicâ jam abrogatâ præceptam , superest tamen semper obligatio credendi fuisse rem olim sanctè & prudenter institutam. Ratio est , quia sicut tenemur assentiri Deo aliquid testificanti , ita

quidquid ille præceperit, tenemur credere rectè fuisse præceptum, neque enim in præcipiendo minùs prudens & justus est, quàm sapiens & verax in loquendo. Unde pacis osculum sanctè quis in salutatione prætermittet, quia consuetudo salutandi se in osculo sancto jam abrogata est; sed malè quis diceret consuetudinem illam non rectè fuisse introductam.

Thesis 5^a. Duplici præsertim notâ haberi possunt traditiones Ecclesiasticæ. Explicatur & probatur. 1^a est nota temporis. Nam si traditio aliqua longè post tempora Apostolorum initium habere inveniatur, clarum est eam, nec Apostolicam esse, nec immediatè divinam, ac proindè Ecclesiasticam esse. Altera est nota Authoris. Si enim traditionis author inveniat^{ur} esse, aut Prælat^{us}, aut Pontifex, aut Synodus aliqua, traditio censerⁱ debet Ecclesiastica. Moneo tamen magnâ cautione hîc opus esse, nam aliqua interdum videntur à Conciliis; aut Pontificibus instituta, quæ ab ipsis instituta non sunt; sed restituta; ab Apostolis enim suam originem trahunt.

Traditiones Ecclesiasticæ quas notas habeant.

Thesis 6^a. Traditiones Ecclesiasticæ diversos characteres habent. Explicatur & probatur. Nam 1^o. traditiones Ecclesiasticæ quæ circa fidem versantur, non sunt revelationes divinæ, sicut sunt traditiones fidei ab Apostolis, aut à Christo immediatè venientes; sunt enim tantum explicationes & declarationes revelationum divinarum, quia Deus per Ecclesiam propriè non loquitur, nec facit Ecclesia revelationes novas, sed declarat antiquas. 2^o. Traditiones Ecclesiasticæ mutabiles sunt, quidni

Et quos characteres.

enim posset abrogare Ecclesia leges, quas ipsa tulit, cum & hoc ipsum possint cæteræ communitates. Nec tantum mutabiles sunt, sed interdum reipsa mutantur; in quâ tamen mutatione nihil est inconstantiae aut levitatis, sed mira prudentia Ecclesiae, servientis loco & tempori, fideliumque infirmitati condescendentis. 3°. Traditiones Ecclesiasticae non omnes universales sunt; sunt enim aliquæ privatarum Ecclesiarum consuetudines æquè servandæ, juxta illam Ambrosii regulam, quam refert Augustinus Epist. 118. ad Januarium, *cum Romam venio; inquit; jejuno Sabbato, cum hic sum, id est Mediolani, non jejuno.*

Traditioni Ecclesiasticæ qui obstinato contradicit hæreticus est præsumptivè dumtaxat & consequenter.

Objicies: Qui contradicit traditioni Ecclesiasticæ habetur pro hæretico; ergo traditiones Ecclesiasticæ divinæ sunt; nec minoris auctoritatis, quàm Apostolicæ. Respondéo. Nego Consequentiam. Nam qui obstinatè contradicit traditioni Ecclesiasticæ consequenter tantum, aut præsumptivè Hæreticus est; quatenus consequenter negat, aut negare præsumitur esse in Ecclesiâ potestatem sancienti leges, quæ potestas ad fidem pertinet, & dogma Catholicum est: quo ferè modo ex Tridentino, qui excommunicatus toto anno in excommunicatione contumaciter perseverat, & ut Jura loquuntur, insordescit, fit suspectus de hæresi, quia vehementem suspicionem dat, se non credere esse in Ecclesiâ potestatem excommunicandi. Traditiones igitur Ecclesiasticæ magnam venerationem habent, adeò ut ne minimæ quidem, etiam illæ quas hæretici, *Pedagogicas, seu, Pueriles*, appellant, contemnendæ sint,

sint, quia, & illis minimis pulchritudo sponsæ continetur, superciliorum instar, quæ si fortè detraxeris, quàm parum corpori, & quantùm pulchritudini detraxeris. Nolim tamen ista omnia transferri ad privatarum Ecclesiarum traditiones quasdam, in quibus, nec fides, nec Ecclesiæ autoritas periclitatur; quamquàm & in his quoque piæ populorum credulitati acquiescendum magis, quàm contradicendum puto. Si ergo viro Docto appareat evidens falsitas, abundet ille in suo sensu, & quasi in sinu rideat, sed nemini litem faciat, subfannet neminem. Vetant insuper prudentes, in eo genere rerum nimis esse curiosum, quia sunt interdum ejusmodi, ut si durius emungas, elicias sanguinem, si altius effoderis, pro sperato thesauro, nihil occurrat nisi putridum cadaver.



QUÆSTIO VII.

*De viâ duplici cognoscendæ veræ Doctrinæ
Christi in Scripturâ & traditione
contentæ.*

IN ipsâ Ecclesiâ Romanâ, quæ est verâ Christi Ecclesia, litigatur quidè de Doctrinâ Christi, ut litigatur in Ecclesiis hæreticorum; sed lites, quæ in Ecclesiis hæreticorum perpetuæ sunt, in Ecclesiâ Romanâ ex infallibilibus regulis deciduntur, & habent Pro decidendis con-

troverſiſi Regula autem illæ Eccleſiaſticae duæ ſunt ;
de Doctrina una mortua, altera viva. Mortua , dicitur ſen-
nâ Chriſti. ſus Patrum qui jam vixerunt. Viva , dicitur
Regula ſenſus Eccleſiæ præſentis.
duæ.

CAPUT PRIMUM.

*Statuitur & explicatur prima Regula quæ
eſt ſenſus Patrum.*

Prima Re-
gula, eſt ſen-
ſus Patrum.

Quid Pa-
trum no-
mine ve-
niat.

Quid re-
quiratur ut
quis inter
Patres nu-
merari poſ-
ſit.

Senſus Pa-
trum in ob-
jectum ca-
dere poteſt

P Ræmitto 1°. Patrum nomine venire an-
tiquos Doctores , quorum & ſcripta lau-
dantur , & memoria in benedictione eſt , pro-
pter eximiam vitæ ſanctitatem , & perpetuam
communione cum Eccleſiâ Romanâ ; ita ferè
Papa Gelafius , qui pleroſque Patrum nomi-
nat , ut Cyprianum , Athanaſium , Gregorium
Nazianzenum , Baſilium , Chryſoſtomum , Hila-
rium , Ambroſium , Auguſtinum , Proſperum ,
Leonem , alioſque multos. Quare , ut quis in-
ter Patres numerari poſſit, quatuor omninò re-
quiruntur. Primum eſt antiquitas , hanc enim
ſonat ipſum nomen Patris. Alterum eſt emi-
nentia Doctrinæ , ſunt enim Patres inſtructo-
res & Doctores Eccleſiæ. Tertium eſt excel-
lens ſanctitas , quæ ad faciendam fidem plu-
rimùm valet. Quartum , perpetua & conſtans
ad mortem uſque communio cum Eccleſiâ
Romanâ , quam , qui non habuerit , non tam
pro Patre , quàm pro extraneo habendus eſt.

Præmitto 2°. Senſum Patrum cadere poſſe
duplitter in objectum aliquod. 1°. Quidem
in objectum nudè ſumptum , præſcindendo à
revelatione Dei , cùm ſcilicet Patres ex privato

fuo sensu asserunt aliquid esse ; de quo sensu Patrum nihil hîc ad nos. 2^o. In objectum prout affectum est revelatione Dei , cum scilicet Patres aliquid asserunt à Deo esse revelationem , & in Doctrinâ Christi contentum ; de quo sensu quærimus , an sit infallibilis regula pro discernendâ verâ Christi Doctrinâ.

Præmitto 3^o. Patres posse accipi , vel omnes simul , vel singulos seorsum. Nam sit interdum , ut consentiant omnes , aut ferè omnes , aliquid in Doctrinâ Christi contineri , interdum in duas veluti partes æquales dividuntur : aliquandò , unus , vel pauci revelationem asserunt , idque cæteris , vel contradicentibus , vel tacentibus. Dicamus 1^o. De unanimitate sensu Patrum , deindè dicemus de sensu singulorum.

ARTICULUS I.

De unanimitate sensu Patrum.

THesis unica. Unanimis sensus Patrum est infallibilis regula ad discernendam veram Christi Doctrinam , seu scripturâ , seu traditione contentam. Probatur. Quia quidquid Patres unanimi consensu dicunt pertinere ad Doctrinam Christi , reipsâ pertinet , quidquid verò dicunt Doctrinæ Christi repugnare , reipsâ repugnat , idque infallibiliter. Infallibilitas autem istius consensûs Patrum , multiplex est , & ex multiplici capite venit. Alia est antecedens , alia consequens. Antecedentem appello , quæ habetur ante usum & approbationem Ecclesiæ. Consequentem , quæ

Infal-
libili-
tate an-
tece-
dente
tùm in-
trin-
secâ quæ
venit ex
ipsâ rei na-
turâ.

per usum & approbationem Ecclesiæ tribuitur;
1º. Igitur est infallibilitas Patrum antecedens,
eaque duplex; alia intrinseca, alia extrinseca.
Intrinseca dicitur, quam habet consensus
Patrum ex ipsâ naturâ rei, quatenus scilicet
fieri non potest moraliter, ut Patres omnes
in errorem consentiant. Nam Patres fuerunt
omnes egregiis naturæ & gratiæ dotibus in-
structi, intelligentiâ rerum divinarum, & stu-
dio fidei insignes, quorum aliqui, antiquiores
nimirum, coætanei fuerunt Apostolis, aut Apo-
stolorum discipulis, cæteri verò deinceps ab
istis fuerunt cruditi. Interfuerunt iidem fre-
quentibus Ecclesiæ Conciliis, in quibus veram
Ecclesiæ Doctrinam, etiâ circa ea quæ non-
dum definita & omnibus proposita erant, ob-
servare potuerunt. Aliundè cum sanctitatem
& prudentiam haberent omnibus notam, præ-
sumendum est in dogmatibus fidei asserendis
cautissimos eosdem, & consultissimos fuisse, nec
quidquam dedisse pro divino, nisi prævio ma-
turo examine, & Ecclesiæ sensu benè consul-
to. Habet igitur consensus Patrum infallibi-
litatem quandam moralem intrinsecam, ac
proindè magnum credibilitatis argumentum est,
& sufficiens propositio revelationis ad indu-
cendam obligationem credendi: ea enim pro-
positio sufficiens est, per quam fit, ut pru-
denter dubitari non possit de revelatione; sed
consensus Patrum est propositio, per quam fit,
ut prudenter dubitari non possit de revelatio-
ne, ergo &c. Infallibilitas verò extrinseca, ea-
demque antecedens, venit ex promissione Christi,
quâ promisit facturum se, ne Patres in erro-

Tùm ex-
trinsecâ
quæ venit

rem consentiant ; nam ea promissio omninò ex pro-
credibilis est , tùm quia voluit Christus , ut missione
Doctrina sua per omnes ætates fideliter in Ec- Christi.

Infalibi-
litate item
consequen-
te quæ per
usum & ap-
probatio-
nem Eccle-
siæ tribui-
tur.

Epist. ad
Afros.

Y iii

*In Dec. de
edit. & usu
Sac. Lib.
Sess. 4.*

nici V. idem definientis. 4°. Prohibent sub panâ Anathematis, ne quis contra unanimum sensum Patrum Scripturam interpretari audeat, itâ Concilium Tridentinum. Ergo unanimitas sensus Patrum est regula infallibilis, infallibilitate petita ex usu & approbatione Ecclesiæ; nam si fortè Patres omnes errarent, jam Ecclesia erraret, seu cum illos sequeretur, seu cum declararet sequendos.

Obijciēs. 1°. Ut consensus Patrum sit regula infallibilis, pro discernendâ verâ Doctrinâ Christi, vel necesse est, ut omnes omnino omnium temporum Patres conveniant, discordante nullo; vel non est necesse, ut omnes omnino conveniant, sed sufficit certus aliquis Patrum numerus: Si primum, regula data, & valde difficilis est, & satis inutilis; difficilis quidem, quantus enim labor est in omnibus Patribus evoluendis; inutilis verò, quia vix aliquid est, in quo omnes omnino conveniant. Si secundum, determinandum superest quantus præcisè numerus Patrum requiratur, & sufficiat. Respondeo. Ut habeatur consensus

Determinatur quinam Patrum consensus unanimitas sit & sufficiens ad obtinendam infallibilitatem

Patrum infallibilis, nihil necesse est, ut omnes omnium temporum Patres conveniant, nec si unus, vel pauci dissenserint, propterea definit esse consensus cæterorum infallibilis, quâ de re, quia gravissima est. Dico ulterius 1°. Si omnes omnium temporum Patres in aliquo consenserint, dubium esse non debet, quin ille omnium consensus sit infallibilis: nec verò adeò rarum est consentire omnes, vel positivè, vel negativè, nec in omnibus consulendis labor est insuperabilis; nam si præcipua Patrum Ca-

pita consentientia sint , rarò contingit alios minores Patres dissentire. Dico 2°. Sufficere absolutè consensum eorum Patrum , qui antè quintam Synodum Oecumenicam vixerunt ; nam illos ipsa quinta Synodus toti Ecclesiæ sequendos decrevit. Dico 3°. Necessarium non esse , ut omnes illi consentiant , discordante nemine , iste enim consensus non Metaphysicè , sed moraliter accipiendus est. Dico 4°. Quinam Patrum numerus præcisè sufficiat , & requiratur ad infallibilitatem obtinendam , difficillimum est statuere , ne dicam impossibile ; ut ferè contingit in iis , quæ moraliter æstimanda sunt , & prudentum judicio relinquuntur ; difficile tamen non est designare tantam turbam , quâ numerosior non requiratur. Dico 5°. Si Patres , quod rarò contingit , æquali ferè numero dissentiant , neuter illorum sensus infallibilis est , uter autem verus sit , Ecclesiæ est determinare. Dico 6°. Si pauci Patres aliquid asserant tanquàm revelatum , tacentibus & non contradicentibus cæteris , ille quidem paucorum sensus , non est regula infallibilis , nisi fortè res ejusmodi sit , ut silentium cæterorum haberi debeat pro consensu tacito & interpretativo , ille tamen paucorum sensus , cum silentio cæterorum , magnum est argumentum veritatis ; nam quòd cæteri sileant in re magni momenti , signum est , vel consentire ipsos , vel certè dubitare ; quia si clarè viderent falsam aliquam revelationem supponi pro verâ , reclamarent , & contradicerent.

Objicies 2°. Consensus Patrum est consensus hominum fallibilium , consensus autèm Patres
quamvis

singuli sint
fallibiles,
habent ta-
men omnes
simul sum-
pti infalli-
bilitatem
quandam
moralem
ab intrin-
seco ve-
nientem :
habent &
Metaphy-
sicam , sive
ex promif-
sione Chri-
sti , sive ex
Ecclesiæ
approba-
tione.

hominum fallibilium , non est infallibilis.
Respondeo. 1°. Quamvis Patres singuli sint
homines fallibiles , consensus tamen omnium
infallibilis est , infallibilitate saltē morali ,
quia moraliter loquendo fieri non potest , ut
omnes in errorem conveniant. Respondeo 2°. ,
Quamvis consensus omnium Patrum suppona-
tur esse ab intrinseco fallibilis , habere tamen
infallibilitatem extrinsecam , sive ex promissio-
ne Christi , sive ex usu & approbatione Eccle-
siæ petitam.

Instabis. Singuli Patres errare possunt , ergo
& omnes ; nam quis credat ex partibus qua-
rum singulæ fallibiles sint , consurgere posse
totum aliquod infallibile. Respondeo. Nego
consequentiam apertè falsam. Nam ex ipsâ
naturâ rei difficilius est errare omnes , quàm
singulos. Hinc fit , ut in judiciis humanis
quò plura sunt testimonia , eò majorem fidem
faciant , & quamvis non convincant singula
seorsum , omnia tamen simul sumpta convin-
cant. Sed cum ista Patrum infallibilitas sit
præsertim ab extrinseco , sive ex promissione
Christi , sive ex usu & approbatione Ecclesiæ ;
dico , tam promissionem Christi , quàm usum
& approbationem Ecclesiæ , cadere in consen-
sum omnium Patrum , non in privatum sen-
sum singulorum , ac proindè omnes simul in-
fallibiles esse , non singulos.



ARTICULUS II.

De sensu singulorum Patrum.

THesis Unica, Sensus Patrum singulorum Sensus Pa-
 non est regula infallibilis, ad discernen- trum sin-
 dam veram Christi Doctrinam. Probatur. gulorum
 Quia nullus Patrum seorsum infallibilis est, nulli non est in-
 promissa est infallibilitas, nullius sensum in fallibilis.
 omnibus Ecclesia approbavit. Quare verissi-
 mum est illud Hieronymi Epistolâ ad Ctesiphontem, *Aliter, inquit, habendi sunt Apostoli, aliter reliqui tractatores, illos semper verum dicere, istos in quibusdam ut homines errare contingit.* Confirmari potest, Quia ferè singuli Patres in quibusdam erraverunt, & notantur errores singulorum veluti *Luminarium defectus.* Et singuli
 Erravit v. g. Irenæus, putans Christum mortuum fuisse anno ætatis suæ Quinquagesimo. ferè in aliquo errarunt.
 Erravit Cyprianus in Hæreticis Rebaptisandis. Facund.
 Erravit Hieronymus in aliquâ parte Danielis Herm l. 6.
 rejiciendâ. Errarunt Hilarius, Ambrosius, Augustinus, asserendo Angelos esse corporeos.
 Errarunt alii in aliis. Sed in erroribus Patrum notandis quantum exultare solent, & lascivire impudentes hæretici, vera progenies maledicti illius Chami, qui ignominiam Patris Fratribus ludum faciebat, tantum commendare se debet pudor & modestia Catholicorum in iisdem tegendis, dissimulandis, excusandis, nec nisi obiter considerandis, ut ex ipsorum consideratione errorum triplex ista veritas habeatur. 1^a Debere quemlibet sapientem diffidere

Errores illorum modestè & reverenter notandi sunt.

Quos in
fines va-
leant.

plurimum ingenio suo, quis enim videns Patres alicubi cecidisse, prudenter præsumat stare se posse in omnibus. Altera. In nullius privati Doctoris verba omnia jurandum esse, seu neminem privatum sequendum esse in omnibus, quia nemo in errore sequendus. 3^a Nullum Sanctorum Patrum præferri, aut æquari oportere omnibus Patribus simul sumptis, singuli enim in aliquo errare possunt, omnes simul non possunt.

De authoritate Augustini.

Qui summam tribuit, Augustino contradicit.

Objicies 1^o. Augustini sensus est regula infallibilis; nam quis credat in discernenda Christi Doctrinam errare potuisse talem ac tantum virum, qui & à Conciliis Generalibus Approbationem Generalem, & à Summis Pontificibus valde singularem habuit. Respondeo. Nego Antecedens. Augustino enim qui summam authoritatem tribuunt, Augustino ipsi contradicunt: nam ille de bono perseverantiae c. 21. *Neminem, inquit, velim sic amplecti omnia mea, ut me sequatur, nisi in iis, in quibus me non errare perspexerit: nam propterea nunc facio Libros, in quibus opuscula mea retractanda suscepi, ut nec meipsum in omnibus secutum fuisse demonstrem, sed proficienter me existimo, Deo miserante, scripsisse, non tamen à perfectione coepisse; quandoquidem arrogantius loquar, quam verius, si vel nunc dicam me ad perfectionem sine ullo errore scribendi, etiam in ista aetate venisse.* Hæc Augustinus sub finem ætatis, modestè quidem, sed tamen verè; nam undè haberet Augustinus infallibilitatem. Non 1^o. Ex naturæ aut gratiæ donis, quibus insigniter quidem ornatus est, sed non exemptus à con-

Infalibilitatem non habet ex naturæ, aut gratiæ donis insignibus.

ditione mortali, mendacio & errori obnoxia.

Non 2°. Ab Ecclesiæ approbatione generali,

talis enim approbatio Augustino communis est

cum multis aliis Patribus, nec est definitio

Ecclesiæ excurrens per singula Doctrinæ capi-

ta, alioquin, ut benè ratiocinatur Tostatus,

definiret simul Ecclesia propositiones contradi-

ctorias, quatenus Doctores pugnantia loquen-

tes, putà Augustinum, & Hieronymum, gene-

raliter approbavit; nec profectò eundo per

singulas sententias, vel uni Augustini Libro

examinando, Ecclesia intra ducentos annos con-

gregata sufficeret. Non deniquè infallibilita-

tem habet Augustinus ex singulari quâdam ap-

probatione Ecclesiæ, talis enim approbatio in-

fallibilitatem tribuens nunquàm fuit; non

quidèm quoad omnia Augustini Scripta, ut

ferè fatentur omnes; sed neque quoad omnia

illa, quæ contra Pelagianos scripsit; nam ex

sententiæ ex Augustino depromptæ, quas Ec-

clesia ratas habet; Celestini Capitulis compre-

henduntur omnes, profundiores verò quæstio-

nes, quæ latius pertractantur, nihil necesse ju-

dicavit Celestinus adstruere, ut testatur ipse-

met in Epistola ad Episcopos Galliarum. Falsum

igitur est quod aiunt aliqui novatores, quæcum-

que scripsit Augustinus, Ecclesiam suæ Autho-

tatis firmata pondere, & munita sigillo tradi-

disse fidelibus, & singula eo numero ac veri-

tatis gradu retineri voluisse, in quo ab ipso

Augustino collocata sunt; manetque semper

juxta Tostatum ulterior Inquisitio, verumne,

an falsum sit, quod præcisè dixerit Augustinus;

sed faciendum est, ut ea Inquisitio honoris

& reverentiæ plena sit.

Non ex
Ecclesiæ
approba-
tione gene-
rali.

Defens. p. 2.
c. 81.

Non deni-
què ex ap-
probatione
singulari
Ecclesiæ.

Defens. p. 2.
c. 81.

Quanta sit
authoritas
Augustini
ex appro-
batione Ec-
clesiæ.

Seu gene-
rali.

Seu singu-
lari.

Instabis. Ergò approbatio Ecclesiæ Augu-
stino data, seu generalis, seu singularis quæ-
cumque illa sit, prorsùs inutilis est, & nullam
Augustino tribuit Authoritatem. Respondeo.
Nego Consequentiam. Neque enim cùm in-
fallibilitas negatur Augustino, propterea om-
nis ei authoritas detrahitur, aut fit inutilis
approbatio Ecclesiæ Augustino data. Nam, ge-
neralis quidè approbatio quantum valeat, eru-
ditè explicat idem Tostatus, totum valorem
revocans ad quatuor Capita. 1°. Igitur Eccle-
sia approbans Augustini Libros dat eo ipso
facultatem legendi Libros, quos approbat. 2°.
Addit illis commendationem utilitatis. 3°.
Amovet ab Authore suspicionem hæresis vo-
luntariæ. 4°. Authorem commendat eo gra-
du, ut allegatus probabilitatem faciat senten-
tiæ alicujus, seclusâ etiâ ratione; quâ in
re plus tribuitur Augustino, quàm ipse sibi,
aut aliis tribueret. Nam Epistolâ 19. ad Hie-
ronymum, *Alios*, inquit, ita lego, ut quan-
tâlibet Sanctitate Doctrinâque prepolleant, non
ideo verum putem, quia ita senserunt ipsi, Sed
quia mihi, vel per Authores Canonicos, vel
probabili ratione, quod à vero non abhorreat,
persuadere potuerunt. Qualis autem erat Augu-
stinus in scriptis aliorum, tales volebat esse
intellectores suorum. Ex singulari verò appro-
batione Summorum Pontificum, torque sæcu-
lorum præcedentium commendatione, non
summam quidè Authoritatem, sed tamen
tantam habet Augustinus, ut in Theologiâ
unus esse possit pro multis, nec ab eo putem
discedendum esse; nisi, vel Ecclesiæ cogat

Authoritas, vel major aliquis consensus Patrum, vel nova quædam ratio, quam Augustinus non viderit, ut multa sunt quæ videre non potuit; quippè, ut novus orbis, ita novæ quotidie veritates deteguntur. Laudum Augustini hæc summa est. *Quòd lingua fuit Ecclesia*, ut Sanctum Doctorem appellat Petrus Damiani. *Quòd Conciliorum Dux ingeniumque*, ut eum appellat Prosper Aquitanus. *Quòd contra Pelagianos nihil nisi ex Augustini ore ac Verbis decretum fuerit*, ut testantur Summi Pontifices.

Objicies 2^o. Negari saltèm non potest quin infallibilis sit Doctor Angelicus, qui tot miracula fecit, quot quæstiones determinavit, ut de eo pronuntiasse dicitur Joannes XXII. Miracula autèm non fecit errando. Respondeo. Si Magnus Augustinus non est infallibilis, neque infallibilis est Sanctus Thomas Augustini Discipulus, quem appellare solent contractum, seu minorem Augustinum; nimirùm valet hîc illa Christi sententia, *Non est Discipulus supra Magistrum*, sed satis est, si sit, sicut Magister ejus. Quare, quod de Magno Augustino dictum est, de Sancto Thomâ Augustino minore dictum velim, cum proportionem tamen, & servato utriusque jure ac merito; neque enim unum alteri æquare velim; & quamvis magnam habeat Authoritatem Sanctus Thomas, videri tamen possit habere minorem Augustino. Quòd pertinet ad Elogia Pontificum data Sancto Thomæ. Dico, approbationes esse dumtaxat generales, non definitiones, quæ cadant in singula Doctrinæ Tho-

De authoritate Sancti Thomæ.
Gerson p. 2.

Luc. c. 6.

misticæ capita : nam singula quædam Pontificum Elogia data reperiuntur Sancto Bonaventuræ Doctori Seraphico , qui tamen in multis dissentit à Doctore Angelico.

Citantur
meritò Pa-
tres.

Objicies 3°. Si singuli Patres errare possunt , non est cur citentur , aut tam studiosè legantur , cum neque fidem faciant citati , neque legantur sine aliquo periculo erroris. Respondeo. Nego Antecedens. Citantur enim meritò Patres , quia quamvis Anthoritatem Summam non habeant , habent tamen tantam , ut facere possint fidem probabilem sententiæ suæ. Atque hoc est , quod asserit Sanctus Thomas , *Sacram Doctrinam , seu Theologiam uti Authoritatibus Doctorum Ecclesiæ , quasi arguendo ex propriis , sed probabiliter.* Leguntur verò Patres magno fructu , tum quia per Læctionem singulorum haberi potest consensus omnium , qui consensus est regula infallibilis , tum quia ex singulis hauritur vera fidei & morum Doctrina ; nam singuli , quamvis non sint infallibiles , paucos tamen errores habent , cosque jam ferè notorios , & vitari faciles.

Prima par-
te quest. 1.
art. 8.

Et magno
fructu læ-
guntur.

C A P U T I I.

*Statuitur Altera Regula quæ est Ecclesiæ
sensus.*

Altera Re-
gula , Ec-
clesiæ sen-
sus. **D**istinguiamus triplicem statum Ecclesiæ ; statum diffusionis , statum congregationis & statum adunationis. Est enim Ecclesia per

totum orbem diffusa, omnes fideles complectens. Est item Ecclesia in Conciliis Congregata, Prælati ferè & Pastoribus constans. Est deniquè Ecclesia in capite suo Summo Pontifice magis adunata, & subsistens. De sensu Ecclesiæ secundum triplicem illum statum considerata examinamus hîc, an, & quomodo sit regula infallibilis pro verâ Christi Doctrinâ discernendâ.

*Triplex
Ecclesiæ
status.
Status diffusionis,
Status congregationis,
Status adunationis,*

ARTICULUS I.

De sensu Ecclesiæ per Orbem diffusa.

PRæmitto 1^o. Ecclesia quæ per orbem diffusa est, potest accipi, vel totaliter, vel partialiter. Ecclesia partialiter sumpta, est aliqua pars Ecclesiæ per orbem diffusæ; pars autem illa, vel est integralis toti, vel substantialis. Integralis dicitur, quæ ita pertinet ad totum, ut tamen eâ præcisè demptâ non dicatur tolli totum, sed remaneat eadem denominatio totius; quo modo digitus est pars integralis hominis, quia digitus ita est aliquid hominis, ut eo præcisè sublato non tollatur homo. Quo item modo unus fidelis, una aliqua Provincia, unum aliquod Ecclesiæ Regnum dici potest pars integralis Ecclesiæ, quia ita est aliquid Ecclesiæ, ut eo præcisè sublato, non tamen Ecclesia tollatur. Pars Substantialis dicitur, quæ ita ad totum pertinet, ut eâ præcisè sublata, totum tollatur, quo modo anima est pars hominis, & Ecclesia in quâ est Sedes Petri, & Petro adhærens, est pars Ecclesiæ. Ecclesia sumpta totaliter, est Ecclesia tota, eaque

*Ecclesia
per orbem
diffusa accipi potest
vel totaliter, vel
partialiter.
Pars Ecclesiæ, alia
est integralis toti,
alia substantialis.*

Ecclesia vel integraliter, vel substantialiter. Ecclesia item tota, integraliter tota, est Ecclesia sumpta cum omnibus suis partibus integrantibus, seu prout integraliter omnes fideles complectitur; idque vel Physicè, tota, vel tota substantialiter, ità ut nullus omninò desit, vel moraliter, ità ut pauci tantum desint. Ecclesia substantialiter tota, est Ecclesia sumpta pro parte principali quæ suscipit denominationem totius, talis est Ecclesia in quâ est Sedes Petri, & Petro adhærens; nam eâ remanente, tota Christi Ecclesia remanere dicitur.

Infallibilitas duplex, Præmitto 2°. Duplex concipi potest infallibilitas, una passiva, altera activa. Passiva infallibilitas, est impotentia errandi. Activa, est impotentia proponendi & docendi errorem. Utraque verò infallibilitas, seu activa; seu passiva; pertinere potest ad multiplex quæstionum genus: nam quæstiones aliæ sunt juris, aliæ facti, aliæ ex utroque mixtæ, aliæ nec juris nec facti. Quæstiones juris secundum Theologicam acceptionem, eæ dicuntur, quæ in

Quid quæstiones juris secundum acceptionem Theologicam, Scripturâ aut traditione solutionem habent, cujusmodi est, *an Christus mortuus sit pro suis prædestinatis*: nimirum jus fidei nostræ in Scripturâ & traditione continetur, quia quæstiones fidei ex solo Dei verbo, seu scripto, seu tradito deciduntur. Hinc sequitur, quæstionem quæ apud Jurisconsultos est quæstio facti, esse posse apud Theologos quæstionem juris, cujusmodi est, *an Herodes occiderit Joannem*; nam ea quæstio apud Jurisconsultos meri facti est, quia ex legibus decidi non potest,

Quid quæstiones facti, apud Theologos est quæstio juris, quia in Scripturâ decisionem habet. Quæstiones facti dicuntur,

dicuntur, quæ sunt in materiâ contingenti, & in Scripturâ, aut traditione solutionem non habent, cujusmodi est, *an Jansenius dixerit Christum pro solis prædestinatis mortuum esse.* Distingue autem multiplicem speciem facti, alia enim sunt facta dogmatica, alia non dogmatica. Dogmatica appellantur dogmata privatorum in materiâ fidei; non dogmatica autem, cætera omnia quæ dogmata non sunt. Inter istiusmodi verò facta non dogmatica, aliqua sunt essentialiter cum fide connexa, alia non ad fidem, sed ad Disciplinam pertinent, alia deniquè, nec ad fidem pertinent, nec ad Disciplinam. Quæstiones mixtæ dicuntur, quæ constant quæstione duplici, unâ juris, alterâ facti; ut si quæramur. An Jansenius propositionem Hæreticam docuerit, sit quæstio mixta, sunt enim in illâ quæstiones duæ, una quæ facti est, scilicet, an Jansenius unam certam propositionem docuerit, Altera quæ juris est, an ea propositio quam docuit Jansenius sit Hæretica. Quæstiones nec juris, nec facti dicuntur, quæ sunt in materiâ necessariâ, & in Scripturâ aut traditione decisionem non habent, cujusmodi est, an sit possibilis creatura perfectissima &c. His præmissis.

Seu dogmatici, seu non dogmatici.

Quid quæstiones mixtæ.

Quid quæstiones, nec juris, nec facti.

1°. Loco statuemus Ecclesiam per orbem diffusam habere aliquam infallibilitatem in discernendâ verâ Doctrinâ Christi. 2°. Definimus amplitudinem istius infallibilitatis, seu ad quas tandè quæstiones se extendat. 3°. Determinabimus illius subjectum, seu in quo resideat, an in totâ Ecclesiâ, an in parte Ecclesiæ. 4°. Demùm examinabimus, an ista infallibili-

tas sit passiva tantum, an verò etià activa.

Statuitur
Ecclesiæ
per orbem
diffusæ in-
fallibilitas.

Ex pro-
missioni-
bus Chri-
sti.

Thesis 1^a. Ecclesia per orbem diffusa infallibilitatem habet in discernendâ verâ Christi Doctrinâ, seu Scripturâ, seu traditione continetur. Ratio istius Dogmatis Catholici est, quia Ecclesia Christi errare non potest in suâ fide; erraret autem in suâ fide, si fortè erraret in discernendâ verâ Doctrinâ Christi, fides enim Ecclesiæ versatur circa Doctrinam Christi: Ergò Ecclesia errare non potest &c. Major quæ sola negatur ab Hæreticis, habetur 1^o. Ex promissionibus Christi. Christus enim Ecclesiæ suæ promisit infallibilitatem, idque verbis satis expressis & formalibus. Nam promissio est Christi Matthæi 18. *Tu es Petrus & super hanc Petram edificabo Ecclesiam meam.* Quo loco promittitur soliditas, & firmitudo Ecclesiæ tanta, ut everti non possit: Atqui si fortè Ecclesia erraret in fide, per ipsum errorem everteretur. Promissio Christi est, quod sequitur, *& porta inferi non prævalebunt adversus eam.* Sed si Ecclesia erraret in fide, jam Spiritus erroris & mendacii, qui de portis inferi est, Ecclesiæ prævaleret. Promissio Christi est, futuras in Ecclesiâ *Claves Règni Cælorum*; in istis autem Clavibus, sunt Claves Scientiæ ad aperiendam fidei Doctrinam; sed quales essent istæ Claves, si falsam Doctrinam pro verâ aperirent. Promissio Christi est, *Quodcumque solveris super Terram, erit solutum & in Cælis*; potestas autem ista solvendi non pertinet, solum ad remissionem peccatorum, sed ad controversiarum fidei solutionem: Atqui si

Ecclesia erraret in fide, jam malè controversias fidei solveret, nec sententia Ecclesiæ Cælestæ suffragium haberet, aut mereretur. Promissio Christi est, *cum venerit ille Spiritus veritatis, docebit vos omnem veritatem*; Sed si erraret Ecclesia in fide, jam esset aliqua veritas fidei quam Spiritus veritatis non doceret. Verbum Domini est, *Si Ecclesiam non audierit, sit tibi sicut Ethnicus & Publicanus*; quo significatur infallibili Ecclesiæ judicio, præsertim in causis fidei, acquiescendum esse. Confirmari potest ex testimonio Pauli 1^o ad Timotheum 3. ubi Ecclesiam docet esse *Columnam & firmamentum veritatis*; quod testimonium non benè congruit cum Ecclesia fallibili. Verùm, quia istas Christi promissiones, aliaque Scripturæ testimonia Hæretici perperam interpretando eludunt. Habetur 2^o. Eadem infallibilitas ex traditione, quæ verum Scripturæ sensum ponit in manifesto; nam ab ipsis Apostolis ad nos usquè continuata traditio fert Ecclesiam esse infallibilem, & supra dictis Christi promissionibus infallibilitatem Ecclesiæ contineri. Habetur, 3^o. Ex unanimi sensu Patrum passim prædicantium infallibilitatem Ecclesiæ, & in dubiis de Scripturâ, aut traditione ad Ecclesiam provocantium. Inter Patres autèm super eâ re nemo expressior est Augustino, cujus tamen judicio præsertim stare se simulant Novatores: nam Augustinus lib. 1. contra Cresconium c. 33. *Quisquis, inquit, falli metuit, hujus obscuritate questionis, Ecclesiam de illâ consulat, quam sine ullâ ambiguitate Scriptura demonstrat.* Et lib. contra Epistolam fundamenti cap. 5. *Ego verò, inquit;*

Ioan. c. 16.

Mat. c. 18.

Ex tradi-
tione.

Ex unani-
mi sensu
Patrum.

Augustini
præsertim.

Evangelio non crederem, nisi me Ecclesia Catholica commoveret Autoritas. Et infra, de Libro Actuum Apostolorum loquens : *Cui Libro, inquit, necesse est ut credam, si credo Evangelio, quoniam utramque Scripturam similiter mihi Ecclesia Catholica commendat Autoritas.*

In probandâ Ecclesiæ infallibilitate nullus fit Circulus.

Objicies. Infallibilitatem Ecclesiæ probamus ex promissionibus Christi, quæ continentur in Evangelio ; Evangelii verò Divinitatem probamus ex definitione Ecclesiæ infallibilis : Ergò in probatione infallibilitatis Ecclesiæ circulum committimus vitiosum, probando scilicet infallibilitatem Ecclesiæ per Divinitatem Evangelii, & Divinitatem Evangelii per infallibilitatem Ecclesiæ. Respondeo. Sine ullo vitioso circulo infallibilitatem Ecclesiæ probamus ex promissionibus Christi in Evangelio contentis, Doctrinam autem Christi probamus Divinam esse, & contineri in Evangelio ex motivis credibilitatis. Quare Evangelium, ex quo probatur infallibilitas Ecclesiæ, testimonium habet Divinitatis suæ independens ab infallibilitate Ecclesiæ; nec mirum est, si autoritate illâ suâ, quam habet independentem ab infallibilitate Ecclesiæ, suffragari possit infallibilitati Ecclesiæ. Infallibilitas verò Ecclesiæ semel habita ex Evangelio, nihil vetat, quominus adhibeatur ut regula, ad cæteram Scripturam, traditionemque certò dijudicandam.

Contra
Epist. Man.
6. 5.

Instabis. Assentimur nos Augustino dicenti, *Evangelio non crederem, nisi me Ecclesia Catholica commoveret Autoritas* : Ergò fides nostra circulatoria est. Nam credimus Evangelio propter Autoritatem Ecclesiæ, & rursùm cre-

dimus Ecclesiæ propter Authoritatem Evangelii. Respondeo. Nego Consequentiam. Nam 1^o. Credimus nos Evangelio, aut certè credere possumus propter Authoritatem Evangelii humanam; quia Authoritas Evangelii, etià humana, magnum credibilitatis motivum est, quo moveri possumus, ut credamus Evangelium esse Librum Divinum. Credimus autem inesse Ecclesiæ infallibilitatem, quia in Evangelio, qui Liber Divinus est, ità dicitur. 2^o. Dicimus cum Augustino, & in sensu Augustini, *Non crederem Evangelio*, totaliter & adæquatè sumpto, *Nisi me Ecclesiæ Catholica commoveret Authoritas*, quia Divinitas Evangelii totaliter & adæquatè sumpti non habetur ex traditione satis constanti, & omnibus notoriâ. At Divinitas Evangelii inadæquatè sumpti, seu sumpti secundum eam partem, in quâ continetur Ecclesiæ infallibilitas, habetur ex traditione satis constanti, & notoriâ. Quare ad eam partem credendam non est opus infallibilitate Ecclesiæ; ex eâ igitur parte probari potest sine ullo circulo infallibilitas Ecclesiæ, eaque semel constituta, valere potest ad reliquam Christi Doctrinam certò cognoscendam.

Thesis secunda. Infallibilitas Ecclesiæ per orbem diffusæ, non solum ad quæstiones juris, sed ad multas etià facti quæstiones extenditur. Sequitur ex superiori. Nam Ecclesia infallibilis est in verâ Christi Doctrinâ discernendâ, non esset autem infallibilis in verâ Christi Doctrinâ discernendâ, si infallibilis non esset, tum in quæstionibus Juris, tum in

Infallibilitas Ecclesiæ per orbem diffusæ, non solum ad quæstiones juris, sed ad multas etià facti quæstiones extenditur.

multis etiã facti quæstionibus ; quia non tantum quæstiones juris, sed multæ etiã facti quæstiones ad Christi Doctrinam discernendam necessariò referuntur. Sed quia res ista meretur diligentius examen.

Nam Ecclesia infallibilis est in quæstionibus juris.

Dico ulterius 1°. Ecclesia per orbem diffusa errare non potest in quæstionibus Juris. Probatur. Quæstiones Juris hæ sunt, quæ ex Scripturâ & traditione deciduntur ; sed in iis Ecclesia non potest errare ; nam si fortè erraret, erraret in Scripturâ, aut traditione cognoscendâ, ac proindè in verâ Christi Doctrinâ, quæ in Scripturâ & traditione continetur.

Objicies. Synagoga aliquandò erravit in quæstionibus Juris, erravit enim, exempli causâ, in quæstione de vero Messiâ, quæ profectò fuit quæstio Juris, ex Scripturâ decidenda : Ergò, &c. Respondeo. Quidquid sit de Antecedente in cùjus examine immorari non vacat, Nego Consequentiam ; quia Ecclesiæ infallibilitatem habemus expressis Christi promissionibus, quæ promissiones Synagoga pariter non favent. Quare quamvis fortè errare potuerit Synagoga, non tamen sequitur errare posse Ecclesiam Christi.

Instabis. Ipsa Ecclesia Christi erravit in quæstione de Divinitate verbi, tota enim ad Arianismum defecit, quando scilicet, ut ait Hieronymus post Ariminense Concilium, *Nicana fidei conclamata damnatio est, totusque ingemuit orbis, & se Arianum esse miratus est.* Respondeo. Nego Antecedens. Nam, quod ait Hieronymus, dictum est hominis significare tan-

*Adversus
Lucifer.*

tum volentis magnam orbis partem infectam fuisse Arianâ Hæresi, & plerisque Catholicorum illudum fuisse per captiosas Arianæ fidei formulas.

Dico 2°. Ecclesia infallibilis est in quæstionibus facti dogmatici. Est contra aliquos novatores nostri temporis, qui Ecclesiam ita confitentur infallibilem esse in quæstionibus Juris, ut eandem negent esse infallibilem in quæstionibus facti Dogmatici. Quare iidem ita rejiciunt quinque Jansenij Propositiones ab Innocentio X. Accedente Ecclesiæ consensu damnatas, ut tamen sensum naturalem, quem ex propositiones in Jansenio habent, tueri velint, totumque Jansenium suâ illâ distinctione juris & facti retinere. Contra quam distinctionem pro infallibilitate Ecclesiæ in quæstionibus facti Dogmatici, quatuor habeo invictissima argumenta.

Infallibilis est in quæstionibus facti Dogmatici. Evimatur neitur contra novatores.

Primum Petitur ex infallibilitate Ecclesiæ in quæstionibus juris, talis enim infallibilitas virtualiter saltèm & implicite importat infallibilitatem in quæstionibus facti Dogmatici. Nam, ut Ecclesia infallibilis sit in quæstionibus juris, debet esse infallibilis in Scripturâ & traditione cognoscendâ; sed infallibilis non erit in Scripturâ & traditione cognoscendâ, nisi sit infallibilis in quæstionibus facti Dogmatici; cum enim Scriptura aliquando dubia sit & obscura, de vero illius sensu Ecclesia judicat, & judicare debet ex sensu Patrum; quare, si non est infallibilis in vero sensu Patrum intelligendo, infallibilis non est in intelligendo vero sensu Scripturæ. Ponamus enim

Ex infallibilitate Ecclesiæ in quæstionibus juris.

errare Ecclesiam in sensu Patrum intelligenda circa aliquem Scripturæ locum, profectò errabit in vero sensu loci illius, cum verus loci illius sensus, in vero sensu Patrum contineatur. Idem dicendum est de traditione, quæ ferè habetur per consensum Patrum. Nam si Ecclesia infallibiliter judicare non possit de consensu Patrum, infallibiliter judicare non poterit de verâ traditione; sensus autem Patrum est factum aliquod Dogmaticum: Ergò Ecclesia infallibilis est in quæstione alicujus facti Dogmatici. Confirmatur 1°. Negari non potest Catholicè, quin Ecclesia infallibiliter judicare possit, se esse in fide, & Doctrinâ Patrum, certò deprehendens perfectam Doctrinæ Christianæ conformitatem omnibus temporibus, seu illam, ut loquitur Tertullianus. *Doctrina consanguinitatem* inter Ecclesiam antiquam, & novam. Id verò Ecclesia judicare non potest, nisi examinando testimonia Patrum, qui in singulis Ecclesiæ ætatibus vixerunt; in quo examine non agitur quid sentire debuerint Patres, sed quid reipsâ senserint, ut sapienter notat Cardinalis Perronius in suâ replicâ ad Regem Britannix: Ergò si Ecclesia certò & infallibiliter deprehendere non possit, quid senserint Patres, certò & infallibiliter pronuntiare non potest, se esse in fide, & Doctrinâ Patrum. Confirmatur 2°. Quia Ecclesia infallibilis est in judicio ferendo de qualitate cujuscumque Doctrinæ; quæcumque enim dogmata proponuntur Ecclesiæ ad judicandam illorum conformitatem, vel difformitatem cum Scripturâ & traditione, si Ecclesia judicat,

infallibiliter judicat; sive ea dogmata præscindantur à proferente & ab aliis quibus conjuncta sunt, sive simul & conjunctim accipiantur: Atqui certò & infallibiliter id facere Ecclesia non potest, nisi certò & infallibiliter cognoscat sensum naturalem, quem verba habent, sive seorsum & solitariè, sive conjunctim, & cum aliis accepta. Ratio ulterior est, quia damnatio, vel approbatio Ecclesiæ cadit in sensum naturalem propositionis, sive præcisè spectatæ, si sola damnatur, aut approbatur: sive sumptæ cum aliis, si damnatur, aut approbatur, ut jacet in Libro, & in sensu Authoris: Ergo Ecclesia debet certò & infallibiliter cognoscere sensum naturalem propositionum de quibus judicat. Neque enim potest certò judicari conformitas, aut difformitas duorum extremorum, nisi utrumque extremum certò cognoscatur.

Secundum Argumentum petitur ex ipsâ confessione Novatorum contra quos agimus, ipsammet, quam negant infallibilitatem, agnoscendum. Siquidem in approbandâ Augustini Doctrinâ Ecclesiam ità volunt esse infallibilem, ut Augustinus ex eâ approbatione summam Authoritatem habeat, nec sine notâ hæresis jam Augustino contradici possit: quod quidem ut vidimus falsum est, si extendatur ad universam Doctrinam Augustini ab Ecclesiâ generaliter tantum approbatam, sed verissimum est, si restringatur ad eas Augustini Sententias, quas Ecclesia ratas habuit, & specialiter approbavit; nam eæ Augustini Sententiæ sunt dogmata quædam Catholica, quibus sine hæresi contradici non potest. Undè sic argumentor. Ec-

Ex ipsâ
novatorum
confessio-
ne.

clesia infallibilis est in Sententiis Augustini approbandis : Ergo infallibilis est in reprobandis Jansenii propositionibus. Antecedens admittunt novatores, consequentia videtur evidens ; neque enim minor est Ecclesiæ infallibilitas in reprobandâ Doctrinâ unius Authoris, quàm in approbandâ Doctrinâ alterius. Aliundè verò quæstio facti dogmatici est , an eæ Sententiæ quas Ecclesia approbavit , cum in Augustino sensum naturalem habeant , in quem cadit approbatio Ecclesiæ ; quemadmodum quæstio facti dogmatici est , an quinque propositiones ab Ecclesiâ damnatæ habeant in Jansenio cum sensum , in quem cadit damnatio Ecclesiæ.

Ex ipso
Ecclesiæ
judicio de
suâ infalli-
bilitate.

Tertium Argumentum petitur ex ipso Ecclesiæ judicio de suâ infallibilitate ; Ecclesia enim arrogat sibi infallibilitatem in quæstionibus facti dogmatici , idque ex Christi promissionibus , in quarum intellectu errare non potest ; sunt enim eæ promissiones , ut cum Augustino loquamur, veluti *Tabula Matrimoniales* , in quibus Ecclesia sponsa , non habens , neque maculam , neque rugam , agnoscere , & legere potest prærogativas suas. Quod verò talem infallibilitatem Ecclesia sibi arroget , patet ex usu perpetuo ejusdem Ecclesiæ , quæ quoties hæreses damnavit ; toties ferè Authores hæresum , eorumque Libros undè excerptæ sunt , uno & communi judicio damnavit ; id se facere putans legitimè & infallibiliter ; ut argumentum est , quod pro hæreticis habuit, quicumque reclamarunt. Confirmari potest. Quia Ecclesia in nullo judicio suo de factis dogmaticis convinci potest falsitatis : ergo præsumere oportet pro

illius infallibilitate ; nam quod nunquam errarit Ecclesia in ejusmodi factis , tribuendum est , vel naturali alicui prudentiæ , vel infallibilitati divinæ ; sed tribuendum non est naturali Prudentiæ , nulla enim est naturalis Prudentia adeò exquisita , quæ non aliquandò erret : ergo tribuendum est infallibilitati divinæ.

Quartum Argumentum petitur ex providentiâ Christi ; Christus enim omninò credendus est dedisse Ecclesiæ suæ eam infallibilitatem , sine quâ , nec fideles in Fide , & moribus satis commodè regi possint , nec inquieti novatores satis cohiberi ; talis autem est infallibilitas in quæstionibus facti dogmatici : nam si Ecclesia non habet eam infallibilitatem , 1°. Non poterit certò scire pascua venenata , seu malos Libros , in quibus hæreticæ Doctrinæ continentur : ergo non poterit ab illis prohibere alumnos suos. 2°. Non poterit cohibere inquietos novatores ; nam si fortè Ecclesia Doctrinam Libri , vel Autoris alicujus damnaverit , protinùs distinguunt novatores jus & factum , negantes damnationem cadere in sensum naturalem Libri , vel Autoris , aut Ecclesiam infallibilem esse in eâ damnatione , ergo distinctione suâ eludent totam damnationem , retinentes semper & vulgantes errorem suum , ut fieri vidimus superioribus annis , cum ista infallibilitas in dubium vocaretur.

Objicies. 1°. Factum dogmaticum nec in Scripturâ , nec in traditione continetur ; Ergo nihil necesse est Ecclesiam in illo decidendo esse infallibilem. Respondeo. Nego consequentiam. Quamvis enim factum dogmaticum in Scri- Ex providentiâ Christi in Ecclesiam suam.
Factum dogmaticum neque in Scripturâ , neque in traditio-

ne continetur, Ecclesia tamen in eo iudicando infallibilis est.

pturâ, aut traditione non sit, est tamen ejusmodi, ut per conformitatem, aut diffinitatem cum Scripturâ, vel traditione æstimari debeat. Ecclesia autem infallibilis est, in iudicandâ conformitate, vel diffinitate Doctrinæ cum Scripturâ & traditione; sed infallibilis esse non potest Ecclesia in iudicandâ conformitate, vel diffinitate duorum extremorum, nisi in utroque extremo cognoscendo sit infallibilis: ergo cum factum dogmaticum sit alterum extremum, cum Scripturâ, aut traditione comparandum, Ecclesia infallibilis est, in facto dogmatico cognoscendo. Ecclesia, exempli causâ, judicare debet infallibiliter, an dogma Jansenii conformitatem habeat, aut diffinitatem cum Scripturâ, vel traditione: Atqui ad illud iudicandum, non modò Scripturam & traditionem, sed dogma etiâ Jansenii, verumque illius sensum cognoscere certò debet; nam si fortè Ecclesia naturalem Janseniani dogmatis sensum non cognosceret, certò pronunciare non posset, dogma illud esse Scripturæ, aut traditioni difforme.

Factum dogmaticum est factum aliquod externum, non sensus auctoris intus latens.

Objicies. 2^a. Ecclesia non iudicat de internis; sed factum dogmaticum est aliquid internum, nempe ipse Jansenii sensus; quis autem novit sensum hominis, nisi Spiritus ipsius hominis, aut Spiritus Dei. Respondeo. Factum dogmaticum, in quo decidendo dicimus Ecclesiam esse infallibilem, est factum aliquod externum, nimirum sensus naturalis quem exprimunt verba Jansenii, non sensus Jansenii intus latens. Quis enim scit, an Jansenius aliud senserit, & aliud scri-

pscribit. Esto igitur, Ecclesia non possit detegere infallibiliter sensum Jansenii latentem, infallibiliter tamen detegere potest sensum naturalem, quem verba Jansenii exprimunt, & hoc solum nobis sufficit. Sed ne fortè in incertum pugnetur, quod in præsentì materiâ familiare est; Observa ulterius, quæstionem hanc facti dogmatici, an quinque propositiones sint hæreticæ in sensu Jansenii, habere in se, aut præsupponere multas quæstiones, quæ facti dogmatici non sunt; puta, an vixerit aliquando Jansenius, an certum quemdam Librum scripserit, an scripserit uti sentiebatur &c. Cujusmodi quæstiones, nec decidit Ecclesia, nec si fortè decidat, contendimus eam esse infallibilem. Hic enim contendimus solum infallibilem esse in facto dogmatico judicando, scilicet, an in eo Libro qui Jansenio tribuitur, reperiantur quinque propositiones damnatæ, ibique faciant sensum naturalem Hæreticum. Est tamen infallibilis Ecclesia in iis judicandis, sine quibus stare non potest veritas facti dogmatici. Ità infallibiliter judicat Ecclesia, esse Librum aliquem, qui Jansenio tribuitur, & verba, quæ in eo Libro usurpantur, instituta esse ad unum aliquem sensum significandum; nam si in alterutro erraret Ecclesia, erraret in iudicio facti dogmatici.

Objicies. 3^o. Quicumque negaret propositiones damnatas habere in Libro Jansenii eum sensum, quem Ecclesia damnavit, non esset propterea Hæreticus: ergo Ecclesia non est infallibilis in cognoscendo sensu naturali, quem propositiones habent apud Jansenium. Ante-

Negans
factum
dogmati-
cum post
Ecclesiæ
definitio-
nem quo-
modo Hæ-
reticus sit.

cedens probatur. Quia, ut aliquis sit Hæreticus negare debet cum pertinaciâ propositionem revelatam, sed qui præcisè negat quinque propositiones habere in Libro Jansenii cum sensum naturalem, quem Ecclesia damnavit, non negat propterea cum pertinaciâ ullam propositionem revelatam; quia revelatum non est quinque propositiones habere in Libro Jansenii, hunc, vel illum sensum, cum ne de Jansenio quidem, aut de Jansenii Libro aliquid revelatum sit. Respondeo. 1^o. Nego consequentiam; neque enim cum Ecclesiam dicimus infallibilem esse in quæstionibus facti dogmatici, propterea dicimus factum dogmaticum pertinere propriè ad Fidem, aut esse aliquid verè à Deo revelatum. Respondeo. 2^o. Quicumque asserit propositiones quinque, in sensu naturali, quem habent apud Jansenium, est formaliter Hæreticus; quia asserit propositiones contradictorias propositionibus revelatis, & sufficienter propositis, ac proinde negat propositiones revelatas, & sufficienter propositas; nam propositiones Jansenii in sensu naturali, quem apud Jansenium habent, contradictoriæ sunt propositionibus revelatis, idque sufficienter proponitur per Ecclesiam infallibilem. Respondeo. 3^o. Quicumque diceret propositiones Jansenii non habere sensum naturalem quem Ecclesia illis tribuit, Hæreticus esset, si non formaliter, saltèm præsumptivè, idque triplici titulo. 1^o. Quia prudenter præsumeretur tenere propositiones ab Ecclesiâ damnatas; cum enim factum Jansenii ferè notorium sit, & evidens, saltèm doctis, quicumque doctus

illud negat , præsumendus est non agere sincerè , sed fucum facere simplicibus , & per negationem facti quam obtendit , malè tegere negationem juris. 2°. Quia , qui negaret propositiones Jansenii habere sensum naturalem , quem Ecclesia illis tribuit , retineret sibi libertatem tuendi sensum naturalem propositionum Jansenii , qui tamen sensus est hæreticus. 3°. Quia , qui tale factum negaret , idem infallibilitatem Ecclesiæ negaret in quæstionibus facti dogmatici , quæ infallibilitas in promissionibus Christi satis expressa est , & fidelibus sufficienter proposita.

Objicies. 4°. Ecclesia errasse convincitur in similibus factis. Duo insignia ad plenam convictionem sufficient. Primum est factum , ut appellant , trium Capitulorum : nam Synodus Chalcedonenfis approbavit tria Capitula , hoc est , Doctrinam Theodori Mopsuesteni , Epistolam Ibx , & scripta Theodoretæ adversus duodecim capita Cyrilli : Atqui eadem tria capitula damnavit quinta Synodus ; ergo Ecclesia erravit , vel in damnatione , vel in approbatione trium Capitulorum. Alterum est factum Honorii ; Sexta enim Synodus Honorium Pontificem Romanum , quamvis minimè Monothelitam , damnavit tamen ut Monothelitam , ejusque litteras ad Sergium , quamvis Catholicas , publicè igni adjudicavit. Respondeo. Nego Antecedens ; Ecclesia enim in nullius facti dogmatici decisione erravit. Exempla verò quæ contra afferuntur , Ecclesiæ infallibilitati magis favere videntur , quàm nocere. Nam quòd attinet ad primum. Dico breviter. Doctrinam trium

Vindicatur
Ecclesia ab
errore facti
dogmatici ,
tùm in ne-
gotio triũ
Capitulo-
rum.

Capitulorum in Concilio Chalcedonensi, nec damnatam fuisse, nec approbatam, damnata enim solum fuit in Concilio Oecumenico; Quæstio verò Occidentales inter & Orientales tamdiu disceptata, in eo tota vertebatur, an Concilium Chalcedonense approbasset Doctrinam trium Capitulorum; hinc asserentibus Occidentalibus, illinc negantibus Orientalibus: sed hoc facti genus dogmaticum non est, ut per se patet. Addo, ex hac totâ controversiâ centum ferè annorum, manifestè apparere, fuisse hunc communem fidelium sensum, Ecclesiam in factis dogmaticis errare non posse. Occidentales enim quamdiu crediderunt approbata fuisse à Concilio Chalcedonensi tria Capitula, tamdiu resisterunt Orientalibus, & Concilii iudicium retractare noluerunt. Orientales verò, ne vel minimam suspensionem erroris in quæstionibus facti dogmatici ferre poterant, ideòque constanter negabant approbatam fuisse à Concilio Chalcedonensi trium Capitulorum Doctrinam, quippè, quæ damnationem mereretur.

Tum in
facto Ho-
norii.

In Annal.
Eccles. An.
Chr. 681.

Ad secundum, scilicet factum Honorii multa dici possunt. Nam 1^o. Sunt qui velint corrupta fuisse sextæ Synodi acta, insertamque illis malâ manu Græcorum damnationem Honorii, remque ita probat Baronius, ut cuique prudenti magna fiat suspicio imposturæ. Ex actis autem dubiis, & plurquam probabiliter falsis, nihil concludi potest, seu contra Honorium, seu contra Concilium; stat enim possessio pro innocentia Honorii, & pro infallibilitate Concilii. 2^o. Sunt qui velint Honorium à Synodo quidem verè damnatum,

tum, sed nullâ servatâ formâ judicii, non Canonice, non legitime damnatum: atqui damnatio non legitima, & non Canonica habetur pro nullâ. 3°. Prætermisâ Baronii, aliorumque probabili sententiâ, mediâ quædam via iniri potest, si dicatur, nec fuisse Monothelitam Honorium, nec errasse Concilium cum litteras Honorii damnavit. Summa concordia in eo est, quod Honorii ad Sergium litteræ, quo tempore scriptæ fuerunt, fidei non nocebant, saltêm directè; causâ nimirum pendente, & nondum contra Monothelitas definitâ. At verò eadem litteræ temporibus sextæ Synodi, hoc est, quadraginta circiter post annos, causâ jam finitâ, nocebant fidei etiâ directè, quia erant hæsitaciones & vacillationes in Fide; omnis autem hæsitatio & vacillatio in Fide, fidei nocet; poterant ergò à Concilio damnari. Quare fieri potest, ut nec erraverit in Fide Honorius Litteras scribens, nec erraverit sexta Synodus Litteras Honorii damnans. Utrum verò imprudenter fecerit Honorius Litteras scribendo ad Sergium, aut utrum jure à Concilio eo nomine damnatus sit; nihil hîc disputo; nam neque Honorium ab imprudentiæ notâ vindicare velim; neque Concilium in eo factorum genere contendere esse extra suspicionem & periculum erroris. Sed de ejusmodi quæstionibus, quæ ad seriem quæstionum facti pertinent fusiùs suo loco.

Dico 3°. Ecclesia infallibilis est in quæstionibus facti essentialiter cum fide connexi, quamvis dogmaticum non sit. Ratio est, quia Christus promittens Ecclesiæ infallibilitatem in quæstio-

*Infallibilis
est in quæ-
stionibus
facti cum*

Fide essentialiter connexi. nibus fidei, promissit illud omne sine quo stare non potest ea infallibilitas : Atqui sine infallibilitate in quæstionibus facti essentialiter cum Fide connexi, stare non potest Ecclesiæ infallibilitas in quæstionibus fidei : ergo &c. Major negari non potest, nisi velimus Christum promississe Ecclesiæ inanem quamdam & futilem infallibilitatem. Minor patet ex ipsâ suppositione, supponitur enim factum esse ejusmodi, ut essentialiter connexum sit cum Fide, seu tale factum, ex cujus decisione pendeant decisiones fidei : quare si in decisione talis facti

Ut in quæstionibus de Canonicâ vel Authenticâ Scripturâ. Ecclesia erraret, erraret consequenter in decisionibus fidei. Atque hinc Sequitur 1^o. Ecclesiam infallibilem esse in quæstione de Canonicâ, vel Authenticâ Scripturâ ; nam si fortè Ecclesia agnosceret aliquam Scripturam pro Canonicâ, vel Authenticâ, quæ talis non esset, jam errare posset Ecclesia in quæstionibus fidei, quæ per Scripturam deciduntur. Sequitur 2^o.

De Concilio legitimo. Ecclesiam esse infallibilem in quæstione de Concilio legitimo, nam si fortè Ecclesia agnosceret pro legitimo, Concilium non legitimum, errare posset in decisionibus fidei. Ponamus enim Concilium v. g. Tridentinum quod Ecclesia agnoscit pro legitimo, legitimum non esse, erraverit autem Concilium Tridentinum, ut certè errare potest Concilium non legitimum, jam Ecclesia Concilii Tridentini definitiones sequens, erraret. Sequitur 3^o. Ecclesiam

De vero Pontifice. infallibilem esse in quæstione de vero Pontifice ; nam error in tali quæstione naturaliter traheret errorem in quæstionibus fidei. Quare Ecclesia, aut legitimum invenit Pontificem, aut agnoscendo legitimum facit.

Objicies. Notitia istiusmodi factorum non habetur per revelationem, seu antiquam, seu novam. Non per antiquam, quia antiquæ revelationes in Scripturâ, aut traditione continentur, de istiusmodi verò factis, in Scripturâ, aut traditione nulla fit mentio. Non per novam, Ecclesia enim non accipit revelationes novas, sed declarat antiquas: ergo notitia istiusmodi factorum certa non est. Respondeo. Nego consequentiam. Nolim hîc disputare, an, & quomodo notitia istiusmodi factorum habeatur formali aliquâ Dei revelatione, seu antiquâ, seu novâ, res enim est alterius loci, nec admodum necessaria ad infallibilitatem Ecclesiæ, quam quærimus; nam satis est si Spiritus Sanctus purè assistat Ecclesiæ, ne erret in istiusmodi factis, quamvis fortè Spiritus Sanctus non loquatur; quo ferè modo scribenti magister puero assistit, non ità quidè, ut manum pueri ducens ipse propriè pingat, non puer, sed ità ut puero calamus permittens provideat tamen, ne distortum aliquid, aut ineptum à puero efformetur. Positâ enim purâ illâ assistentiâ Spiritûs sancti definitio Ecclesiæ, est revelatio quædam virtualis, quæ in ordine ad firmandum assensum nostrum formali revelationi æquivalet. Nam cum Deus revelaverit Ecclesiam esse infallibilem in istiusmodi factis iudicandis, fieri non potest, ut Ecclesia erret in illorum decisione, ac proindè Ecclesiæ definenti certissimè creditur. Quicumque ergo istiusmodi facta negaret, Hæreticus esset, saltè præsumptivè & consequenter, quatenus negaret infallibilitatem Ecclesiæ in istiusmodi

Notitia istiusmodi factorum habetur per revelationem, si non formalem.

Saltem virtualem,

factis decidendis, quæ infallibilitas propriè ad fidem pertinet.

Infallibilis
est Ecclesia
in quæstio-
nibus facti
cum rectâ
disciplinâ
necessariò
connexi.

Dico 4°. Ecclesia infallibilis est in quæstionibus facti cum rectâ disciplinâ necessariò connexi: Probat. Non accipitur hîc disciplina pro regulis morum à Christo traditis, nam disciplina ità sumpta, est pars doctrinæ Christi, in quâ cognoscendâ jam statuimus Ecclesiam esse infallibilem. Sed accipitur hîc disciplina pro ritu, & praxi exteriori, in cultu Dei publico, in usu Sacramentorum, in modo convivendi fidelium: Atqui Ecclesia infallibilis est in quæstionibus facti cum disciplinâ ità sumptâ connexi; quia disciplina Ecclesiæ publica non potest non esse recta, Ecclesia enim sponsa est, non habens maculam, neque rugam: ergo infallibilis est Ecclesia in factis judicandis sine quibus ea disciplinæ rectitudo stare non possit.

Ut in Ca-
nonizatio-
ne Sancto-
rum.

In appro-
batione or-
dinum Re-
ligioso-
rum.

Huc pertinet. 1°. Ecclesiæ infallibilitas in Canonizatione Sanctorum; quam turpe enim esset venerationi & cultui fidelium hominem nequam & damnatum proponere. Pertinet 2°. Infallibilitas in approbatione Ordinum religiosorum; nam si Ecclesia approbaret institutum aliquod religiosorum, per se noxium, falsam aliquam viam salutis & perfectionis fidelibus ostenderet, quod facere non potest. Pertinet

In mori-
bus anti-
quæ Eccle-
siæ cogno-
scendis.

In cogno-
scendo re-
rum præ-

3°. Infallibilitas in moribus antiquæ Ecclesiæ cognoscendis, si fortè ex illâ cognitione necessariò pendeat recta disciplina præsentium temporum. Pertinet 4°. Infallibilitas in cognoscendo rerum statu & dispositione temporum, pro legibus ferendis, aut abrogandis; nam Ecclesia nullam legem ferre potest, quæ, omnibus

consideratis, absolute & simpliciter non sit magis utilis, quàm noxia; nullam abrogare, cujus abrogatio absolute & simpliciter magis noceat, quàm profit.

Objicies. Ex Augustino, *Multa corpora honorantur in terris quorum anima torquentur in gehennâ*: ergo Ecclesia non est infallibilis in Canonizatione Sanctorum. Confirmatur ex Sancto Thomâ, qui judicium Ecclesiæ in Canonizatione, ait esse, *medium inter judicium infallibile Ecclesiæ de rebus fidei, & judicium fallibile ejusdem in causis civilibus*. Respondeo. Locus ille Augustini, si tamen Augustini est, nihil nocet infallibilitati Ecclesiæ, potest enim intelligi, vel de corporibus prophanorum hominum, quæ interdum Sanctorum corporum loco supponuntur; vel de principum, & magnatum corporibus, quæ in magnificis sepulchris venerationem habent, cum ipsorum animæ in inferis torquentur; vel deniquè de iis, qui non in totâ Ecclesiâ, sed privatim alicubi coluntur ut Sancti, cum tamen Sancti non sint. Ad Confirmationem ex Sancto Thomâ petitam dico, difficile esse medium illud quod admittit inter judicium infallibile, & fallibile, cum omne judicium, vel fallibile sit, vel infallibile; ac proindè inter utrumque propriè loquendo medium non sit: suspicarer ego velle Sanctum Doctorem, infallibilitatem Ecclesiæ in Canonizatione Sanctorum, neque tot, neque aded certis argumentis niti, ut nititur infallibilitas Ecclesiæ in quæstionibus fidei: quare judicium Ecclesiæ in Canonizatione Sanctorum medium quoddam tenet inter judicium infallibile in

sentium statu & dispositione temporum pro legibus ferendis aut abrogandis. Infallibilitati Ecclesiæ in Canonizatione Sanctorum, Nec repugnat Sanctus August.

Nec Sanctus Thomas.

factis decidendis, quæ infallibilitas propriè ad fidem pertinet.

Infallibilis est Ecclesia in quæstionibus facti cum rectâ disciplinâ necessariò connexi.

Dico 4°. Ecclesia infallibilis est in quæstionibus facti cum rectâ disciplinâ necessariò connexi : Probat. Non accipitur hîc disciplina pro regulis morum à Christo traditis, nam disciplina ita sumpta, est pars doctrinæ Christi, in quâ cognoscendâ jam statuimus Ecclesiam esse infallibilem. Sed accipitur hîc disciplina pro ritu, & praxi exteriori, in cultu Dei publico, in usu Sacramentorum, in modo convivendi fidelium : Atqui Ecclesia infallibilis est in quæstionibus facti cum disciplinâ ita sumptâ connexi ; quia disciplina Ecclesiæ publica non potest non esse recta, Ecclesia enim sponsa est, non habens maculam, neque rugam : ergo infallibilis est Ecclesia in factis judicandis sine quibus ea disciplinæ rectitudo stare non possit.

Ut in Canonizatione Sanctorum.

In approbatione ordinum Religiosorum.

Huc pertinet. 1°. Ecclesiæ infallibilitas in Canonizatione Sanctorum ; quàm turpe enim esset venerationi & cultui fidelium hominem nequam & damnatum proponere. Pertinet 2°. Infallibilitas in approbatione Ordinum religiosorum ; nam si Ecclesia approbaret institutum aliquod religiosorum, per se noxium, falsam aliquam viam salutis & perfectionis fidelibus ostenderet, quod facere non potest. Pertinet

In moribus antiquæ Ecclesiæ cognoscendis.

In cognoscendo re-

3°. Infallibilitas in moribus antiquæ Ecclesiæ cognoscendis, si fortè ex illâ cognitione necessariò pendeat recta disciplina præsentium temporum. Pertinet 4°. Infallibilitas in cognoscendo rerum statu & dispositione temporum, pro legibus ferendis, aut abrogandis ; nam Ecclesia nullam legem ferre potest, quæ, omnibus

consideratis, absolute & simpliciter non sit magis utilis, quàm noxia; nullam abrogare, cujus abrogatio absolute & simpliciter magis noceat, quàm profit.

Objicies. Ex Augustino, *Multa corpora honorantur in terris quorum anima torquentur in gehennâ*: ergo Ecclesia non est infallibilis in Canonizatione Sanctorum. Confirmatur ex Sancto Thomâ, qui judicium Ecclesiæ in Canonizatione, ait esse, *medium inter judicium infallibile Ecclesiæ de rebus fidei, & judicium fallibile ejusdem in causis civilibus*. Respondeo. Locus ille Augustini, si tamen Augustini est, nihil nocet infallibilitati Ecclesiæ, potest enim intelligi, vel de corporibus prophanorum hominum, quæ interdum Sanctorum corporum loco supponuntur; vel de principum, & magnatum corporibus, quæ in magnificis sepulchris venerationem habent, cum ipsorum animæ in inferis torquentur; vel denique de iis, qui non in totâ Ecclesiâ, sed privatim alicubi coluntur ut Sancti, cum tamen Sancti non sint. Ad Confirmationem ex Sancto Thomâ petitam dico, difficile esse medium illud quod admittit inter judicium infallibile, & fallibile, cum omne judicium, vel fallibile sit, vel infallibile; ac proinde inter utrumque propriè loquendo medium non sit: suspicarer ego velle Sanctum Doctorem, infallibilitatem Ecclesiæ in Canonizatione Sanctorum, neque tot, neque ad eò certis argumentis niti, ut nititur infallibilitas Ecclesiæ in questionibus fidei; quare judicium Ecclesiæ in Canonizatione Sanctorum medium quoddam tenet inter judicium infallibile in

sentium statu & dispositione temporum pro legibus ferendis aut abrogandis. Infallibilitati Ecclesiæ in Canonizatione Sanctorum, Nec repugnat Sanctus August.

Nec Sanctus Thomas.

quæstionibus fidei, & iudicium fallibile in causis civilibus, quia certius est iudicio fallibili in causis civilibus, & minorem quamdam certitudinem habet iudicio infallibili in quæstionibus fidei.

Ecclesia
nec errat in
approbatione
ordinum
religiosorum,
nec in
suppressione
eorundem.

Instabis 1°. Ecclesia erravit aliquandò in approbatione Ordinum religiosorum; nam & ipsa errorem suum agnoscens, Ordines suppressit, quos ante approbaverat, putà Ordinem Templariorum, Humiliatorum, aliosque; quòd si non erraverit approbando, erravit certè supprimendo. Respondeo. Ecclesia, nec in approbatione Ordinum religiosorum erravit, nec in suppressione eorundem. Non erravit quidè in approbatione, quia nullum approbavit ordinem, qui non contineat vitæ genus secundum se generaliter bonum, & ad perfectionem consequendam utile. Non erravit autè in suppressione, quia cùm ejusmodi ordinum omnes ferè religiosi ab observatione instituti sui defecissent magno fidelium scandalo, essentque veluti sal infatuatum, sapienter visum est Ecclesiæ suppressere eos ordines, ut jam inutiles & noxios, non quidè naturâ, aut institutione suâ, sed vitio hominum, rebus etiam optimis abutentium.

Abrogatio
legum Ecclesiasticarum
non
probat
errasse
Ecclesiam
in
ferendis
legibus.

Instabis 2°. Ecclesiam interdum pœnitet legum suarum; retractat enim ipsa & abrogat leges suas; ergo errare potest in legibus ferendis. Respondeo. Ecclesia errare non potest ferendo legem, quæ per se mala, aut simpliciter, & absolute noxia sit. Nec quidquam probat abrogatio legum Ecclesiasticarum; abrogantur enim illæ, quia pro mutatione temporum ac locorum noxiæ sunt, quæ aliquandò valde

utiles fuerunt. Ex quo profectò non magis argui potest contra Ecclesiæ infallibilitatem, quam contra infallibilitatem ipsius Dei leges etiàm suas aliquandò abrogantis.

Dico 5°. Ecclesia non est infallibilis in quæstionibus facti non Dogmatici, nihilque ad fidem aut Disciplinam pertinentis, nulla enim est promissio talis infallibilitatis, nulla necessitas. Quare in causis & criminibus privatorum, quæ non nisi ex auditione testium, aut rumoribus decidi possunt, dicendum est Ecclesiam se habere instar Politicæ cujusdam communitatis, quæ plerumquè vitat errorem propter diligentiam quam adhibet in inquisitione veri, non est tamen infallibilis.

Non est infallibilis Ecclesia in quæstionibus puri facti nihil ad fidem aut disciplinam pertinentis.

Objicies. Ergò Ecclesia damnare poterit innocentem, & nocentem absolvere; consequens autèm videtur dedecere Ecclesiam. Respondeo. Iste error, cum neque fidem, neque rectam Disciplinam spectet, non adeò dedecens est, ut providentia Christi ad illum impediendum se extendat. Certè dubitari non potest, quin in similibus causis interdùm Ecclesia erraverit. Moneo tamen etiàm in illis acquiescendum esse judicio Ecclesiæ, saltèm exteriùs, & pro illius sententiâ præsumendum, donec de errore constiterit.

Potest ergo errare in causis criminalibus.

Dico 6°. Ecclesia in quæstionibus mixtis, partim infallibilis est, partim non est. Intelligitur ex superioribus; nam si quæstio mixta est ex facto, sive dogmatica, sive cum fide connexo, sive ad rectam Disciplinam pertinente, in tali quæstione infallibilis est Ecclesia; quia & in jure, & in facto infallibilis est.

In quæstionibus mixtis partim infallibilis est, partim non est.

Sed, si quæstio mixta sit ex facto, quod neque Dogmaticum est, neque ad fidem, aut rectam disciplinam pertinet, in eâ quæstione non est Ecclesia infallibilis; non enim est infallibilis in complexo judicando, nisi sit infallibilis in singulis partibus complexi.

In quæstionibus quæ nec juris sunt, nec facti, Ecclesia non est infallibilis quæ nec juris sunt, nec facti infallibilis non est infallibilis saltè Divinâ. Dico ultimò. In quæstionibus, quæ nec juris sunt, nec facti, Ecclesia non est infallibilis saltè Divinâ. Probat, Quia infallibilitas Divina in eum tantum finem data est Ecclesiæ, ne in fide, aut moribus erraret, quæstiones autem quæ nec juris, nec facti sunt, nihil ad fidem Ecclesiæ, nihil ad mores faciunt: Ergò respectu illarum Ecclesia infallibilitatem non habet, saltè Divinam. Esto, humanam quamdã & moralem habeat; quatenus fieri moraliter non potest, ut in materiâ necessariâ, tot ac tantâ Ecclesiæ capita simul errent.

Ecclesiæ infallibilitas residet in Ecclesiâ totâ. Thesis Tertia. Infallibilitas Ecclesiæ jam explicata residet in Ecclesiâ totaliter sumptâ. Ratio est, quia promissio istius infallibilitatis cadit in totam Ecclesiam, non in singulas Ecclesiæ partes; nam quod toti promittitur, non continuò singulis partibus promitti putandum est; nisi distinctè id explicetur. Accedit quòd, aliquæ Ecclesiæ partes errasse convincuntur, Sed distinctiùs aperiendum est, in quo subiecto sit ista infallibilitas Ecclesiæ diffusæ, & in quo non sit.

Et quidem in totâ integraliter integritate seu physicâ seu moralis. Dico igitur 1º. Infallibilitas est in Ecclesiâ integraliter totâ, integritate, seu Physicâ, seu morali. Nam dubium non est, quin Ecclesia tota integraliter integritate Physicâ infallibilis.

ratem habeat, si enim id de quo omnes omnino fideles, nemine excepto, conveniunt tanquam de Doctrinâ Christi, non esset Doctrina Christi, jam tota Ecclesia propriè erraret. Sed neque ad infallibilitatem obtinendam necesse est, ut omnes omnino fideles consentiant, quia iste consensus omnium moraliter accipiendus est; nam si fortè pauci aliqui à cæteris omnibus dissenserint, non propterea consensus cæterorum omnium desinet esse infallibilis. Ratio ulterior est, quia pauci illi à cæteris dissentientes tenentur se conformare sensui cæterorum; Ergò sensus cæterorum infallibilitatem habet, paucis licèt refragantibus.

Dico 2°. Infallibilitas est in Ecclesiâ substantialiter totâ. Probatur. Ecclesia substantialiter totâ dicitur illa Ecclesiæ pars, quæ, si Schisma fieret, retineret denominationem totius: Atqui infallibilitas est in illâ Ecclesiæ parte, quæ sola retinet denominationem totius, cujusmodi est Ecclesiæ pars Petro adhærens; nam infallibilitas promissa est Ecclesiæ supra Petrum ædificatæ: Ergò quamdiù remanet Ecclesia ædificata supra Petrum, tandiù remanet Ecclesia infallibilis; quamdiù autem remanet Ecclesia Romana, remanet Ecclesia ædificata supra Petrum.

In Ecclesiâ
substantialiter totâ.

Dico 3°. Infallibilitas est in consensu omnium Ecclesiæ Pastorum. Probatur. Vel consensus iste versatur circa ea dogmata, quæ populo proponenda sunt, vel circa alia, quæ apud solos Pastores servari debent. Si Primum. Error Pastorum omnium errorem traheret populi Christiani, est enim obligatio in populo

In consensu omnium
Ecclesiæ
Pastorum.

Christiano audiendi Pastores suos. Si Secundum. Jam tota Ecclesia erraret ; nam quoad illa dogmata , quæ apud solos Pastores servantur , sensus Pastorum omnium est sensus totius Ecclesiæ.

Imò est aliqua in- fallibilitas in consen- su unani- mi om- nium Theolo- gorum. Dico 4°. Infallibilitas , saltèm aliqua , est in consensu unanimi omnium Theologorum ; tum quia moraliter fieri non potest , ut omnes Theologi errent in Doctrinâ , fidei aut morum , tum quia , si omnes Theologi errarent , error iste errorem totius Ecclesiæ traheret , aut certè magno errandi periculo Ecclesiam exponeret. Pastores enim in dubiis Theologos consulunt , & eorum sensum ferè sequuntur. Insigne est , quod Doctoribus Scholasticis tantum tribuit Concilium Viennense , ut in quæstione de effectu Baptismi parvulorum , sequendam statuerit majorem partem Theologorum sui temporis. Quos igitur Concilia , & audire & sequi non dedignantur , videant Hæretici , quâ fronte ipsi traducant , ut cavillantes Sophistas , ut ignarum gregem , stolidamque turbam.

Sed non est in singulis Ecclesiis particularibus. Dico 5°. Infallibilitas non est in singulis Ecclesiis particularibus. Ratio est , quia infallibilitas promissa fuit toti Ecclesiæ , singulæ autem Ecclesiæ partes non veniunt nomine totius. Confirmatur. Quia multæ Ecclesiæ particulares errarunt. Nam Ecclesia Affricana ferè adhæsit Cypriano in dogmate de Hæreticis Rebaptisandis , Ecclesia Anglicana , aliæque

Multò etiam mi- nus in sin- gulis fide- libus. Dico 6°. Infallibilitas non est in singulis fi- delibus. Est contra Monstruosum dogma co-

rum qui unicuique fidelium assistere volunt Spiritum Sanctum ad veram intelligentiam Scripturæ, ita ut in rebus fidei saltè fundamentalibus, unusquisque, non Ecclesiam audire debeat, sed privatum Spiritum suum. Refutatur autem hic error manifestè. 1°. Quia nullibi extat promissio istius assistentiæ Spiritûs Sancti pro singulis fidelibus. 2°. Quia inter ipsos fideles de vero Scripturæ sensu interdum non convenit, aliis aliter Scripturam interpretantibus : Ergo singuli fideles non habent Spiritum Dei assistentem in Scripturæ interpretatione, alioquin Spiritus Dei pugnantes interpretationes suggereret. 3°. Quia privati fideles errasse convincuntur, ut apparet in ipsis Patribus : quod si Patres ipsi errare potuerunt singuli, quis credat fideles vulgares errare non posse singulos. 4°. Quia necesse est esse unum judicem visibilem, qui controversias fidei finire possit sententiâ suâ, Judex autem ille non est privatus cujusque Spiritus, privati enim fidelium Spiritus sunt partes contendentes.

Objicies. Multa Scripturæ testimonia singulis fidelibus tribuunt assistentiam Spiritûs Sancti, quale est illud Isaïæ 54. *Dabo omnes filios tuos doctos à Domino.* Et Jeremiæ 31. *Dabo legem meam in cordibus eorum, & in corde eorum scribam eam, & non docebit ultra vir proximum suum, dicens, cognosce Dominum, omnes enim scient me à minimo eorum usquè ad maximum eorum.* Et Matthæi 23. *Vos autem nolite vocari Rabbi, unus est enim Magister vester Christus.* Et Joannis 7. *Si quis voluerit voluntatem ejus*

facere qui misit me, cognoscat de Doctrinâ meâ, an ex Deo sit. Et Pauli 1^æ. ad Cor. 2. *Spiritualis autem omnia judicat.* Et 1^æ Joannis 2. *Non necesse habetis, ut aliquis doceat vos, sed nectio docet vos de omnibus.* Respondeo. Istius-

Explicatur
testimonia
quæ favere
videntur
privato
spiritui.

Lib. de
Prædest.
Sanct.

modi testimonia nihil favere privato spiritui Hæreticorum. Nam quod spectat ad 1^{um}. Dico cum Cyrillo, ibi promitti non privatum Spiritum Scripturarum Arcana revelantem, sed Doctrinam Evangelicam ipsius Domini ore annuntiata: vel, si magis placet, dico cum Augustino promitti gratiam Spiritûs Sancti interiorius moventem, & suaviter impellentem ad credendum & amandum, ita ut docti à Domino dicantur, non qui exteriorius tantum audiunt Doctrinam Evangelicam, sed qui ita audiunt, ut credant & convertantur. Ad 2^{um} Dico item cum Augustino contineri ibi promissionem gratiæ Novi Testamenti, seu fidei, per charitatem operantis, quam Deus diffundit in cordibus nostris, non solum ut sciamus, sed etiam ut impleamus mandata Divina. Verbis autem illis, *& non docebit ultra vir proximum suum*, promittitur præmium fidei, hoc est, Beatitudo, in quâ singuli Deum videbunt facie ad faciem: quod si ea verba pertinere velis ad tempus præsens, dico per ea significari cognitionem Dei futuram esse aliquando ita communem, ut à nemine Deus ignoretur, ac proinde quoad hoc punctum Doctore opus non sit. Ad 3^{um} Dico non prohiberi eo loco, ne quis nomen aut Officium Magistri sibi assumat, sed ne superbiâ quadam Pharisaicâ talem honorem ambiat, affectet, ostentet. Quo-

ferè modo cùm dicitur ibidem. *Nolite Patrem vocare super terram*, non prohibetur nomen, aut officium Patris, sed nimius affectus erga parentes terrenos damnatur. Ad 4^{um}. Dico sensum esse viros bonos longè melius esse dispositos ad fidem suscipiendam, quia nimirum carent impedimentis vitiorum pravorumque affectuum excecantium secundum illud Joannis. 5. *Quomodo vos potestis credere, qui gloriam ab invicem accipitis.* Ad 5^{um}. Dico comparisonem à Paulo institui inter hominem animale & Spirituale: nam animalis terrena solum sapit, neque percipit ea, quæ sunt Spiritus Dei, Spiritualis autem non tantum de terrenis judicat, sed etiam de Divinis, & quidem sano judicio, quia res æstimat non ex suo, sed ex divino sensu. Ad 6^{um}. Dico Joannem Apostolum velle tantum fideles ab ipso edoctos, per ea quæ jam didicerant, adjuvante Spiritus Sancti auxilio, tueri posse & servare veram fidem, contra perversam Pseudo-Apostolorum Doctrinam.

Thesis quarta. Infallibilitas Ecclesiæ non tantum passiva est, sed etiam aliquo modo activa. Probatur. Quia Ecclesia per orbem diffusa errorem in fide sequi non potest, quod est habere passivam infallibilitatem; aliundè sensus Ecclesiæ per orbem diffusæ singulis fidelibus esse potest regula credendi, quod est habere infallibilitatem aliquo modo activam. Adde quòd potest Ecclesia de statu diffusionis venire ad statum Congregationis, in quo statu nec errorem audire potest, nec definire. Sed de sensu Ecclesiæ in Concilio Congregatæ speciatim dicendum est.

Infallibilitas Ecclesiæ & passiva, & aliquo modo activa est.

ARTICULUS II.

De sensu Ecclesia in Concilio Congregata.

Ecclesia re-
præsenta-
tur per
Concilium
legitimè
congrega-
tum.

Seu gene-
rale.
Seu parti-
culare.

Ad Conci-
lium gene-
rale legiti-
mum, &
notoriè
Oecumeni-
cum quin-
que condi-
tiones re-
quiruntur.
Prima.

Indictio
vel consen-
sus Romani
Pontificis.

Secunda
Convoca-
tio legiti-
ma omniū
orbis Chri-
stiani Epif-
coporum.

Pramitto 1°. Ecclesia quæ per orbem dif-
fusa est repræsentrari potest per Concilium
legitimè Congregatum, quo ferè modo Re-
gnum aliquod, aut Provincia per comitia Regni
aut Provinciæ repræsentrantur. Et quoniam Ec-
clesia accipi potest, vel totaliter, vel partiali-
ter, idè Concilium Ecclesiam repræsentrans
esse potest, vel generale, vel particulare. Ge-
nerale, quod Oecumenicum & plenarium ap-
pellatur; est repræsentrativè tota Ecclesia; par-
ticulare verò aliquam tantum partem repræ-
sentat.

Præmitto 2°. Ad Concilium Generale legiti-
mum & notoriè Oecumenicum quinque condi-
tiones requiruntur de viâ ordinariâ. Prima est.
Ut per Romanum Pontificem indicatur, aut cer-
tè de illius consensu, tacito, vel expresso, for-
mali, vel interpretativo; est enim Canon Apo-
stolicus à Concilio Nicæno renovatus, præter
sententiam Romani Pontificis Concilia celebra-
ri non posse. Secunda conditio est. Ut ex om-
nibus orbis Christiani Provinciis, aut certè ex
majori parte vocentur Episcopi; per quos fiat
repræsentratio Ecclesiarum: Nam *Ecclesia in
Episcopo est*, ut loquitur Cyprianus. Porro Epif-
copis competit ordinariè jus suffragii, seu de-
cisivum. Abbatibus verò, & pauculis aliis ex
privilegio, non autem promiscuè omni fide-
lium multitudini, aut viris doctis quibuscumque,

ut fingunt Hæretici, surdi ad illam vocem in Concilio Chalcedonensi toties repetitam, *Mitte foras superfluos, Concilium Episcoporum est.* Nam populo quidem privatum fidei iudicium aliquandò permissum est, sed publicum nunquàm : Presbyteri autèm, & privati Theologi audiri possunt, ut consultores & Advocati, non ut iudices & arbitri. Tertia conditio est. Ut Concilio præsideat Romanus Pontifex, non Imperator, aut quicumque alius : nam ut sapienter contra Constantium Arhanasius in Epist. Ad solitarios, *Si iudicium*, inquit, *Episcoporum est, quid cum eo commune habet Imperator ; Laïcis, ea quæ sunt Ecclesia, non commisit Deus.* Alii verò de ordine Ecclesiastico, quicumque illi sint, Romanum Episcopum, & Patrem appellant, & Pastorem, illius utiquè & oves & filii, ac si quos ipse Fratres appellet ab iisdem tamen agnoscitur, ut primogenitus in multis fratribus. Utrùm ergò rationabilius est, Filii Patrem, an Pater Filios ? Major minorem, an majorem minor ? Oves Pastor, an Pastorem oves præsidem habeant ? Præsidere autèm potest Romanus Pontifex, vel per se, vel per Legatos suos : & quidèm Conciliis Orientalibus per se nunquàm interfuit, excusatque Leo magnus in Epist. Ad Theodosium, quòd Chalcedonem non veniat, quia id non patitur consuetudo, nec ulla habet prædecessorum exempla. Quarta conditio est. Ut processus Concilii sit legitimus & Canonicus, talis autem erit si de rebus deliberetur, consentiente, aut annuente præside, si audiantur partes, si causa diligenter, & pro merito exa-

Tertia.
Præsidentia Pontificis per se aut per legatos suos;

Quarta;
Processus Concilii legitimus;

Quinta.
Approba-
tio Ponti-
ficis post
revisionem
actorum.

minetur, si liberè ferantur suffragia, & ab iis qui jus suffragii habent, si lata suffragia numerentur, & secundum pluralitatem pronuntietur. Quinta conditio est. Ut Romanus Pontifex acta Concilii revisens Concilium approbet, seu declaret legitimum fuisse, & legitime processisse, ejus que decreta Ecclesiis communiceet. Has condiciones habere debet Concilium; ut sit omni ex parte legitimum & notoriè Oecumenicum. Potest ergò deficere Concilium à legitimo & notoriè Oecumenico multis modis: 1°. Defectu legitimæ indictionis; si nimirum indictum non fuerit ab eo, à quo indici debuit: 2°. Defectu legitimi conventus Episcoporum, si nimirum ii vocati non fuerint, qui vocari debuerant. 3°. Defectu legitimæ præsidentiae, si non is præsederit, qui præsidere debuit. 4°. Defectu legitimi processûs, si non fuerit processum eo modo, quo procedere oportebat. 5°. Defectu approbationis sufficientis, si non ab eo approbatum & confirmatum fuerit, à quo debuit approbari & confirmari.

Concilia
particularia,
alia dicuntur
nationalia,
alia provincialia,
alia Diœcesana.

Præmitto 3°. Quodcumque Concilium Generale non est, esse de numero particularium. Concilia verò particularia, alia dicuntur Nationalia, alia Provincialia, & alia Diœcesana. Nationalia sunt; quæ constant Archiepiscopis & Episcopis unius Regni, vel Nationis, Præsidente aliquo Patriarchâ, vel Primate; cujusmodi sunt Concilia multa Affricana, Romana &c. Eaque interdum appellantur generalia & universalia, respectu nimirum habito ad Regnum in quo sunt. Provincialia sunt, quæ constant

constant unius provinciæ Episcopis, Præsidente Archiepiscopo, seu Metropolitano. Diœcesana sunt, quæ constant Pastoribus, aut Presbyteris unius Episcopatus præsidente Episcopo. Cæterum Concilia particularia, vel sunt approbata ab Ecclesiâ, vel reprobata, vel media, hoc est, nec approbata, nec reprobata. Approbata dicuntur, quorum decreta proposita sunt omnibus fidelibus cum obligatione credendi. Reprobata dicuntur quorum decreta pro falsis, aut suspectis habentur ab Ecclesiâ. Media dicuntur, quæ nec approbata, nec reprobata, privatam suam Authoritatem retinent, nec habent aliundè majorem.

Aliqua approbata, aliqua reprobata, aliqua media & suspensa.

Thesis prima. Concilium generale legitimum & notoriè Oecumenicum totius Ecclesiæ infallibilitatem habet. Ratio est, quia ejusmodi Concilium repræsentat totam Ecclesiam; Ecclesia enim ad controversias fidei terminandas jus habet constituendi judices & arbitros, iisque committendi authoritatem suam, sive jus illud naturale sit, & Ecclesiæ commune cum aliis omnibus societatibus, sive jus illud Divinum sit, de Apostolicâ traditione veniens: nam Apostoli in quæstione de legalibus abolendis, vel retinendis convenerunt ipsi, & conveniendi formam tradiderunt successoribus suis, undè sic argumentor, Concilium generale legitimum, & notoriè Oecumenicum habet authoritatem totius Ecclesiæ, quam repræsentat, ita ut sensus Concilij sit sensus totius Ecclesiæ: Ergò cum sensus totius Ecclesiæ sit infallibilis, ut supra statutum est, sensus quoque Concilii Generalis legitimi, &

Concilium Generale legitimum & notoriè Oecumenicum totius Ecclesiæ infallibilitatem habet.

notoriè Oecumenici infallibilis est. Confirmatur 1°. Ex traditione Apostolicâ. Apostoli enim ipsi convenientes Jerosolymis in negotio circumcisionis, & formam celebrandi Concilii tradiderunt, & ejusdem infallibilitatem notarunt, Epistolæ suæ Synodali magnifica hæc verba præfigentes, *Visum est Spiritui Sancto & nobis*. Confirmatur 2°. Ex communi sensu Patrum. Patres enim communiter docent Concilii generalis legitimi sententiam, ultimum esse Ecclesiæ judicium, quod neque irritari, neque retractari possit. Docent Hæreticos esse qui Conciliorum Generalium definitionibus contradicunt. Docent Conciliorum Decreta Divina esse, & à Spiritu Sancto inspirata. Docent moriendum potius esse, quam à Conciliorum Generalium Decretis recedendum; quæ omnes Patrum locutiones satis indicant, quid senserint Patres de infallibilitate Concilii Generalis. Confirmatur 3°. Ex ipsis Conciliis Generalibus, quæ sibi infallibilitatem assumunt, idque sine dubio ex Scripturis & traditionibus Divinis benè intellectis. Nam Prælatos totius Ecclesiæ in tot sæculis congregatos, quis præsumere audeat errasse in Scripturæ, aut traditionis intellectu, & infallibilitatem sibi temerè vindicasse, quam non habent. Confirmatur 4°. Ex communi sensu fidelium, qui putant teneri se Conciliorum Generalium definitionibus: undè ulterius sequitur, si fortè erraret Concilium Generale legitimum, ex illo Concilii errore necessariò futurum, ut tota Ecclesia erraret, tota autem Ecclesia errare non potest.

Objicies 1^o. Multa Concilia Generalia in fide errarunt. Nam 1^o. Concilium Judæorum Præsidente Caiphâ Summo Pontifice erravit circa Divinitatem Christi, quæ profectò ad fidem pertinet. 2^o. Concilium Apostolorum erravit præcipiendo Gentilibus partem aliquam legis Mosaicæ, quâ tamen lege non tenebantur Gentiles, ut habemus ex ipso Paulo. 3^o. Concilium Nicænum 1^{um}. Et militiam damnavit, quæ tamen licita est, & Hæreticos Rebaptisari voluit, qui tamen non sunt Rebaptisandi. 4^o. Concilium Sardicense Arianis favit, quare Augustinus l. 3. Contra Cresconium c. 34. *Disce, inquit, quod nescis, Sardicense Concilium Arianorum fuit.* 5^o. Concilium Ariminense ad perfidiam Arianam defecit, ità ut in eo Nicænæ fidei conclamata damnatio sit. 6^o. Concilium Ephesinum II. approbavit errorem Eutychetis. 7^o. Concilium Chalcedonense Epistolam Ibx Nestorianam approbavit. 8^o. Duo Concilia magno Episcoporum numero Constantinopoli habita, unum sub Leone Isauro, Alterum sub Constantino Copronymo sacrum cultum Imaginum damnarunt. Respondeo. Nullum Ecclesiæ Concilium Generale, quâ parte legitimum est, erravit in fide, ex quo magnum petitur Argumentum pro infallibilitate Concilii Generalis legitimi; cùm enim tot Concilia Generalia, tam multas quæstiones definierint, profectò si infallibilitatem non haberent, in aliquâ definitione errassent, & facilè convincerentur erroris: quare, ut ad singulos errores objectos respondeam. Ad primum. Dico Concilium Judæorum fuisse Con-

Nullum
Concilium
Generale
quâ parte
legitimum
est, erravit
ex fide.

Dan. c. 9.

cilium Synagogæ, non Ecclesiæ Christi; Thesis autem nostra procedit de infallibilitate Ecclesiæ, non Synagogæ. Fateor ergo errasse Concilium Judæorum; neque enim Synagogæ promissa fuerat infallibilitas præsentē Christo, quin potius à Daniele prædictum fuerat fore, ut Judæi circa Divinitatem Christi errarent. Esto, infallibilis fuerit Synagoga ante Christi adventum, sed præsentē Christo nihil necesse erat infallibilem esse, quia Christus ipse per se immediatè veritatem docere poterat. Ad secundum. Dico Concilium Apostolorum acquievisse sententiæ Petri de jugo legis Mosai- cæ fidelibus non imponendo, addidisse tamen pro suâ Authoritate temporale præceptum abstinentiæ à sanguine & suffocato, sed in hoc præcepto ne umbra quidè erroris est. Ad tertium. Nego absolutè damnatam fuisse militiam à Concilio Nicæno, nisi in iis circumstantiis in quibus militia signum est idololatriæ: nam, cum Imperatores Ethnici Christianos milites militiâ exauthorarent, fiebat, ut fideles abjecto militiæ cingulo, mallerent vivere inglorii, quàm fidem negare; aliquandò tamen iidem tentatione victi cingulum resumerent, eoque facto fidem suam interpretativè negarent: contra quem abusum, est Canon II. „ Concilii Nicæni, qui verò, inquit, per Dei „ gratiam vocati, Primò quidem ostenderunt „ fidem suam, deposito militiæ cingulo, post- „ hac verò ad proprium vomitum reversi sunt, „ ut, & pecunias darent, & ambirent, rediere „ rursùm ad militiam, isti decem annis sint in- „ ter pœnitentes, postquàm triennio fuerint in-

ter audientes, id est, Cathecumenos. Quod verò pertinet ad Rebaptisandos Hæreticos, non definivit Concilium omnes Rebaptisandos esse, sed Paulianistas tantum, & alios ejusmodi, qui veram Baptismi formam non haberent. Ad quartum. De Concilio Sardicensi benè notant Bellarminus, & Baronius unum legitimum fuisse Sardicæ habitum ab Episcopis Orthodoxis, alterum Spurium ab Arianis Philippopoli, suum verò Concilium Ariani appellarunt Sardicense, & patrocinante Constantio velut unicum promulgari curarunt; eaque causa est, cur Concilium Sardicense reprobaturum alicubi inveniatur, & ab ipsomet Augustino istam Arianorum fraudem ignorante; cum tamen verum Sardicense Concilium, non modò non faverit Arianis, sed Arianorum reliquias oppugnarit, fueritque defensio, quædam & confirmatio Nicæni Concilii, undè etiam Concilii Nicæni nomine interdum comprehenditur. Ad quintum. Dico Concilium Ariminense bono initio, fœdo exitu fuisse consummatum; nam initio quidè Ariana professio Sirmii edita omnium Patrum suffragiis explosa fuit, Nicæna Confessio stabilita, Valens, & Ursacius excommunicati, quibus omnibus absolutis, perfecto Concilio, Patres ab Imperatore missionem petierunt. Recentiora verò Arimini, seu quæ postea per vim & metum ab Episcopis extorta sunt, ad legitimum Concilium non pertinent. Quare nego Concilium Ariminense, quâ parte legitimum est, ad perfidiam Arianam defecisse. Ad sextum. Fateor quidè ab Ephesino II. Approbatum fuisse

se errorem Eutychetis, sed nego Ephesinum II. esse Concilium Oecumenicum, aut legitimum, quia nimirum repugnantibus apertè Legatis Pontificiis totum negotium transactum est, undè & prædatoria Synodus, & Latrocinium Ephesinum appellari solet. Ad septimum. Nego in Concilio Chalcedonensi approbatam fuisse Epistolam Ibæ Episcopi Edeffeni: Hæc enim Epistola, nec approbata fuit, nec reprobara, sed ità in Concilio lecta, ut Patres à ferendo de illâ judicio abstinuerint. Ad octavum. Dico Iconomacha illa Concilia, non fuisse Oecumenica, aut legitima, quia nimirum iis nullus Patriarcharum, aut interfuit, aut consensit.

Objicies 2°. Ex Conciliis etiàm legitimis prodeunt interdum Decreta pugnantia: Ergò necesse est errare aliquod Concilium legitimum. Antecedens probatur in honore Sedium: nam in Concilio Nicæno tributus est Sedi Alexandrinæ secundus locus post Romanam. In Concilio autem Constantinopolitano & Chalcedonensi, honor ille Sedi Constantinopolitanæ delatus est. Respondeo. Ex Conciliis legitimis prodire interdum decreta pugnantia quoad præceptum, sed non quoad definitionem. Ratio est, quia Concilia Generalia legitima, cum sint infallibilia, facere non possunt definitiones pugnantes, ità enim aliquod Concilium in definiendo erraret, ac proindè non essent omnia infallibilia; sed cum omnia æqualem habeant Authoritatem in præcipiendo, nihil vetat præcepta priorum Conciliorum abrogari à posterioribus, prout visum fuerit; id enim fieri potest, sine ullo er-

Ex Conci-
liis legiti-
mis pro-
deunt in-
terdum de-
creta pug-
nantia
quoad præ-
ceptum, nō
quoad de-
finitionem.

rore , seu priorum , seu posteriorum. Quare ad exemplum propositum dico potuisse à Concilio Nicæno tribui secundum locum Sedi Alexandrinæ , potuisse itè à Conciliis sequentibus deferri eundem honorem sedi Constantinopolitanæ , neque de ejusmodi potestate controversia unquàm fuit , sed de rationabili usu potestatis ; Romani enim Pontifices diu repugnarunt , obtinentes non esse causam , cur ordo sedium à Nicænâ Synodo præscriptus mutaretur , in detrimentum Episcopi Alexandrini , & favorem Constantinopolitani.

Objicies. 3°. Ex Augustino , l. 2. de Bapt. c. 3. Concilia etiàm plenaria emendari possunt , priora à posterioribus ; emendari autèm non possent , si essent infallibilia : ergo ex Augustino Concilia plenaria non sunt infallibilia. Confirmatur iste Augustini sensus ex Libro ejusdem 3. contra Maximinum , c. 14. *Nec ego Concilium Nicanum , nec tu debes Ariminensè tanquàm præjudicaturus proferre , nec ego hujus Authoritate , nec tu illius detineris* : Ergo non putabat Augustinus Nicæni Concilii auctoritatem infallibilem esse , quandoquidèm non putabat se illâ teneri. Respondeo. Sunt qui Augustinum explicant de Conciliis Nationalibus , quæ ipsa interdùm plenaria appellantur. Sunt qui intelligent de Conciliis generalibus illegitimis , quæ per legitima emendari possunt. Sed nihil vetat intelligi de Conciliis generalibus etiàm legitimis , nam & ipsa emendari possunt , tùm in iis facti quæstionibus , in quibus diximus errare posse Ecclesiam , tùm in præceptis morum , quæ mutabilia sunt pro mutatione cir-

Infallibilitatem Concilii generalis legitimi nūquam negavit Augustinus.

cumstantiarum. Absolutè tamen nego Concilium generale legitimum emendari posse in quæstionibus juris, aliisque in quibus Ecclesiam infallibilem esse statuimus. Ad confirmationem dico, quamvis Augustinus agnosceret infallibilitatem Concilii Nicæni, ne tamen operam perderet apud Maximinum, qui talis Concilii Autoritate parùm movebatur, prudenter ad quæstionem decidendam, Conciliorum Autoritatem seposuit, & ad alia causæ suæ argumenta adversarium provocavit,

Concilium
particulare
approba-
tum & re-
ceptum ab
Ecclesiâ,
quâ parte
approba-
tum & re-
ceptum est,
infallibili-
tatem ha-
bet.

Concilia
particula-
ria appro-
bata vin-
dicantur à
multis er-
roribus.

Thesis 2^a. Concilium particulare approbatum, & receptum ab Ecclesiâ, quâ parte approbatum & receptum est, infallibilitatem habet. Ratio est, quia si tale Concilium erraret, jam tota Ecclesia Concilii decretis acquiescens erraret, Ecclesia autem tota errare non potest.

Obicies. Multi notantur & insignes errores Conciliorum particularium etiam eorum, quæ ab Ecclesiâ approbationem habent. Exemplum sit 1^o. Concilium Eliberitanum, in quo damnatæ sunt sacræ imagines, prohibitumque est ne in pariete pingerentur. 2^o. Concilium Francofordiense, quod reprobavit 7^{am}. Synodum generalem, ejusque sententiam de adoratione sacrarum imaginum. Respondeo. Conciliis particularibus ab Ecclesiâ approbatis si qui tribuuntur errores, non nisi falsò ac temerè & ex ignorantia tribuuntur. Nam 1^o. Eliberitani Concilii Canon ille de non pingendis in pariete imaginibus, nihil nocet cultui sacrarum imaginum, imò in eum finem fuit editus persecutionis tempore, ne sacræ imagines indignè tractarentur. 2^o. Concilium Francofordiense sub

Carolo Magno, utram Synodum damnarit Constantinopolitanam, an Nicænâ disputatur; probabilius est damnasse Nicænâ, sed errore facti & materialiter, ut explicat Bellarminus: nam Autor Librorum Carolinorum Patribus Francofordiensibus duo mendacia obtrusit, unum, in Synodo Nicænâ definitum fuisse, ut imagines adorarentur cultu Latriæ. Alterum, hujusmodi definitionem factam fuisse, sine consensu Romani Pontificis. Quare Patres itâ damnarunt Synodum Nicænâ, ut legitimam venerationem imaginum non damnarint. Porro Libri illi Carolini, qui Carolo Magno tribuuntur, Caroli non sunt, sed eos ab hæretico compositos misit Carolus ad Pontificem Adrianum, ut iis responderet.

Thesis 3^a. Concilium generale illegitimum infallibilitatem Ecclesiæ non habet. Ratio est, quia sicut comitia regni illegitima regnum non repræsentant, itâ Concilium illegitimum non repræsentat Ecclesiâ: ergo nihil est cur Concilium illegitimum habeat infallibilitatem Ecclesiæ. Adde quod multa Concilia generalia illegitima errasse convincuntur.

Concilium generale illegitimum Ecclesiæ infallibilitatem non habet.

Obijcies. 1^o. Multa Concilia illegitima infallibilitatem habent, nam illorum decretis tanquàm veris fidei definitionibus fideles acquiescunt. Exempla sint 1^o. Concilium Constantinopolitanum primum, cui Concilio nullus Episcoporum Occidentalium interfuit. 2^o. Concilium generale quintum, in quo neque per se, neque per legatos suos præsedit Romanus Pontifex. 3^o. Concilium Acephalum, seu sine Capite, cùm sedes vacat, aut dubius est Pon-

Potest tamen accipere infallibilitatem ab Ecclesiæ approbatione.

tifex, aut legitimè deponendus. 4°. Concilium à Pontificè certo, neque deponendo se junctum, nam si Concilium seorsum à Capite infallibile non esset, Ecclesia à capite se juncta non haberet infallibilitatem, Ecclesia autem præcisè sumpta à suo capite infallibilitatem habet, Ergo &c. Respondeo. Concilium illegitimum non habet à se, ut infallibile sit, potest tamen accipere infallibilitatem ab Ecclesiæ approbatione, sicut Concilium particulare legitimum, quamvis non habeat à se infallibilitatem. Atque hæc responsio ferè sufficiens est, quamvis Concilia proposita non essent legitima; dico tamen ulterius ad Primum, Concilium illud Constantinopolitanum, pro divinitate Spiritûs Sancti contra Macedonium, quamvis ei nullus Occidentalium interfuerit, Oecumenicum tamen esse, saltèm virtualiter; quia moraliter unum fuit cum Romano, quod eodem ferè tempore habitum est, Oecumenicum, inquam, sed ex postfacto, ut vult Cardinalis Perronius: neque obstat illa regula Juris, *quæ semel irrita sunt, ex postfacto non convalescunt*; Neque enim irrita fuit hujus Concilii Autoritas, sed suspensa tantum, donec accederet confirmatio Romanæ sedis, quâ accedente, ex illis unum fuit per quæ fit representatio totius nominis Christiani, ut loquitur Tert. scriptumque in eo Symbolum est, quod Romani voluerunt fidem esse totius orbis: dicitur tamen Constantinopolitanum potiùs quàm Romanum, quia fidei Symbolum Constantinopoli scriptum, Romæ probatum est. Ad secundum de Concilio generali V. Fateor non præfuisse ei Vigi-

lium Pontificem, aut per se, aut per legatos suos, quia ei neutro modo interfuit; sed Eutychium Patriarcham Constantinopolitanum, qui Vigilio præsentiam obtulerat: nihil tamen in Concilio definitum fuit, nisi ex prælectis Vigiliæ litteris, & præhabita illius sententiâ, ut, si minus per se, aut per legatos suos, certè velut per Vicarias litteras præsidere videretur. Sed quod ei Concilio defuit, ut legitimum esset, per confirmationem Pontificis & consensum Ecclesiæ suppletum est. Ad tertium. Dico Concilium Acephalum in casu Sedis vacantis, aut dubii Pontificis, aut etiam Pontificis propter hæresim notoriam, aliamvè causam legitimè deponendi, infallibile esse saltem in ordine ad electionem, aut depositionem Pontificis, quia in ordine ad eam actionem legitimum est, totamque Ecclesiam, eo modo quo fieri potest, representat. Ad quartum. Dico in casu certi & non deponendi Pontificis, Concilium Acephalum ita à capite sejunctum, ut ei Pontifex, neque per se, neque per legatos suos interfuit, vel consentiat, infallibile non esse, quia sufficienter non repræsentat totam Ecclesiam; fieri tamen potest, ut aliquod ejusmodi Concilium non erret; & accedente consensu Pontificis infallibilitatem habeat.

Obiicies 2^o. Supponamus Pontificem præsidere Concilio per legatos, legatos autem præsidentes non consentire cum Patribus, sed sequi sententiam diversam à sententiâ Concilii; sententia Concilii opposita sententiæ legatorum infallibilis est, neque tamen est consensus capituli cum membris. Respondeo. Legati Ponti-

Legati Pontificis aliquando non tenentur acquiescere Sententiae Concilii.

Aliquando tenentur.

Tenetur Pontifex sequi sententiam Concilii legitimi & legitime procedentis. Neque tamen inutilis est ap-

ficis, vel ita ad Concilium mittuntur, ut a Pontifice accipiant plenam & determinatam instructionem fidei in materiâ jam satis definitâ, quam sequi debent, & proponere Patribus sequendam, vel ita mittuntur ut relinquatur illis plena potestas sequendi partem quam libuerit, & re benè examinatâ videbitur. Si primum. Dico Concilii Sententiam oppositam sententiae legatorum non esse infallibilem defectu legitimi processus. Ratio est, quia in eo casu Concilium celebratur, non ad examinandam aut definiendam rem, sed ad notificandam totius Ecclesiae consensionem. Si secundum. Dico legatos sententiae Concilii legitimi & legitime procedentis acquiescere debere, & privatam opinionem suam deponere; quod si fortè non fecerint, non desinet Concilium esse legitimum, quia Concilio etiam tunc aderit consensus Capitis cum membris, saltè in deliberando. Quare sententia Concilii erit vera sententia Concilii legitimi & Oecumenici totam Ecclesiam sufficienter representantis, ac proinde infallibilis erit.

Instabis. Ergo Pontifex ipse tenetur sequi sententiam Conciliarem, ac proinde inutilis est approbatio & confirmatio Pontificis. Respondeo. Pontifex tenetur sequi sententiam Concilii legitimi & legitime procedentis, ut regulam certò demonstrativam veritatis; neque tamen est inutilis approbatio & confirmatio Pontificis. Valet enim 1°. Ad declarandum Concilium legitimum fuisse, & legitime processisse. 2°. Valet ad demonstrandam totius Ecclesiae unionem, perfectamque capitis cum membris consensionem. 3°. Valet ad supplendum

si quid fortè in Concilio minùs legitimum foret. probatio & confirmatio Pontificis.

Obiicies. 3°. Semper dubitari poterit, an Concilium sit legitimum : ergo semper dubitari poterit, an sit infallibile ; neque enim Concilium infallibile est ; nisi legitimum sit ; ergo nisi constet Concilium esse legitimum, non constat esse infallibile. Respondeo, nego antecedens. Nam 1°. Interdùm notoriæ sunt quinque conditiones supra memoratæ, indictio, convocatio, præsentia, processus, & confirmatio. 2°. Quodcumque Concilium agnoscitur ab Ecclesiâ pro legitimo certissimè legitimum est, quia Ecclesia errare non potest in huiusmodi facto essentialiter cum fide connexo. 3°. Quodcumque Concilium confirmatur à summo Pontifice, & fidelibus proponitur cum obligatione acquiescendi, acceptante Ecclesiâ, pro legitimo haberi debet, quia si Concilium ejusmodi non esset legitimum, jam tota Ecclesia Concilii definitionibus acquiescens errare posset.

Thesis 4°. Concilium particulare etiam legitimum seorsum ab Ecclesiæ approbatione infallibilitatem non habet. Probatur. Quia Concilium particulare non repræsentat totam Ecclesiam, sed partem Ecclesiæ : ergo cùm pars Ecclesiæ quam repræsentat, non sit infallibilis, nec ipsum infallibile est. Adde quod, multa Concilia particularia errarunt in multis. Monco tamen Conciliis etiam particularibus magnam venerationem habendam esse, nec temerè, quod nonnulli faciunt, contemnendam eorum authoritatem, donec, aut manifestæ rationi re-

Concilium particulare seclusâ Ecclesiæ approbatione non est infallibile.

Non est tamen contemnenda illius authoritas.

pugnare, aut positivè reprobari ab Ecclesiâ, aut contrariâ Synodo infirmari videantur: quod enim quis errare possit, non continuè errat, & nisi probetur error, aut magna fiat suspicio erroris, imprudenter, ne dicam, impudenter facit, qui Concilii judicio non acquiescit.

ARTICULUS II.

De sensu Ecclesiæ in Capite adunata.

Quo sensu
tota Eccle-
sia sit in
Summo
Pontifice.

Præmitto 1°. Cùm Ecclesiæ sit in Episcopo, juxta celebre dictum Cypriani, tota Ecclesiæ aliquo modo est in Summo Pontifice, quia Summus Pontifex totius Ecclesiæ Pastor est. Neque novus est iste existendi modus: nam quæcumque communitas aliquo modo existit in suo capite, & interdum tota per suum caput repræsentatur, in ordine ad aliquas actiones.

Persona
privata
Pontificis.

Præmitto. 2°. Duplex in summo Pontifice distinguenda est persona, privata scilicet & publica. De personâ privatâ non agimus, nemo enim dubitat quin ea errori obnoxia sit: quæstio igitur solum procedit de personâ publicâ. Sustinet autem Pontifex multiplicem personam publicam, personam Episcopi Romani, personam Patriarchæ Occidentis, & personam totius Ecclesiæ Pastoris. Hæremus hîc in personâ publicâ totius Ecclesiæ Pastoris, quia consideramus Pontificem, ut repræsentat totam Ecclesiæ, totam autem Ecclesiæ repræsentat, ut totius Ecclesiæ Pastor est.

Persona
publica
multiplex.

Præmitto. 3°. Pontificem, ut totius Ecclesiæ Pastor est, posse habere se duplici modo in

controverſiſ fidei & morum. 1°. Quidẽ ita ut loquatur ex Cathedrâ , dicitur autẽ loqui ex Cathedrâ , ſi toti Eccleſiæ proponat aliquid credendum cum obligatione acquieſcendi , non quod in Cathedrâ materiali ſedens , ut nugantur hæretici , velut ex tripode oracula fundat , ſed quod rem definiat ex poteſtate directivâ totius Eccleſiæ in materiâ fidei & morum , quam à Chriſto accepit , talis enim poteſtas Cathedræ nomine ſignificatur. Quo modo ex Cathedrâ locutus eſt Innocentius X. cùm Janſenii quinque propoſitiones damnavit , omnibus & ſingulis Eccleſiis obligationem faciens acquieſcendi. 2°. Ità ut non loquatur ex Cathedrâ , quando ſcilicet circa dubia occurrentia mentem ſuam aperit , nulli , aut certè non toti Eccleſiæ obligationem faciens acquieſcendi. Quo modo plerumque loquuntur Pontifices ad privatorum conſulta reſcribentes. Verſamur hîc in ſolo ſenſu Pontificis ex Cathedrâ loquentis.

Quid ſit loqui ex Cathedrâ Pontificem.

Præmitto 4°. Pontifex ex Cathedrâ loquens , vel in Concilio generali loquitur , vel extra Concilium generale , nam Pontifex controverſias fidei interdum definit ſacro approbante Concilio , interdum verò extra Concilium , approbante tantum Eccleſiâ per orbem diffuſâ. Utroviſ modo definiat , videndum eſt illius an ſenſus infallibilis ſit.

Theſis. 1^a. Senſus Pontificis ex Cathedrâ loquentis approbante Concilio generali infallibilis eſt , in diſcernendâ verâ doctrinâ Chriſti. Sequitur ex ſuperioribus , quia infallibilis eſt ſenſus Concilii generalis legitimi ; ergo ſi ſen-

De ſenſu Pontificis approbante Concilio generali.

sus Pontificis congruat cum sensu Concilii generalis legitimi, infallibilis est; nam si forte erraret in suo sensu Pontifex, Concilium pariter generale erraret.

Objicies. Non est obligatio acquiescendi sensui Pontificis etiã congruentis cum sensu Concilii generalis, nam multæ Ecclesiæ Catholicæ nondum acquieverunt iis decretis, quæ Summi Pontifices ex sensu Concilii Tridentini promulgarunt. Respondeo. Sensus Pontificis cum Concilio generali congruentis versari potest, aut in materiã fidei, aut in materiã disciplinæ Ecclesiasticæ. Si versatur in materiã fidei, est in omnibus fidelibus obligatio ei acquiescendi, ita ut nullus omninò sine hæresi dissentire possit. Si autem versatur in materiã disciplinæ, dico in omnibus fidelibus esse obligationem credendi, ea quæ præcipiuntur, sanctè & legitimè præcipi, non est tamen obligatio in omnibus fidelibus faciendi res præceptas, quia nimirum sunt certæ quædam Ecclesiæ, quarum privilegium est, ne apud ipsas decreta Pontificia, aut Conciliaria pertinentia ad disciplinam, vim habeant obligandi, nisi prius de more acceptata fuerint; cujusmodi privilegio non præsumitur Pontifex aut Concilium velle derogare. Atque hæc est causa cur Concilium Tridentinum quoad disciplinam Ecclesiasticam nondum receptum sit in aliquibus Ecclesiis etiam Catholicis, sed nihil inde arguitur contra infallibilitatem sensus Pontificis cum Concilio congruentis.

De sensu
Pontificis

Thesis 2^a. Infallibilis item est etiam extra
Concilium generale sensus Pontificis ex Cathedra

diâ loquentis accedente consensu Ecclesiæ per orbem diffusæ. Sequitur item ex dictis, nam consensus Ecclesiæ per orbem diffusæ infallibilis est; sensus autem ille Pontificis, est sensus Ecclesiæ per orbem diffusæ, ergo, &c.

Objicies. Ad omnes fidei controversias terminandas opus est Concilio Generali, tum

quia nulla fuit damnata hæresis, nisi de sententiâ Concilii Generalis, tum quia superflua & inutilis esset Conciliorum Generalium celebratio, si absque Concilio generali Fidei controversiæ terminari possent. Respondeo. Ad

controversias Fidei terminandas opus est Concilio generali aliquandò & per accidens tantum, non absolute & per se. Neque verum est, nullam fuisse damnatam hæresim sine Concilio generali; nam totis tribus primis Ecclesiæ sæculis damnatæ fuerunt hæreses, &que multæ, sine Concilio generali; putà hæreses, Valenti-

ni, Marcionis, Montani, Novatiani, aliorumque hæreticorum, de quibus Irenæus, Tertullianus & Hieronymus multa habent. Primum enim Concilium generale numeratur Concilium Nicænum habitum circa annum Christi 325. Sed & posterioribus sæculis invenitur facta legitima damnatio hæreticorum sine Concilio generali. Unum exemplum sufficiet depromptum ex Augustino in causâ Pelagii; hæresis enim Pelagiana temporibus Augustini habebatur pro legitimè damnatâ sine ullo Concilio generali. Cujus rei extat luculentum Augustini testimonium, l. 2. contra Julianum c. 1. Ubi cum Julianus postularet judicium competens, in quo ipsorum causâ retractaretur, *Vestra*

extra Concilium accedente consensu Ecclesiæ per orbem diffusæ.

Ad terminandas Fidei controversias opus est Concilio generali aliquandò & per accidens, non absolute & per se.

Lib. 2. *verò*, inquit Augustinus, *apud competens ju-*
contra Iul. dicium communium Episcoporum modò causa finita
 c. 1. *est, nec amplius vobiscum agendum, quantum ad*

jus examinis pertinet, nisi ut prolatam de hac re
sententiam cum pace sequamini, quod si nolueritis,
à turbulenta & insidiosâ inquietudine cohi-
beamini. Et Paulò post. *Nolite*, inquit, *ulterius*
hac vana jactare, vobisque sufficiat quòd vos
Ecclesia catholica, & maternâ lenitate sustinuit
& judiciariâ severitate, vel potius medicinali ne-
cessitate damnavit. Atqui cum hæc scribebat

Augustinus nullum præcesserat Concilium generale in causâ Pelagii, nam in Concilio quidem Ephesino damnata postea fuit hæresis Pelagiana, occasione Nestorianæ; sed Ephesinum Concilium non vidit Augustinus. Stet ergo ad decidendas fidei controversias non esse absolutè, & per se necessarium Concilium generale. Neque tamen hinc sequitur superfluum, & inutilem esse Conciliorum generalium celebrationem; quamvis enim Concilium generale absolutè, & per se necessarium non sit, aliquando tamen, & per accidens necessarium est, aut saltem valde utile. 1°. Quia Pontifex aliquando causam fidei definire non vult, nisi de sententiâ Concilii generalis, sive propter difficultatem causæ maturius examen postulantis, sive ad exquirendum diligentius singulorum Ecclesiarum sensum. 2°. Quia interdum turbulentis hæreticis Concilium generale postulantibus ex quâdam condescendentiâ & prudenti dispensatione Juris annuere oportet quod volunt, ut eis præcludatur omnis causa querelarum. 3°. Quia Patres in Concilio generali

Neque
 hinc sequi-
 tur inuti-
 lem esse
 Concilio-
 rum gene-
 ralium ce-
 lebrationē,
 ad multa
 enim valet.

acrius animantur ad veram fidem in suâ quique Ecclesiâ conservandam, seu mutuo exemplo, seu zelo quodam tuendi suffragii sui. 4°. Quia collatis omnium sententiis melius iudicatur de adhibendis præsentî malo remediis. 5°. Quia per Concilium generale manifestius apparet omnium Ecclesiarum in unam fidem consensus. Pro viâ decidendi controversias de doctrinâ Christi, nec vacat nunc plura dicere; nec necesse est.



QUÆSTIO VIII.

De Censurâ Theologicâ.

PArabola est Evangelica, inimicum hominem in medio tritici superfeminasse zizania, quibus triticum corrumpetur. Sed veritas est nimium patens, Doctrinæ Christi, quæ in scripturâ & Traditione continetur, malam interdum doctrinam à perversis hominibus superfeminari; idque magno fidelium scandalo & periculo, nisi Ecclesia totius doctrinæ custos, regulis suis verum à falso sapienter discernens, Theologicâ censurâ notaret perversa dogmata, & dogmatum assertores. Alia est ergo Censura dogmatum, alia Censura personarum. Utriusque verò cognitio necessaria est, non modò ipsis censoribus, ne Censuram imprudenter ferant, sed etiam Theophilo nostro, ne in Theologiæ decursu diversas Censuras, seu dogmatum, seu personarum malè confundat.

Censurâ Theologicâ alia est censura dogmatum, alia censura personarum.

CAPUT PRIMUM.

De Censurâ dogmatum.

Censura
dogmatum
quid sit.

Premitto. Censura Theologica dogmatum est sententia, per quam mala doctrina ita notatur, ut fidei aliquo modo nociva esse pronuntietur. Explicatur. Censura *sententia* dicitur; neque enim cujuscumque est ferre Censuram; sed legitimi cognitoris & judicis, qui possit obligationem aliquam sententiâ suâ inducere. Dicitur deindè sententia, *Per quam mala doctrina notatur*; Censura enim cadere non debet nisi in doctrinam aliquo modo malam, quia damnari non debet nisi quod malum est. Dicitur denique sententia, per quam doctrina mala ita notatur, *ut fidei aliquo modo nociva pronuntietur*. Nam si doctrina nullo modo fidei noceret, Censuræ Theologicæ obnoxia non esset. Sed ad naturam Censuræ Theologicæ plenè intelligendam, scire oportet. 1°. Cujus sit ferre Censuram Theologicam. 2°. Quæ sit Censuræ Theologicæ materia. 3°. Quæ forma. 4°. Quæ, & quàm multæ illius species. 5°. Quam obligationem inducat.

Ad plenam
illius intel-
ligentiam
quid scire
oportet.

Censuræ fe-
rendæ po-
testas qui-
bus compe-
tat.

Thesis 1^a. Censuram Theologicam ferre possunt & debent ij soli, quibus ex officio competit fidem in Ecclesiâ servare integram illibatamque. Ratio nimirum est, quia potestas ferendæ Censuræ eò solum valet, & hunc finem necessaria est, ut fides integra illibatâque

servetur. Ergo iis solùm competit Censuræ ferendæ potestas, quibus ex officio competit, fidem in Ecclesiâ integram illibatamque servare. Competit igitur 1°. Ea potestas Pastoribus Ecclesiarum seu Episcopis, *Quos posuit Spiritus Sanctus regere Ecclesiam Dei.* Nam quomodo regere Ecclesiam Dei satis possint, nisi possint iidem perversa dogmata, quæ fidei nocent, pro suâ autoritate notare, & à fidelibus longè arcere? *Episcopis*, inquam, sive in Concilio generali congregatis, (quia Concilium generale, legitimum, ut potest supremo iudicio, fidei doctrinam definire, ita potest supremo iudicio damnare doctrinam quamcumque fidei adversantem) sive congregatis in Concilio Nationali, aut Provinciali; Concilii enim Nationalis aut Provincialis est, fidem puram servare totius nationis, aut Provinciæ, quam repræsentat. Ergo ejusdem est notare perversa dogmata, quæ fidem alterarent: seu denique singulis Episcopis, unicuique in suâ Diœcesi; quia unicuique ex officio incumbit tueri in suâ Ecclesiâ puritatem fidei, ac proinde eam damnare doctrinam, quâ puritas fidei corrumperetur. Ex quo principio sequitur, summum Pontificem omnium Ecclesiarum Pastorem, pro eâ, quæ ipsum tangit, curâ universi gregis, posse, ac debere perversa dogmata, ubicumque nascantur, aut serpent, Censurâ Apostolicâ ferire. Competit. 2°. Ferendæ Censuræ potestas Inquisitoribus fidei: Tribunal enim Inquisitionis in hoc positum, & ab Ecclesiâ constitutum est, ut doctrinas omnes *Dæmoniorum* Doctrinæ Christi adversantes in-

1°. Competit Episcopis sive in Concilio generali congregatis. *Act. c. 20.*

Sive in Concilio Nationali aut Provinciali.

Sive singulis in suâ Diœcesi.

2°. Inquisitoribus fidei.

3°. Academi-
cis Theo-
logiæ fa-
cultatibus. rat, & damnet. Competit. 3°. Academicis Theologiæ Facultatibus, quæ sunt armamentaria fidei, & propugnacula religionis. Nam & ipsæ in Provinciis Christianis autoritate Pontificiâ, simul & Regiâ constitutæ ordinantur ad sanam probamque doctrinam Fidelibus tradendam, insanam verò & adulteram configendam.

Privati
Theologi
cur cen-
suram Theo-
logicam
propriè di-
ctam non
ferunt.

Quia scilicet doctrinam notant, non ut iudices, sed ut accusatores.

Obijcies. Privati etiam Theologi, qui nec de ordine Episcopali, nec de Tribunali Inquisitionis, nec de Academiâ sunt, Censuram tamen ferunt, taxando interdum propositiones ut hæreticas, erroneas, scandalosas, &c. Idque audiente Ecclesiâ, nec improbante. Ergo potestas ferendæ Censuræ non iis solis competit, quibus competere diximus. Respondeo. Privati Theologi Censuram Theologicam propriè dictam non ferunt, quia privatorum Theologorum sententia, non est sententia iudicum, quæ obligationem inducat, sed sententia Actorum, seu accusatorum, quæ iudices ipsos instruat, & excitet ad sententiam obligantem ferendam. Aliter ergo doctrinam notant privati Theologi, aliter quibus ex officio incumbit: isti notant, ut iudices; illi, ut accusatores. Neque tamen eo nomine reprehensionem ullam privati merentur, quasi iudicium Ecclesiæ præveniant, & alienam sibi potestatem arrogant. Nimirum speculatores sunt; hostem indicant, non confodiunt: Catelli sunt Dominici gregis, Pastorem crebris latratibus admonent, excitantque, ut Lupos abigat, & singulorum esse potest vox illa Ambrosii Catarini, *Catellus Domini ego sum.*

Thesis 2^a. Materia Censuræ Theologicæ est omnis & sola doctrina, quæ fidei aliquo modo nociva est. Probat^{ur}, quia Censura Theologica ordinatur ad puritatem fidei conservandam; ergo cadere debet in omnem & solam doctrinam, quæ potest nocere fidei: nam quæcumque nocere potest, damnari debet, ne fides damnum ex eâ patiatur: quæcumque verò nullo modo potest nocere, non est, quod, propter causam fidei, Censurâ notetur. Hic tamen moneo in ordine ad Censuram, propositionem æstimandam esse, non præcisè ex se, & ex objecto suo, sed ex animo, & sensu, aliisque circumstantiis proferentis. Quam ob rem censoribus utiles esse poterunt observationes sequentes.

1^a. Circa personam ipsius proferentis: nam propositio, quæ in ore unius catholica est, in ore alterius censi potest ut hæretica. Ratio est, quia fortè unus proferentium fidei suspectus est, alter longè abest ab eâ suspitione. Ita hæc propositio, *Pater est major Filio*, in ore Athanasii catholica erat; in ore autem Eusebii cujuscumque, aut Theognidis, hæretica. Ita laudabatur olim ab Hilario formula quædam fidei ut catholica, in ore scilicet, & sensu Catholicorum, quæ eadem reprobat^{ur} ut hæretica, in ore & sensu Semi-Arianorum.

2^a. Circa tempus propositionis prolata; quia propositio, quæ uno tempore extra Censuram est, fieri potest, ut alio tempore Censuram mereatur. Incidunt enim mala quædam tempora, quibus cautè omninò loquendum est, & perfidiæ loco habetur negligentia cautionis: eaque tempora serè sunt, cum hæreses, aut schismata oriuntur. Nam

Quæ sit materia censure Theologicæ doctrinarum.

Omnis & sola doctrina aliquo modo nociva fidei.

Pro æstimandâ propositione in ordine ad censuram observationes aliquot.

1^a. Circa personam ipsius proferentis.

2^a. Circa tempus propositionis prolatae.

Basil. ad
Amphil. c. 1.

3^a.
Circa sta-
tum propo-
sitionis seu
abstractæ à
proferente,
seu con-
junctæ cum
proferente.

4^a.
Circa lo-
cum in quo
propositio
proferitur.

tunc , ut in civilibus bellis contingit ; vel
unius gestus , motus , nutus oculorum , aliaque
ejusmodi signa æquivoca sinistrè accipiuntur , &
partium Symbola sunt. Ita Basilio legimus
criminis datum , quòd glorificationis Hymnum
protulisset his verbis , *Gloria Patri , per Filium ,
in Spiritu Sancto*. Nimirum hæresis Ariana gra-
fabatur ; extra quem casum caruisset ea formu-
la suspitione Arianismi. 3^a. Circa statum pro-
positionis , seu abstractæ à proferente , seu con-
junctæ cum proferente , damnantur enim , &
meritò quidem , multæ propositiones , ex libris
sanctorum Patrum abstractæ , quæ tamen in
sensu , & in Libris Patrum , sunt omnino lau-
dabiles & Catholicæ. Nec est , quod queratur
Calvinus cum suis , damnatas à Tridentino
sexcentas propositiones , quæ ad verbum extant
apud Augustinum. Nam licet voce tenus ex-
dem sint , retineantque , avulsæ à cæteris , cor-
pus idem & cadaver sententiæ , at non ani-
mam eandem habent , eundemque sensum.
4^a. Circa locum , in quo propositio proferitur.
Nam Concionatoribus pro Concione multa li-
cent , quæ in Theologis Scholasticis reprehensionem haberent. Est enim Concionator veluti
torrens sine lege , flumen exundans , mare fer-
vidum ; exit aliquando extra ripas , nec se con-
tinet intra alveum veritatis. Cæterum in his
omnibus excusantur Censores à vitio acceptio-
nis personarum , aut inconstantia ; quia cir-
cumstantia temporis , & loci , aliæque id ge-
nus , licet propositionem , quoad verba , & ma-
terialiter eandem relinquant , faciunt tamen
formaliter diversam. Idemque hic accidit , quod

in amphibologiâ , aut locutionibus æquivocis , quæ per varias circumstantias ad varios sensus determinantur , ita ut una Physicè oratio fiat moraliter multiplex.

Obijcies. Interdum Censurâ Theologicâ notantur opiniones etiam Philosophicæ , ut contigit opinioni de cõpositione continui ex solis indivisibilibus, in Concilio Constantiensi; quæ tamen opinio fidei nociva non est. Ergo materia Censuræ Theologicæ non est sola doctrina fidei nociva.

Respondeo. Censura cadens in opinionem purè Philosophicam , & fidei nullo modo nocivam , non est Censura Theologica , etiam si fortè à Theologis lata sit. Censura enim denominatur Theologica, non præcisè à Censoribus Theologis, sed etiam à conditione materiæ, in quam cadit. Censura igitur illa Patrum Constantiensium , quamvis à Theologis lata, Theologica non fuit, defectu scilicet materiæ idoneæ ad Censuram Theologicam; atque hinc fortè est, cur eam Martinus V. approbare noluerit. Non nego tamen, quin opinio Philosophica sit aliquandò Censuræ Theologicæ obnoxia: quia opinio Philosophica aliquandò fidei nociva est, si non formaliter & directè, saltem indirectè, & consequenter; cujusmodi sunt multæ recentium Philosophorum opiniones, quæ non modo Philosophiam totam corrumpunt, sed ipsam etiam Theologiam contagione quadam inficiunt; quatenus per illas fit, ut mysteria fidei, aut ruere omnino, aut nutare videantur. Quapropter rem Ecclesiæ & Religioni utilem fecerint Pastores, & Censores

Censuræ Theologicæ obnoxia non est opinio purè Philosophica, & fidei nullo modo nociva, sed quæcumque aliquo modo fidei nociva est, etiam Philosophica, sub censuram cadit, quales multæ sunt recentium Philosophorum opiniones.

Academici, si virgam suam censoriam, ad profanas ejusmodi novitates, sine ullo respectu & acceptione personarum extendant. Mihi certè animus est, in tractatione Theologiæ nostræ, quascumque deprehendero non satis principia fidei congruentes sententias, etiam Philosophicas, notare obiter, easque, si non judicis, saltem accusatoris more censere.

Forma Censuræ Theologicæ in quo consistat.

Thesis 3^a. Forma Censuræ Theologicæ non in simplici prohibitione doctrinæ, sed in certâ quadam damnatione consistit; quâ scilicet pronuntietur doctrina nociva fidei, atque ut talis prohibeatur. Probatur. Quia non omnis doctrina, quæ prohibetur, continuò Censurâ Theologicâ notatur. Duplicem enim ob causam doctrina aliqua prohiberi potest; vel quia tumultus excitat, turbatque pacem, & charitatem fidelium; vel quia Religionem, & fidem perit. Prima prohibendi ratio simplex est, & nuda quædam prohibitio; altera, damnatio est, seu pronuntiatio falsitatis sententiæ, & alicujus oppositionis cum fide. Prima violatorem facit dumtaxat inobedientem & contumacem; altera fidei suspectum reumque. Una potestatis est directivæ morum; altera, de potestate venit directivâ fidei & doctrinæ. Dico autem in simplici & nudâ prohibitione doctrinæ non consistere formam censuræ Theologicæ; quia Ecclesia doctrinam interdum prohibet absque ullâ censurâ. Id quod patet in doctrina de maculato Deiparæ conceptu; quæ doctrina, nudè & simpliciter prohibetur doceri exteriùs, pacis, & charitatis causâ: sed non propterea censurâ notatur; interiùs enim teneri hodièque permitti-

Non consistit in simplici & nudâ prohibitione doctrinæ; interdum enim doctrina prohibetur absque censurâ.

tur. Nam si fortè censurâ Theologicâ notaretur, prohiberetur causâ fidei : si autem prohiberetur causâ fidei, ne interiùs quidem teneri permetteretur. Ergo in simplici, & nuda prohibitione doctrinæ non consistit forma censuræ Theologicæ. Confirmatur. Quia interdum utraque contradictionis pars prohibetur, propter bonum pacis ; donec lite pendente, rematuriùs examinâtâ iudex pronuntiaverit. Quo modo Honorius in rescripto ad Sergium vocabulum unius, aut geminæ in Christo operationis prohibuit. Utraque tamen pars non notatur censurâ Theologicâ, ut per se patet : alioquin censurâ notaretur pars etiam illa, quæ fidei conformis est. Stet igitur, formam Censuræ Theologicæ non in simplici prohibitione doctrinæ, sed in certâ quadam damnatione consistere ; quâ scilicet pronuntietur doctrina nociva esse fidei, & ut talis prohibeatur.

Sed in certa quadam damnatione quâ scilicet pronuntietur doctrina esse nociva fidei, & ut talis prohibeatur.

Obicies. Forma Censuræ Theologicæ est aliquid censuræ Theologicæ essentialiale : damnatio autem, quâ pronuntiatu[r] doctrina fidei nociva, non est essentialis Censuræ Theologicæ. Nam 1º. Liber aliquis interdum censurâ notatur, eo ipso quòd prohibetur. Ergo in solâ prohibitione stare potest ratio censuræ. 2º. Interdum damnatur Liber, & non prohibetur : damnatur enim, nullâ facta mentione prohibitionis. Ergo forma censuræ non postulat essentialiter eam damnationem, quæ sit prohibitio. 3º. Damnatur interdum liber, & prohibetur, nullâ factâ mentione oppositionis, quam habet cum fide ; tunc tamen censurâ Theologicâ notatur. Ergo forma censuræ Theologicæ non requirit damna-

tionem, quâ Doctrina pronuntietur nociva fidei. Respondeo. Nego Minorem. Ad primam verò probationem dico, Librum Censurâ notari Theologicâ, eo ipso quòd prohibetur; si nimirum in circumstantiis prudenter credatur idèd prohiberi, quia fidei nocivus est; tunc enim prohibitio est tacita quædam, & interpretativa libri damnatio. Quòd si liber nudè & simpliciter prohiberetur sine ullâ damnatione, seu expressâ, seu interpretativâ, non intelligeretur propterea Censurâ Theologicâ notatus. Ad secundam autem dico, librum, quâ sententiâ damnatur ut fidei nocivus, eâdem sententiâ prohiberi; statim enim ut pronuntiatur habere qualitatem nocivam fidei, exurgit jure ipso naturæ, si non positivo, obligatio abstinendi à libro, in iis saltem, quibus à libri lectione aliquod fidei periculum timeri potest. Ad tertiam dico, si liber nec damnatur, nec prohibetur, titulo oppositionis cum fide, Censurâ Theologicâ non notatur. Sed contingere potest, ut damnetur, & prohibeatur titulo oppositionis cum fide, quamvis ejusmodi oppositionis expressa mentio non fiat. Tunc autem Censurâ Theologicâ verè notatur, dummodo causa damnationis & prohibitionis rationabiliter præsumatur esse qualitas nociva fidei.

Censuræ Theologice multiplex species. Thesis 4^a. Multiplex est species Censuræ Theologicæ. Probatur. Quia Censura Theologica multiplicatur pro multiplici gradu oppositionis Doctrinæ cum fide; potest autem Doctrina habere multiplicem gradum oppositionis cum fide. Nam generatim duplex oppositio distingui potest, oppositio directâ, & oppositio indire-

Unde pe-
tatur.

eta. Directa est, per quam Doctrina aliqua ita fidei opponitur, ut fidem, ejusque principia intrinseca directe, & formaliter petat. Indirecta verò, per quam Doctrina aliqua evertit principia dumtaxat, seu fundamenta extrinseca, quibus fides aliquo modo fulcitur, & vallatur. Sed cujuscumque oppositionis seu directæ, seu indirectæ præcipuos gradus notare solent censores certis verbis, conceptisque formulis. Habentur autem ex formulæ censoriæ, seu solennes propositionum notæ, in Decretis Conciliorum, & Bullis Pontificum. Nam Concilium Constantiense Sess. 8^a. Articulos Vviclefi damnavit declarando, aliquos, & plures ex ipsis fuisse, & esse notoriè Hæreticos; alios, non Catholicos, sed erroneos, alios scandalosos & blasphemos; quosdam piarum aurium offensivos; nonnullos eorum temerarios, & seditiosos. Eodem fere modo Articulos Lutheri damnavit Leo X. in Bullâ suâ. *Præfatos omnes, inquit, & singulos articulos, seu errores, tanquam respectivè Hæreticos, aut scandalosos, aut falsos, aut piarum aurium offensivos, vel simplicium mentium seductivos, & veritati Catholica obviantes, damnamus, reprobamus, atque omnino rejicimus.* Similes quædam formulæ adhibentur in Bullâ Pii V. Gregorii XIII. & Urbani VIII. contra Michaëlis Baii propositiones. *Quas quidem sententias, Hæreticas, erroneas, suspectas, temerarias, scandalosas, & in pias aures offensionem immituentes, respectivè, presentium autoritate damnamus, circumscribimus, & abolemus.* Notari ergò potest Doctrina aliqua ut *Hæretica*, ut *hæresi proxima*, ut *erronea*, ut *proxima errori*, ut *hæ-*

Explican-
tur formu-
læ censo-
riæ, seu
solennes
propositio-
num notæ
ferè de-
sumptæ ex
Decretis
Concilio-
rum, &
Bullis Pon-
tificum,

resim, aut errorem sapiens, ut *suspecta*, ut *impia*, & *blasphema*, ut *scandalosa*, ut *piarum aurium offensiva*, ut *male sonans*, ut *simplicium mentium seductiva*, ut *seditiosa*, ut *temeraria*, ut *improbabilis*, ut *falsa*. Quas omnes formulas, ex supradictis aliisque Conciliorum & Pontificum Constitutionibus excerptas, & Censoribus familiares, operæ-premium erit diligenter explicare Theophilo nostro, ut deinceps in Theologiæ tractatione distinctè intelligat, quoties usurpabuntur, quæ sit illarum vis, & propria significatio.

Quæ dicatur Doctrina hæretica. Dico igitur 1^o. Doctrina, ut hæretica, notari solet, quæcumque directè & formaliter opponitur veritati Catholicæ. Probatur. Veritas Catholica dicitur, Dogma revelatum à Deo, & Summâ Ecclesiæ autoritate propositum. Doctrina autem quæcumque opponitur directè & formaliter Dogmati revelato, & Summâ Ecclesiæ autoritate proposito, ut hæretica notari solet; & meritò quidem: hæretica enim est; &, si pertinacia accedat, hæreticum facit. Duo igitur, ut vides, requiruntur, & sufficiunt ad Doctrinam Hæreticam: primum, ut opponatur veritati à Deo revelatæ; alterum, ut opponatur revelationi Divinæ, non quocumque modo propositæ, sed summâ autoritate Ecclesiæ, ad credendum; aut certè ad non discredendum obligantis.

Quis hæreticus. Obijcies. Nemo Hæreticus est sine pertinaciâ, quidquid mali, aut perversi sentiat. Ergo ad Doctrinam hæreticam essentialiter requiritur pertinacia sentientis. Si enim non requireretur, Doctrina hæretica, sentientem, etiam non per-

tinacem, hæreticum faceret. Respondeo. Nego consequentiam, ejusque probationem. Nam hæreticus non dicitur, quicumque sustinet Doctrinam hæreticam; sed qui Doctrinam hæreticam ita sustinet, ut scienter, & culpabiliter repugnet supremo Ecclesiæ judicio, veritatem proponentis, ut à Deo revelatam; qui sustinendi modus pertinacia est. Ergò nemo hæreticus est sine pertinaciâ. At verò Doctrina hæretica dicitur, considerata in se, & præscindendo à statu sustinentis: quia nimirum considerata in se talis est, ut si pertinacia accesserit, sustinentem hæreticum faciat. Talis autem est eò præcisè quòd opponitur veritati Catholicæ, seu veritati, quæ à Deo revelata est, & Summâ Ecclesiæ autoritate proponitur, ut revelata. Unde sequitur 1°. Doctrinam hæreticam esse, quæcumque expresso alicui scripturæ sensui opponitur: Ecclesia enim summâ autoritate scripturam proponit, ut verbum Dei, & sensum scripturæ expressum, ut sensum à Deo revelatum. Sequitur 2°. Hæreticam esse Doctrinam, quæcumque opponitur Traditioni alicui divinæ manifestæ; quia Ecclesia Traditiones omnes divinas, ut verbum Dei, summâ autoritate proponit. Sequitur 3°. Hæreticam esse Doctrinam, quæcumque opponitur expressè Concilio generali legitimo, definienti aliquid fide divinâ credendum: quia Concilium generale legitimum Ecclesiam repræsentat, & quidquid credendum definit, summâ autoritate proponit, ut in Scripturâ, vel Traditione contentum, ac proinde ut à Deo revelatum.

Dico 2°. Doctrina ut erronea notari solet, Quæ
erronea,

quæcumque opponitur veritati à Deo revelatæ; juxta unanimum sensum Patrum, aut Doctorum Ecclesiæ, nondum tamen supremo Ecclesiæ judicio definitæ. Probat. Quia Doctrina erronea habet minorem aliquam oppositionem cum fide, quàm Doctrina hæretica; & ad hæreticam proximè accedit. Non accederet autem proximè ad hæreticam, nisi unanimi sensui Patrum, aut Doctorum Ecclesiæ repugnaret. Cum hæreticâ verò coincideret, si repugnaret expressè supremo Ecclesiæ judicio: Nimirum, ut Doctrinam summè commendat testimonium Dei, summâ Ecclesiæ autoritate propositum; deinde verò, & quidem proximè, testimonium idem, factum credibile unanimi consensu Patrum, aut Doctorum Ecclesiæ: ita prima Doctrinæ macula, & nota, est repugnare testimonio divino, summâ Ecclesiæ autoritate propositum; secunda verò, repugnare eidem testimonio, declarato per unanimum sensum Patrum, aut Doctorum Ecclesiæ. Atque hæc videtur fuisse mens Concilii Tridentini, cum duas damnat Scripturæ interpretationes; unam contra sensum Ecclesiæ; alteram contra unanimum Patrum, Doctorumque consensum.

*Sess. 4.
Decr. de
usu Sacro-
rum lib.*

*Multiplex
acceptio
erroris &
Doctrinæ
erroneæ.*

Objicies. Doctrina erronea est quæcumque Doctrina falsa: est enim error omnis actus falsus, in quacumque materiâ versetur. Ergo Doctrinam erroneam malè restringimus ad eam solum, quæ unanimi sensui Patrum, aut Doctorum Ecclesiæ opponitur. Respondeo. Doctrina erronea, ut accipitur in communi usu Censorum, non est quæcumque Doctrina falsa, sed Doctrina aliqua falsa, certam aliquam cum fide oppositionem

oppositionem habens : quam oppositionem omnis Doctrina falsa non habet. Nam error quidem latissimè sumptus supponit pro omni actu falso , in quacumque materiâ versetur : quo sensu omnis falsitas ; etiam Philosophica , error est. Error verò Theologicè sumptus, est omnis actus falsus in materiâ Theologicâ : quo sensu omnis Doctrina revelationi Divinæ quocumque modo opposita , erronea est ; & Lutheri articulos Leo X. omnes & singulos, *Errores* appellavit. Sed error propriè , & strictè acceptus, in usu communi Censûrum, est sententia quædam falsa, in materiâ Theologicâ, habens cum fide secundum oppositionis gradum , & malitiam hæreticâ malitiâ ita minorem, ut illam proximè contingat. Hæc verò malitia consistit in manifestâ oppositione Doctrinæ, cum unanimi sensu Patrum, aut Doctorum Ecclesiæ ; quam profectò oppositionem non habet omnis Doctrina falsa, etiam in materiâ Theologicâ.

Instabis 1^o. Si Doctrina erronea habet manifestam oppositionem cum sensu unanimi Patrum , jam non distinguetur ab hæreticâ : hæretica enim est, quæcumque opponitur veritati à Deo revelatæ , & sufficienter ab Ecclesiâ propositæ. Atqui Doctrina oppositionem habens manifestam cum unanimi sensu Patrum, opponitur eadem veritati à Deo revelatæ , & ab Ecclesiâ sufficienter propositæ : siquidem Ecclesia damnat omnem Doctrinam , unanimi sensui Patrum oppositam. In damnatione autem illâ continetur approbatio , & propositio Doctrinæ, cui suffragatur unanimis sensus Patrum. Respondeo. Nego sequelam. Ad probationem

Doctrina
heretica
quomodo
non con-
fundatur
cum hæ-
reticâ.

dico, non omnem Doctrinam, quæ opponitur unanimi sensui Patrum, esse continuò oppositam supremo iudicio, & definitioni Ecclesiæ. Nam unanimis sensus Patrum fundare quidem potest definitionem Ecclesiæ; sed non est ipsa Ecclesiæ definitio. Quod verò additur, damnari ab Ecclesiâ omnem Doctrinam unanimi sensui Patrum oppositam, certissimum est; sed non inde sequitur summâ Ecclesiæ autoritate definiri omnem Doctrinam, cui suffragatur unanimis sensus Patrum, esse in Scripturâ, aut Traditione contentam: alioquin damnare non posset Ecclesia unam aliquam propositionem, quin contradictoriam summâ autoritate, & supremo iudicio definirer, esse à Deo revelatam; quod tamen est apertè falsum.

Instabis 2^o. Doctrina, cui manifestè suffragatur unanimis sensus Patrum, est Doctrina fidei; est enim à Deo revelata, & sufficienter proposita, ad inducendam obligationem credendi. Quia unanimis sensus Patrum, ut suprâ statui-
mus, regula est, saltè moraliter, infallibilis, ad Doctrinam Divinam discernendam. Ergò Doctrina manifestè opposita unanimi sensui Patrum, est Doctrina hæretica. Respondeo. Nego Consequentiam. Neque enim Doctrina hæretica est, eo præcisè quòd opponatur Doctrinæ fidei; nisi fortè opponatur Doctrinæ fidei in primo gradu. Doctrina autem, cui præcisè suffragatur unanimis sensus Patrum, non est Doctrina fidei, in primo gradu, sed in secundo dumtaxat. In primo enim gradu est ea solum Doctrina fidei, quæ summâ Ecclesiæ autoritate proponitur, ut revelata. In secundo autem

gradu est, quæ per unanimum sensum Patrum fit credibilis. Esto igitur sit obligatio credendi Doctrinam, cui manifestè suffragatur unanims sensus Patrum; non est tamen obligatio credendi sub pœnâ hæresis saltè formalis; neque discredens, aut contradicens erit formaliter hæreticus, eo præcisè quòd discredat, aut contradicat veritati, per unanimum sensum Patrum propositæ; sed consequenter & arguitivè tantum, quatenus præsumitur negare veritatem aliquam à Deo revelatam, & summâ Ecclesiæ autoritate propositam, putà infallibilitatem Ecclesiæ, in Doctrinâ aliquâ damnandâ, aut approbandâ.

Dico 3°. Doctrina, ut hæresi proxima, notari potest, quæcumque ita non est hæretica, ut proximè ad hæresim accedat. Explicatur, & probatur. Fit interdum, ut mala aliqua Doctrina nondum sit hæretica; quia Doctrina, cui opponitur, quamvis à Deo revelata sit, nondum summâ Ecclesiæ autoritate satis proponitur ut revelata; eadè tamen ad hæresim proximè accedat. Id quod dupliciter contingit. 1°. Si Doctrina revelata, cui opponitur, sit fortè definita supremo Ecclesiæ iudicio; sed nondum ita clarè, & evidenter, ut non sit aliquis adhuc tergiversationi locus. Ad propositionem autem sufficientem nihil opus sit, nisi ut tantillum claritatis, & evidentiae accedat. 2°. Si Doctrina, cui opponitur, non sit expressè definita supremo Ecclesiæ iudicio; sed talis sit, cui suffragetur unanims sensus Patrum, aut Ecclesiæ Doctorem; adeo ut ab Ecclesiâ proximè definiri possit, & summâ Ecclesiæ autoritate proponi. Utrovis modo se ha-

Quæ dica-
tur Doctri-
na hæresi
proxima.

beat Doctrina à Deo revelata, dico, Doctrinam quamcumque ei oppositam, esse proximam hæresi; quia proximum est, ut fiat manifestè opposita Doctrinæ, supremo Ecclesiæ judicio definitæ; in quâ manifestâ oppositione stat ratio hæresis.

Et quomodo cum
erroneâ
confundatur.

Objicies. Ergò Doctrina hæresi proxima, est eadem erronea: consequens si admittatur, censoriæ formulæ confundentur, non distinguuntur. Respondeo. Censoriæ formulæ, quæ sub diversis terminis idem significant, non tam distinguendæ sunt, quàm confundendæ. Admitto igitur, Doctrinam hæresi proximam eandem esse cum erroneâ. Nam quamcumque erronea est, proxima est hæresi; quia proximum est, ut fiat opposita veritati supremo Ecclesiæ judicio definitæ; veritas enim, cui suffragatur unanimis Patrum, aut Doctorum Ecclesiæ consensus, proxima est, ut supremo Ecclesiæ judicio definiatur: quamcumque item hæresi proxima est, eadem est erronea; quia Doctrina hæresi proxima fieri non potest, quin unanimi sensui Patrum, aut Doctorum Ecclesiæ opponatur; in qua oppositione consistit ratio erroris, seu malitia erronea.

Instabis. Contingit aliquandò, ut Doctrina, quæ ante Concilium generale probabilis erat, in ipso Concilio generali damnetur, ut hæretica. Ergò Doctrina hæresi proxima, non est semper erronea. Consequentia probatur. Quia Doctrina, quæ ante Concilium probabilis erat, non erat eadem erronea ante Concilium; Doctrina enim erronea nequit esse probabilis, quo tempore erronea est. Atqui eadem hæresi proxima erat ante Concilium. Tam enim proxima

erat hæresi, quàm proximum erat, ut fieret hæretica, seu opposita supremo Ecclesiæ judicio, per ipsam Concilii definitionem. Sed paulò ante Concilium, quo tempore probabilis erat, proxima erat, ut fieret hæretica, seu supremo Ecclesiæ judicio opposita; per ipsam scilicet proximi Concilii definitionem. Respondeo. Admissâ hypothese antecedentis. Nego consequentiam. Fateor quidem, Doctrinam, paulò ante Concilium probabilem, non fuisse eo tempore erroneam; sed nego eandem fuisse hæresi proximam. Quamvis enim propè erat, ut damnaretur supremo Ecclesiæ judicio, tanquam hæretica, hoc tamen tunc non habebat, ex præsentis suo statu, sed ex diligenti examine Concilii paulò post futuro. Doctrina autem hæresi proxima dicitur, non quæ brevi futura est hæretica; sed quæ ex præsentis suo statu habet, ut proxima sit hæresi. Quæcumque verò est ejusmodi, erronea est.

Dico 4^o. Doctrina, ut errori proxima, notari potest, quæ ita erronea non est, ut error rem contingat. Explicatur & probatur. Fieri potest, ut Doctrina nondùm satis apertè opposita unanimi sensui Patrum, aut Doctorum Ecclesiæ, propè tamen sit, ut satis apertè opponatur. Quia jam ita opponitur majori parti Patrum, aut Doctorum Ecclesiæ, ut, si pauculi aliqui ad majorem partem accedant, aut jam accessisse probentur, quod facillimum est, habendus sit manifestè consensus unanimis. Doctrinam verò ejusmodi dico, esse, non erroneam, sed errori proximam: quia tam propè est, ut fiat erronea, quàm propè est, ut con-

Quæ dicatur errori proxima.

tra se habeat unanimem sensum Patrum, aut Doctorum Ecclesiæ. Dixi, si pauculi aliqui ad majorem partem aut accedant, aut jam accessisse probentur: quia fieri potest, ut Doctrina reipsâ opposita sit unanimi sensui Patrum; sed sensus Patrum unanimis nondum satis sit exploratus; cui si nihil penè desit, ut exploratus fiat, jam Doctrina opposita non erronea quidem erit, sed errori proxima.

Quæ sus-
pecta seu
hæresis, seu
erroris.

Dico s°. Doctrina, ut suspecta notari potest, quam gravat prudens aliqua suspicio oppositionis cum fide, seu primæ, seu secundæ. Nam alia est Doctrina suspecta hæresis, alia suspecta erroris. Suspecta hæresis dicitur, contra quam est gravis suspicio hæresis, seu oppositionis cum supremo Ecclesiæ judicio, veritatem oppositam summâ autoritate proponentis. Suspecta verò erroris est, quæ laborat gravi suspitione erroris, seu oppositionis cum unanimi sensu Patrum, aut Doctorum Ecclesiæ, veritati oppositæ suffragantium. Prudentem, & gravem suspitionem appello, judicium prudens, nixum fundamento gravi, quo judicatur, non ipsa Doctrinæ oppositio cum fide, seu prima illa sit, seu secunda; sed periculum oppositionis. Nam si prudenter judicaretur ipsa Doctrinæ oppositio cum fide, jam Doctrina judicaretur prudenter, non suspecta hæresis, aut erroris, sed hæretica, aut erronea. Atque hinc apparet primò, Doctrinam suspectam esse notæ cujusdam inferioris respectu Doctrinæ hæreticæ, aut erroneæ. Apparet secundò, Doctrinam hæresi proximam esse plusquam suspectam, quia Doctrina hæresi proxima est erronea, ut supra dictum est; sus-

pecta verò est infra erroneam. Apparet tertio, Doctrinam proximam errori suspectam esse. Cum enim nec hæretica sit, nec erronea, sed errorem contingat; in tam tenui intervallo, seu discrimine, facile confunditur cum errore, &, ut melius dicam, ipsa erroris contagio suspectam facit erroris.

Dico 6°. Doctrina aliqua notari potest, ut hæresim sapiens, aut errorem, quæ saporem habet aut hæresis, aut erroris. Sapor autem iste nihil aliud est, quàm species quædam, aut apparentia sensibilis Doctrinæ hæreticæ, aut erroneæ. Doctrina ergò hæresim, aut errorem sapiens, à suspectâ non distinguitur. Suspecta enim non laborat gravi suspitione hæresis, aut erroris, nisi quia saporem habet, & apparentiam sensibilem hæresis, aut erroris.

Quæ sapiens hæresim aut errorem.

Dico 7°. Doctrina, ut impia, aut blasphema, notari potest, quæcumque vel Deo, vel Deiparæ, vel sanctis injuriosa est, sive perfectiones debitas detrahendo, sive imperfectiones, quæ non conveniunt, affigendo. Doctrina autem impia, & blasphema potest esse vel hæretica, vel erronea, vel suspecta, pro gradu oppositionis, quam habet cum supremo Ecclesiæ judicio, vel unanimi sensu Patrum, aut Doctorum Ecclesiæ; sed habet eadem semper specialem aliquam oppositionem cum fide, quatenus est contra reverentiam Deo, & rebus sacris debitam; quâ præsertim reverentiâ fides alitur.

Quæ impia aut blasphema.

Dico 8°. Doctrina, prout fidei offendiculum est, notari potest, ut scandalosa, quæcumque damnat in praxi, & in individuo bonos fidelium mores, piâque consuetudines; fin-

Quæ scandalosa.

gendo scilicet in iis pericula vitiorum, & abusus. Dixi, *in praxi*, & *in individuo*. Nam propositio, quæ generatim talia damna- ret, superiores notas Doctrinæ seu hæreticæ, seu erroneæ, seu suspectæ incurreret. Purè igitur scandalosa adversatur communi fidelium consuetudini; quæ consuetudo plurimum potest, ad moralem Doctrinam in genere conservandam.

Quæ malè
sonans.

Dico 9°. Doctrina, ut malè sonans, notari potest, quæcumque ita duos habet sensus, unum fidei congruentem, alterum non congruentem, ut in malam partem non rarò accipitur; excitando in audientibus, sensum non congruentem fidei. Probat. Quia propositio eo ipso malè sonat, quòd malum sensum habet, excitatque satis communiter, in mente audientium. Eadem verò fidei nociva est; quia, si liberè curreret ejusmodi propositio, excitaretur satis frequenter, in fidelium mentibus, sensus fidei non congruens, cum periculo acquiescendi. Quare si æquivocatio, & amphibologia, in civili etiam societate, quoad fieri potest, vitanda est; multo etiam magis in societate Christianâ vitanda est propositio malè sonans; ne fides divina, quâ Christiani vivimus, jacturam inde aliquam patiatur.

Quæ pietatis,
aut
piarum
aurium of-
fensiva.

Dico 10. Doctrina aliqua notari potest, ut pietatis, & piarum aurium offensiva, quæ impugnat communem fidelium existimationem ex pietate ortam, & sacris fidei Dogmatibus consentaneam. Notatur autem ejusmodi propositio, & meritò notatur, quia fidei nociva est: fides enim pietate multum fovetur, & existimatione fidelium.

Dico 11°. Doctrina notari potest, ut simplicium mentium seductiva, quæcumque sub specie pietatis errorem tegens, apta est seducere simplices, & illaqueare. Cujusmodi est doctrina ita exaggerans dignitatem & meritum Charitatis, ut ceteras virtutes de numero virtutum expungat. Aut, si mavis, doctrina liberi arbitrii vim omnem extinguens, per speciem Gratiæ commendandæ. Doctrina autem simplicium mentium seductiva superiores quidem notas potest incurrere, & re ipsâ aliquando incurrit: sed specialem habet malitiæ gradum, quatenus ipsâ specie pietatis abutitur ad fideles seducendos; in quo planè nociva est fides, quæ sinceritate, & simplicitate gaudet.

Quæ simplicium
mentium
seductiva.

Dico 12°. Doctrina, ut seditiosa, notari potest, quæcumque ab obsequio fidei fideles avertit, minuendo auctoritatem Ecclesiæ, & obedientiam illi debitam, in rebus fidei. Quæ doctrina superioribus quidem Censuris potest esse obnoxia; sed proprius ejus caracter in eo est, quòd impediatur eam submissionem, & captivitatem intellectûs, quam postulat fides.

Quæ seditiosa.

Dico 13°. Doctrina, ut temeraria notari potest, quæcumque sine gravi fundamento contradicit gravi sententiæ Theologorum, non Scripturas quidem interpretantium, sed ex naturalibus simul, & fidei principiis, humanâ ratiocinatione aliquid deducendum. Hæc Censura Theologica est: quia in rebus Theologicis plurimum auctoritati tribuitur. Dixi autem, *Sine fundamento gravi*: Quia non quodcumque argumentum sufficit, ut à communi prudentum judicio discedatur. Excusat tamen à temeritate fundamen-

Quæ temeraria.

tum grave , prævalensque auctoritati Theologorum ; quale esse potest , vel si priorum Theologorum sententia nitatur sanctione quadam Ecclesiasticâ jam abrogatâ , Historiâve , cujus nunc comperta sit falsitas ; vel si antiquiores Theologi rem ex professo non examinantes , sententiam suam obiter tantum indicarint. Tunc enim facile est detegi à recentioribus rationes graves , veteribus incognitas : & valet hîc Tertulliani famosus locus , *Veritati nemo præscribere potest , non spatium temporum , non patrocinia personarum , non privilegium regnorum.*

Quæ impro-
babilis.

Dico 14°. Doctrina , ut improbabilis , notari potest , quæcumque nullo , aut levi fundamento inducit revelationes novas , aut privilegia , & exceptiones à legibus Scripturæ generalibus. Talis erat doctrina illa Montani , quâ tres Quadragesimas imponebat Ecclesiæ ; idque ex fictitiâ quadam Spiritus Sancti revelatione. Talis doctrina flagellantium , quæ flagellationi cruentæ , vim Baptismi , aut Martyrii tribuebat. Talis , si quis Beatum Franciscum , aut Beatam Catharinam à peccato Originali immunem fuisse prædicaret , aiens sibi fuisse revelatam utriusque exceptionem à lege communi. Nam doctrina improbabilis , quamvis fortè revelationi divinæ non opponatur , est tamen nociva fidei ; quia ad puritatem , & dignitatem fidei pertinet , ne doctrinis extraneis misceatur , & ne falsæ Dei revelationes circumferantur. Quo ferè modo , ad usum & valorem probæ monetæ , facit , ne moneta adultera cursum habeat.

Dico ultimò. Doctrina, ut falsa, notari potest, quæcumque difformis est objecto suo, difformitate aliquâ nocivâ fidei. Nam, si falsitas nociva fidei non est, materia Censuræ Theologicæ esse nequit. Cujusmodi est falsitas aliqua purè Philosophica, & cum fide nullam oppositionem habens. Sed quia falsitas in materiâ Theologicâ potest esse Fidei nociva, idè sub censuram Theologicam cadit.

Quæ falsa dicatur.

Objicies. Per notam falsitatis non designatur in doctrina qualitas ulla nociva fidei. Ergo doctrina, ut falsa, notari non potest per Censuram Theologicam. Respondeo. Per notam falsitatis, doctrinæ inustam ab Ecclesiâ, designatur qualitas aliqua nociva fidei, non expressè quidem, & distinctè, sed confusè saltem, & interpretativè. Quia Ecclesia, Censuris suis, in doctrinâ, quam notat, solam qualitatem fidei nocivam ferè persequitur. Ergo Ecclesia doctrinam aliquam notans, ut falsam, præsumenda est notare falsitatem aliquam fidei nocivam; quamvis eam qualitatem distinctè non explicet: nisi fortè contrarium manifestè constaret; in qua hypothesi Censura Ecclesiæ falsitatem notantis, Theologica non esset.

Quæ doctrinæ falsitas sub censuram Theologicam cadat.

Thesis 5^a. Censura omnis Theologica dogmatum aliquam obligationem inducit, sed non omnis æqualem. 1^a Pars satis intelligitur, ex ipsâ notione Censuræ Theologicæ: est enim Censura Theologica sententia quædam judicialis: sententia autem judicialis obligationem inducit, judex enim quemcumque in judicio subditum habet, sententiâ suâ obligat. Ratio ulterior est; quia Ecclesia non habet solùm potestatem fidei

Censura Theologica aliquam obligationem inducit.

Sed non
omnis æ-
qualem.

directivam, sed etiam coactivam. Nam si coactivam non haberet, infirma nimis, & languida esset potestas directiva. Ergo Ecclesia, per Censuras suas Theologicas, sibi subditos ita dirigit in fide, ut eosdem cogat, & obliget. 2^a. Item pars facilis intellectu est. Quia nimirum Ecclesia, in censuris Theologicis ferendis, non semper eodem modo procedit. Nam 1^o. Aliquando totam auctoritatem suam adhibet; aliquando partem auctoritatis tantum: Censura autem lata toto pondere auctoritatis Ecclesiasticæ, longè aliter obligat, ac si aliqua tantum auctoritatis pars impensa sit. 2^o. Aliquando Ecclesia doctrinam notat supremo, & definitivo iudicio, aliquando iudicio provisorio: aliter autem obligat iudicium definitivum, aliter provisorium. 3^o. Ecclesia, sive totam auctoritatem suam adhibeat, sive partem auctoritatis tantum, sive provisorio iudicio doctrinam notet, sive definitivo, non semper eandem censuram doctrinam ferit: interdum enim doctrinam notat, ut hæreticam, interdum, ut erroneam, interdum, ut suspectam: Censura autem doctrinam notans, ut hæreticam, aut erroneam, longè gravius obligat Censuram notante, ut suspectam, aut temerariam. Ergo non omnis censura Theologica æqualem obligationem inducit.

An omnes obliget
quæcumque censu-
ra.

Objicies. Censura Theologica non omnes obligat. Quis enim dicat, Sorbonicam aliquam Censuram Salmanticenses, aut Censuram Salmanticensi obligari Sorbonicos? Quis Gallos, aut Romanos Censuræ Inquisitionis Hispanicæ subijciat? quis credat Censuram Episcopi Tolosani teneri Parisinos, aut Tolosates Censuram Episcopi

Parisi? Quis denique Concilii Nationalis, aut Provincialis Censuram, ad universos Christi fideles extendat? Sed si censura Theologica non omnes obligat; difficile dictu est, quos præcisè obliget. Respondeo. Censura Theologica obligat subditos ejus Tribunalis, aut Judicis, à quo censura procedit. Quare censuram si tulerit Concilium Generale, omnes fideles; si Concilium Nationale, aut Provinciale, totam Nationem aut Provinciam; si Diœcesanus Episcopus, totam Diœcesim, si Academia, omnes Academiae alumnos Censura obligat.

Et quos obliget.

Instabis. 1^o. Notet, ut fieri potest, Episcopus quidam Diœcesanus propositionem aliquam Catholicam, quæ notari non meretur, Censura ne Diœcesanos quidem obligabit. Ergo, &c. Respondeo. Propositio notata ab Episcopo Diœcesano, vel est veritas quædam manifestè Catholica, vel dubia, & incerta propositio. Si 1^{um} Censura Episcopi notoriè injusta est; sententia autem notoriè injusta non obligat. Si 2^{um}. Censura obligat quidem, quia, in dubio, pro Superiore, & Pastore præsumendum est; sed obligat provisoriè dumtaxat, donec à Tribunali superiore cassetur, aut per legitimam appellationem vis illius suspendatur.

Episcopi Diœcesani censura in^a justa, an & quomodo subditos obliget.

Instabis 2^o. Definiatur, Si potest, quam obligationem inducat Censura Theologica.

Quæ & quotuplex sit obliga-

Respondeo. Censura Theologica triplicem ferè obligationem inducit. 1^a. Est obligatio non contradicendi exterius: nam si Censura de supremo Ecclesiæ Tribunali venit, clarum est esse obligationem, & quidem absolutam, non sustinendi pertinaciter doctrinam supremo Ec-

tio à censura Theologica veniens.

clésiæ judicio damnatam : Si autem Censura venit à Tribunali, aut giudice inferiore, obligatio est non contradicendi exterius, nisi causâ appellationis; quælibet enim alia contradictio derogaret reverentiæ, quæ debetur Ecclesiasticæ potestati, legitimè, ut supponimus, procedenti in Censurâ ferendâ. 2^a. Est obligatio acquiescendi interiùs, assensu quidem firmo, & irrevocabili, si censura lata sit supremo, & definitivo Ecclesiæ judicio, eademque legitimè promulgata; assensu autem provisorio, & minùs firmo, si Censura lata sit judicio aliquo inferiore, & provisorio. 3^a. Demùm est obligatio subeundi pœnas per Censuram præscriptas. Quicumque enim subditi sunt judici, aut Tribunali, à quo Censura manavit, subjacent iidem pœnis in Censurâ præscriptis, si Censuræ non fuerint obsequentes; & Censura Theologica dogmatum trahit, vel conjunctam habet Censuram personarum.

C A P U T I I.

De Censurâ Personarum.

Censura
Theologi-
ca perso-
narum quid
sit;

PRæmitto. Quia non perversa solùm dogmata, sed ipsos etiam dogmatum inventores, assertorésque damnare solet Ecclesia: ideo censura Theologica dogmatum conjunctam habet, ut supra dicebam, aut secum ferè trahit Censuram Theologicam Personarum. Est enim Censura Theologica Personarum, Ecclesiastica quæ-

dam sententia, quâ quis pronuntiatur reus doctrinæ nocivæ fidei, atque ut talis damnatur. In cujus censuræ examine offerunt se omnino quinque. Primum est potestas censendi personas. Alterum, titulus censendi. Tertium, censendi forma. Quartum, personæ censendæ. Quintum, censoriæ pœnæ, seu per Censuram decretæ. De quibus omnibus nisi præmoneretur Theophilus ante ingressum Theologiæ, hæsitaret passim in Decretis, & Canonibus, quibus mala doctrina cum suis sectatoribus damnatur.

Quid se offerat in examine istiusmodi Censuræ.

Thesis 1^a. Ejusdem potestatis est Censura Theologica Personarum, cujus est censura Theologica dogmatum. Probat. Quia Censura Theologica dogmatum est sententia judicis, notantis perversa dogmata, & certas quasdam personas obligantis, ne doctrinam notatam deinceps teneant. Atqui cujus est obligare, ne doctrina notata à certis quibusdam personis teneatur, ejusdem est damnare, quicumque de certis illis personis doctrinam notatam tenuerint. Ergo cujus est censere dogmata, ejusdem est & personas propter dogmata censere. Confirmatur. Potestas ferendæ Censuræ Theologicæ dogmatum iis solis competit, quibus ex officio incumbit fidem servare integram, illibatamque, Atqui iisdem solis competit potestas ferendæ Censuræ Theologicæ personarum. Nam sicut sine potestate ferendi Censuram Theologicam dogmatum, non satis potest providere Ecclesia puritati, & integritati fidei; ita neque sine potestate ferendi Censuram Theologicam personarum. Quomodo enim impediet, ne perversa dogmata seminentur in medio tritici, nisi possit

Ejusdem potestatis est ferre Censuram Theologicam personarum, & dogmatum.

eadem perversorum dogmatum satores, & pro-
pagatores cohibere.

Judex sæ-
cularis Cen-
surâ Theo-
logicam
persona-
rum cur
ferre non
possit.

Objicies. Judex sæcularis potest ferre cen-
suram Theologicam personarum: potest siqui-
dem reos fidei, suspectosque damnare. Judex
tamen sæcularis non potest ferre Censuram
Theologicam dogmatum: Ergo non est ejus-
dem potestatis ferre Censuram Theologicam
personarum, cujus est ferre Censuram Theo-
logicam dogmatum. Respondeo. Nego majorem
Sententia enim judicis sæcularis reos fidei,
suspectosque damnantis non est Censura Theo-
logica Personarum; idque duplici de causâ:
1^a. Quia Censura Theologica Personarum ve-
nit essentialiter de potestate directivâ fidei;
quam potestatem non habet judex sæcularis. Al-
tera, quia sententiæ judicis sæcularis titulus
damnandi immediatus non est nocumentum
fidei, sed violatio legum civilium, quibus fortè
prohibetur doctrina fidei nociva; non quia
fidei nociva est, sed quia pacis, & quietis pu-
blicæ perturbativa. Potestas nimirum sæcularis
non ad puritatem, & integritatem fidei, sed
ad politicam aliquam, & temporalem felicitatem
per se ordinatur.

Titulus
immedia-
tus & pro-
prius Cen-
suræ Theo-
logicæ per-
sonarum, est
nocumen-
tum fidei,
seu verum,
seu ratio-

Thesis 2^a. Titulus immediatus, & proprius
Censuræ Theologicæ personarum est nocumen-
tum fidei, seu verum, seu rationabiliter præ-
sumptum. Probatúr. Quia per Censuram Theo-
logicam eo præcisè damnantur personæ, quòd
sustinent, aut sustinere creduntur doctrinam
fidei nocivam. Ergo titulus immediatus, &
proprius Censuræ Theologicæ personarum, est
nocumentum fidei, seu verum, seu rationabi-

liter

liter præsumptum. Quo titulo præcisè defini-
 ciente nemo Censurâ Theologicâ legitimè præsum-
 damnatur. Ratio ulterior est, quia Censura
 Theologica personarum venit de potestate di-
 rectivâ fidei, & ordinatur ad fidei conserva-
 tionem, non minùs quàm Censura Theologica
 dogmatum. Ergo sicut Censura Theologica
 dogmatum habet; pro titulo damnandi imme-
 diato & proprio, qualitatem fidei nocivam;
 quæ inest malæ doctrinæ; ita Censura Theo-
 logica Personarum habet; pro titulo damnandi
 immediato & proprio; nocumentum fidei;
 quod à Personis venit, aut timetur.

Objicies 1^o. Censurâ, quâ Personæ à Con-
 ciliis, & Pontificibus damnantur, est Censura
 Theologica Personarum. Sed non omnis Cen-
 sura, quâ Personæ damnantur à Conciliis, &
 Pontificibus, habet pro titulo damnandi im-
 mediato, & proprio, nocumentum fidei. Con-
 cilia enim, & Pontifices multiplices alio titulo
 Personas damnare solent, putà, titulo inobedien-
 tiæ, titulo simoniæ, titulo incontinentiæ, &c.
 Respondeo. Non omnis Censura, quâ Perso-
 næ à Conciliis, & Pontificibus damnantur, est
 Censura Theologica Personarum. Quia Cen-
 sura Personarum Theologica non est, nisi quæ
 venit à potestate directivâ fidei; & ad fidei
 conservationem ordinatur. Multæ autem Cen-
 suræ feruntur à Conciliis, & Pontificibus, quæ
 non veniunt à potestate directivâ fidei, sed à
 potestate directivâ morum: Etsi igitur ejusmodi
 Censuræ non habeant; pro titulo damnandi
 immediato & proprio, nocumentum fidei;
 nego omnino Theologicas esse; quia per illas

Non est
 ergò Theo-
 logica om-
 nis Censura
 quâ perso-
 næ à Con-
 ciliis &
 Pontifici-
 bus dam-
 nantur.

Quia non
 omnis ha-
 bet pro ti-
 tulo dam-
 nandi

cumentum
fidei.

personæ non damnantur titulo doctrinæ nocivæ fidei : quemadmodum paulò ante negabam, Theologicam esse Censuram dogmatum, etiam ab Ecclesiâ venientem, quâ falsitas purè Philosophica damnatur ; quia Censura Theologica dogmatum habet essentialiter, pro titulo damnandi, qualitatem fidei nocivam, quæ in falsitate purè Philosophicâ non attenditur.

Nocumen-
tum verò
fidei aliud
culpabile,
aliud in-
culpabile.

Objicies 2^o. Nocumentum fidei non est titulus sufficiens damnandi Personas : nemo enim damnari potest, nisi qui reus est. Potest autem fieri, ut reus non sit, qui fidei nocet ; si nimirum doctrinam fidei nocivam, ex ignorantia invincibili, & inculpabiliter sustineat. Ergo, &c. Respondeo. Distinguo antecedens : nocumentum fidei inculpabile non est titulus sufficiens damnandi personas, Concedo, nocumentum fidei culpabile, Nego. Ad probationem autem fateor, damnari non posse, titulo doctrinæ nocivæ fidei, nisi qui doctrinam fidei nocivam sustinet culpabiliter. Quando ergo nocumentum fidei dicitur titulus damnandi Personas, intelligi debet de nocumento culpabili ; neque enim titulus damnandi Personas esse potest, quod est omnino inculpabile. Quâ in re discrimen est aliquod inter Censuram Theologicam Personarum, & Censuram Theologicam dogmatum. Nam Censuræ Theologicæ dogmatum, titulus damnandi sufficiens est nocumentum fidei inculpabile ; quia scilicet in doctrinam culpa non cadit ; & doctrina eatenus damnari dicitur, quatenus declaratur habere qualitatem fidei nocivam, atque ut talis prohibetur. At verò Censura Theologica Per-

Culpabile,
titulus est
Censuræ
Personarum.

Inculpabile,
Censuræ
dogmatum.

sonarum habet , pro titulo damnandi , nocumentum fidei culpabile ; quia culpæ Persona capax est ; & eatenus dicitur Censurâ Theologicâ damnari , quatenus declaratur reus doctrinæ fidei nocivæ. Reus autem non est eo titulo nisi doctrinam fidei nocivam culpabiliter sustineat.

Thesis 3^a. Non est eadem semper forma Censuræ Theologicæ Personarum. Explicatur , & probatur. Personæ , propter doctrinam fidei nocivam , non semper eodem modo , aut eadem formâ censentur. 1^o. Enim alia est forma censendi conditionata , alia absoluta. Conditionata est , quâ quis propter doctrinam damnatur , non absolute , sed sub conditione , quod doctrinam nocivam fidei tenuerit. Cujusmodi forma frequens est , in Decretis , & Canonibus Conciliorum , *Si quis dixerit , &c. Anathema sit*. Sed hæc forma conditionata censendi Personas , importatur , saltem implicite , in omni Censurâ Theologicâ dogmatum. Nam eo ipso quod doctrina aliqua notatur , ut nociva fidei , declaratur reus , si quis doctrinam notatam scienter tenuerit. Forma censendi absoluta est , quâ quis damnatur absolute , ut reus doctrinæ damnatæ , seu confitens , seu convictus. Ea verò forma censendi Personas non importatur necessario in Censurâ Theologicâ dogmatum , sed illam ferè comitatur , aut sequitur. Comitatur quidem , si uno eodemque tempore doctrina fidei nociva , cum suo assertore confitente , aut convicto , damnetur : sequitur autem , si post Censuram doctrinæ damnetur , qui doctrinam damnatam fortè tenuit , Censurâ

Non est eadem sem. per forma Censuræ Theologicæ personarum.

Nam 1^o. alia est forma censendi conditionata , alia absoluta.

cumentum
fidei.

personæ non damnantur titulo doctrinæ nocivæ fidei : quemadmodum paulò ante negabam, Theologicam esse Censuram dogmatum, etiam ab Ecclesiâ venientem, quâ falsitas purè Philosophica damnatur ; quia Censura Theologica dogmatum habet essentialiter, pro titulo damnandi, qualitatem fidei nocivam, quæ in falsitate purè Philosophicâ non attenditur.

Nocumen-
tum verò
fidei aliud
culpabile,
aliud in-
culpabile.

Objicies 2^o. Nocumentum fidei non est titulus sufficiens damnandi Personas ; nemo enim damnari potest, nisi qui reus est. Potest autem fieri, ut reus non sit, qui fidei nocet ; si nimirum doctrinam fidei nocivam, ex ignorantia invincibili, & inculpabiliter sustineat. Ergo, &c. Respondeo. Distinguo antecedens : nocumentum fidei inculpabile non est titulus sufficiens damnandi personas, Concedo ; nocumentum fidei culpabile, Nego. Ad probationem autem fateor, damnari non posse, titulo doctrinæ nocivæ fidei, nisi qui doctrinam fidei nocivam sustinet culpabiliter. Quando ergo nocumentum fidei dicitur titulus damnandi Personas, intelligi debet de nocumento culpabili ; neque enim titulus damnandi Personas esse potest, quod est omnino inculpabile. Quâ in re discrimen est aliquod inter Censuram Theologicam Personarum, & Censuram Theologicam dogmatum. Nam Censuræ Theologicæ dogmatum, titulus damnandi sufficiens est nocumentum fidei inculpabile ; quia scilicet in doctrinam culpa non cadit ; & doctrina eatenus damnari dicitur, quatenus declaratur habere qualitatem fidei nocivam, atque ut talis prohibetur. At verò Censura Theologica Per-

Culpabile,
titulus est
Censuræ
Personarum.

Inculpabile,
Censuræ dogmatum.

sonarum habet , pro titulo damnandi , nocu-
mentum fidei culpabile ; quia culpæ Persona
capax est ; & eatenus dicitur Censurâ Theolo-
gicâ damnari , quatenus declaratur reus doctri-
næ fidei nocivæ. Reus autem non est eo titu-
lo nisi doctrinam fidei nocivam culpabiliter
sustineat.

Thesis 3^a. Non est eadem semper forma Censuræ Theologicæ Personarum. Explicatur , & probatur. Personæ , propter doctrinam fidei nocivam , non semper eodem modo , aut eadem formâ censentur. 1^o. Enim alia est forma censendi conditionata , alia absoluta. Conditionata est , quâ quis propter doctrinam damnatur , non absolutè , sed sub conditione , quod doctrinam nocivam fidei tenuerit. Cujusmodi forma frequens est , in Decretis , & Canonibus Conciliorum , *Si quis dixerit , &c. Anathema sit*. Sed hæc forma conditionata censendi Personas , importatur , saltem implicite , in omni Censurâ Theologicâ dogmatum. Nam eo ipso quod doctrina aliqua notatur , ut nociva fidei , declaratur reus , si quis doctrinam notatam scienter tenuerit. Forma censendi absoluta est , quâ quis damnatur absolutè , ut reus doctrinæ damnatæ , seu confitens , seu convictus. Ea verò forma censendi Personas non importatur necessariò in Censurâ Theologicâ dogmatum , sed illam ferè comitatur , aut sequitur. Comitatur quidem , si uno eodemque tempore doctrina fidei nociva , cum suo assertore confitente , aut convicto , damnetur : sequitur autem , si post Censuram doctrinæ damnetur , qui doctrinam damnatam fortè tenuit , Censurâ

Non est eadem semper forma Censuræ Theologicæ personarum.

Nam 1^o. alia est forma censendi conditionata alia absoluta.

non obstante. Conciliis Generalibus satis familiaris est forma absoluta censendi Personas, sive Censuram dogmatum sequatur, sive comiretur.

1^o. Alia est indeterminata, & vaga.

2^o. Alia est forma censendi Personas indeterminata, & vaga, quâ scilicet rei doctrinæ damnatæ indeterminatè, & vagè censentur. Interdum enim Ecclesia eorum famæ, & nomini parcit, quos damnat; ut iis resipiscendi illecebra sit ipsa lenitas correptionis, quos nimia fortè severitas exasperaret.

Alia certa & determinata.

Alia est forma censendi certa, & determinata, quâ Personæ nominatim, & determinatè censentur: interdum enim opus habet Ecclesia notare præcipua capita Sectariorum, & nominatim designare; quò, & ipsorum obstinatum duritiem frangat, & fidelium securitati provideat.

3^o Forma censendi multiplicatur pro multiplici qualitate doctrinæ.

3^o. Forma censendi Personas multiplicatur, pro multiplici qualitate doctrinæ fidei nocivæ. Alia est enim forma, quâ quis censetur propter doctrinam hæreticam, alia, quâ censetur propter erroneam, alia, quâ propter suspectam, &c. Quare tam diversa esse potest forma censendi personas, quàm diversæ sunt dogmatum notæ.

4^o. Pro diversitate pœnarum quas Censura decernit.

4^o. Demùm diversa est forma censendi Personas, pro diversitate pœnarum, quas Censura decernit; & tam multæ sunt formæ censendi, quàm multæ sunt pœnæ censoriæ, de quibus paulò post.

Objicies. Eâdem formâ censetur hæreticus, quâ suspectus in fide; sicut eâdem formâ censetur doctrina hæretica, quâ censetur doctrina in fide suspecta. Atqui interdum textitur series propositionum, quarum aliæ hæreticæ sunt, aliæ erroneæ, aliæ suspectæ, &c. Eodem tamen

modo, & indiscriminatim Censura cadit in omnes, & singulas propositiones. Ergo Censura Personarum eodem modo & indiscriminatim cadet in omnes, & singulas personas, quæ propositiones damnatas tenuerint. Respondeo. Esto, hæreticus, & suspectus in fide unâ interdum, eâdemque formâ censeantur; stabit nihilominus quod assertit thesis nostra, formam Censuræ Theologicæ personarum eandem semper non esse. Fateor igitur, hæreticum, & suspectum in fide unâ eâdemque formâ aliquando cenferi; sicut aliquandò eodem modo notantur doctrina hæretica, & suspecta. Ratio nimirum est, quia sicut Censores interdum in multis, ac diversis propositionibus contenti sunt notare generatim qualitatem fidei nocivam; quia non vacat proprios singularum characteres inquirere: ita interdum contenti sunt declarare generatim, reos esse doctrinæ nocivæ fidei, quicumque doctrinam damnatam tenuerint; quia non vacat examinare, quo in gradu quisque sit reus. Censura igitur seu propositionum, seu Personarum, aliquando ita generalis est, ut diversæ notæ propositiones, & inæqualis meriti Personas, unâ eâdemque damnatione confundat; aliquando verò ita particularis, & propria, ut singulis seu propositionibus, seu Personis, suam specialem notam inurat, pro cuiusque merito. Sed ea seu distinctio, seu confusio, paulò attentius consideranda est. Nam interdum ita damnatur Liber generatim, ut nihil mali in Libro designetur; quia Censori non libet id, quod bonum est, à malo secernere; libet tamen damnare Librum, Liber gene-

Nihil tamen veræ quin eâdem formâ censeantur, inæqualis meriti personæ.

Est enim ut dogmatum, ita & personarum Censura quædam generalis, interdum particularis & propria.

Cujus seu confusionis seu distinctionis plures sunt gradus.

Nam 1º damnatur. Liber gene-

ratim nullâ malâ propositione designatâ.

2^o. Damnantur in Libro certæ propositiones sine ullâ certâ notâ.

3^o. Damnantur certæ propositiones cum certis notis, sed respectivè applicandis.

4^o. Damnantur certæ propositiones, & sua cuique nota inuritur.

& prohibere ; quia periculum est , ne noceat quod habet mali , & potest , quod bonum est , aliundè suppleri. Interdum damnantur , in Libro , certæ quædam propositiones , tanquam malæ , & nocivæ fidei , non designatâ propriâ malitiâ singulorum ; quæ res longioris esset examinis & moræ : est autem periculum in morâ. Interdum propositiones in seriem digestæ notantur ut hæreticæ , ut erroneæ , ut suspectæ , ut scandalosæ , ut temerariæ , &c. Sed *respectivè* , quo significatur , non singulis quidem eas omnes notas inesse , sed aliquam saltem. Quænam verò sit propria singularum , relinquitur examinandum Theologis , à Censore non explicatur. Denique propositiones interdum ita censentur , ut propria cuiusque nota designetur ; quâ Censurâ non potest esse distinctior. Cæterum quæcumque in Censurâ dogmatum contingit seu confusio , seu distinctio , contingit quoque in Censurâ Personarum. Et quemadmodum diversa est Censura distincta dogmatum , pro diversâ dogmatum malitiâ ; ita distincta Censura Personarum pro inæquali Personarum merito diversa est.

Censeri possunt quicumque doctrinam nocivam fidei culpabiliter sustinent, aut sustinuerunt, sed non omnes æqualiter.

Thesis 4^a. Censeri possunt Theologicâ Censurâ , quicumque doctrinam fidei nocivam culpabiliter sustinent , aut aliquando sustinuerunt. Probatur. Quia habent illi titulum proprium , & immediatum , in quo fundatur Censura Theologica , culpabile scilicet fidei nocumentum. Ergo si non desit in Censore potestas , legitimè censeri possunt : non omnes tamen æqualiter ; quia non omnes sunt æqualiter rei. Veniunt ergo in primo gradu hæretici ; est

enim nota hæresis prima malæ doctrinæ nota , & macula , quæ , quoscumque inficit , culpabiles facit in primo gradu , & maxime omnium damnabiles. Quod adeo verum est , ut summus ipse Pontifex damnari , & deponi possit propter notoriam hæresim , seu veram , seu præsumptam , & quadret in singulos , quod de se fatetur Innocentius , *In tantum mihi* , inquit , *fides necessaria est , ut , cum de peccatis Deum judicem habeam , propter solum peccatum , quod in fide committitur , possem ab Ecclesia judicari.* Exemplum habebat in Liberio , propter gravem Arianismi præsumptionem deposito. Hæreticorum verò nomine veniunt , non ii solum , qui confitentes , aut convicti sunt hæresis formalis , sed ii etiam , qui negantes , aut tergiversantes , præsumptione aliqua gravi tenentur. Præsumi autem solent hæretici. 1°. Quicumque id , quod ab Ecclesiâ præscribitur , tanquam Symbolum , & tessera fidei , usurpare detrectant , vano colore , & prætextu quæsito. Ita cum Ario sentire credebantur , quicumque olim vocem *Consubstantialis* , à Nicænæ Patribus Symbolo additam prætermittabant. 2°. Qui principium aliquod admittunt , unde manifestè sequitur propositio contradictoria revelatæ : quales sunt , exempli causâ , qui gratiam dicunt esse necessitantem ; ex quo sequitur manifestè perimi libertatem : quicumque nimirum admittit Antecedens , cum Consequente manifestè connexum , rationabiliter præsumitur admittere Consequens. 3°. Qui complexionem negant , ex duobus Præmissis deductam , quarum una evidens est , obscura

In primo gradu sunt hæretici seu confitentes & convicti , seu rationabiliter præsumpti.

Præsumptionis verò rationabilis fundamenta multa sunt quæ obiter indicantur.

Serm. 3.
de consecr.
Pont.

Gratian.
in Decr.
dist. 83.

Epist. 8.

Nec vivi
tantum hæ-
retici dam-
nari pos-
sunt, sed
etiam mor-
tui.

altera, sed revelata: prudenter enim credun-
tur negare revelatam; quia nemo, nisi stupi-
dus, præsumitur negare propositionem eviden-
tem. 4°. Qui hæresim cum ex officio coercere
deberent, molliter foveant, aut dissimulant;
*Error enim, cui non resistitur, approbatur, &
& veritas cum minime defensatur, opprimitur.*
5°. Qui personis hæreticorum nimio plus ad-
dicti sunt, eorumque memoriam habent quasi
rem sacram. Exemplum illustre est in Orienta-
libus, ab Ecclesiæ communione tandiu rejectis,
quandiu Acacii nomen & memoriam retinere
voluerunt; causamque affert Gelasius ad Eu-
phemium. *Videtis, inquit, per nomina prævari-
catorum, si in Ecclesiâ recitanda creduntur, si-
mul & contagionem prævaricationis induci.* Nec
vivi tantum, sed etiam mortui hæretici dam-
nari possunt; & cum cætera crimina mortali-
tate extinguantur, hæresis quæritur etiam in
cineribus mortuorum. Quemadmodum in Theo-
doro Mopsuesteno factum est, memorando exem-
plo, post agitatam diu controversiam in Concilio
generali quinto, parcendum-ne foret sepultis,
an inquietandi eorum manes Anathematismis.

In secundo
gradu sunt
qui non
hæreticam,
sed notæ
cujusdam
inferioris
doctrinam
sustinent.

Post hæreticos veniunt in secundo, aut
inferiore gradu, quicumque doctrinam susti-
nent nocivam fidei, non hæreticam, sed
notæ cuiusdam inferioris. Nam ut doctrina in-
ferioris notæ minus habet malitiæ, quam hæ-
retica; ita sustinentes minus culpabiles facit, &
leviorem aliquâ Censurâ notandos.

Objicies 1°. Nemo censeri potest Censurâ
Theologicâ, nisi qui doctrinam sustinet noci-
vam fidei, ab Ecclesiâ damnatam. Quicumque

autem sustinet culpabiliter Doctrinam fidei nocivam, ab Ecclesiâ damnatam, hæreticus est. Ergo nemo censeri potest Censurâ Theologicâ, nisi hæreticus sit; &, quod consequens est, hæretici esse debent, quicumque censentur, nec sunt plures censendorum gradus distinguendi.

Respondeo. Minor est omninò falsa. Neque enim hæreticus est, quicumque sustinet Doctrinam quamcumque fidei nocivam, aut quocumque modo ab Ecclesiâ damnatam. Ratio in promptu est; quia, ut quis hæreticus sit, negare debet veritatem Catholicam, hoc est veritatem, quæ à Deo revelata sit, & summâ Ecclesiæ autoritate proponatur, ut revelata. Ergo debet sustinere culpabiliter Doctrinam contradictoriam veritati à Deo revelatæ, & ab Ecclesiâ supremo ac definitivo iudicio damnatam, ut talem. Atqui fieri potest, ut quis culpabiliter sustineat Doctrinam fidei nocivam, & ab Ecclesiâ aliquo modo damnatam, quin sustineat Doctrinam contradictoriam propositioni revelatæ à Deo, & supremo Ecclesiæ iudicio damnatam, ut talem. Nam 1°. Ecclesia interdum Doctrinam aliquam ita damnat, ut totâ suâ, & summâ autoritate non damnet, damnat enim per Iudices inferiores, & Tribunalia subalterna, quibus totam suam auctoritatem non commisit: Ergo non est quis hæreticus eo præcisè, quòd Doctrinam eo modo damnatam sustineat. 2°. Supremum Ecclesiæ Tribunal, ut potest damnare Doctrinam definitivè, si velit; ita potest, si velit, damnare provisorie tantum. Potest autem quis, sine culpâ hæresis, Doctrinam provisorie tantum dam-

Non enim continuò hæreticus est, quicumque sustinet Doctrinam aliquam nocivam fidei & ab Ecclesiâ damnatam.

Quia Ecclesia non quamcumque Doctrinam damnat continuò damnat ut hæreticam aut damnando hæreticam facit; nam Ecclesia

non dam- natam sustinere. 3°. Potest supremum Ecclesiæ
 nat semper Tribunal, summâ suâ autoritate, & supremo
 totâ & judicio, damnare Doctrinam, præcisè ut sus-
 summâ suâ pectam oppositionis cum revelatione Divinâ,
 autoritate. non autem ut re ipsâ oppositam revelationi Di-
 Interdum vinx. Quâ damnatione definiretur, non oppo-
 damnat sitio Doctrinæ cum revelatione Divinâ, sed
 provisorie tantum, periculum talis oppositionis. Ergo qui Doctri-
 & non definitivè. nam ita damnatam sustinebit, non erit pro-
 Interdum pterea hæreticus, saltem præcisè, & formaliter,
 Doctrinam sed ad summum præsumptivè, & conse-
 damnat quenter; quatenus præsumetur negare autho-
 præcisè ut ritatem Ecclesiæ in judicio, de Doctrinâ fe-
 suspectam rendo; quæ veritas à Deo revelata est, & sum-
 hæresis mâ Ecclesiæ autoritate proponitur. Stet ergo
 non ut hæ- non continuò hæreticos esse, quicumque susti-
 reticam. nent Doctrinam, quocumque modo fidei no-
 civam, aut quocumque modo ab Ecclesiâ dam-
 natam. Sed quamvis eos omnes daremus esse
 hæreticos, non essent tamen omnes æqualiter
 censendi; quia sæpè est, inter ipsos hæreticos,
 Censuræ meritum inæquale. Ferè enim graviùs
 censendi sunt sectæ authores, quàm sectato-
 res, & sectatores graviùs quàm fautores, aut
 molliter conniventes.

Quomodo Objicies 2°. Ecclesia non judicat de sensu
 possit Ec- hominis interiore, sine quo tamen nemo est
 clesia cen- hæreticus. Ergò neminem Ecclesia censere po-
 sere homi- test, ut hæreticum. Respondeo. 1°. Permissio An-
 nem ut hæ- tecedente, distinguo Consequens. Neminem po-
 reticum, cu- test Ecclesia censere, ut hæreticum absolute,
 jus interio- Concedo, neminem censere potest, ut hæreti-
 rem sen- cum conditionatè Nego. Nam Ecclesia quidem,
 sum certò non novit. si sensum hominis interiorem non introspiciat,

non potest censere hominem absolute hæreticum : sed potest dumtaxat censere hæreticum conditionatè, seu ex hypothefi sensus interioris, quem non introspicit. Respondeo. 2°. Distinguo Antecedens. Ecclesia non potest judicare de sensu hominis interiore, si sensus ille interior non se prodat exteriùs, Concedo, si exteriùs se prodat, Nego Antecedens ; & Consequentiam. Sensus enim ille interior ita se aliquandò prodat, ut de eo dubitari prudenter non possit.

Instabis 1°. Si ex iis, quæ apparent, censetur homo hæreticus, errare poterit Ecclesia, in judicio Personarum : est enim species hominis fallax. Ecclesia autem non magis potest errare in judicio Personarum, quàm in judicio dogmatum. Respondeo. Ecclesia non potest errare in supremo, & definitivo judicio Dogmatum ; quia si in eo judicio erraret, erraret in fide, errare tamen potest in judicio Personarum ; quia error, in judicio Personarum, errorem in fide non trahit. Sed error ille Ecclesiæ circa personas, si fortè contingat, erit semper error aliquis prudens : imprudenter enim, & inconsideratè judicare Ecclesia non potest. Caveant tamen privati Censores, aut Judices Ecclesiæ inferiores, & subalterni, juxta Gregorii monitum, ne indiscreto, & imperito zelo succendantur, & dum quosdam, quasi hæreticos, insequuntur, *Hæreses ipsi faciant*. Addo ab errore Ecclesiam aliquo modo vindicari posse, etiam in judicio Personarum ; si dicatur judicari ab Ecclesiâ in Personis, non ipsa hæresis, sed gravis quædam hæresis apparentia, & præsumptio ; in quâ apparentiâ, & præsumptio-

In judicio Personarum potest admitti aliquis error Ecclesiæ, sed prudens.

*Lib. 9.
Ep. 39.*

ne judicandâ Ecclesia nunquam errat.

Ipsi etiam mortui factis Ecclesiæ subditi sunt Instabis 2°. Saltem mortui censerī non possunt, ut hæretici : nam Ecclesia censere non potest nisi subditos. Mortui autem non sunt Ecclesiæ subditi ; quia, per mortem, jurisdictioni Ecclesiæ subtrahuntur. Respondeo. Ipsi mortui Ecclesiæ subditi sunt, non ratione eorum, quæ ipsis post mortem contingunt, sed ratione eorum quæ fecerunt dùm viverent : potest enim Ecclesia declarare, mortuos malo animo malam Doctrinam, dum viverent, tenuisse, & mortuorum damnare memoriam, propter nocumentum fidei, quod ex ea timeri posset, nisi damneretur ; id quod multoties factum suo loco videbimus in Quæstionibus facti Theologici.

Pœnæ Censoriæ multæ sunt, partim præservatiæ, partim vindicatiæ Thesis 3°. Pœnæ Censoriæ multæ sunt, partim præservatiæ, partim vindicatiæ. Indicabo præcipuas, & magis familiares. Prima est proscriptio, & combustio Librorum Hæreticorum : nimirum puniuntur ipsi parentes in liberis ; absumentur igne volumina, quæ ignem discordiæ excitabant : collocantur in malo lumine opera illa tenebrarum, & fiunt deinceps

Præcipuæ percurruntur.

Tanquam pulvis, quem projicit ventus à facie terræ. Secunda, Est publica ejuratio erroris, & formulæ Catholicæ subscriptio. Coguntur enim perversi homines non proprio tantum ore, sed manu etiam propriâ damnare adinventiones suas ; ut si fortè resilire voluerint, suo ipsi Chirographo teneantur. Tertia, Est depositio, aut degradatio : in gradu enim suo consistere non debent, qui statum Ecclesiæ perturbârunt. Quarta, Excommunicatio : æquum enim est,

tur homines pestiferi à societate hominum segregentur ; & inter ceteros non sint , qui supra ceteros sapere voluerunt ; nec iis profit Ecclesia , qui contra Ecclesiam peccarunt. Quinta , Incarceratio : captivi scilicet tenentur , qui *Veritatem in injustitiâ* captivam detinebant. Hæc satis , pro instituto nostro , de Censuris Theologicis seu Dogmatum , seu Personarum ; in quibus versatissimi esse debent Censores Ecclesiastici , ne virgula suâ gravius , aut leviùs feriant , quàm oporteret ; seu supra , vel infra meritum propositiones , aut Personas notent.

Paul. ad Rom. c. 1.



QUÆSTIO IX.

De usu legitimo luminis naturalis & humani in Theologią.

Lumen humanum dicitur lumen quoddam homini à Deo inditum , ipso munere creationis , aut ex solis naturæ principiis independenter à revelatione Dei acquisitum ; quo lumine ostenditur homini & quod verum est , & quod bonum , juxta illud Psalmistæ , *Signatum est super nos lumen vultus tui Domine.* Ejusmodi autem lumen distingui potest duplex , proprium scilicet , & alienum. Proprium , est ipsum lumen nostrum , seu quo nobis propriè , & seorsum ab aliis res apparent. Alienum , est lumen aliorum , seu quo res apparent aliis. In judi-

Lumen naturale & humanum quid sit.

Psal. 4:

Duplex est , proprium quod ratio humana dicitur , & alienum quod au-

thoritas
humana
appellatur.

Utriusque
usus in
Theologiâ
necessarius.

cando autem interdum sequimur apparentiam nostram, interdum sequimur alienam, seu iudicamus interdum, secundum id, quod nobis propriè, & personaliter videtur, aliis inconsultis; interdum verò, secundum quod videtur aliis. Lumen proprium dicitur ratio humana; lumen alienum humana auctoritas appellatur. Utriusque luminis usus est aliquis in Theologiâ necessarius, ut jam suprademonstravi, tum in *Defensione Theologiae Scholasticae*, tum in *Theologiâ verâ ideâ*. Sed Theophilo nostro nondum satis explicui, quis tandem usus esse debeat istius luminis, seu proprii, seu alieni: quæ tamen explicatio Theologiam ingredienti infiniti momenti est, ad intelligendum, quo sensu captivetur intellectus in obsequium fidei, & simul rationabile obsequium præstetur.

CAPUT PRIMUM.

*De usu luminis proprii seu rationis
humanae in Theologiâ.*

Lib. 14. de
Trin. c. 1.

PRæmitto 1°. Theologia, divina illa scientia, cui, ut sapienter notat Augustinus, illud tantummodo proprium est, quo fides saluberrima nutritur, defenditur, roboratur, tota procedit ex principiis notis revelatione Dei. Quia in revelatione Dei fides nostra fundatur, seu, ut meliùs dicam, in ipsâ Dei sapientiâ, aut sensu infallibili, per revelationem mani-

festato. Non respuit tamen Regina scientiarum lumen humanum, aut scientias humanas, sed iis utitur, inquit Sanctus Thomas, *tantumquam inferioribus & ancillis*. Duplici ergo lumine regitur Theologia, lumine scilicet divino, & lumine humano. Unum primarium est, aliud secundarium; unum, *luminare majus*, & aliud, *luminare minus*.

Præmitto 2°. Ad intelligendum usum legitimum luminis humani in Theologiâ, distinguere oportet quadruplicem illius statum respectu luminis Divini. Primus est status conjunctionis, quando lumen humanum concurrit cum lumine Divino ad eandem veritatem illustrandam, & veritas à Deo revelata lumine naturali nota est. Secundus est status oppositionis apparentis, quando lumen humanum videtur lumini Divino repugnare, & veritatem, quam Deus revelavit, humana sapientia non capit. Tertius est status eclypsis seu defectûs, quando circa veritatem à Deo revelatam, cui lumen Divinum affulget, deficit omnis ratio humana, ei nec favens, nec repugnans; quo modo se habet circa multas veritates contingentes à Deo revelatas. Quartus demum est status supplementi, quando de veritate aliquâ Deus omninò tacet, ratio humana non tacet, supplens aliquo modo absentiam luminis Divini, in ordine ad veritatem manifestandam, ut ferè absentia Solis à Lunâ suppletur. Pro quadruplici illo statu multiplex luminis humani usus legitimus considerandus est.

1. *Part.*

quest. 1. art.

5. ad 2.

Duplici lumine regitur Theologia, Divino & humano.

Distinguitur quadruplex status humaniluminis, respectu luminis divini.

ARTICULUS I.

*De multiplici usu rationis humane in statu
conjunctionis cum lumine Divino.*

Explican-
tur usus le-
gitimi ra-
tionis hu-
manæ in
conjun-
ctione cum
lumine
Divino.

Primus
Usus Ad
molles adi-
tus lumini
Divino pa-
randos.

THesis prima. Ratio humana, in statu con-
junctionis, adhiberi potest, ad molles adi-
tus lumini Divino parandos. Explicatur. Eo
ipso parantur lumini Divino molles aditus, quo
fit, ut facilius adducatur mens hominis, ad
credendum Deum aliquid testificari. Cum enim
Divinæ sapientiæ lumen veritatem aliquam il-
lustrans immediatè non appareat, sed median-
te testimonio Dei; quidquid facit, ut testimo-
nium Dei facilius admittatur, eandem operâ
Divino lumini viam parat. Atqui lumen hu-
manum veritatem à Deo revelatam collustrans,
facit, ut testimonium Dei; de tali veritate, fa-
cilius admittatur. Nam quid durum, aut quid
asperum habet, Deum, qui summa veritas est,
testimonium veritati perhibuisse? Ergò in his
veritatibus, quibus utrumque lumen affulget,
Divinum, & humanum, præmittere oportet lu-
men humanum, ad viam Divino lumini pa-
randam; apud incredulos præsertim, & infi-
deles. Atque hic est primus usus legitimus lu-
minis humani cum Divino concurrentis, ad
eandem veritatem collustrandam.

Objicies. Lumen humanum viam potius ob-
struit lumini Divino, quàm facit. Hinc est
illud Ambrosii, *tollè argumenta, ubi fides queri-
tur*. Ratio nimirum est, quia ubi veritas lu-
mine naturali semel possidetur, languescit in-
quisitio

Lib. 1. de
fide Cath.
c. 3.

inquisitio medii ulterioris, quo veritas possideatur : nec præsumitur Deus supervacaneè revelasse, quod sciebatur independenter ab ipso revelante. Respondeo. Nego antecedens, ejusque probationem. Uult enim Ambrosius, fidem in testimonio Dei, non in argumentis, seu motivis naturalibus fundari. Non negat tamen, quin naturalia argumenta, fidei præambula, & præcursoria esse possint. Quod verò dicitur languere inquisitio medii ulterioris, ubi semel veritas uno medio tenetur, verum quidem est, si medium, quo tenetur veritas, sit certius medio ulteriore. Sed est omninò falsum, si medium ulterius firmiorem aliquam veritatis possessionem afferre possit. Atqui veritas longè certius tenetur auctoritate Divinâ, quàm ratione humanâ. Ergò etiamsi teneatur ratione humanâ, auctoritati Divinæ locus relinquatur.

Thesis secunda. Ratio humana, in conjunctione; valere potest, ad recreandam aciem mentis, ex Divino lumine hebescentem & fatigatam. Explicatur. Lumen Divinum plus quidem certitudinis habet : sed lumen humanum, respectu nostri, plus habet claritatis, & evidentiae. Nam lumen sapientiae Divinæ, quamvis evidentem habeat connexionem cum veritate objecti, nobis tamen obscure proponitur, in testimonio Dei, velut in *Speculo*, & in *anigmatè*. Atqui ubicumque obscuritas est, mens inquieta fatigatur, in claritate & evidentia requiescit. Ergò si de lumine Divino ad lumen humanum descendat, recreabitur. Quare optimum est in Theologiam, post veritatem proba-

Secundus.

Ad recreandam mentis aciem ex Divino lumine hebescentem & fatigatam.

i. Cor. t. iij.

tam testimonio Dei, ex Scripturâ, & Traditione petito, ad rationem humanam descendere, & lumini Divino subjungere humanum, si non ad certitudinem, certè ad videndi suavitatem. Et hic est secundus usus luminis humani, eidem objecto collucentis cum lumine Divino.

Objicies. Usus iste luminis humani destruit, aut certè minuit meritum fidei : fides enim, iuxta Gregorium, *non habet meritum, ubi ratio humana præbet experimentum*. Aliundè per respectum ad rationem humanam minuitur credendi labor, ac proinde meritum, quod crescit ex labore credendi. Ergò abusus est, si post authoritatem Divinam rationes humanæ fidelibus proponantur. Respondeo. Nego Antecedens. Ad locum verò Gregorii dico, fidem non habere meritum, ubi humana ratio præbet experimentum, in quo experimento fundetur fides. Nolumus autem nos, in experimento, aut argumento naturali fidem fundari, quæ in solâ authoritate Divinâ fundatur. Sed volumus aciem mentis ex assensu obscuro fatigatam tantisper humani luminis suavissimo impulsu recreari, ut ad credendum alacrior fiat, & vegetior. Quod verò additur minui laborem credendi, ac proinde meritum, quod ex labore crescit, solidum non est; alioquin Deus, *Qui consolatur nos in omni tribulatione nostrâ*, meritum patiendi minueret, quia patiendi laborem consolando minuit. Meritum ergo per rationis humanæ accessum ita minuitur ex uno capite, ut longè magis crescat ex altero; quatenus fit, ut mens recreata lumine humano alacrior ad cre-

Homil. 26.
in Evang.

2. Ad Cor.
c. 1.

dendum redeat, & in fidei exercitio diutius perseveret; nam crescit meritum ex perseverantia actus.

Thesis tertia. Ratio humana, in conjunctione utilis est ad fuganda quædam errorum monstra, lumini Divino simul & humano opposita. Explicatur. Fit interdum, ut quemadmodum in nocte educuntur è latebris, & *pertranseunt omnes bestia sylva*, quæ ad primos Solis radios diffugiunt; ita in crassis infidelitatis & ignorantie tenebris, crassi errores exurgunt, ipso lumine humano facilius, quàm lumine Divino fugandi: quia lumen Divinum non apparet, nisi mediante testimonio Dei, eoque obscuro. Obscurum autem Dei testimonium facile respuunt homines infideles, qui lumini humano evidenti rebelles esse non possunt. Ergò lumen humanum lumini Divino utilem operam navare potest, in hujusmodi monstris debellandis.

Tertius.
Ad crassos
errores de-
bellandos.

Psal. 103.

Objicies. Debellatio errorum, per lumen humanum facta, nihil cedit in gloriam, aut bonum fidei. Erroribus enim per lumen humanum profligatis, stat infidelitas; & respuitur testimonium Dei. Quandiu autem respuitur testimonium Dei, non acquiescit homo in Dei sapientiâ: imò pronum est in Dei sapientiâ non acquiescere hominem, ex quo in sapientiâ humanâ acquiescit. Respondeo. Debellatio errorum, facta per lumen humanum utilis est fidei, quatenus ad plenam fidei victoriam aliquo modo disponit. Depositis enim erroribus testimonio Dei repugnantibus, facilius est homini infideli testimonium Dei admittere; quo

1. Ioan. c. 5.

semel admissio, affulgebit lumen sapientiæ Divinæ; eique infidelis acquiescet, & fiet victoria, quæ vincit mundum, fides nostra.

Quartus.

Ad lumen
Divinum
aliquo modo
ornandum
& coronandum.

Apoc. 12.

Thesis quarta. Ratio humana, in conjunctione, adhiberi potest, ad lumen Divinum aliquo modo ornandum, & coronandum. Explicatur. Est enim Divina sapientia, ut mulier illa amicta Sole, quæ non renuit stellis minoribus coronari. Nimirum sapientia Dei, quamvis sibi ipsa sufficiens sit, rationem tamen humanam in suo comitatu, & obsequio admittit. Quare nihil verat authoritari Divinæ rationes naturales adjungere, per modum honoris satellitii; dummodo inter ancillas, & famulas, & super Reginæ & honor constet, & locus servetur.

Quintus.

Ad lumen
Divinum
profundè
submissio-
ne hono-
randum.

1. Petr.
quest. 1.
art. 5.

Thesis quinta. Ratio humana, in conjunctione, debet lumini Divino profundè submitti. Probat. Quia principium est ipso naturæ lumine evidentissimum, sapientiam Divinam infinito excessu præstare sapientiæ humanæ, ac proinde lumen humanum, quod de sapientiâ humanâ venit, profundè submittendum esse lumini Divino, quod venit de sapientiâ Divinâ. Ex quo principio solidè concludit Sanctus Thomas, Theologiam omnes alias scientias transcendere; Quia alia scientia certitudinem habent ex naturali lumine rationis humana, quæ potest errare: hac autem certitudinem habet ex lumine Divinæ scientia, quæ decipi non potest. Ista autem profunda submissio in eo consistit, quod in concursu utriusque luminis humani & Divini, veritatem eandem collustrantis, longè firmius mens veritati, propter lumen Divinum,

quàm propter humanum adhæreat. Et verò si sensum suum homo homini, hebes ingenioso, doctus indocto sapienter submittit, quantò sapientiùs homo sensum suum humanum Divino submitter?

Explicatur
usus legiti-
mus ratio-
nis hu-
manæ in
statu oppo-
sitionis
cum lumi-
ne Divino.

ARTICULUS II.

*De usu legitimo rationis humanæ in statu opposi-
tionis cum lumine Divino.*

THesis 1^a. Ratio humana in statu opposi-
tionis cum lumine Divino, reprobari debet
per ipsam rationem humanam. Probatur ex isto
rationis humanæ discursu evidentissimo. Repro-
bari enim debet ea ratio, quæ falsitatis con-
vincitur. Ratio autem humana opposita lumini
Divino, convincitur falsitatis ex suâ illâ oppo-
sitione. Cum enim sapientia Divina falli non
possit, necesse est, falsum esse quodcumque
lumen lumini sapientiæ Divinæ est oppositum.
Atque hinc habet Theologia, ut de aliis scienti-
is judicare possit. *Quidquid enim*, inquit San-
ctus Thomas, *in aliis scientiis invenitur, veri-
tati hujus scientiæ repugnans, totum condemna-
tur, ut falsum. Unde dicitur 2^a ad Cor. 10.*
*Consilia destruentes, & omnem altitudinem extol-
lentem se adversus scientiam Dei,*

Primus.
Reproba-
tio rationis
humanæ
lumini Di-
vino opposi-
tæ.

1. Part.
quest. 1.
art. 6.

Objicies. Ratio humana, quæcumque appa-
ret evidens, non debet reprobari, propter op-
positionem cum lumine Divino, nisi constet
evidenter de tali oppositione; reprobatio enim
rationis humanæ in tali oppositione fundatur.
Ergò tantum, si non plùs evidentiæ habere do-

bet oppositio, quantum humana ratio, titulo oppositionis reprobanda. Atqui non constat evidenter de oppositione rationis humanæ evidenter apparentis, cum lumine Divino. Siquidem non magis constat de tali oppositione, quam constet de testimonio Dei lumen Divinum notificante : de testimonio autem Dei non constat evidenter. Respondeo. Nego Antecedens. Reprobari enim debet ratio humana, etiam quæ apparet evidens, propter oppositionem, cum lumine Divino, non evidentem. Talis enim oppositio, quamvis non appareat evidenter, est sufficiens & rationabilis titulus reprobandi rationem humanam, quantumvis evidenter apparentem. Nam si oppositio cum lumine Divino non appareat quidem evidenter, sed tamen ita appareat, ut de illâ prudenter dubitari non possit, eo ipso reprobari debet ratio humana quantumvis apparens. Ea nimirum debetur reverentia sapientiæ, & authoritatî Divinæ, ut quoties prudenter dubitari non potest, quin aliquid Deus sentiat, aut testificetur, sit manifesta obligatio non contradicendi, aut contra-sentiendi. Atqui fieri potest, ut oppositio rationis humanæ cum lumine Divino ita non evidenter appareat, ut tamen de illâ dubitari prudenter non possit : si nimirum testimonium Dei, oppositionem notificans, sub talibus ac tantis motivis proponatur, ut imprudens sit, quicumque de testimonii divini existentia dubitaverit. Quo enim gradu claritatis apparet testimonium Dei oppositionem notificans, eodem gradu apparet ipsa oppositio notificata.

Quæ reprobatio fieri debet, etiam si non sit evidens oppositio rationis humanæ cum lumine Divino, dummodò ita credibilis

Instabis 1^o. Obligatio reprobandi rationem

humanam lumini divino oppositam venit tota sit, ut de ex obligatione non contra-sentiendi, aut con- illâ dubi- tradicendi Deo sentienti aliquid, aut dicenti. tari pru- Ergo non est evidens obligatio reprobandi ra- denter non tionem humanam, nisi appareat evidenter lu- possit.

mini divino opposita. Eatenus enim apparet obligatio reprobandi rationem humanam, qua- tenus apparet, non posse stare hominem pro ratione humanâ, quin Deo dicenti aliquid, aut sentienti contra-sentiat, aut contradicat.

Id verò non apparet evidenter, nisi oppositio rationis humanæ cum lumine divino evidenter appareat. Respondeo. Nego Consequentiam, ejusque probationem. Est enim evidens obligatio reprobandi rationem humanam, etiamsi non sit evidens hominem Deo contradic- tum, aut contra-sensurum, si rationem huma- nam sequatur. Quia evidens est, obligari ho- minem non modo non contradicere, aut con- tra-sentire Deo, sed etiam non se exponere mo- rali periculo Deo contradicendi, aut contra- sentiendi. Quando autem oppositio rationis humanæ, cum lumine divino, ita apparet ho- mini, ut de illâ prudenter dubitare non pos- sit, quicumque rationem humanam sequitur, evidenter exponit se periculo morali contradi- cendi Deo, aut contra-sentiendi. Ergo eviden- ter obligatur non sequi rationem humanam, sed reprobare.

Quia est evidens obligari hominem non modo non contradicere aut contra-sentire Deo, sed etiâ non se exponere morali pe- riculo Deo contradi- cendi aut contra-sen- tiendi.

Instabis 2°. Apparentia rationis humanæ ma- jor est, quàm sit apparentia oppositionis cum lumine divino: ratio enim humana eviden- tiam habet saltè apparentem, oppositio verò rationis humanæ cum lumine divino, ne appa-

rentem quidem evidentiam habet. Atqui standum est pro maiore apparentiâ , ex ipso nostro principio supra posito; quia stando pro maiore apparentiâ , minus periculi est contradicendi Deo, aut contra-sentiendi; minuitur enim periculum per maiorem apparentiam veritatis. Confirmatur. Quia si in ratione humanâ est veritas , rationem humanam reprobans contradicet Deo sentienti, qui sentit omne quod verum est. Ergo quantò maiorem habet apparentiam ratio humana , supra apparentiam suæ oppositionis cum lumine divino, tantò majori periculo exponit se, rationis humanæ apparentiam reprobans, supra eum, qui reprobat apparentiam oppositionis cum lumine divino. Respondeo. Esto, apparentiâ rationis humanæ major sit intensivè, quia fortè sensum magis ferit, quàm apparentiâ oppositionis cum lumine divino; sed non est major appretiativè, seu æstimativè: quia apparentiâ oppositionis cum lumine divino evidenter præferenda est cuicumque apparentiæ rationis humanæ; nimirum evidens est, debere hominem plùs credere Deo, quàm sibi. Atqui sequens apparentiam rationis humanæ, præ apparentiâ testimonii, & sensus divini, plùs sibi credit, quàm Deo; sequens verò apparentiam testimonii, & sensus divini, præ apparentiâ rationis humanæ, plùs Deo credit, quàm sibi.

Apparentiâ rationis humanæ, quamvis fortè intensivè major sit quàm apparentiâ oppositionis cum lumine divino, est tamen minor appretiativè, eique postponi debet.

Est enim evidens debere hominem plùs credere Deo quàm sibi.

Ergo est evidens, apparentiam rationis humanæ, quanvis intensivè maiorem, esse tamen minorem appretiativè. Idem nimirum contingit intellectui, quod voluntati. Sicut enim interdum complacentia unius objecti, quæ intensivè major est, eadem est appretiativè minor com-

placentiâ alterius ; ita interdum intellectualis apparentia objecti unius major est intensivè , & simul appetitivè minor apparentiâ alterius. Ad Confirmationem dico , si fortè apparentia rationis humanæ cum veritate conjungeretur , reprobans rationem humanam , ut staret pro apparentiâ testimonii , & sensus divini , materialiter tantum , & inculpabiliter Deo contradiceret , non formaliter , aut culpabiliter. Neque enim reprobareret rationem humanam ex affectu contradicendi Deo , sed potius ex affectu credendi Deo plùs , quàm sibi. At verò reprobans apparentiam testimonii , & sensus divini , ut sequatur apparentiam rationis humanæ , exponit se morali periculo contradicendi formaliter , & culpabiliter Deo , ex præsumptione nimîâ sui sensus , & ex affectu credendi sibi plùs , quàm Deo : in quo evidens est , esse magnam irreverentiam , contra sapientiam , & auctoritatem divinam.

Instabis 3°. Apparentia rationis humanæ fundat prudentem dubitationem , de existentiâ testimonii divini , sub quo divinum lumen apparet. Ergo stante apparentiâ rationis humanæ , non potest ita apparere testimonium divinum , ut de illius existentiâ prudenter dubitari non possit. Antecedens probatur. Quia apparentia rationis humanæ tam potest infirmare , aut elevare apparentiam testimonii divini , quàm possit apparentia testimonii divini infirmare , aut elevare apparentiam rationis humanæ. Utraque enim apparentia humana est ; nec minùs potest errare ratio humana , in apparentiâ testimonii divini , quàm possit errare in

Apparentia rationis humanæ infirmatur ex duobus principiis.

Primum
Est notoria
debilitas
intellectus
humani.

2. Metaph.

c. 1.

Secundum.

Notoria
Dei incom-
prehensibi-
litas.

Ex quibus
principiis
non infir-
matur ap-
parentia
testimonii
divini cir-
ca objecta

alterius objecti, testimonio divini contra-pugnantis. Respondeo. Nego Antecedens, ejusque probationem. Quamvis enim utraque apparentia humana sit, non est tamen utraque ejusdem ordinis, aut firmitatis; sed una firmior est alterâ, & titulum habet evidentem prælationis; nimirum apparentia rationis humanæ versantis circa objectum Dei testimonio contra-pugnans, valde infirmatur ex duobus principiis naturalibus, & evidentibus. Primum est notoria debilitas intellectus humani, ad certa quædam objecta intelligenda. Nam si, juxta Philosophum, *habet se ad manifestissimam naturam, sicut oculus Noctue ad lumen felis*, quomodo se habebit ad divina, quæ magis abstrusa, & recondita sunt? Alterum est notoria incomprehensibilitas Dei: est enim evidens, ex ipsâ Dei notione, Deum esse talem ac tantum, ut à nullo intellectu creato possit comprehendi; ac proinde habere in se infinita, in quibus hæsitet, & cæcutiat mens humana. Ergo est evidens, infinita in Deo esse, quæ non sunt fori humani, ac proinde, si de illis ratio humana judicare velit, judicium habendum esse pro nullo. Atqui hæc duo principia non infirmant pariter apparentiam testimonii divini, circa objecta quantumvis ardua, & in speciem repugnantia. Non primum: quæcumque enim sit debilitas intellectus humani, evidens est, sufficere illum ad cognitionem testimonii divini, in quo cognoscendo si fortè errare possit, periculum erroris non ex insufficientiâ, sed ex præcipitatione, & incon- sideratione timendum est. Non secundum: Deus

enim quantumvis incomprehensibilis sit , po-quantum-
test tamen , si velit , revelare homini profunda vis ardua.
sua ; & potest homo excipere revelationem
Dei , eamque sub talibus ac tantis motivis ap-
parentem , ut de illâ prudenter dubitare non
possit. Quod totum ipso naturæ lumine evi-
dens est. Ergo ipso naturæ lumine est evidens,
contra apparentiam rationis humanæ, quæcum-
que illa sit , stare posse apparentiam testimonii
divini , talem ac tantam , ut de testimonio di-
vino dubitari prudenter non possit. In quâ
hypothesi evidens est , rationis humanæ appa-
rentiam reprobendam esse , & sequendam ap-
parentiam testimonii divini.

Instabis. 4°. Principia illa reflexa , quibus Principia
infirmari volumus apparentiam rationis huma- verò illa
næ , naturalia sunt , & humana. Ergo quan- reflexa nul-
tiumvis appareant , suspecta nobis esse possunt. li possunt
Respondeo. Nego consequentiam. Quia prin- esse suspe-
cipia illa ita naturalia sunt , & humana , ut cta.
versentur circa objectum fori humani , in quo
minus errandi periculum est. Aliundè sunt
primæ quædam , & universales regulæ , homi-
ni à Deo datæ , ad prudentem directionem
intellectûs. In istiusmodi autem regulis præsu-
menda est esse veritas , aut nullibi esse præsu-
menda est.

Thesis 2^a. Ratio humana , in statu opposi- Secundus.
tionis , diluere ipsa debet objecta sua , contra est solutio
lumen divinum. Explicatur. Veritas à Deo reve- eorum quæ
lata , cui ratio humana refragatur , ratione ratio hu-
quidem humanâ probari positivè non potest: cit contra
potest tamen ipsa ratio humana solvere utcum- lumen di-
que objecta sua , & apparentias suas diluere, vinum.

1. p. q. 1.
art. 8.

In quâ solutione duplex est via procedendi, directa, & indirecta.

quascumque habet, contra veritatem lumine divino illustratam. Cum enim lumen divinum necessario verum sit, impossibile autem sit, de vero demonstrari contrarium, ut solidè ratio-

cinatur Sanctus Thomas; *Manifestum est probationes, quæ contra fidem inducuntur, non esse demonstrationes, sed solubilia argumenta.* Duplex est autem via procedendi in solutione istorum argumentorum, una directa, alia indirecta. Directa est, per quam ita respondetur argumentis, ut responsio non satisfaciatur quidem, falsitatis tamen convinci non possit. Indirecta est, quâ non solvitur difficultas in se; sed opponitur adversario, multas esse apparentias humanas, in quibus sæpè fallimur; vel ostenditur, habere ipsum eandem, quam objicit, aut etiam majorem difficultatem, in aliâ materiâ solvendam. Quæ via optima est, tum contra hæreticos, aliqua fidei mysteria admittentes, rationi humanæ nihilo-minus difficilia, quam quæ rejiciunt: tum contra infideles, qui sæpè, in ipsis naturæ mysteriis, hoc ipsum solvere habent, quod nobis objiciunt.

Quo sensu possit ratio humana solvere difficultatem quam ipsa facit.

Objicies. Ratio humana, in statu oppositionis cum lumine divino, non potest solvere difficultatem, quam ipsa facit, contra lumen divinum; quis enim capiat, inde esse difficultatis solutionem, unde est difficultas, aut difficultatis solutionem esse ipsammet difficultatem? Respondeo. Ratio humana opposita lumini divino accipi potest dupliciter. 1°. quidem pro ipso humano lumine actuali, quod lumini divino repugnat: est autem evidens, eo lumine actuali difficultatem non solvi,

quam ipsum lumen formaliter facit. 2°. pro naturali facultate ratiocinandi, habente lumen actuale lumini divino oppositum. Quæ facultas cum sit capax luminis multiplicis potest difficultatem, quam facit lumen actuale oppositum lumini divino, alio lumine mitigare, & nodum, quem unâ veluti manu textit, aliâ expedire.

ARTICULUS III.

De usu legitimo rationis humana in statu suæ Eclypsis, seu defectus sui circa lumen divinum.

Explicatur
usus multi-
plex ratio-
nis huma-
næ in statu
suæ eclypsis
circa lu-

THESIS 1^a. Ratio humana, in statu suæ Eclypsis, seu defectus sui, comparari debet in admiratione, & commendatione luminis divini nunquam deficientis. Explicatur. Innumera sunt fidei veritates, in quibus ratio humana præcisè deficit, iis nec favens, nec contradicens. Nam Deus multa contingentia revelavit, seu præterita, seu futura, quæ nemo hominum sciret, seclusâ revelatione. Hæc autem ita non videt ratio humana, ut videat tamen sapientiam divinam, lumine suo omnia scrutantem, & collustrantem. Ergo deficere non debet, in admiratione, & commendatione illius.

men divi-
num.
Primus.
Admirari
& com-
mendare
lumen di-
vinum nun-
quam defi-
ciens,

THESIS 2^a. Ratio humana, in statu suæ Eclypsis agnoscere debet liberalitatem Dei, secreta etiam sua homini revelare non dedignantis. Explicatur. Poterat Deus hominem, ab ipsâ creatione facultate intelligendi præditum, experientia, & investigationi suæ naturali per-

Secundus.
Agnoscere
liberalita-
tem Dei se-
creta etiam
sua homini
revelare

non dedi- mittere. In quâ suppositione non alias verita-
gnantis. tes homo cognosceret, nisi quarum cognitio-
nem vel indidisset natura, vel usus, & exercita-
tio peperisset. Sed bonus naturæ Author, qui
scientiarum Dominus est, scientiæ hominis na-
turali præternaturalem, & divinam scientiam
addere voluit; sive ea, quæ lumine naturali
nota sunt, autoritate sua confirmando ad mayo-
rem certitudinem; sive novas, & arduas veri-
tates revelando: adeò ut cui dictum est, mo-
destiæ inculcandæ causâ, *altiora te ne quaesieris*,
dici meritò possit ad gratitudinem excitandam,

Ecclesiastici plura supra sensum hominum ostensa sunt tibi.

3. Nam pro ejusmodi veritatum revelatione ratio
humana dictat, gratias Deo agendas. Siqui-

*Lib. II. de dem, ut bene nota Aristoteles, Minimum
pass. anim. potest haberi de cognitione rerum altissima-
rum, desiderabilius est, quàm certissima cognitio,
cap. 2. qua habetur de minimis rebus. Gratias ergo Deo
ad Coloss. Patri, qui dignos nos fecit in partem sortis san-
c. I.ctorum in lumine, hoc est, qui nobis etiam
viatoribus dignatur impertire aliquid scientiæ
divinæ, quæ fors, & beatitudo sanctorum est.*

Eodem enim lumine, quo sancti, regimur;
iisdem principiis insistimus. Nimirum, ut subti-
liter distinguit sanctus Thomas, cum sit du-
plex scientiarum genus, quarum aliæ proce-
dunt ex principiis immediatè notis lumine na-
turæ, sicut Arithmetica, Geometria, &c. Aliæ
verò procedunt ex principiis notis lumine scien-
tiæ superioris, sicut Perspectiva procedit ex
principiis notificatis per Geometriam, & Mu-
sica ex principiis per Arithmeticam notis.
Theologia scientia est secundi generis, proce-

*P. I. q. 1.
art. 2.*

dens ex principiis notis lumine superioris scientiæ, quæ scilicet est scientia Dei, & Beatorum. Quare sicut Musica debet principia sua Arithmeticæ; ita Theologia principia sua ipsiusmet scientiæ Dei accepta debet.

Thesis 3^a. Ratio humana, in sua Eclypsi, valere potest, ad lumen divinum aliquo modo demonstrandum. Explicatur. Lumen sapientiæ divinæ, de aliquo objecto, non apparet immediatè, sed mediante Dei testimonio. Habemus enim, Deum ita sentire de objecto, quia ipsemet Deus, se ita sentire, testificatus est. Ergo quod valet ad demonstrandum testimonium Dei, valet aliquo modo ad lumen divinum demonstrandum. Atqui ratio humana valet, ad demonstrandum aliquo modo testimonium Dei. Motiva enim, quibus testimonium Dei fit credibile, sunt fori humani, & ope luminis naturalis exquiri, ponderari, ac modo aliquo suasio proponi possunt. Ergò ratio humana, quamvis in sua Eclypsi videre non possit ipsas veritates à Deo revelatas, valere tamen potest, ad revelationem veritatum aliquo modo demonstrandam.

Tertius.
Lumen divinum aliquo modo demonstrare.

Thesis 4^a. Ratio humana, in sua Eclypsi, valere potest ad veritates ipsas revelatas evolvendas, explicandas, ordinandas. Explicatur. Ratio humana quas veritates videre non potest seclusâ revelatione, easdem semel revelatas potest evolvere, explicare, ordinare. Nimirum interdum una aliqua veritas multas in se habet conglobatas, & convolutas, quas evolvere oportet. Evolvit autem ratio humana; nam quæ videre non potuit Antecedens sine revela-

Quartus.
Veritates à Deo revelatas evolvere, explicare & ordinare.

tione , revelato tamen Antecedente , videbitur Consequens cum Antecedente connexum. Interdum veritas confuse proponitur , & , nisi explicabitur , non intelligetur : potest autem ratio humana facere , explicando , ut intelligatur. Interdum multæ veritates in Scripturâ disponuntur , nullo rerum ordine servato. Potest autem ratio humana iis dare ordinem , quem in scripturâ non habent. Quæ omnia si accuratè fecerit , non erit , etiam in suâ Eclypsi inutilis.

Explicatur
usus multi-
plex ratio-
nis huma-
næ in statu
supplemen-
ti.

ARTICULUS IV.

*De usu legitimo rationis humanae in statu sui
supplementi pro lumine divino.*

1^o. Enim
debet diffi-
dere mul-
tum de se
ipsâ.

14. Moral.
c. 12.

THesis 1^a. Ratio humana , in statu sup-
plementi diffidere multum debet de se
ipsâ. Probat. Quia in rebus præsertim di-
vinis , quandiu regitur lumine suo , pauculas
assequitur veritates , easque ferè cum admix-
tione & periculo multiplicis erroris. Ergò con-
scia sibi suæ imbecillitatis , quoties lumine di-
vino destituitur , diffidere debet de se ipsâ. Ex
quâ rationabili diffidentiâ fiet , ut & timide
divina inquirat , & iis , quæ fortè invenerit ,
minùs tenaciter adhærescat , attendens ad illud
monitum Gregorii Magni , *habent , inquit , hoc
haeretici proprium , ut de inani scientia sua arro-
gantiâ insentiant , &c. At contra sancta Ecclesia ,
in omne , quod veraciter sapit , sensum suum hu-
militer deprimit ; ne in inquisitione occultorum tu-
meat , & perscrutari aliqua , quæ ultra vires sunt
illius ;*

ilius, præsumat: utiliùs enim studet nescire, quæ perscrutari non valet, quàm audacter definire; quæ nescit.

Objicies. Ergo, more Scepticorum, dubitandum est de omnibus divinis, quæ, solo naturæ lumine; notæ sunt, non lumine revelationis. Respondeo. Nego Consequentiam. Diffidentia enim ista rationabilis, quam requirimus, non eò valet, ut de omnibus divinis, solo lumine naturæ notis, dubitationem, aut judicii suspensionem inducat; volumus enim; judicari multa, etiam de Deo, quæ solo lumine naturæ nota sunt: sed ita judicari volumus, ut iis longè minùs adhæreat mens, quàm si forent nota lumine divino. Ista enim minor adhæfio rationabilis est, & venit de quâdam rationis humanæ diffidentia.

Sed diffidentia rationabili quæ non semper dubitationem pariat, sed minorem aliquam adhæfionem.

Thesis 2^a. Ratio humana, in statu supplementi, modestè, & reverenter exquirere debet lumen divinum. Ita nimirum exquiri debet admirabile illud lumen, quod quamdiu deficiet, in tractatione rerum divinarum periculosè versabimur; ubi autem præstò erit, securi erimus. Exquiramus igitur lumen divinum, non expectando revelationes novas, sed scrutando antiquas; juxta illud Christi Domini, *Scrutamini scripturas*; in scripturis enim fortè invenietur id ipsum, quod lumine naturæ notum est, lumine etiam divino manifestatum. Deus siquidem multa dixit, quæ tamen ipsum satis dixisse, nondùm satis clarum est, sed fortè aliquando clarum fiet. Quare rem utilem Ecclesiæ fecerint Christiani Theologi, si scripturæ textus versando, & invicem comparan-

2^a. Modestè & reverenter exquirere lumen divinum.

Joan 3:

do, lumen divinum, quod in iis latet, quasi ex collisione eliciant; & si fortè jam apparere incepit, ad eum apparentiæ gradum adducant, ut de eo prudenter dubitari ultrà non possit.

Quemadmodum sæpe contingit occasione non-
Lib. 16. de varum hæresum: multa quippe, inquit Au-
Civit. c. 2. gustinus, ad fidem Catholicam pertinentia, dum hæreticorum callidâ inquietudine agitantur; ut adversus eos defendi possint, & considerantur diligentius, & intelliguntur clarius, & instantius prædicantur, & ab adversario mota quæstio discendi existit occasio.

Lib. 10.

Non omnis inquisitionis divini luminis rationi humanæ prohibetur.

Objicies. Periculosa est ista inquisitio divini luminis per rationem humanam. Nam, ut præclare Hilarius, Quemadmodum sol ita videndus est, ut possit videri, tantusque excipiens lumine est, quantus admittitur, ne, si plus velimus expetere, minùs quoque quàm possumus consequamur: ita & ratio celestis in tantum intelligenda est, in quantum se permittit intelligi, in tantum expetenda est, in quantum apprehendendam se dedit: ne, si contenti indulgentia moderatione non simus, amittamus indulta. Respondeo. Inquisitio divini luminis modestè & reverenter facta per rationem humanam, periculosa non est. Neque illam reprehendere putandus est Hilarius, qui solam reprehendit curiositatem rationis humanæ, scire de Deo ambientis, ultra id, quod Deus sciri voluit. Ubi tamen fateor reprehendi à Patribus inquisitionem luminis divini duplicem. Una est, cum ratio humana veritates, quas satis constat à Deo revelatas, audet revocare ad examen suum, & lumine humano metiri. Quod inquisitionis

Quænam prohibeatur.

genus causa est omnis hæresis. *Hæretici* enim , ut notat Gregorius Magnus, *omne, quod ratione per-* 16. Moral.
scrutari non possunt, credere contemnunt, & per inqui- c. 27.

sitionem nimiam in errorem labuntur : meritò ergo, dixit Ambrosius , *fides non sit in hominum sa-*
pientiâ , & hæresis non erit. Altera est , cum re- Lib. de
velatio divina nondùm satis apparens , curiosè , Symb. c. 10.

& avidè nimis , ne dicam superbè , inquiritur. Quo in genere , exemplum , & consilium Na-
zianzeni , cognomento Theologi , sequi debet
Iapiens Theologus. *Excessum fugio , & inexpl-* Orat. 26.

abilem cupiditatem coërceo ; malimque , si mihi
utrumque fugere , & mediocritatem. Ne cui non li-

teat , nimis ignavus esse , quàm nimis curiosus.
Meditare tu quidem res divinas, sed intra terminos
consiste. Ratio consilii est, quia ex nimio deside-
rio detegendi revelationes novas, periculum est,
ne tandem pro revelatis accipiantur , quæ re-
velata non sunt ; & ne , ut sibi fingunt somnia
amantes , revelationes sibi fingat , qui revela-
tiones avidiùs quærit.

Theſis 3^a. Ratio humana , in statu supple- 3^o. Reti-
menti , retinere debet , ac sequi lumen suum , nere ac se-
saltem provisoriè. Probat. Quia Deus ho- qui lumen
minem regi vult alterutro saltem lumine , di- suum sal-
vino , vel humano. Ergo ubi divinum deest, tem provi-
sequendum est homini lumen humanum, idem- soriè.

que tamdiu retinendum , donec suppetat me-
lius , à quo reformetur. Dixi , *provisoriè* reti-
nendum : quia lumen humanum est lumen ali-
quod inferius , à quo provocari potest ad di-
vinum. Quare sapientiæ humanæ judicium ,
quodcumque illud sit , non est propriè supre-
mum veritatis judicium, sed provisorium dum-

taxat : valere tamen debet , donec fortè in supremo sapientiæ divinæ tribunali corrigatur.

Lumen humanum quantumvis evidens, veritatis judicium est provisorium dumtaxat, non supremum. Objicies. Lumen humanum veritatis evidentiam interdum facit. Ergo interdum plusquam provisorium est. Respondeo. Nego Consequentiam. Sicut enim sententia Judicis subalterni, quæ æquitatis evidentiam habet , provisoria nihilo-minus sententia est , defectu supremæ autoritatis in Judice subalterno : ita lumen humanum , quantumvis evidens , habendum est pro judicio veritatis provisorio, non supremo ; quia scilicet venit de sapientiâ humanâ , penes quam non est suprema potestas judicandi de veritate ; suprema enim illa potestas solius sapientiæ divinæ propria est.

Quarto. Parata esse debet ratio humana abjicere omne lumen suum Thesis 4^a. Ratio humana parata esse debet abjicere omne lumen suum , quodcumque sufficienter intelliget lumini divino non congruere. Tum quia evidens est , lumini humano præferendum esse lumen divinum ; tum quia ex terminis patet , abjiciendum esse lumen , quodcumque falsum esseprehenditur. Quodcumque autem lumen deprehenditur non congruere lumini divino , deprehenditur eo ipso falsum esse. Ergo , &c.

Non absolutè quidem , sed conditionatè. Objicies. Ratio humana non potest abjicere prima principia , quæ ex terminis evidentia sunt. Ergo non potest esse parata abjicere omne lumen suum. Respondeo. Distinguo Consequens. Non potest esse parata abjicere absolutè omne lumen suum, Concedo , abjicere conditionatè, & ex suppositione divini testimonii de difformitate luminis humani cum lumine divino, Nego. Ratio quidem humana non potest esse parata

abjicere absolute prima principia , ex terminis evidentia ; quia absolute judicat talia esse , quæ luminis divino planè congruant. Potest tamen , & debet sic esse comparata , ut prima etiam principia abjiceret , si Deus ea revelaret sensui divino non congruere : quam tamen Dei revelationem ratio humana judicat esse impossibilem.

Instabis. Dispositio ista conditionata importat fluctuationem , aut suspensionem aliquam rationis humanæ , circa prima principia : quæ fluctuatio nulla est , nec esse potest. Ergo, &c. Quæ dispositio conditionata nullam necessarium fluctuationem importat.
 Respondeo. Dispositio ista conditionata nullam fluctuationem importat , aut suspensionem circa prima principia ; sed prælationem rationabilem luminis divini supra humanum. Quamvis enim ratio humana , ne leviter quidem fluctuet , aut hæsitet , in primis principiis judicandis , potest tamen sic esse affecta erga sapientiam , & auctoritatem divinam , ut si Deus ea principia revelaret sensui suo non congruere , ratio humana protinùs abjiceret. Sed cum hypothesis istiusmodi revelationis judicetur omninò impossibilis , primis principiis sine fluctuatione , & immobiliter adhæret ratio humana , salvâ semper reverentiâ , quam debet auctoritati & sapientiæ Dei.



CAPUT II.

*De usu legitimo luminis alieni , seu
Authoritatis humanæ in Theologiâ.*

DE usu rationis humanæ in Theologiâ quæcumque ferè diximus , transferri quidem possunt ad usum autoritatis humanæ, Sed ut de eâ proprium aliquid , & singulare dicamus.

p. 1. q. 1.
art. 8.

Locus ab
autoritate
quæ super
ratione hu-
manâ fun-
datur infir-
missimus ,
& cur.
Potest tamẽ
autoritas
humana in-
terdum ra-
tioni hu-
manæ præ-
valere.

Præmitto 1°. Quod ait sanctus Thomas ,
*locum ab autoritate , quæ fundatur super ra-
tione humanâ , esse infirmissimum ;* non eam
solum ob causam , quod fundetur in ratione
humanâ , quæ falli potest ; sed quod fundetur
etiam in fide humanâ , quæ potest fallere. Fa-
cilis enim est ex duobus alterutrum disjuncti-
vè , quam unum solum determinatè deficere ;
alterutrum autem deficiat , deficit vis autorita-
tis humanæ. Quare cæteris paribus plus peri-
culi est ab humanâ autoritate , quàm à ratio-
ne humanâ. Nam rationem humanam , seu
lumen proprium sequens dubitare forsan po-
test , an verum sit , quod sibi apparet : sed
dubitare non potest , quin sibi appareat ; est
enim sibi conscius apparentiæ suæ. At verò se-
quens autoritatem humanam dubitare potest
non modo , an verum sit , quod alter dicit sibi
apparere ; sed etiam an re ipsâ tale ipsi appa-
reat. Sed quantumvis infirma sit autoritas hu-
mana , & infirmior ipsâ ratione humanâ , in
quâ fundatur , interdum tamen eam vim accipit

sive ex qualitate, sive ex multiplicatione luminis, & testimonii alieni, ut lumini etiam proprio prævaleat. Nam potest quis lumen proprium submittere auctoritati unius sapientis, & multò magis auctoritati multorum sapientum. Quia præsumere potest, facilius esse, ut ipse fallatur, quàm ut multi sapientes fallantur, aut fallant.

Præmitto 2°. Pro usu auctoritatis humanæ Duplex in Theologiâ, distinguendam esse Theologo Theologo auctoritatem domesticorum, & extraneorum. distinguenda auctoritatem domesticorum, & extraneorum. Extraneos appello eos *quis foris sunt*, ut loquitur Apostolus, seu extra fidem Christi: domesticos verò, fideles, fidem Christi profitentes, aut olim, dum viverent, professos; quos idem Apostolus *fidei domesticos* appellat. De i. *Ad Cor.* auctoritate extraneorum, quem usum in Theologia habere debeat, primo loco dicemus: tum c. 5. *Ad Gal.* de auctoritate domesticorum. c. 6.

ARTICULUS I.

De usu legitimo Auctoritatis extraneorum in Theologiâ.

EXtranei dicuntur, vel infideles, qui ita sunt extra fidem Christi, ut Christum, aut Christi doctrinam nullâ ex parte sequantur; vel hæretici, qui Christum dimidiantes, partim retinent, partim non retinent, arbitrato suo: utrorumque auctoritas, an & quò valere possit in Theologiâ, sic paucis definio.

Thesis 1^a. Auctoritas Infidelium non est omninò contemnenda Christiano Theologo, rarò

Extranei qui dicuntur.

Auctoritas infidelium

non est om-
nino con-
temnenda
Christiano
Theologo.

Usurpata
à Paulq.

1. p. q. 1.
art. 8.

Et usus
habens non
contem-
nendos.

Primus.
Est convic-
tio & per-
suasio gen-
tilium.

Secundus.
Indicatio

tamen , nec nisi circumspicte admodum usur-
panda. Explicatur , & probatur. Non est om-
nino contemnenda Christiano Theologo ea au-
toritas , quam Paulus ipse aliquando usurpavit :
sed Paulus ipse usurpavit aliquando auctoritatem
Infidelium : *Stans enim in medio Areopagi* , ut
narratur Act. 17. ait. *Viri Athenienses , per om-
nia quasi supersticiosiores vos video. Prateriens
enim , & videns simulacra vestra , inveni &
aram , in qua scriptum erat , Ignoto Deo ; quod
ergo ignorantes colitis , hoc ega annuntio vobis.*
Ubi Paulus , ut vides , ipsorum Atheniensium ,
qui aram Ignoto Deo extruxerant , authorita-
te utitur , ad iisdem veri Dei cognitionem ap-
positè insinuandam. Deinde verò ex ipsâ Poë-
tarum auctoritate argumentatur. *Sicut & qui-
dam vestrorum Poëtarum dixerunt ; ipsius enim
& genus sumus. Genus ergo cum simus Dei , non
debemus aestimare auro , aut argento , aut lapide ,
sculptura artis , & cogitationis hominis divinum
esse simile.* Ex quâ Pauli ratiocinatione merito
concludit Sanctus Thomas , uti interdum Sa-
cram Doctrinam etiam auctoritatibus Philosopho-
rum , ubi per rationem naturalem veritatem cognos-
cere potuerunt. Ratio ulterior est , quia authori-
tas Philosophorum usus aliquos habere potest
Theologiæ non contemnendos. Primus est con-
victio , & persuasio Gentilium ; interdum enim
melius convincuntur propriis ipsorum princi-
piis , & facilius audiunt placita Christi , ex quo
ea intelligunt , authoribus suis , quos magni fa-
ciunt , non displicuisse. Secundus est indica-
tio Divinæ Traditionis , aut facti alicujus Ec-
clesiastici : cum enim Ecclesia primis tempori-

bus sub Gentilitate viveret, Historici Gentiles suis inferuerunt etiam nostra, quorum si non testes idonei, certè indices esse possunt. Nec Theologum Christianum pigere debet sequi indicium, aut vestigium illud qualecumque veritatis; ut pretiosam illam Domini Arcam Philistæis, inter quos captiva fortè vilescit, eripiat. Tertius est salutaris confusio fidelium: pudor enim est, in morali præsertim Disciplinâ, severiùs sentire Senecam, Exempli causâ, quàm Christianum aliquem morum corruptorem. Quartus est aliquis ornatus Theologiæ, quæ interdum graves Gentilium sapientum sententias, ut gemmas quasdam peregrinas, admittit.

Tertius.
Fidelium
salutaris
confusio.

Quartus.
Ornatus
aliquis
Theologiæ.

Rarò tamen usurpanda est autoritas infidelium; quia satis rarò contingunt usus isti supra memorati, extra quos profanam auctoritatem usurpare non debet Christianus Theologus. Sed Pauli exemplo, etiam ab istiusmodi cum Gentilibus commercio religiose abstinere. Nam *quæ conventio Christi ad Belial? aut quæ fidei pars est, cum Infideli?*

Rarò tamen usurpanda.

2. Ad Cor. c. 6.

Nec rarò tantum, sed etiam circumspectè, & cum aliqua cautione, profana auctoritas adhibenda est. 1°. Enim cavendum est, quantum fieri potest, ne distinctè, & nominatim profani authores citentur; quia tali honore dignandi non sunt: sed ad summum indefinitè, & generatim, ut fecit Paulus; qui versum ex Arato citans, Aratum non citavit nominatim, sed indefinitè. Non enim dixit, *Sicut Aratus vester*, sed *sicut quidam vestrorum Poëtarum dixerunt*. 2°. Si quandò necesse est, aut utile, designare nominatim authorem profa-

Nec nisi circumspectè & cum aliquâ cautione.

In Theologia enim profanus author ne nominetur omninò; aut si nominari ne-

esse est,
sine hono-
re nomi-
natur.

num, cujus sententia laudatur, ex modo citandi faciendum est, ut non infidelitati, aut personæ infideli, sed veritati, & gravitati sententiæ honos haberi videatur. Nimirum gravis aliqua veritas, in ore profani hominis, gemma est in luto, pro quâ extrahendâ, si fortè ad lutum descenditur, non lutum tamen, sed gemma honoratur. Contra quam cautionem putidè nimis peccant tractatores nonnulli, qui rerum sacrarum tractationem profanis auctoritatibus ita inferciunt, ut jam non Christiana esse Theologia, sed profana videatur. Idque, quod mireris, præsertim familiare est hominibus ineruditis; qui sæculi disciplinam in aliis magni faciunt, & quam ipsi non habent, variè mentiuntur.

*Epist. ad
magnum
urbis Roma
Oratorem.*

Objicies. Patres, præsertim antiqui, auctoritatibus Philosophorum non rarè usi sunt, ut videre est apud ipsos: & testatur Hieronymus antiquos Doctores Philosophorum auctoritatibus ita respersisse libros suos, *Ut nescias quid in illis prius admirari debeas, eruditionem sæculi, an scientiam Scripturarum.* Respondeo. Patres passim declamant contra eruditionem sæculi; & profanas Philosophorum auctoritates à Theologiâ Christianâ eliminare omnibus votis contendunt. *Nam quid Academia, & Ecclesie?*

*C. 7. de
prescript. in
Psalm. 128.
lib. 1.*

inquit Tertullianus. *Nihil nobis cum Philosophiâ,* clamat Ambrosius. Sed unus est instar omnium Basilius contra Eunomium. *Nobis,* inquit, *sufficeret, postquam ostendissemus, non ipsum ex Disciplinâ Spiritus Sancti, sed ex sapientiâ Principum hujus sæculi, talia dixisse; istud è Psalmo contra eum proloqui, narraverunt mihi iniqui fa-*

bulationes, sed non ut lex tua, Domine, &c. Quare si quando Patres autoritatibus Philosophorum, & sæculari eruditione libros suos resperferunt, ut testatur Hieronymus, id non sponte, aut voluntate, sed miserâ quadam necessitate, fecisse credendi sunt. Incubuit autem Patribus misera illa necessitas ex multiplici capite. Primum fuit calumnia Gentilium, sectatores Christi simplicitatis & ignorantiae nomine passim traducentium. Quæ calumnia cum in diffamationem Religionis verteret, necesse habebant antiqui Ecclesiæ Doctores Philosophorum autoritatibus libros suos respergere; ut vel eo ostenderent, se non sæculi disciplinam ignorare, sed vanitatem contemnere. Alterum fuit responsio ad objecta Gentilium. Cum enim Gentiles perpetuò ex mundanæ Philosophiæ principiis contra mysteria nostra arguerent, opus habebant Patres ea principia versare, eludere, evertere; ne adversariis succubuisse viderentur. *Est autem inhonestum, ut Ecclesiasticus vir his qui foris sunt calumniantibus per ignorantiam conticescat, & Christianus de Christo reddere rationem nesciens inimicis insultantibus, & victus, & confusus abscedat.* Tertium necessitatis caput fuit convictio Gentilium, quibus & sectæ suæ vanitas demonstranda erat, & nova Christianismi secta persuadenda. Quem in finem torquebant Patres ipsa Philosophiæ sæcularis Dogmata, saltem quâ parte cum Christianis placitis congruebant. Quartum denique, fuit ornatus aliquis Theologiæ, à Gentilismo tunc accersendus, quando Ecclesiæ Doctores nulli, aut pauci prodierant. Sed longè alia sunt Christianæ

Patres libros suos si quando resperferunt autoritatibus Philosophorum, id non spontè sed necessitate fecerunt. Istius necessitatis caput multiplex fuit. Primum Calumnia ignorantiae amolien-

da. Secundum Responsio ad objecta Gentilium.

Petr. Dami-
ani
Opusc.
2. cont.
jud.

Tertium Gentilium convictio.

Quartum Aliquis Theologiæ ornatus.

Sed jam
nulla est
talis neces-
sitas.

Theologiæ tempora. Nunc dilatato per univer-
sum Orbem Christianismo, nec cum Gentili-
bus res nobis est, nec contra Gentiles; & Chri-
stiano Theologo tam multa ex Patribus, & au-
thoribus Ecclesiasticis suppetunt, ut penè pu-
dor sit quidquam de Gentilismo mutuari.

Secularis
eruditio
non se ha-
bet omni-
nò ut spo-
lia Ægyp-
tiorum.

Instabis. De spoliis Ægyptiorum ornari po-
tuit Tabernaculum. Ergo & de sæculi eruditio-
ne Christiana Theologia. Respondeo. Nego
Consequentiam. Nam spolia Ægyptiorum, do-
nante Domino, facta fuerant bona Hebræo-
rum; nihilque retinuerant, quod Ægyptum re-
doleret. At verò eruditio sæculi habet semper,
ut supponimus, ut sæcularis sit, authorum suo-
rum nomen, & colorem retinens. Ergò si Theo-
logiæ frequens immisceatur, Theologiam pro-
fanam, & sæcularem faciet. Non dedecet ta-
men Theologum Christianum sæcularis scien-
tiæ peritum esse, & spoliare Ægyptum, dum-
modò nihil ipse Ægyptii, seu profani indè
habeat. Imò licet dicta & sensa Gentilium
Theologiæ Christianæ inferere; si priùs ea le-
gendo, & meditando Theologus ita fecerit
sua, ut jam profana non appareant, autho-
rum nomine suppresso. Nam in eo usu autho-
ritati Gentilium nihil tribuitur; sed sententia-
rum soliditas, aut dictorum elegantia æstima-
tur.

Authoritas
hæretico-
rum eodem
ferè loco
habenda
est quo au-
thoritas
Gentilium.

Thesis 2^a. Authoritas Hæreticorum in Theo-
logiâ eodem ferè loco habenda est, quo autho-
ritas Gentilium. Probat. Quia Hæretici, Ec-
clesiæ filii rebelles, cùm Ecclesiam matrem au-
dire detrectent, in Ecclesiâ audiri non meren-
tur; sed pro Ethnicis reputandi sunt, juxta il-

lam Christi sententiam, *Si Ecclesiam non audierit, sit tibi sicut Ethnicus, &c.* Ut ergo non est omninò contemnenda autoritas Infidelium, ita neque hæreticorum; in eisdem quippe usus valere potest. Interdum enim hæretici suis ipsorum principiis convincuntur: interdum Sectatores Patriarcharum suorum autoritate reducuntur: interdum repetitur Catholica veritas, etiam ab hæreticis, inter quos est: quia scilicet non omni ex parte sunt hæretici, aut non omni tempore hæretici fuerunt. Interdum habent etiam illi graves sententias, Christianâ Theologiâ non indignas. Sed sicut in autoritatibus Gentium parcus admodum, & cautus esse debet Christianus Theologus, ita & in autoritatibus hæreticorum easdem omninò cautiones adhibens: aded ut, quoad fieri potest, nunquam hæreticum nominet, nisi fortè refutandi causâ, aut si nominet, id se necessitate fecisse, & non causâ honoris præ se ferat.

In eisdem quippe usus valere potest.

Et debet cum iisdem cautionibus adhiberi.

Objicies. In Theologiâ Christianâ fit frequens mentio hæreticorum. Nam quis Theologus Arium, Macedonium, Nestorium, Eutychetem, aliosque Sectarum antesignanos innominatos prætereat? Ergò autoritatis hæreticorum frequens est usus in Theologiâ Christianâ. Respondeo. Nego Consequentiam. Nam quæ sit hæreticorum mentio à Theologis, non eò pertinet, ut autoritati illorum aliquid detur; sed potiùs, ut si quid ponderis habuerit, in Theologia detratur. Citantur illi, non ut authores probabiles, qui fidem faciant; sed ut falsarii verbum Dei adulterantes, quibus nulla fides de-

Frequens mentio hæreticorum in Theologia quò pertineat.

beat. Et meritò quidem in Ecclesiâ textitur series, & servatur Catalogus insignium hæreticorum: notantur singulorum nomina; memoria perpetuò anathematizatur cum erroribus. Nimirum præmonentur ita posteris de scopulis vitandis: ne si fortè in errores damnatos impingerent, iisdem ipsi Anathematismis subicerentur. Sed in commemoratione hæreticorum cavendum est Christiano Theologo, ne ingenii, eruditionis, aut sanctitatis speciem in illis commendet. Hinc enim secta inflatur, & Magistrorum erroris crescit autoritas, quam minui oporteret.

Instabis. Habent ferè authores libri eruditionis; in ipsorum libris multa bona sunt, quibus Theologia Christiana ornari potest: cur enim quæ bona sunt respuerentur? Atqui si admittantur, iis præfigi debet nomen authoris, unicuique enim tribuendum est jus suum; & jus authoris est, ut de inventione suâ fructum laudis aliquem capiat. Respondeo. Authores hæresum plùs ferè vanitatis, & hypocrisis habent, quàm solidi ingenii, & veræ eruditionis. Sed esto, in ipsorum libris multa bona sint: non est tamen integrum Christiano Theologo ea usurpare; nisi dissimulato, & suppresso nomine authoris. Commemoratio enim, præterquam quòd & authori, & sectæ adderet animos, infirmos in fide scandalizaret; quibus veniret in mentem, non aded malum esse authorem, à quo tam multa bona prodire potuerunt. Nec verò ea dissimulatione nominis fieri putanda est injuria authori hæretico, cujus nomen dissimulatur.

Quæ in libris hæreticorum bona sunt, usurpari non debent in Theologia, nisi dissimulato nomine authoris.

Jus enim si quod habuit capiendi fructum aliquem ingenii, & eruditionis suæ, id totum hæreticâ suâ pravitate, & pertinaciâ amisit : eique idem contigit, quod perduellibus, quorum bona omnia fisco adjudicantur. Cæterum quando novæ sectæ exoriuntur, oprandum est, ne authores sectæ nominentur. Istiusmodi enim vani homines per ora omnium volitare amant, & circumferri, quocumque vento, adverso, an secundo, parum illis est, dummodò circumferantur ; & ipsa diffamatio pro illecebrâ est. Nova item hæresis silentio magis videtur, quàm sermone refutanda. Est enim hæresis instar ignis, qui, si motus illius intercipiatur, extinguitur ; si ventiletur, accenditur.

ARTICULUS II.

Authoritas humana domesticorum fidei quem in Theologia usum habere debeat.

PRæmitto 1°. Domestici quidem fidei sunt omnes, & singuli fideles ; sed non omnes & singuli eam habent auctoritatem, quæ usui esse possit in Theologiâ. Ea quippè auctoritas iis solis inest, qui tantam sapientiæ, & veracitatis famam obtinuerunt, ut fidem aliquam in judicio rerum divinarum mereantur. Cujusmodi ferè sunt Ecclesiæ Doctores, qui de rebus divinis cum aliquâ approbatione scripserunt.

Domesticorum fidei auctoritas in Theologiâ utilis, est auctoritas Doctorum Ecclesiæ. Eaque partim divina, qualiscom-

perit.
Præmitto 2°. Authoritas, quæ Doctoribus Ecclesiæ inest ad usum Theologiæ, partim divina, & partim humana est. Nam 1°. Autho-

Primo.
Authori-

bus Scri-
pturæ Ca-
nonicæ, seu
Prophetis,
seu; Apo-
stolis,

res Canonici, seu Prophetæ, seu Apostoli, qui Libros Canonicos, aut Divinas Traditiones Ecclesiæ reliquerunt, auctoritatem habent divinam; quia nimirum quod nobis tradiderunt, non suo, sed Dei nomine tradiderunt. Deus enim per authores Canonicos propriè locutus est, & verbum ipsorum, est verè, ac propriè Verbum Dei. Quare isthæc Doctorum Canonico-
rum auctoritas non est distinguenda ab au-
thoritate Dei, per Doctores Canonicos lo-
quentis; nec dubium est, quin præcipuum, &
essentialem in Theologiâ usum habeat. Nam,
ut notat Sanctus Thomas, *Argumentari ex au-
thoritate maximè proprium est Sacra Doctrina;*
eò quòd principia hujus Doctrinæ per revelationem
habentur. Et sic oportet, quòd credatur autori-
tati eorum, quibus revelatio facta est. Nec hoc
derogat dignitati hujus Doctrinæ. Nam licet locus
ab auctoritate, quæ fundatur super ratione hu-
manâ, sit infirmissimus, locus tamen ab auctori-
tate, quæ fundatur super revelatione divinâ, est
efficacissimus. Atqui auctoritas, quæ fundatur
in testimonio Authorum Canonicorum funda-
tur in revelatione divinâ: cùm ipsum Autho-
rum Canonicorum testimonium sit formaliter
divina aliqua revelatio. Atque hinc est, quòd
Sacra Doctrina, ut ait Sanctus Doctor, Au-
thoribus Scripturæ Canonice utitur propriè, ex
necessitate argumentando. Quia scilicet suas fidei
conclusiones propriè & necessariò fundat in il-
lorum testimonio, quod est revelatio divina;
Secundò. Ecclesiæ Pastores singularum ætatum,
quandò summâ Ecclesiæ auctoritate definiunt;
aliquid in Scripturâ, aut Traditione contine-
ri;

1. Part.
quaest. 1.
art. 8. ad 2.

Ibidem.

Secundò.
Ecclesiæ
Pastoribus

ti, definitio infallibilis est, ex promissione Christi factâ Ecclesiæ suæ, Quare habent & isti auctoritatem aliquam divinam in definiendo. Quamvis enim Pastorum definitio non sit propriè locutio Dei, sit tamen ex infallibili assistentiâ Spiritus Sancti, non permittentis, ut errent Pastores, summâ Ecclesiæ auctoritate definientes. Atque hæc definiendi auctoritas, ex supra dictis, satis intelligitur, plurimum valere in Theologiâ, & plerumque esse necessaria ad sufficientem revelationis divinæ propositionem.

Tertiò, Patres Ecclesiæ, quamvis per varias ætates dispersi, si unanimiter conveniant de Dogmate Catholico, sensus illorum infallibilis est, si non ex promissione Christi, saltem ex approbatione Ecclesiæ. Quare & habent Patres infallibilitatem quamdam divinam, ex directione Spiritus Sancti assistentis, ne errent in suo unanimi consensu. Quæ Patrum Divina auctoritas tanti in Theologiâ momenti est, ut revelationem divinam faciat sufficienter credibilem, & Ecclesiæ definitionibus expressis viam parare soleat. Sed de istâ auctoritate divinâ Doctorum Ecclesiæ nihil hîc ultra dicere habemus, ubi solius auctoritatis humanæ usum in Theologiâ legitimum inquirimus. Nam habent Ecclesiæ Doctores auctoritatem aliquam humanam, in humanis dumtaxat dotibus, & præsiidiis fundatam.

Præmitto 3°. Doctores Ecclesiæ non esse auctoritatis ejusdem, quia non omnes sunt ejusdem ætatis; non omnes ejusdem sapientiæ, non omnes ejusdem probitatis, non omnes ejusdem approbationis. Nimirum ad auctori-

singula-
rum æta-
tum sum-
mâ Eccle-
siæ auctho-
ritate ali-
quid defi-
nientibus.

Tertiò.
Patribus
Ecclesiæ
per varias
ætates dif-
persis con-
sentienti-
bus.

Partim hu-
mana est
cujus so-
lius usum
hîc quæri-
mus.

Ecclesiæ
Doctores
non sunt
omnes
ejusdem
auctori-
tis.

Ratio dif-
ferentia.

tatem Doctorum Ecclesiæ facit antiquitas ; quia Doctores , quò propius contingunt prima Ecclesiæ tempora , eò facilius præsumuntur puriorem , quasi de fonte , Doctrinam veritatis hausisse. Facit & sapientia : nam quò quis sapientior est , eò meliorem sensum , & gustum habet veritatis , ac proindè dignior est , cui credatur. Facit & probitas : quia probitas veracitatem habet sibi conjunctam , veraci autem & sincero plùs creditur , quàm mendaci , aut dissimulatori. Facit denique ad auctoritatem approbatio : quia judicium approbantium merito Doctoris accedens novum ei pondus affert , quò magis ad persuadendum valeat. Non est hîc animus Doctores Ecclesiæ comparare invicem , aut singulis suum auctoritatis gradum definire : nostrum enim est omnium venerari merita , non dijudicare. Absit ergò à nobis ista comparatio invidiosa nimis , nec Theologiæ necessaria. Satis erit pro instituti nostri ratione , Ecclesiæ Doctores in duos veluti ordines distribuere. Primus est ordo Patrum. Secundus , si ita loqui licèt , ordo Filiorum. Nam ut sunt antiqui Doctores , qui Primus est ordo Patrum. Secundus , si ita loqui licèt , ordo Filiorum. Nam ut sunt antiqui Doctores , qui

Distribuantur in
duos ordi-
nes.

Primus est
ordo Pa-
trum.

Secundus.
Ordo Fi-
liorum.

Patrum nomen in Ecclesiâ obtinuerunt , non primavâ solum antiquitate , sed eximie sapientia , & sanctitatis famâ conspicui , iidemque diuturnâ totius Ecclesiæ reverentiâ consecrati ; ita sunt Doctores novi , aut minùs antiqui , nondùm Patres nuncupati ; seu quia canitiem nondùm habent satis venerandam ; seu quia nondùm eam sapientia , & sanctitatis famam attigerunt , quam sacra ista & docta paternitas requirit : quare si primos in ordine Patrum ,

postremos in ordine Filiorum non incongruè collocabimus. Quibus positis Doctorum Ecclesiæ, seu *Patrum*, seu *Filiorum*, humana auctoritas qualem, in Theologiâ, usum habere debeat, pro Organi nostri complemento præscribamus.

Theſis 1^a. Auctoritas humana Patrum magni, & frequentis usus est, in Theologiâ. Auctoritas humana Patrum magni, & frequentis usus est in Theologiâ.
 Valet enim ad revelationem divinam, seu scriptam, seu traditam, probandam; explicandam, defendendam, illustrandam, & magnificè, ut decet, ornandam. In quo usu, ut distinctius appareat quanti, & quàm multi sint usus.

Dico 1^o. Auctoritas humana Patrum valet, ad probandam existentiam divinæ revelationis, in scripturâ contentæ. Ratio est, quia ut habeatur istius revelationis existentia, debet haberi. 1^o. Liber divinus, in quo scripta sit. Valet enim. Primo. Ad probandam existentiam divinæ revelationis in scripturâ contentæ.
 2^o. Textus divinus, quo contineatur. 3^o. Sensus divinus, qui per textum exprimitur. Atqui ad hæc tria habenda valet humana Patrum auctoritas. Nam, in discrimine librorum divinatorum à non divinis, rectè creditur Patribus: quia rectè præsumuntur Patres notitiam Librorum Divinorum ab Apostolis, aut viris Apostolicis accepisse, eamque ad posteros sincerè transmississe. Rectè item creditur Patribus pro authenticitate textûs scripturæ, iique textus, qui citantur à Patribus, ut divini, merito præsumuntur esse Divini; quia Patres, ut toti erant in libris divinis evolvendis, rationabiliter creduntur textus eorum divinos, & annotasse diligenter, & fideliter citasse. Rectè demùm creditur Patribus, pro sensu

H h ij

scripturæ intelligendo : quia rectè præsumuntur Patres attigisse verum scripturæ sensum, tum propter eam, quâ pollebant, sapientiam, tum propter recentiorē memoriā Apostolicæ interpretationis. Quòd si verum sensum attigerunt, profectò præsumendi non sunt cum nobis invidisse, sed sine invidiâ, & fideliter communicasse. Ergò, quod dicebam, valet humana Patrum authoritas, ad probandam existentiam divinæ revelationis in scripturâ contentæ. Confirmari potest ex usu Ecclesiæ, in Conciliis generalibus adhibere solitæ auctoritatem Patrum, tum pro librorum divinorum Canone ; tum pro authenticitate sacri textûs, tum denique pro verâ scripturæ interpretatione.

Secundò
Ad probandam
traditionem
divinam.

in defens.
Anathe-
mat. 8.
adversus
Orient.

Dico 2º. Authoritas humana Patrum valet, ad probandam Traditionem divinam. Ratio est, quia Patres rectè adhibentur, ut testes idonei Traditionis divinæ : illorum quippè testimonio magnam probabilitatem facit, quòd cum non longè à Traditionis fonte distarent, facile fuit, ad ipsos Traditionem puram & incorruptam venire. Si autem venit, credibile est à viris Sanctis, & eruditis fuisse fideliter exceptam, custoditamque ; ac deindè successoribus sanctè depositam. Ergò *cuiusque sana, & integra mens est*, inquit Cyrillus Alexandrinus, *Hoc sit studium, ut Patrum opiniones sequatur ; quia ipsi Apostolicâ, & Evangelicâ Traditione cum mentem implessent suam, ac Fidei Doctrinam rectè, citra labem & errorem, tractassent, luminaria in mundo fuerunt, verbum vitæ continentes.*

Dico 3^o. *Authoritas Patrum humana valet, Tertiò.*
 ad revelationem divinam, seu scriptam, seu *Ad revela-*
 traditam, ubi opus est, explicandam. Siqui- *tionem di-*
 dem scriptura interdum obscura, & confusa *vinam seu*
 est, ut patet, cum de textu non dubitatur qui- *scriptam*
 dem, quin divinus sit; dubitatur tamen, quem *seu tradi-*
 sensum habeat à Deo intentum; seu quia æqui- *tam, ubi*
 vocis, & ambiguis verbis expressus multipli- *opus est,*
 cem sensum facit; seu quia figuratus, & Ænig- *explican-*
 maticus est. Tum verò ad tollendam hujusmodi *dam.*
 ambiguitatem, & obscuritatem scripturæ, re-
 cte adhibentur Patres, non eo solum nomine,
 quòd sagacissimi fuerunt, & in scripturâ ver-
 sariissimi; sed præsertim, quòd Apostolicis tem-
 poribus, quàm nos, propiores, scripturæ ex-
 plicationem Apostolicam, seu de Apostolis ve-
 nientem, nosse melius, quàm nos, potuerunt.
 Quare sapienter decernit Tridentina Synodus, *sess. 4.*
Ne quis, contra unanimum sensum Patrum, scri-
pturam interpretari audeat. Interdum quoque
 divina Traditio, seu tradentium, seu excipien-
 tium negligentia, obscuratur; adeo ut in pau-
 corum fidelium memoriâ conservetur, in eas-
 que redigatur angustias, ut penè non appareat.
 Tunc autem recurrendum est ad ætatem Pa-
 trum, qui si testentur, Traditionem suâ ætate
 generatim pro divinâ habitam esse, haberi de-
 bet pro divinâ, & fidelibus in memoriam re-
 vocari, quòd pristinam alvei amplitudinem re-
 cipiat, & ita explicata, id quod est, clarè ap-
 pareat. Ratio istius usus est, quia ætate Pa-
 trum recentior erat Traditionum divinarum me-
 moria, undè sequitur Traditiones divinas, ex Pa-
 trum ætate, & testimonio, sapienter æstimari.

H h iij

Quartò. Dico 4^o. Autoritas humana Patrum valet
 Ad revela- in Theologiâ, ad revelationem divinam defen-
 tionem di- dendam. Quia Patres valida ferè argumenta
 vinam de- suggerunt, quibus hæretici, divinæ revelatio-
 fendend- nis adversarii, impugnentur. Arma autem illa
 dam. Patrum non rubiginem, aut hebetudinem ex
 vetustate contraxisse putanda sunt, sed potiùs
 ex longo usu tractandi, & dexteritate tractan-
 tium, vim magnam, novumque splendorem
 accepisse. Nec minùs solidè respondent Patres,
 quàm argumentantur. Illorum autem respon-
 sio debet esse Theologo Christiano, scuti instar

Ad Ephes. inexpugnabilis, in quo facilè poterit *tela ignea*
 f. 6: *nequissimi erroris extinguere*. Et verò quis non
 videat, fidei causam digniùs & potentiùs tra-
 ctari armis Patrum, seu offensivis, seu defen-
 sivis, toties victricibus, semper invictis, quàm
 novellis quibusdam rationibus, quibus ipsa no-
 vitas, si non aliquid soliditatis, plurimùm
 certè autoritatis detrahit. Sequatur ergo Theo-
 logus regulam auream victoris Carthaginensis,
 in Concilio Romano à Martino I. lauda-
 tam: *Nihil noviter dicat, nihil, quod non à*
Sanctis Patribus fuerit expresse traditum, aut in-
dicatum.

Quintò. Dico 5^o. Autoritas humana Patrum valet,
 Ad revela- ad revelationem divinam magnificè, ut decet,
 tionem di- illustrandam, ornandamque: siquidem revela-
 vinam or- tio divina illustrari, & ornari potest, partim
 andam. similitudinibus, quibus sensibilis fiat; partim
 rationibus humanis, veluti pedissequis, & an-
 cillis; partim exquisito gravium sententia-
 rum, & elegantium verborum apparatu. Quæ
 omnia cum apud Patres abundant, de Patrum

scriptis in Theologiam translata, ibique dispensata sapienter, incredibile est, quantam ei gravitatem, majestatem, & amœnitatem concilient. Ex quo id etiam consequetur Theologus Christianus, ut privatum suum sensum, & linguam suam veluti dediscens, Patrum more, & quasi unus de Patribus sentire, ac loqui assuescat.

Objicies. *Authoritas Patrum, quæ valere dicitur, ad probandam revelationis divinæ existentiam, vel est autoritas omnium simul, vel autoritas singulorum seorsum; non omnium simul, alioquin jam accipitur autoritas divina Patrum, quæ competit omnibus simul sumptis, cùm tamen accipi sola humana simuletur. Sed neque singulorum seorsum: singuli enim & falli possunt, & fallere. Respondeo. Ad probandam revelationis divinæ existentiam valere dicitur autoritas humana Patrum, ea- que sive omnium simul, sive singulorum seorsum. Nam omnes quidem si de existentia divinæ revelationis consentiant, habet consensus illorum infallibilitatem quamdam moralem, eamque intrinsecam, & humanam, quatenus independenter à Christi promissione, & approbatione Ecclesiæ, spectatâ Patrum naturâ, impossibile est moraliter, in re tanti momenti, tantos viros decipi omnes simul, aut decipere. Hanc verò autoritatem humanam dicimus valere posse, ad sufficientem revelationis credibilitatem; idque independenter ab autoritate Ecclesiæ approbantis consensum Patrum, aut promissione Christi infallibilitatem divinam ei tribuentis. Nam eo ipso*

Authoritas Patrum, quæ valere dicitur ad usus istos, est autoritas humana,

Sive omnium quia consensus omnium moraliter infallibilis est.

H h iij

Et Revela-
tionis di-
vinæ suffi-
cientem
credibilem
facit.

quod Patres conveniunt de divinitate ali-
cujus doctrinæ , dubitari non potest pru-
denter , quin divina sit , ac proinde po-
test voluntas imperare assensum prudentem ,
quo divina credatur. Ponamus ergo , in
eâ scripturâ , quæ divina creditur propter
consensum Patrum , contineri infallibilita-
tem Ecclesiæ : Ecclesia verò , quæ infallibi-
lis creditur , propter revelationem aliquam ,
in scripturâ contentam , approbet consensum
Patrum , ut regulam deinceps sequendam ; jam
propter infallibilitatem Ecclesiæ credetur autori-
tas Patrum , non humana illa , quæ præluxit ,
ut infallibilitas Ecclesiæ crederetur ; sed divi-
na , quæ Patribus venit ex approbatione Ec-
clesiæ. Ergo autoritas divina Patrum præsuppo-
nit humanam. Unde apparet , quanti sit usus
autoritas Patrum humana ; cum possit esse fun-
damentum sufficiens , saltem extrinsecum , cre-
dendi divinitatem Scripturæ ; & reddere cre-
dibilem revelationem divinam de infallibilitate
Ecclesiæ , per quam revelationem cæterarum
omnium existentia firmatur. Valet item , sed
longè minùs valet autoritas humana Patrum
singulorum seorsum : nec quidquam obstat , quod
singulorum seorsum testimonium singulorum errori obno-
xium sit. Nam in judicio humano testes , qui
falli possunt , & fallere , ad ferendum testimo-
nium admittuntur , suoque testimonio fidem
aliquam faciunt. Quàto ergo magis admit-
tendi sunt Patres , testes utique omni exceptio-
ne majores. Esto , quod humanum est , errare
illis interdum contingat , & nobis post illòs.
Nihil hinc sequitur , nisi quod ultro fatemur ,

Sive sin-
gulorum :
quia Patres
suo testi-
monio pro-
babilita-
tem ali-
quam reve-
lationis fa-
cere pos-
sunt , etiam
singuli.

singulos seorsum non facere, testimonio suo, certitudinem existentiae revelationis, ut faciunt omnes simul; sed aliquam dumtaxat probabilitatem, majorem, vel minorem, pro majore, vel minore numero, aut pondere suffragantium. Atque hoc est, quod vult sanctus Thomas, cum docet, sacram doctrinam uti autoritatibus aliorum Doctorum Ecclesiae, *arguendo ex propriis, sed probabiliter.* Doctores enim Ecclesiae non accipit simul, & conjunctim, sed seorsum, & divisim. Quia si conjunctim, & simul accipiantur, plusquam probabiliter ex illorum testimonio arguitur.

Instabis 1°. Si autoritas humana Patrum valeret, ad probandam existentiam divinae revelationis, fundabatur fides in autoritate humana. Fides autem in humanâ autoritate non magis fundari potest, quam in ratione humanâ. Respondeo. Nego sequelam. Motivum enim credendi objectum à Deo revelatum, est solâ Dei revelantis autoritas. Quare fides in sola Dei autoritate fundatur, non in autoritate humanâ, quaecumque illa sit. Movemur quidem autoritate Patrum, ut assentiamur existentiae revelationis, quam Patres testantur existere: sed non movemur autoritate Patrum, ut credamus, verum esse mysterium, quod Deus revelavit; credimus enim illud, non quia Patres dixerunt, sed quia Deus dixit. Esto assensus exhibitus existentiae revelationis fundetur aliquo modo in Patrum autoritate tanquam in motivo assentiendi, vel intrinseco in quod feratur assensus, vel extrinseco quod voluntatem impellat, mediante propositione honestatis assentiendi ex

Neque tamen fundatur fides in autoritate humanâ Patrum, si-ve omnium, sive singulorum; quia Patrum autoritate non movemur ut credamus ob-jectum à Deo revelatum, sed ut assentiamur existentiae re-velationis divinae.

illo apparentis : alterutro enim modo res fieri potest , & utrovis fieri dicatur parùm interest, ut demonstrabimus suo loco , quando fidem divinam in sua principia resolvemus. Hoc solum nego , assensum fidei quo creditur objectum à Deo revelatum , in Patrum , sive omnium , sive singulorum autoritate fundari ; ita enim creditur propter solam Dei revelantis auctoritatem , ut stante & sufficienter propositâ Dei revelatione , tacentibus quamvis Patribus , aut etiam veritati revelatâ , si fieri potest , contradicentibus , nihilominus crederetur. Fides ergo , nec in humanâ auctoritate , nec in ratione humanâ fundatur ; sed est hoc inter utramque discrimen , quod existentia divinæ revelationis auctoritate humanâ melius haberi possit , quàm ratione humanâ : quia scilicet revelatio divina est aliquid contingens & Deo liberum , cujus existentia ex naturæ principiis argui non potest , saltem immediate ; potest tamen humano testimonio notificari.

Neque item auctoritati Patrum humanæ tantum tribuimus quantum divinæ auctoritati Conciliorum generalium.

Nam auctoritas Conciliorum

Instabis 2°. Ergo saltem tantum tribuimus in Theologiâ , auctoritati Patrum , quantum auctoritati Conciliorum Generalium ; neque enim in auctoritate Conciliorum volumus fundari fidem , quæ , ut jam diximus , in solâ Dei auctoritate fundatur. Ergo auctoritati Conciliorum nihil aliud tribuimus , nisi quod valere possit ad probandam revelationis divinæ existentiam ; atqui hoc totum tribuimus auctoritati Patrum. Respondeo. In Conciliis generalibus considerari potest duplex auctoritas , humana scilicet quam habent , ut cæterus humani virorum sapientum , & divina quam habent ex assistentiâ

infallibili Spiritus Sancti directoris. Autoritas ergo humana Patrum, de quâ sermo est, vel comparatur cum autoritate humanâ Conciliorum, vel cum autoritate divinâ; si cum autoritate humanâ, videtur non præcisè tantum, sed plus aliquid tribuendum esse autoritati Patrum; longè enim difficilius apparet in errorem convenire omnes diversarum ætatum Patres, quàm unius ætatis Pastores congregatos. Sed si cum autoritate divinâ Conciliorum comparètur autoritas humana Patrum, longè plus tribuimus autoritati Conciliorum quàm autoritati Patrum, quia autoritas divina humanæ præponderat. Neque tamen volumus, fundari fidem in autoritate Conciliorum etiam divinâ: quia fides propriè fundatur in solâ autoritate Dei loquentis. Deus autem non loquitur propriè per Concilia generalia; sed iis præcisè assistit, ne errent in suis definitionibus. Quare autoritas Conciliorum generalium non est eodem titulo divina, quo divina est autoritas scriptorum Canonorum; hæc enim est autoritas Dei propriè loquentis; illa, autoritas Dei præcisè assistentis, ad errorem Ecclesiæ suæ impediendum. Addo autoritati divinæ Conciliorum non modò cedere autoritatem Patrum humanam; sed etiam divinam, quæcumque illa sit. Nam divina illa autoritas Patrum, vel petitur ex promissione Christi speciali, vel ex Ecclesiæ approbatione. Si primum, cum de illâ Christi promissione non certò constet, certam autoritatem facere non potest, uti certa est Conciliorum autoritas. Si secundum, jam autoritas divina Patrum de autoritate Ecclesiæ

generalium alia divina est alia humana.

Humana cedit aliquo modo autoritati Patrum etiam humanæ.

Divina præponderat non modo humanæ Patrum autoritati, sed etiam divinæ.

Undecumque veniat.

descendit ; eique , ut rivulus fonti , tributaria , & vectigalis est. Sed neque satis certum est , ex approbatione Ecclesiæ consensui Patrum unanimi infallibilitatem aliquam accessisse. Quia fortè non definivit Ecclesia , ab unanimi sensu Patrum semper abesse errorem ; sed sapienter dumtaxat præcepit fidelibus , ut sensum Patrum unanimem sequerentur , tamquam regulam magis tutam , & errori minùs obnoxiam.

Multiplex
abusus au-
toritatis Pa-
trum in
Theologiâ
seu per de-
fectum seu
per excessum.

Abusus per
defectum

Primus.
Inverecun-
dus quidam
Patrum cõ-
temptus.

Theſis 2^a. Multiplex fieri potest , in Theologiâ , autoritatis Patrum abusus. Siquidem in usu autoritatis Patrum peccari potest , seu per defectum , seu per excessum. Percurramus obiter præcipuos in utroque genere abusus , ne fortè in Theologiâ nostrâ locum habeant. Et per defectum quidem , abusus , qui committuntur , hi ferè sunt.

Primus. Est inverecundus quidam Patrum contemptus : quem abusum facere solent hæretici , in notandis Patrum erroribus impudentes , & autoritati Patrum nihil omninò , aut certè parùm tribuentes ; eo vano prætextu , quòd singulis Patrum errare in aliquo contigerit. Quasi verò fidem nemo mereatur , nisi sit idem infallibilis , & ad fidem faciendam nihil sit plerumque tenere veritatem , si vel semel in uno aliquo deferatur. Absit ergo à Theologo superbia Pelagii , ad autoritatem Augustini , ut ferunt , sic contemptim respondentis , *Ecquis est mihi Augustinus ?* Absit & impudentia Juliani , qui tantum virum appellare solebat *Pœnum scriptorem* , aut *Numidam perfriela frontis* ; Alippiumque , Augustini amicum , dicebat , esse *vernulam peccatorum ejus*.

Paul. Oros.
Apol. de
arbitrio Li-
bert.

Secundus. Est ignava quædam proditio autoritatis Patrum : quem abusum faciunt etiam Catholici , permittentes fieri impunè Patribus calumnias , & non vendicantes , uti deberent , & faciliè possent. Nam si Theologus Christianus ad causas calumniarum , quæ Patribus fiunt , diligenter attenderit , comperiet ferè , non errasse in eo Patres , in quo errasse diffamantur. Attendat igitur 1°. ad vehementem ardorem Patrum , in hæreticorum sententiis persequendis : quo ardore nonnumquam ita abripiebantur , ut viderentur aliquibus modum , & fines veritatis excedere ; plus dicentes , & minus volentes intelligi ; ab uno extremo declinantes in alterum , ut ad medium pervenirent : quod de magno Augustino sapienter notavit sanctus Bonaventura. Neque hic agendi modus reprehensionem ullam habet in Patribus. Potuerunt enim , in certis quibusdam circumstantiis , adhibere significantiora verba , quæ per ipsas circumstantias , ad verum legitimumque sensum satis restringerentur. Attendat. 2°. Theologus ad commune quoddam hæreticorum odium in sanctos Patres , utpote defensores veræ fidei , & hæresum profligatores ; in quo odio causam inveniet , cur mali homines , errores Patribus , nullo merito suo , imponere solerent. Eò nimirum spectabant consilia malignantium , non modò ut vindictæ cupiditatem explerent ; sed etiam ut pondus illius autoritatis , quo obruebantur , aliquo modo elevarent , aut minuerent. Attendat 3°. ad dolum malum eorundem hæreticorum qui ad conciliandam sibi , apud ignarum vul-

Secundus.
Ignava
quædam
proditio
autoritatis
Patrum
quibus permittantur
fieri calumnia.
Causæ calumniarum multæ sunt, zelus, & ardor Patrum in hæreticis persequendis.
In 2. Sent. dist. 33. q. 2. art. 3.
Odium hæreticorum in sanctos Patres.
Dolus malus eorundem hære-

ficorum Patribus erroribus suis impotentium. Pugnus, aliquam auctoritatem, hæreses suas magnis viris affingunt; & ne ipsi videantur hæretici, ipsos sanctos Patres hæreticos faciunt. Atque hæc est vera causa, cur magni Augustini nomen, & patrocinium tanto ambitu quæsierint omnium ferè ætatum hæretici.

Studium partium etiam inter Catholicos.

Attendant denique ad studium quoddam partium, & qui in viros etiam sanctos quandoque irreperit, amor nimius sententiæ suæ, cum odio, & contemptu alienæ; hinc enim factum reperiet, ut Patres ipsi, inter se disputantes interdum se mutuò erroris accusarent. Quemadmodum hodieque fit, ut unius sectæ Catholici, prohibentibus licet summis Pontificibus, abstinere non possint à Censurâ alterius, & Censuram faciendo, Censuram incurrant.

Tertius: Discessus à Patribus rotundior, & sine reverentiâ.

Epist. III.

Tertius. Est discessus à Patribus rotundior, & sine reverentiâ. Nam licet quidem ab iis discedere, si quando errarunt manifestè: nemo quippè; in errore, præsertim manifesto, sequendus. Sed iste discessus modestè fieri debet, & salvâ, ut loquitur Augustinus, *honorificentia, qua debetur illis hominibus*. Quo modo Cyprianum, in hæreticis rebaptisandis errantem, idem Augustinus, nonnisi timidè, & verecundè de-

Lib. 6. de Bapt. contra Don. c. 2. *servit, reddens, ut ait ipse, debitam reverentiam, dignumque honorem persolvens pacifico Episcopo, & glorioso martyri Cypriano.*

Quartus. Negligentia benignæ interpretationis Patrum, si quando adhiberi potest. Nam quæ apud Patres dubia occurrunt, ex iis, quæ certa sunt, benignè, & in bonam partem sunt interpretanda. Quia quemadmodum,

Lib. 9. c. 5.

inquit Facundus Hermianensis, *calumniantium*

hæreticorum est, ex dubiis, & obscuris, quæ certa & manifesta sunt malè interpretari. Ita solitum est prudentia, & pietatis Catholicæ, ex indubitatis, atque evidentibus, & firmare ambigua, & latentia declarare. Si verò dictum aliquod Patrum bonam interpretationem non patitur, excusari debet catholicæ mentis intentio. Et sapienter monet idem Facundus, non tam secundum verborum sonos, quam secundum mentis intentionem judicanda esse dicta majorum. *Lib. II. c. 6.*

Quintus. Præteritio autoritatis, & testimonii Patrum. Hic autem abusus in eo est, quòd qui nec positivè contemnuntur, nec indignè produntur hæreticis, nec deferuntur irreverenter, nec durè nimis explicantur, prætereantur tamen omninò, quasi eorum testimonia pro nihilo haberentur. Quo in genere mirum est, magnos alioquin viros tam insigniter peccare, ut ingentia volumina scribant, Patribus vix unquam, aut rarò laudatis. Silent coram illis Patres, cum ipsos magis filere coram Patribus deceret. Quintus.
Præteritio
autoritatis
& testimo-
nii Patrum.

Sextus. Non satis exquisitus delectus eorum, quæ ex Patribus depromuntur, sive ad causæ firmamentum, sive ad ornatum. Nam Patres, ut homines erant similes nobis, iis, quod humanum est, leviora quædam interdum exciderant, quæ dissimulari magis, quàm laudari oportet; ne Patres deteriore sui parte monstrentur, quod & in magnorum virorum contemptum aliquem cederet, & fidei causæ noceret. Atqui tamen videre est etiam Theologos nullius, aut pessimi gustus; fastidientes Sextus,
Non satis
exquisitus
delectus eo-
rum quæ
ex Patribus
depromun-
tur.

quæ sunt in Patribus optima , & minutiora captantes.

Septimus. Alteratio , & depravatio textûs Patrum , five res additione fiat , five detractio-
ne , five violentâ avulsione textus de loco suo , unde avulsus naturalem sensum amittit. Et verò si scriptura depravatur , & adulteratur verbum Dei , quid mirum est , depravari scripta Patrum , & ipsorum testimonium adulterari ? de singulis certè Patribus dici potest , quod de

Lib. contra Marcian.

Augustino dicit Facundus : *Neque enim melius potuit loqui Augustinus , quàm Propheta , quàm Apostoli , quàm Evangelista , quorum verbis similiter male intellectis , tam multi heretici suos defendere conantur errores.* Nec solis Hæreticis contingit alteratio ista Patrum ; contingit & & Catholicis , seu nimio studio partium Patres , etiam reclamantes , in suam sententiam detorquere velint ; seu , malâ fide , supponant Patribus textum , sensumve , quem satis sciunt , non esse Patrum ; seu , negligentia lectionis , germanum Patrum sensum non intelligant , intellectu , si textum legerent , & examinerent. Observet ergo Theologus Christianus , ne quid de Patribus afferat , quod ipse propriis oculis non viderit , & examinerit , cum Antecedentibus , & Consequentibus diligenter comparans. Turpe enim , & probrosum est , ipsius veritatis testes , cujusmodi sunt Patres , vocare in testimonium falsitatis , & causam alioquin bonam , infideli testimonio , firmare.

Octavus. Citatio Patrum non satis exacta ; quando textus Patrum non satis diligenter notatur , unde exceptus sit ; quod infidelitatis , aut

aut negligentia suspicionem aliquam facere possit, Theologo timendam. Ubi tamen distinguere velim duplex citationum genus. Aliqua enim citantur ad firmamentum causæ, alia ad solum ornatum. Quæ ad firmamentum causæ valent, exactissimè citare oportet, & notare, ad scrupulum usquè, undè exprompta sint; nisi fortè sint adedò communia, ut à nemine ignorentur. Quæ verò ad solum ornatum faciunt, notari quidem potest, & plerumque debet ubi jaceant, sed non adeo scrupulosè: imò interdum locus, in quo jacent, laudabiliter, meo quidem judicio, prætermittitur, & nobis placet magis libera quædam, & ingenua negligentia, quàm diligentia servilis, & nimis affectata.

Per excessum verò, circa auctoritatem Patrum, peccari solet.

1º. Exaggeratione auctoritatis; quando scilicet plus Patribus tribuitur, quàmtribuendum sit: ut si quis tantum iis tribuat, quantum autoribus Canoniciis, aut Conciliis Ecclesiæ Generalibus, hæreticorum more, contra ipsas Ecclesiæ definitiones, pro uno, ut sibi videntur Augustino, obstinatè pugnantium. Quem abusum Augustinus ipse reprehendit, Epistolâ iii. *Neque enim, quorumlibet disputationes, velut scripturas Canonicas habere debemus; ut nobis non liceat, salvâ honorificentia, qua illis debetur hominibus, aliquid in eorum scriptis improbare, atque respuere, si fortè invenerimus, quòd aliter senserint, quàm veritas habet, divino adjutorio vel à nobis intellecta, vel à vobis. Talis ego sum, in scriptis aliorum; tales volo esse intel-*

Per excessum verò
peccatur.
1º. Exaggeratione
auctoritatis
Patrum.

lectores meorum. Et libro 11°. contra Faustum ; Capite 5°. Doctores quoscumque non modò deferri vult , sicubi erraverint ; sed nullibi autoribus Canonici cœquari. Nam, inquit, *etiam in quibuscumque eorum invenitur eadem veritas , longè tamen est impar autoritas.*

2°. Citatione Patrum supervacaneâ & intempestivâ.

2°. Citatione Patrum supervacaneâ , & intempestivâ ; interdum enim citantur Patres , ubi testimonio Patrum nihil opus est ; interdum citantur & plures , & pluries , quàm oporteret. Ex quo fit , ut nonnullorum Theologia nihil aliud videatur esse , quàm inutilium testimoniorum inepta , & indigesta congeries , ad ostentandam magis eruditionem auctoris luxuriantem , quàm ad revelationem divinam solidè probandam , aut defendendam. Qui abusus ne contingat , cavendum est Theologo , ut si scripturæ sensus manifestus est , & extra omnem controversiam , à Patribus citandis omninò abstineat , nisi fortè ad illustrandam , ornandamque scripturam. Quando verò scripturæ sensus obscurus est , aut controversus , adhiberi quidem possunt , ac debent testimonia Patrum ; sed ea profectò , nec omnia , quæ occurrunt , nec omnium , nec sine modo. Nam ubi semel testis idoneus clarum , & expressum testimonium tulit , supervacanea ferè est repetitio testimonii ; & ex quo præcipua Patrum capita , seu Patres primarum ætatum insigniores veritati suffragati sunt , satis superfluum est , alios minores , & juniores advocare ; quia præsumendi sunt à prioribus , & majoribus suis non dissentire. Deindè testimonia Patrum , quæ clara non sunt , & minimè dubia , præterire

debet Theologus ; nisi fortè aliundè lucem accipiant , & multiplicata robur habeant, quod singula non habent. Deniquè ne longiora sint testimonia , id tantùm de Patribus referre oportet , quod præcisè sufficit , ad sensum Patrum clarè intelligendum : alioquin testimonium , quod quæritur , in multiloquio evanescet. Ad Traditionem , fateor , probandam , quoniam eò præcipuè valet autoritas Patrum , pluribus ferè opus est Patrum testimoniis , ut antiquam inter & novam Ecclesiam appareat Doctrinæ uniformitas. Nihil tamen necesse putem , ire per ætates Ecclesiæ singulas : sed satis est quatuor , aut quinque primarum ætatum Patres laudare , eosque non omnes , & singulos ; sufficit enim seligere præcipuos , qui suæ ætatis Doctrinam , ac fidem singuli testificentur.

3°. Servili mancipatione autoritati unius , Tertiò.
Servili
mancipa-
tione au-
thoritati
unius.
quando se uni alicui Theologus totum addicit , ab illius sensu nunquam discessurus : quæ mancipatio videtur esse professio erroris aliquando sequendi , & est supra meritum autoritatis singulorum : quia singuli errare possunt , & ferè in aliquo errasse convincuntur. Habet , fateor , laudem aliquam suam ista devotio , in sodalitate numerosâ ; tum quia plebrosque sodalium periculo errandi minùs exponit , quàm libertas opinandi , ut liber ; tum quia valet ad fratrum concordiam , quæ alitur uniformitate sensuum , difformitate periclitatur. Generatim tamen Doctorem Theologum magis decere videtur , in nullius magistri verba jurare ; & nobis magis placet , quæ Augu-

stino placuit, libertas honesta improbandi, etiam in Patribus, quod offenderit: honesta, inquam, libertas, humilis modestiæ, & reverentiæ filialis legibus coërcita, ne in licentiam, aut irreverentiam degeneret.

Quartò.
Oppositio-
ne Patrum.

4°. Oppositione Patrum, inter quos aliquandò, non minùs, quàm inter fratres, discordia feritur. *Absit* autem, aiebat Tertullianus, *ut Apostolos committam*. Absit pariter à viro Theologo, ut Patres inter se committat. Studendum ei potiùs est, ut conciliet, si quando discordare, in fide, videbuntur. Ita enim mediator erit aliquis inter Patres; quo nihil gloriosius: suâque illâ mediatione, & honori Patrum consulat, vindicandò utrumque ab errore, quorum alteruter, si discordes esse probentur, errasse convincitur; & fidei rem ager, cui concordēs Patronos, & testes unanimes accerset.

Quintò.
Confusione
Patrum
Democra-
ticâ.

5°. Confusione Democraticâ Patrum; si omnes coæquantur, nec plùs uni, quàm alteri tribuatur, in quibus tamen non est æqualis authoritas. Sunt enim alii aliis & antiquiores, & Doctrinâ, & Sanctitate eminentiores, & *probabiliores*, ut verbo utar Concilii quinti, & majorem Ecclesiæ approbationem habentes. Quis autem, si cætera sint paria, non præponat junioribus antiquiores? Quis magnum Augustinum non habeat multorum instar? Quis Gregorium Nazianzenum, Chrysostomum, Ambrosium, Hieronymum, Gregorium Magnum, & Leonem itèm Magnum, aliosque primæ notæ Patres, à vulgaribus, ut ita di-

cam, Patribus non distinguat? Theologus igitur Patrum suffragia non solum numerare debet, sed ponderare. Caveat tamen diligenter invidiosam Patrum comparationem, quam facere solet hæretici: displicet enim illa Sanctis viris, etiamnum repetentibus præclarum illud Constantinopoli olim dictum, *unum in Deo sumus*, cum Litteratorum alii Joannem Chrysostomum, alii Basilium, nonnulli Gregorium præponerent; à quo pugnandi studio Joannitæ, Basilitæ, & Gregoritæ dicebantur.

6^o. Monarchicâ veluti prælatione unius supra cæteros. Nam intolerabile est venerabili Patrum confessui, tanquam turbæ populari, imponere Principem unum aliquem, cum contemptu cæterorum; quasi unus saperet, desiperent cæteri: seu pluries unum facere, quam cæteros omnes; quasi unum aliquem, & non omnes Ecclesia sequeretur; quæ tamen in Conciliis Generalibus, ad fidem suam commendandam, clamare solet, *hæc est fides Patrum*.

Sextò.
Monarchicâ veluti prælatione unius suprâ cæteros.

Thesis 3^a. Autoritas novorum Ecclesiæ Doctorum, qui nondum Patres sunt, sed Patrum Filii, magni & ipsa usûs est in Theologiâ, longè tamen minoris, quàm autoritas Patrum. Probat. Quia novi isti Doctores, quos Ecclesiæ gratulari possumus, his Psalmistæ verbis, *pro Patribus tuis nati sunt tibi Filii*, propter insignem sapientiam, & profundam cognitionem rerum divinarum, seu ingenio, & exercitatione acquisitam, seu divinitus infusam, & inspiratam, magni ponderis esse debent, in quacumque scientiæ Religio-

Autoritas novorum Doctorum, magni & ipsa usûs est in Theologiâ.
Psal. 44.

nis parte versati fuerint. Quare & istorum auctoritas, in eosdem ferè usus adhibenda est, in quos auctoritas Patrum; quia & isti idonei sunt, ad revelationem divinam probandam, explicandam, defendendam, ornandam. Sicut enim Patres sapienter præsumuntur, Doctrinam Divinam, de Apostolis, aut viris Apostolicis, veluti de fonte, puram hausisse; ita præsumuntur novi Doctores, & Patrum Filii non degeneres, hausisse veram Doctrinam Patrum; in quibus consulendis, & audiendis, toti fuerunt, fideliter sequentes illud Mosis præceptum,

Deut. 32.
Longè tam-
en mino-
ris quàm
auctoritas
Patrum.

Interroga Patres tuos, & dicent tibi, majores tuos, & annuntiabunt tibi.

Longè tamen minoris est usus auctoritas Filiorum, quàm Patrum; quia Filiorum auctoritati nec longissimi præscriptio temporis, nec totius orbis reverentia, nec tam splendida Ecclesiæ approbatio, nec tantorum meritorum rationabilis præsumptio favet. Sed quos tandem in fines utilis illa sit, paucis expediamus.

Primò.

Ad habendam inter-
dum certi-
tudinem
moralem
seu scriptu-
ræ, seu tra-
ditionis.

Utilis est ergò 1º. Ad habendam interdum certitudinem moralem seu Scripturæ, seu Traditionis; quia ubi omnes unius ætatis Doctores conveniunt, de Dogmate aliquo, seu scripto, seu tradito, eorum sensus moralem aliquam infallibilitatem habet. Fieri enim non potest moraliter, ut in errorem tanti momenti omnes consentiant. Quare unanimis ille Doctorum sensus Theologo explorandus est; & in confirmationem sententiæ Catholicæ adducendus.

Secundò.

Ad faciendam

2º. Utilis est aliquandò, ad faciendam præ-

habilitatem majorem divinæ revelationis : quando scilicet non omnes Doctores de revelatione consentiunt ; sed major & sanior eorum pars. Hinc enim grave existit fundamentum pro revelatione Divinâ asserendâ , & fundamentum ejusmodi , quod sæpius cum veritate , quàm cum falsitate conjunctum reperitur : nam in sententiâ communiore frequentius veritas est. Theologus ergò explorare debet communiorem sensum Doctorum , eumque citare , & sequi , Doctoris Angelici exemplo , quem singularis licet & excellentis meriti , ferunt tamen , *Doctorem communem* fuisse appellatum , propterea quòd communiore sententias minùs communibus præferre soleret.

3°. Utilis interdum est , ad aliquam probabilitatem , si non majorem , saltem minorem aut æqualem habendam. Nam si plerique Doctores , quamvis nec omnes , nec major pars , alicui sententiæ suffragentur , licebit Theologò , à sententia etiam communiore discedere ; præsertim si nova , & gravis aliqua ratio accesserit. Sed discessum istum suum excusare debet , autoritate Doctorum sententiæ suæ suffragantium ; eosque citare , præsertim si quos habeat primæ notæ , & de numero illorum , quorum unus esse possit pro multis.

4°. Utilis est nonnunquam , ad multam lucem mysteriis fidei asserendam. Nam cum Patres , in substantiâ Dogmatum Catholicorum stabiliendâ occuparentur , de modo explicandi parsùm solliciti fuerunt , eam Provinciam venturi Doctoribus relinquentes ; qui

dam aliquando majorem probabilitatem divinæ revelationis.

Tertiò. Ad aliquam interdum probabilitatem , si non majorem , saltem minorem aut æqualem habendam.

Quartò. Ad lucem fidei mysteriis asserendam.

bus multum debet Christiana Respublica, ea præsertim nomine, quod pro mitigandâ difficultate Dogmatum nostrorum, multos, & probabiles modos subtiliter æquè ac sapienter excogitarunt. In his autem modis examinandis, ac recensendis, pigere non debet immorari Theologum; res enim est, ad Religionis dignitatem, & præsidium faciens.

Quintò.
Ad Eccle-
siæ defini-
tiones rectè
intelligen-
das.

5°. Utilis est, ad Ecclesiæ definitiones rectè intelligendas. Nimirum Conciliorum Canones, & responsa Pontificum aliquandò obscuritatem habent, pro quâ tollendâ consuli non possunt iidem Patres, qui Canones scripserunt. Superest ergò, ut eorum successores, & filii non degeneres consulantur.

Sextò.
Ad Patrum
testimonia
explican-
da.

6°. Utilis est, ad Patrum testimonia explicanda. Nam in Patrum dictis, ut in scripturâ, aliquandò obscuritas est. Quemadmodum autem Patres idonei sunt scripturæ interpretes; quia beati illi viri meditantes in lege Domini, die ac nocte, prudenter præsumuntur, verum illius sensum fuisse assecuti; ita novi Doctores idonei sunt Patrum interpretes: quia Patribus familiares, linguam, & mentem Patrum rectè creduntur intellexisse. Magni verò momenti est, non errare, in sensu Patrum intelligendo; ne, quod ferè consequens est, in sensu scripturæ erretur.

Septimo.
Ad præstò
habenda
Catholico-
rum Dog-

7°. Utilis est, ad præstò habenda Catholicorum Dogmatum firmamenta omnia, sive de scripturæ textu, sive de Canonibus Conciliorum, aut definitionibus Pontificum, sive de Patrum testimoniis ea petenda sint. Novi enim

Doctores, magno studio, hæc omnia antè dis-
 persa collegerunt, coacervarunt, & publici
 juris esse voluerunt. Poterit ergò Theologus
 novi ædificii Theologici materiam ferè om-
 nem indè ducere; dummodo gustum habeat
 exquisitum, & sapientem rerum delectum;
 nec Cœmentarius tantùm sit, sed Architectus;
 quod certè paucorum est.

Thesis 4^a. In usu authoritatis novorum
 Doctorum, triplici ferè modo peccari potest,
 silentio, refutatione, laudatione.

Et silentio quidèm peccatur. 1^o. Si magno-
 rum virorum nulla mentio fiat, ubi facienda
 est. Nam *cui honorem, honorem, cui tributum,*
tributum. Curet ergò Theologus, ut unicui-
 que, in tempore, & loco, tributum laudis,
 sine fraude, persolvat. 2^o. Si acceptione qua-
 dam personarum unius ferè sectæ authores com-
 mendentur, præteritis aliis, nihil minùs me-
 rentibus. Sequatur igitur Theologus veri-
 tatem, & virtutem honoret, etiam in alienis,
 aut potiùs Catholicos omnes habeat pro suis;
 & *de omni gente, qua timet Deum,* quicumque
 est, acceptus sit illi. 3^o. Si aliena inventa,
 quæ nova, & extraordinaria sunt, quasi sua
 essent, Theologus usurpet, sine nomine, &
 laude authorum, à quibus accepit. In hoc
 enim vanitas, & plagium est. Dixi aliena in-
 venta, quæ scilicet ita aliena sunt, ut non sint
 sua. Nam quæ Theologus ipse invenit, in-
 consultis aliis, non est cur aliis accepta refe-
 rat, sed pro suis dare potest, quæ verè sua
 sunt.

matum fir-
 mamenta
 omnia.

In usu auc-
 thoritatis
 novorum
 Doctorum
 peccari po-
 test.

Silentio.

Refutatio-
ne.

Refutatione verò peccatur, 1°. Si infidelis sit, qualis est, cum imponuntur authoribus sententiæ, quæ non sunt ipsorum, & monstra debellanda finguntur, seu malevolâ invidentiâ, seu inconsideratione præcipiti. 2°. Si nimia sit, ut esse solet, quando Theologo magis cordi est, aliorum placita evertere, quàm veritatem Catholicam astruere: quo nihil potest esse inordinatius. 3°. Si vana sit, & puerilis, ad minutias usque descendens, & extra terminos Theologiæ progrediens. Nam adversarium extra-vagantem sequi, penè extra-vagari est, 4°. Si actior sit, cum contemptu authoris, & Censurâ sententiæ. Nam refutatio, quæ per se satis odiosa est, præcipuâ quâdam modestiæ, & reverentiæ significatione, temperari debet.

Laudatio-
ne.

Laudatione denique peccatur, 1°. Si adulatoria sit: authores enim citare oportet, non tam ad ipsorum commendationem, quàm ad confirmationem veritatis, cui suffragantur. Utinam sequeretur Theologus exemplum Sancti Thomæ, & Sancti Bonaventuræ; qui cum magni se invicem facerent, neuter tamen citasse alterum reperitur, nec Seraphicus Doctor Angelicum, nec Angelicus Seraphicum. Ambo modesti erant, adulatores non erant. 2°. Si crebrior sit. Quis enim ferat, quod ferè usu venit, pro venerandis Patrum nominibus, novorum Doctorum magna quidem, sed nova nomina in Theologiâ passim audiri, & ad singulas conclusiones longâ serie disponi? Citentur generatim, & sub terminis universalibus,

Ita omnes ferè Theologi : quia consensus omnium infallibilitatem quamdam habet. *Ita major, & sanior Theologorum pars*, Quia sensus majoris, & sanioris partis maiorem probabilitatem facit. *Ita multi graves Theologi* : Quia multorum gravium Theologorum sensus magnum pondus habet. Citentur Scholæ integræ. *Ita Thomistæ, ita Scotistæ* : Quia Scholæ ex multitudine sectatorum auctoritatem trahunt. Citentur famosæ Academiæ. *Ita Sorbonistæ, ita Salmanticenses* : Quia famosæ alicujus Academiæ sensui multum tribuitur. Citentur Scholarum principes, qui ex ipso Scholæ principatu, quem obtinent, audiri merentur. Citentur gradu aliquo, aut dignitate insignes viri, ut Cardinales, Prælati Ecclesiarum, Generales Ordinum, in primariis Orbis Universitatibus emeriti Professores ; quibus ipsa sua dignitas, Orbi Christiano nota, auctoritatem addit, in rationabili excellentis alicujus meriti præsumptione fundatam. Citentur interdum & privati Theologi, quorum scripta jam publicam Ecclesiæ approbationem obtinuerunt. Sed alii quantumvis magni viri, quibus nec dignitas est orbi conspicua, necdum satis magna sapientiæ fama accessit, nisi fortè novum aliquid, & singulare afferant, citari non debent distinctè, & nominatim, donec eorum scripta Litteratorum orbi placuisse intelligantur. Ratio nimirum est, quia citati nullam fidem facerent, propter quam faciendam citarentur.

3°. Laudatione peccatur, si longior sit : quo modo peccatur ab iis, qui Authorum, quos

citant, non Conclusiones solùm, sed rationes Conclusionum passim exscribunt, alienis spoliis facilè intumescences, & solo scribarum labore, volumina multiplicantes; in quibus non tam Theologiam, quàm compilationem, & Historiam sensuum humanorum invenies. Hæc de usu, & abusu rationis, & autoritatis humanæ in Theologiâ notare volui; ut quid Theologo sequendum, quidvè fugiendum sit, non tam aliis, quàm mihi ipse præscriberem.

Totius
Organi
conclusio
& recapitula-
tio,

Habes hîc tandem, optime Theophile, Organum scientiæ Religionis, seu Theologiæ Christianæ, quale promiseram; non in puerilibus nugis, aut vanis subtilitatibus consistens; sed in primariis Religionis veritatibus, solidisque principiis, quibus Theologia Christiana innititur. Tuum est facere, ut ad manum semper habeas, nec unquam dimittas tam utile sciendi instrumentum. Volve animo, & revolve, quæ ibi tradita sunt, prima Religionis, & Theologiæ fundamenta. Deus scilicet existit, cui omnis Religio debetur. Unus est, ne Religio dividatur. Summam habet, in loquendo, auctoritatem, ut loquenti firmiter credatur. Per Christum re ipsâ locutus est, Divinitati Doctrinæ Christi nemo prudens refragetur. Doctrina Christi Divina, apud Ecclesiam Christi deposita est, ut incorrupta servetur. Custoditur in ærario, ut ita dicam, Scripturæ, & Traditionis; tam pretiosus thesaurus sollicitè, & diligenter exquiratur. De thesauro illo Divino si conten-

tio intervehiat , interrogantur Ecclesiæ Patres , & præsens Ecclesia consulitur , ut infallibilis responsio habeatur. Unanimi sensui Patrum , aut decisioni Ecclesiæ si contradicitur , fit Censura Theologica , seu Dogmatum , seu Personarum contradicentium. Dominatur ubique in Theologiâ lumen Divinum ; sed Divino famulatur humanum. Eæ sunt veritates , quibus instructus , aut initiatus , scientiam Religionis , & Theologiam Christianam ingredi poteris , & pede inoffenso decurrere. Tene igitur , quod habes , ut quod non habes , habere possis : tene , inquam , optime Theophile , Existentiam , & Singularitatem unius Dei , qui Theologiæ proprium objectum est , summam Dei loquentis Authoritatem , in quâ Theologia fundatur ; Divinitatem Doctrinæ Christi , quam Theologia Christiana sequitur ; veram , & visibilem Christi Ecclesiam , quæ bonum Doctrinæ depositum fidei custodit ; Scripturam , & Traditionem Divinam , seu verbum Dei scriptum , & traditum , quo Dogmata Theologica firmantur ; unanimem , seu Patrum , seu Ecclesiæ sensum , ex quo de verâ Scripturâ , & Traditione , infallibiliter judicatur ; formam Censuræ Theologicæ , quâ notantur perversa Dogmata , & perversorum Dogmatum authores ; luminis denique humani sapientem usum , ac dispensationem , ejusdemque , cum lumine Divino , necessariam in Theologiâ concordiam. Hæc tibi principia familiaria sint. Nam si fuerint , erunt tibi *prava omnia , in directâ* ,


510 *Organum Novæ Theologiæ.*

Et aspera, in vias planas, hoc est, Theologiam expedite, & sine offensione perambulabis; quâ spe illectum, optime Theophile, non te, credo, pigebit, aliquandiu hære in Organo nostro, ut in atrio Theologiæ magnifico; donec in domum interiorem, & Reginæ Palatium introducaris. Nec dubito, quin identidem exclames, cum Augustino, Si tantum in atrio, quantum in Palatio!

FINIS.

ERRATA.

Pag. 21. lin. 3. *leg.* superbissimi. 30. 25. vires.
108. 24. ridebant. III^a. II. traducturus. 112.
7. & 8. pro prioratu exciti. 137. 19. termi-
norum. 149. 33. discipulis. 158. 7. porten-
tis. 165. 1. ostensa. 165. 5. sigillum. 173. 24.
infunderet. 176. 21. falsæ. 215. 35. rationabiliter.
216. 1. irrationabiliter. 216. 2. habentur. 223.
8. Metaphysicè. 224. 30. necessitantem. 246. 11.
area. 268. 19. detegendam. 329. 15. Ecclesiasticæ.
400. 31. infallibilitatem. 402. 19. superfluam.
471. 12. qui. 496. in Marg. contra Mocianum.
497. 26. Epistola III^a. eâd. pag. lin. 33^a. *leg.* vel
ab aliis. *ibid.* *leg.* vel à nobis. 501. 17. pluris.
503. 32. parùm. 503. 33. venturis.



I N D E X

Rerum quæ in hoc primo
volumine continentur.

PROLEGOMENON. PRIMUM ad universam scientiam Religionis.

Defensio Theologia Scholasticæ.

- C**alumnia in Theologiam scholasticam, pag. 1.
Quæ fuerit occasio & causa Calumniæ, 2.
Patrum locis malè intellectis plerique abutun-
tur, ut Theologiam disceptatricem reprehен-
dant. 2.
Accusatores Theologiæ scholasticæ ad quatuor
genera hominum pertinent. 2.
Primo loco sunt hæretici per Theologiam to-
ties profligati, qui solâ authoritate rem de-
cidi vellent. 2.
Secundo, sunt Zelotæ quidam viri in speciem
boni, qui pacem nimidò plus amant, & ex
quâcumque sensuum discrepantiâ nasci con-
tinuò putant animorum dissentionem. 3.
Tertium genus calumniatorum Scioli sunt, genus
hominum, aut iners, aut stupidum. 5.
Quartò demùm ipsi Catholici viri alioquin
docti, quos Mysterioras appellamus, passim lo-
quentes incredibilia, & nisi credas indignan-
tes. 6.

Index rerum.

Quam Dialecticam reprehenderint Patres, quam
admiserint. 10.

Quibus legibus dialecticæ locus sit in Theo-
logiâ. 11.

Prima est. Ut in divinam authoritatem effera-
tur nunquam, nunquam superbiat. *ibid.*

Secunda. Ne sit nimis curiosa, & in secreta
divinitatis ne altius inquiret. *ibid.*

Tertia. Ut rem dominæ curet diligenter, ac tuea-
tur. *ibid.*

Quarta. Ne foris liberiùs vagetur, sed domi se
modesta contineat, intenta in divinam fidem.
ibid.

PROLEGOMENON SECUNDUM

Theologi, seu Theologia tractatoris vera idea.

VEra idea Theologi duobus omninò con-
tinetur. Primum est, ut sit apprimè Dia-
lecticus: Alterum, ut in Lectione scripturæ
& Patrum, in Historiæ Ecclesiasticæ, totius-
que sacræ antiquitatis cognitione versatissi-
mus sit. 12.

Theologus debet esse dialecticus ad munera sua
rectè implenda. *ibid.*

Primum Christiani Theologi munus est, Hæ-
reticorum & gentilium crassos errores re-
fellere. 13.

Errores illi aberrantis animi deliria sunt, quæ
per rectam rationem reformari & possunt &
debent. 13.

Eo pugnandi genere usi sunt Patres, præsertim.
Irenæus, Tertullianus, Augustinus. 13.

Alterum

Index rerum.

- Alterum Christiani Theologi munus est, dogma-
rum nostrorum fidem, cum Ethnicis, tum
Hæreticis insinuare. 13.
In fide duo sunt, revelatio divina; & res re-
velata. 14.
Myfteriorum difficultatem licet ipsa ratione
mitigare, uti solebant Patres. 14.
Tertium Theologi Christiani munus est, fi-
dem servare integram illibatamque. 14.
Fidei periculum esse potest, vel ab hæreticis
in dubium revocantibus, quæ firma sunt,
vel à Catholicis rerum sæpe novarum stu-
diosius. 14.
Quantum denique Christiani Theologi munus
est, fidem non tantum servare integram, sed
etiam ditare pro viribus, & amplificare. 15.
Una propositio revelata multas sæpe continet
involutas in se, quæ evolvi debent ratioci-
nandò. 15.
Sæpe in Theologiâ fit abusus Dialecticæ. 15.
Delicioris nimium fastidii est respuere om-
nem probabilitatem. 16.
Theologo prætermittendi non sunt modi pro-
babiles explicandi divina Myfteria. 16.
Sæpe substantia rei revelata est, modus autem
dubius manet atque incertus. 16.
Theologus debet esse versatus in cognitione
sacræ Antiquitatis. 17.
Debet hoc primum memoriæ magnorum viro-
rum, quorum armis Catholici pugnant, & vin-
cunt. *ibid.*
Secundo. Debet hoc gloriæ fidei, & præteritis
Ecclesiæ victoriis. 18.
Tertio. Debet hoc sibi ad privatam volupta-

Index rerum.

- tem , & levamentum aliquod laboris sui. *ibid.*
Quartò, debet hoc muneri suo Theologus , ad
Theologi partes perfectè implendas. 19.
Abutuntur hæretici Ecclesiæ armis , & undè
Catholici fidei firmamenta ducunt , errores
illi suos confirmant. *ibid.*
Veros se germanosque sanctorum Patrum discipulos prædicant, uti solebat Joannes Hussius,
quare ab illis repetenda sunt magnorum viro-
rum spolia. 19.
Conventicula numerant pro veris legitimisque
Conciliis. *ibid.*
Omnia subruunt fundamenta fidei. Nec Pon-
tificis esse volunt cogere Concilium , nec
Conciliî , causas fidei definire. 20.
-

PROLEGOMENON TERTIUM.

Idea Theologia cum Historiâ sociata. 23.

- F**orma essentialis Theologiæ nostræ. 23.
Complectitur nova Theologia quæstiones
Juris & facti Theologicas. *ibid.*
Quid per quæstiones juris intelligatur. *ibid.*
Quid per quæstiones facti. 24.
A Quæstionibus juris initium fieri debet. *ibid.*
Quam ob causam. *ibid.*
Quæstiones facti subjicientur. 24.
Quem in finem. *ibid.*
Primum consilium authoris erat Quæstiones
juris quæstionibus facti interpolare. 25.
Jam ipsi authori non placet. *ibid.*
Cur non placeat. *ibid.*

Index rerum:

Placet magis instituere duas series quæstionum,
unam Juris, alteram Facti. 25.

Quos sequatur Theologia nostra Characteres.
ibid.

Primus Theologiæ Character sit soliditas. 26.

Soliditatem dabit: Exquisitus rerum tractanda-
rum delectus. Plenitudo. Determinatio quæ-
stionis in partem saniozem. Momentum &
pondus rationum. Accurata responsio ad ea
quæ obijciuntur: Totius doctrinæ cohæren-
tia. Reductio frequens totius doctrinæ ad
unum aliquid. *ibid.*

Secundus Theologiæ character, Subtilitas. 27.

Subtilis erit Theologia, si in arduis versabitur
cum opus fuerit. Si facile omnia subeat. Si
rectâ viâ superatis ambagibus veritatem se-
quatur. *ibid.*

Tertius Theologiæ Character esse debet, Profun-
ditas: 28.

Profunda est Theologia. Quæ profunda Dei
scrutatur. Quæ non hæret in superficie: Quæ
in omni materiâ fundum rei quærit, & feli-
citer invenit. *ibid.*

Aliud est profundum esse, aliud obscurum,
quamvis & obscuritas interdum famam ha-
beat profunditatis. *ibid.*

Quartus Theologiæ Character, est Perspicuitas
quæ ferè consistit in rectâ Methodo: *ibid.*

Recta Methodus quid requirat. 29:

Ad rectam Methodum maximè confert. In omni
re tractandâ naturalem ordinem sequi. In
rebus implexis exactè dividere. Ambiguita-
tem omnem sollicitè vitare. In Elocutione
terminis uti claris. Quæ subtilia sunt, sensibilia

Index rerum.

facere. In arduis gradus quosdam disponere.
In quæstione quâlibet ad unum ferè principium omnia revocare. Medium tenere brevitate inter & prolixitatem. *ibid.*

Quintus. Debet esse gravitas & Majestas.

Eo Caractere insignis erit. Si non vana sectetur. Si ad aliena non excurrat. Si ad humana & Philosophica non descendat. Si maturè procedat in judicio ferendo. Si rei cuiuslibet suum probabilitatis & certitudinis gradum tribuat. Si non nisi scripturæ, Conciliorum & Patrum verbis loquatur. *ibid.*

Sextus Theologiæ Character est, Amœnitas. 30.

Ad Amœnitatem confert: Ipsa dignitas rerum per se placentium. Ordinata varietas. Præclarè dicta & cogitata Patrum. Splendidæ rerum imagines. Elegans forma dicendi. Historiæ Ecclesiasticæ Societas. *ibid.*

Distributio Materiæ Theologicæ. 31.

In distributione Materiæ Theologicæ sequimur ferè ordinem naturæ & dignitatis. *ibid.*

Tripartita erit hæc Theologia pro triplici consideratione Dei. *ibid.*

Prima pars Deum in se, Secunda Deum in Christo, Tertia Deum in creaturâ contemplabitur. *ibid.*

Procedet tota in duplici serie quæstionum. *ibid.*

Prima series quæstionum, quæ series est quæstionum Juris, in Tomos duodecim distribuitur.

32.

Altera verò series, quæ series est quæstionum Facti in sex tomos. 34.

Accedet pro complemento scientiæ Religionis summa scripturæ Dialectico more tractata.

Index rerum.

duobus tomis comprehensa. 35.
In serie quæstionum Juris, nulla Facti quæstio,
& in serie Quæstionum Facti, nulla Juris
quæstio ex professo tractabitur. 36.

ORGANUM NOVÆ THEOLOGIÆ cum Historiâ Sociatæ.

Novem omninò Quæstiones complectitur Theo-
logiæ præambulas & fundamentales. 37.

Quæstio I. DE EXISTENTIA DEI,
Quam Theologia non propriè demonstrat, sed
contra Atheos demonstratam supponit. 39.

De existentiâ Dei disputari potest utiliter &
piè. *ibid.*

Quæstio de existentiâ Dei utilis est, & necessa-
ria propter Atheos. *ibid.*

In Theologis Christianis non supponit dubita-
tionem ullam propriè dictam, sed dubitatio-
nem dumtaxat practicam impropriè dictam;
nec tam quærent, an Deus sit, quàm quæ
sit via demonstrandæ illius existentiae. 40.

Tota quæstio reducitur ad duo capita. *ibid.*

Caput I. An existentia Dei sit saltem mediatè
evidens, & per discursum demonstrabilis. 40.

Termini quæstionis explicantur. *ibid.*

Quid nomine Dei intelligitur. Affertur Dei
notio popularis, in quâ omnes homines con-
veniunt. 41.

Quid sit objectum evidens. *ibid.*

Quid evidens mediatè, aut demonstrabile. *ibid.*

Evidentia actus, est adhæsiō firma ad objectum
ortā ex clarā perceptione objecti. *ibid.*

Index rerum.

Ad duas species reduci solet omnis demonstratio. *ibid.*

In eo sita est tota demonstrationis vis, quod vel ex positione medii inferatur evidenter existentia objecti cum medio connexi, vel ex suppositâ negatione objecti demonstrabilis ostendatur sequi aliquid impossibile, aut manifestè falsum. 42.

Quæstio deceditur. Decisio convenit communi sensui sapientum, tum gentilium, tum Christianorum. *ibid.*

In demonstratione Dei peccatur multipliciter, 43.

Primò enim peccatur nimia nec satis solidâ subtilitate aliquorum. *ibid.*

Secundò peccatur ab iis, qui veras solidasque demonstrationes libidine contradicendi rejiciunt. *ibid.*

Tertiò peccatur nimia quâdam causæ diffidentia. *ibid.*

Haberi potest demonstratio Dei multiplex; nam pro Deo pugnat triplex quasi mundus. 44.

Mundus intellectualis, seu Complexio certarum idearum, quas invicem comparando quisque intelligens, Deum statim inveniet. *ibid.*

Mundus Physicus, seu universitas rerum existentium, quam qui Philosophando intuetur, Deum protinùs intelligit. *ibid.*

Mundus denique moralis, seu Complexio principiorum moralium, quæ stare non possunt sine Deo. *ibid.*

Pro mundo illo triplici, triplex instituitur ordo demonstrationum Dei. *ibid.*

Articulus 1. Demonstrationes Dei ex mundo

Index rerum.

- intellectuali petita. 45.
Primus ordo demonstrationum petitur ex mundo intellectuali, sive ex aliquot ideis intellectualibus inter se comparatis. *ibid.*
Sufficit triplex idea. Idea Entis perfectissimi. Idea necessarii. Idea Contingentis. *ibid.*
§. I. Prima demonstratio existentiae Dei ex ideâ entis perfectissimi. *ibid.*
Ens perfectissimum est habens omnem perfectionem possibilem. 46.
Ens perfectissimum est illud, quo nihil melius esse potest. *ibid.*
Per ideam impossibilis destruitur idea perfectissimi. *ibid.*
Actualis existentia rei interdum rectè infertur ex ideâ mentali illius, interdum verò non rectè infertur. 47.
Tota demonstratio fundatur in duabus regulis. *ibid.*
Prima regula est. Quoties in ideâ unius clarè & necessariò includitur idea alterius, toties subjectum unius convenit subjecto alterius. *ibid.*
Altera est. Quoties ab ideâ unius, clarè & necessariò excluditur idea alterius, toties subjectum unius disconvenit subjecto alterius. *ibid.*
Ex ideâ entis contingentis non rectè infertur illius existentia. 48.
Ex ideâ creaturæ perfectissimæ non rectè infertur illius possibilitas. 49.
Idea Creaturæ perfectissimæ non includit simplicem possibilitatem existendi, sed possibili-
- K k iiii

Index rerum.

litatem aliquam cum repugnantia conjunctam. *ibid.*

Idea entis perfectissimi terminos pugnantes nullos habet. § 0.

Quæcumque apparet divinarum perfectionum repugnantia Dei causæ magis faver, quàm præjudicat. *ibid.*

§. I I. Altera demonstratio ex ideâ necessari. § 1.

In ideâ Dei importatur necessitas existendi. *ibid.*

Tam est evidens Deum existere, quàm sit evidens non existere chimæram. *ibid.*

Necessitas existendi magna quædam perfectio est. *ibid.*

Hæc propositio, Ens necessarium in existendò existit, evidens est etiam in sensu absoluto. § 2.

Possibilitas non est separabilis à necessitate existendi, sed in ipsâ necessitate existendi includitur. *ibid.*

Hæc quoque propositio in sensu absoluto evidens est, Deus est ens necessarium in existendo. § 3.

§. I I I. Tertia demonstratio ex ideâ Contingentis. § 3.

Ex negatione entis necessari clarè sequitur impossibilitas contingentium. § 4.

De ratione contingentis est, ut sit ab alio. § 5.

Necesse omninò est statuere fontem aliquem omnis contingentis. *ibid.*

Series infinita contingentium difficilis captu est, imò impossibilis. § 6.

Et si fortè possibilis est, necessariò causam habet extra se positam. § 7.

Index rerum.

Articulus 2. Demonstrationes existentiae Dei ex mundo Physico & naturali deductae.
59.

§. 1. Prima demonstratio ex generali contemplatione mundi.

Quod à seipso est, sibi sufficit ut tale sit. ^{59.} Quod autem sibi sufficit ut tale sit, semper & necessariò tale est. *ibid.*

Opus mirabilis artificii plenum, esse non potest nisi à causâ, & sapientissimâ ad delinendum, & potentissimâ ad exequendum. 60.

Deum clamat ordo & dispositio mundi pulcherrima. *ibid.*

Opus ordinatissimum, opus est Causae Intelligentis. *ibid.*

Deum prædicat perseverantia mundi, in suo, seu statu, seu motu regulari. 61.

Quod constanter & eodem tenore fit, fortuitò & casu non fit. *ibid.*

Ineptè dicitur mundus esse à se ipso. 62.

Aut à seipso incepisse. *ibid.*

Ineptè ab atomis fortuitò convenientibus. 63.

Ineptè à naturâ. *ibid.*

§. 2. Secunda demonstratio Existentiæ Dei ex contemplatione partium singularum. 64.

Intelligitur Deus ex mundo superiori. *ibid.*

Quæ nos circumstant elementa Deum esse convincunt. 65.

Quæ ex elementis fiunt mixta corpora. *ibid.*

Animalia omnia quantumvis muta Deum loquuntur. 66.

Præstantissima imago divinitatis homini est homo ipse. *ibid.*

Quo sensu & quibus oculis Deus in mundo vi-

Index rerum.

deatur.

ibid.

§. 3. Tertia demonstratio ex mundi phænomenis extraordinariis. 67.

Habet Deus testimonia quædam extraordinaria, quibus se identidem esse irrefragabilius contestatur, eaque sunt triplicis generis. 67.

1°. Exorcismi spiritum malignorum; sunt enim interdum in corporibus hominum spiritus aliqui humano majores. 67.

2°. Prædictiones futurorum, quas certò constat factas esse aliquando. 68.

Ad cognitionem futurorum contingentium juvari non potest intellectus humanus, nec memoriâ præteriti, nec experienciâ præsentis, nec evidentiâ veritatis. 68.

3°. Miracula, seu opera quædam extraordinaria, quæ manifestè arguunt causam aliquam intelligentem, naturæ dominam, & legibus naturæ minimè obnoxiam. 69.

Articulus 3. Demonstrationes existentiae Dei ex mundo morali depromptæ. 69.

§. 1. Prima demonstratio ex finibus bonorum & malorum. 79.

Debet esse aliquis vindex malorum & remunerator bonorum, nam evidens est deberi præmium virtuti, & pœnam peccato. 70.

Si Deus non est, multa erunt peccata impunita, seu defectu Authoritatis, seu defectu notitiæ, vel defectu subjecti puniendi. 71.

Multæ erunt virtutes non remuneratæ, seu invidiâ hominum præsentis ferè virtuti detrahentium, seu conditione ipsius virtutis latere amantis, seu præfestinatione mortis corronam virtuti præcipientis, 71.

Index rerum.

- Nec melior erit bonorum, quàm malorum conditio. 71.
- Ipsa sibi virtus præmium, aut sua sibi pœna peccatum esse, non nisi improprie dicitur. 72.
- Meritum proprie dictum à præmio distinguitur. 72.
- Nec virtuti sufficit voluptas virtutis, nec peccato amaritudo peccati. 72.
- §. 2. Secunda demonstratio ex generali instrumento bene vivendi, quæ est persuasio divinitatis. 73.
- Error persuasus non potest esse medium per se utile & necessarium ad bene vivendum. 73.
- Obligatio bene vivendi est solida quædam, & non imaginaria obligatio. 73.
- Neque notitia primariæ veritatis potest esse impedimentum ad bene vivendum. 74.
- Valet quidem interdum error ad homines in officio continendos, sed per accidens tantum, & non per se. 74.
- Solo amore honesti pauci admodum ducerentur sine Deo, vix etiam sine Deo stare ratio honesti. 75.
- In naturâ rationali liberâ & contingenti, debitum faciendi aliquid esse non potest, nisi à supremâ quâdam voluntate, quæ sit regula faciendorum. 75.
- §. 3. Tertia demonstratio ex unanimi consensione hominum in persuasionem divinitatis. 73.
- Persuasio illa apparet esse divina. 76.
- 1°. Ex Antiquitate persuasionis, cujus nullus invenitur author. 76.
- 2°. Ex qualitate sectatorum ejus, qui veritatis amatores sunt, & honestatis. 76.

Index rerum.

- 3°. Ex constantia & perpetuitate istius persuasionis, quæ nunquam fuit antiquata, nullamque passa est mutationem, nisi quod crevit in dies, & latius propagata est. 77.
- 4°. Ex facilitate & quasi familiaritate notitiæ Dei, quæ omni homini passim obvia est. 77.
- Caput 2.* An existentia Dei sit etiam immediate evidens, & per se nota. 78.
- Objectum immediate evidens quid sit. 78.
- Quid evidens ex penetratione terminorum. 78.
- Quid evidens ex modo apprehendendi. 78.
- Evidentia immediata alia absoluta & generalis est, alia respectiva & particularis. 79.
- Norum per se quid sit. 79.
- Notum per se aliud tale est in se, & non quoad nos, aliud in se, & quoad nos. 79.
- Distinctio hæc Sancti Thomæ, quamvis multis non placeat, retinenda tamen est. 80.
- Dubitari non potest, quin existentia Dei sit per se nota quantum est in se. 80.
- Dubitatur an sit per se nota quoad nos. 80.
- Quæstio deciditur. 81.
- Existentia Dei non est per se nota quoad omnes, seu non est immediate evidens evidentia absolutâ & generali. 81.
- Non est enim evidens omnibus immediate, neque ex modo quodam intuitivo aut experimentalis, neque ex penetratione terminorum. 81.
- Multi sunt qui audiendo terminos istos *Deus existit*, non continuo formant ideas satis claras, quas invicem comparando necessario conjungant. 81.
- Quo sensu dicantur omnes homines videre

Index rerum;

- Deum. 81.
- Notitia Dei ita communis est, ut nemo ferè illâ careat, & ita clara, ut æquivalet intuitivæ & experimentali. 82.
- Quo sensu per se nota sit omnibus hæc propositio: *Deus est justus*. 82.
- Assensus exhibitus propositioni conditionatæ, non præsupponit assensum exhibitum conditioni. 82.
- An & quomodo ignorari possit Deus invincibiliter. 83.
- Improbabile non est aliquem naturæ suæ stupidæ relictum posse ignorare Deum invincibiliter. 83.
- Deus sufficienter hominibus providit de sui cognitione, tum per naturalem discursum, tum per institutionem, tum etiam per revelationem divinam. 83.
- Existentia Dei est per se nota quoad aliquos, seu immediatè evidens evidentiâ particulari & respectivâ. 83.
- Extrema istius propositionis, *Deus existit*, interdum apprehenduntur satis clarè, ut statim appareat connexio extremorum. 84.
- In ideâ Dei interdum clarè apparet idea existentis. 84.
- Necessitas discursus tota ferè venit ex ideâ confusâ Antecedentis, quæ explicatione indiget. 84.
- Hanc immediatam divinæ existentiae evidentiam non negat Sanctus Thomas. 85.
- Quicumque concipiendi modus non sufficit ad assensum evidentem. 85.
- Cur non sit pariter omnibus immediatè evidens

Index rerum:

- existentia Dei. 86.
- Cur negetur à viris etiam doctis ista evidentia ,
aut non habeatur. 86.
- Contingit illud interdum, non defectu claritatis
idearum, sed defectu attentionis ad ideas. 86.
- Ignorari potest Deus ab homine saltem he-
bere. 87.
- Imo, & ab homine non habere negari. 87.
- Potest voluntas facere indirectè , ne intellectus
assentiatur objecto alicui evidenti. 87.
- Potest facere eadem voluntas , ut intellectus
objecto evidenti positivè dissentiat. 87.
- Evidentia existentie Dei nihil impedit divinam
ejusdem revelationem. 88.
- Eaque revelatio usum habet multiplicem. 88.
- Primus est , pro hominibus stupidis , qui more
cæcorum, si Deum præsentem non vident , lo-
quentem audiunt , & quasi de voce agnos-
cunt , quem de vultu non norunt. 88.
- Secundus usus spectat homines mediocris in-
genii , qui non ita penetrant vim demonstra-
tionum , ut non suboriatur interdum aliqua
suspicio latentis sophismatis. 89.
- Tertius usus spectat homines sapientes , quibus
& minuitur labor , & crescit meritum ex di-
vinâ revelatione. 89.
- Quartus respicit aliarum revelationum fidem. 89.
- Quintus est , commendatio bonitatis Dei , qui
seipse quasi propriâ voce indicare voluit. 89.
- Nihil vetat quominus existentia Dei credatur
fide divinâ. 90.
- Duplex distingui debet status , seu dispositio
intellectus circa Dei existentiam. 90.
- Primus est , status evidentie actualis , cum scili-

Index rerum.

cet intellectus Deum evidenter cognoscit ;
sive ex clarâ penetratione terminorum , sive
ex attentione actuali ad argumenta divinita-
tem demonstrantia. 90.

Secundus status est inevidentiæ actualis ; cum
scilicet intellectus non cognoscit evidenter
Deum esse , sive ex summâ naturæ hebetudi-
ne , sive ex defectu attentionis actualis
ad argumenta divinitatem demonstrantia ,
aut ad ideas mentales, in quibus apparet. 90.

Existentia Dei credi potest fide divinâ propriè
dictâ , saltèm quando intellectus est in statu
inevidentiæ actualis. 91.

Imò etiam cum intellectus est in statu evidentiæ
actualis. 91.

Ista concordia fidei divinæ cum evidentiâ non
repugnat Sancto Thomæ. 91.

Quæstio 2. DE UNITATE SEU SINGULARITATE DEI,

*Quæ ex solis natura principiis contra polytheos
decidenda est.* 94.

Unitas hîc accipitur pro unitate illâ, quâ res ita
est una & singularis , ut omnem multiplici-
tatem excludat. 94.

*Caput 1. Demonstratur unitas & singularitas
Dei contra polytheismum in genere.* 95.

Unitas & singularitas Dei demonstratur , 1°. Ex
ipsâ Dei notione populari , quæ pluralitatem
deorum evidenter excludit. 95.

Deus ex conceptu suo habet perfectionem om-
nem possibilem, qui conceptus destruitur per
pluralitatem deorum. 96.

Magna perfectio est non habere æqualem , plu-

Index rerum.

ralitas autem deorum æqualitatem inducit.
96.

De ratione perfectissimi est, ut ab ipso cetera
omnia pendeant, qui conceptus non stat in
hypothesi plurium deorum. 96.

Demonstratur 2°. unitas Dei ex unitate mundi.
97.

Si penderet mundus à pluribus diis, non staret
ordo iste rerum, sed brevi turbaretur. 97.

Si plures dii mundum regerent, omnes essent
liberi, possent ergo velle pugnancia. 98.

Videtur impossibile, voluntates perfectè li-
beras ad idem volendum semper necessi-
tari. 98.

Demonstratur 3°. Ex communi sensu hominum
de Deo uno. 98.

Individuorum multiplicitas, naturæ defectus est
magis quàm perfectio. 99.

Natura illimitata & perfectissima, est essentiali-
ter immultiplicabilis. 99.

Multiplicitas individuorum facit quidem ad
perfectiorem quandam naturæ extensivam,
non verò intensivam. 99.

In duobus naturæ divinæ individuis essentia di-
vinitatis stare non potest. 100.

Cur ratio Personæ divinæ multiplicabilis sit, non
ratio essentiæ. 101.

Caput 2. Demonstratur unitas & singularitas
Dei contra polytheismum in specie. 102.

Duplex distinguitur polytheismi species, alius
enim est polytheismus Gentilium, alius po-
lytheismus Hæreticorum. 102.

Articulus 1. Contra polytheismum Gentilium.
102.

Primum

Index rerum.

- Primum Argumentum Patrum est multiplex
absurditas polytheismi Gentilium. 102.
- Prima est. Quòd Deo tollit æternitatem, &
immortalitatem suam. 103.
- Secunda. Quòd Deo tollit independentiam
suam. 103.
- Tertia. Quòd Deo tollit necessitatem existendi.
103.
- Quarta. Quòd Deo tollit immutabilitatem, &
beatum illum statum omni malo inaccessum.
104.
- Quinta. Quòd Deo tollit sanctitatem. 104.
- Sexta. Quòd Deo tollit intelligendi vim. 104.
- Septima. Quòd Deo tollit omnipotentiam.
104.
- Octava. Quòd Deo tollit majestatem suam, de-
primendo divinitatem ad ipsas usquè ani-
mantes. 105.
- Alterum argumentum Patrum contra Polytheis-
mum Gentilium, est ipsa Gentilium conscien-
tia, Deos suos non modo elàm, sed etiam
palàm ridentium. 105.
- Deorum suorum Contemptum gentiles multi-
pliciter præferebant. 106.
- 1°. Quidem. Quòd Deos suos venderent. 106.
- 2°. Quòd Deos vectigales haberent. 106.
- 3°. Quòd de diis quæstum facerent. 106.
- 4°. Quòd Deos riderent in mimis suis. 106.
- 5°. Quòd producerentur ab histrionibus in
scenam. 106.
- 6°. Quòd deorum personæ agerentur à vilissi-
mis & impurissimis hominibus. 106.
- 7°. Quòd in deorum templis præsertim pecca-
rent. 107.

Index rerum.

- Tertium argumentum est fides & constantia
Martyrum Christianorum, qui polytheismum
sanguine magis, quam ratione expugnarunt.
Polytheismo gentilium nihil faver, seu univer-
salitas, seu Antiquitas, seu diuturnitas. 108.
Polytheismus triplex distingui debet, polytheif-
mus mentis, polytheismus linguæ, polytheif-
mus actionis. 108.
Polytheismus mentalis sapientum & ingenioso-
rum non fuit, sed multitudinis imperitæ.
108.
Communis tantum fuit polytheismus vocalis
aut realis. 109.
Sententia de unitate Dei polytheismo est longè
antiquior. 109.
Polytheismi origo vitiosa notatur eaque multi-
plex. 109.
Prima est quam notat Tertullianus, Licentia
seu pictoria, seu Poëtica. 109.
Secunda. Quam indicat Paulus, præsumptio Phi-
losophorum. 109.
Tertia. Cujus meminit Augustinus, Methodus
malè intellecta quorundam sapientum.
Quarta. Indicata à Cypriano fuit regum ambi-
tio. 110.
Quinta. Adulatio, & avaritia populorum re-
gum ambitioni turpiter servientium. 110.
Sexta. Nimius amor parentum in filios. 110.
Septima. Dæmonum fraus divinitatis umbram
multipliciter captantium. 110.
Polytheismi diuturnitas veritatis indicium non
est. 110.
Ad polytheismi diuturnitatem quatuor præci-
puè faciebant. Hominum mores corruptissi-

Index rerum.

mi. Politica Principum. Astutia diaboli populo malè credulo illudentis. Ira & justitia Dei homines tradentis in reprobum sensum.

III.

Articulus 2. Contra polytheismum Hæreticorum. 111.

Polythei imprimis fuere Valentiniani, Marcionitæ, & Manichæi. 111.

§. 1. De polytheismo Valentini. 111.

Explicatur & rejicitur polytheismus Valentini, qui ineptissima fabula est, aut series malè texta ineptissimarum fabularum. 112.

Rejicitur autem 1°. Ipsorum Valentinianorum silentio & dissimulatione, qui nihil magis curant, quàm occultare quod prædicant. 112.

2°. Ipsa profunditate, seu obscuritate fabulæ. 112.

3°. Solâ ac nudâ expositione fabulæ, quem refutandi modum sequitur Tertullianus fabulam ridere contentus. 113.

Quo sensu scriptura plurium deorum mentionem faciat. 113.

Divinitatis imago multiplex esse potest, at divinitas unica. 114.

§. 2. De polytheismo Marcionis. 114.

Explicatur & exploditur polytheismus Marcionis, qui insigniter peccat in multis. 114.

Nam 1°. Peccat in definiendo deorum numero. 115.

2°. Peccat in disparitate deorum suorum. 115.

3°. Peccat in constitutione Dei sui. 115.

4°. Peccat in constitutione Dei creatoris. 116.

5°. Peccat in consequentibus. 116.

Deus creator quomodo malus non est. 116.

Quomodo non sævus, sed justus. 117.

Index rerum.

- Quomodo & quorum malorum conditor. 118.
 Geminae arboris similitudo quæ in Evangelio
 proponitur ad homines pertinet, non ad Deos.
 118.
- §. 3. De polytheismo Manichæi. 119.
 Explicatur & rejicitur polytheismus Manichæi,
 qui nihilò melior est, imò longè fabulosior
 polytheismo Marcionis. 119.
- Peccat enim 1°. Quod rerum principia æterna
 duo constituat. 120.
 2°. Peccat in Constitutione principii boni.
 120.
 3°. In Constitutione summi mali. 120.
 4°. In multis consequentibus, præsertim in
 materiâ morum. 121.
 Malum non est aliqua substantia. 121.
 Multiplex mali conceptus affertur ex Augustino
 unde Hæresis Manichæi penitus destruitur.
 122.
- 1°. Malum esse dicit, quod est contra natu-
 ram. 122.
 2°. Malum definit id quod nocet. 122.
 3°. Malum juxta Augustinum est corruptio.
 123.
 4°. Malum, est inconvenientia. 123.
- Ad quæstionem, unde sit malum, clarè deci-
 dendam videtur opus esse ulteriori distinctio-
 ne. 124.
- Pro decisione primæ quæstionis, unde sit ma-
 lum physicum absolutum septem principiis
 opus est. 125.
- Primum. Est aliqua substantia summè bona.
 125.
- Alterum. Nulla substantia nisi divina summè

Index rerum.

- bona est. 125.
 Tertium. Nulla substantia esse potest summè mala physicè. 125.
 Quartum. Substantia creata physicè sumpra dici potest mala secundùm quid. 125.
 Quintum. Substantia creata in quantum physicè bona est, à Deo est. 125.
 Sextum. Substantia creata in quantum deficit à bono, propriè loquendo à Deo non est. 125.
 Septimum. Defectus ille perfectionis ulterioris, in quo solo posita est ratio mali physici absoluti, nullam causam habet propriè dictam. 125.
 Pro decisione secundæ quæstionis, undè sit malum physicum respectivum, opus est quinque omninò principiis. 126.
 Primum. Est aliqua substantia summè bona etiam bonitate respectivâ. 126.
 Secundum. Nulla est substantia summè mala etiam malitiâ respectivâ. 126.
 Tertium. Substantia creata, partim bona est respectivè, partim mala. 126.
 Quartum. Substantiæ creatæ bonitas respectiva à Deo est. 126.
 Quintum. Substantiæ creatæ malitia respectiva etiam à Deo est. 126.
 Ad decisionem tertiæ quæstionis, unde sit malum morale, tria requiruntur. 127.
 Primum. Est aliqua substantia summè bona bonitate morali. 127.
 Secundum. Nulla potest esse substantia summè mala moraliter. 127.
 Tertium. Malum igitur morale est à voluntate creatâ, non à Deo, 127.

Index rerum,

A principio summè bono potest esse aliquid mali physici respectivi, non autem absoluti, quia nullum tale est. 128.

Nec diabolus, nec ignis æternus diabolo paratus est aliquid physicè & absolutè malum. 128.

Nec mala erat arbor, quam Adamus appetendo peccavit. 129.

Multis Manichæorum quæstionibus breves responsiones subjicit Augustinus. 130.

Quæstio 3. DE SUMMA DEI LOQUENTIS AUTHORITATE,

In quâ contra Libertinos fides nostra fundatur.
131.

Quid si loqui. 131.

Ad Locutionem tria requiruntur. 1º. Debet loquens adhibere signa conceptûs interni manifestativa. 2º. Ea signa dirigere ad audientem cum ordinatione mentis suæ. 3º. Directio signorum & ordinatio mentis fieri debet certo quodam modo. 131.

Quid autoritas loquentis & in quo fundetur.
132.

Fundatur in duobus, in sapientiâ scilicet & veracitate loquentis. 132.

Summa Dei loquentis autoritas demonstratur.
133.

Si non est summa Dei loquentis autoritas, caret Deus titulo quo mereatur summam fidem. 133.

Summæ sunt in Deo perfectiones quæ fundant summam loquentis autoritatem. 133.

Autoritas Dei loquentis evidentior est ipsâ Dei existentia. 133.

Index rerum.

Expenditur quanta sit & cuius ponderis, 134.
Tanta est Dei loquentis autoritas, ut præponderet omni humanæ autoritati, cuicumque testimonio sensuum, & omni humanæ evidentiæ prævaleat. 134.

Qui summæ Dei loquentis autoritati detrahunt ad quatuor genera hominum revocantur.
1°. Fuerunt, qui ut mendacia sua consecrarent, Deum ipsum fecere mendacem, 2°. Sunt qui Deum representent cujusdam instar Apollinis ambigua reddentis oracula, qui homines decipiat per æquivocationem fallacem. 3°. Sunt qui Deum inducant ut præstigiatores per miracula spectatorum oculis illudentem. 4°. Non desunt qui per infusionem & operationem propriam erroris, Deum velint esse Spiritum deceptorem. 136.

Arculus 1. Demonstratur repugnare Deo omne mendacium, & quamcumque assertionem falsi. 136.

Quid sit mentiri seu immediatè, seu mediatè. 136.

Deus mentiri non potest immediatè & per se. 137.

Summa autoritas in attestando, & meritum summæ fidei magna quædam perfectio est. 137.

Summa fides dubitationem omnem excludit de falsitate dicti. 137.

Summa fides ea est, quâ firmior esse non potest. 137.

Motivum fundans summam fidem debet esse absolutè & necessariò connexum cum veritate. 138.

Index rerum.

- Libertas Dei non postulat ut possit mentiri. 138.
 Si mentiri posset Deus, non posset exigere à
 creaturâ summam fidem, titulo & merito
 summæ suæ autoritatis. 139.
 Et si mentiri non possit Deus, jurare tamen po-
 test. 140.
 Quò pertineat jusjurandum Dei. 141.
 Valet 1°. Ad inculcanda Dei dicta. 2°. Ad
 majorem Dei loquentis reverentiam inge-
 nerandam. 3°. Ad significandam immobili-
 tatem voluntatis Dei aliquid promittentis.
 141.
 Vindicatur Deus à calumniâ mendacii. 141.
 Deus mentiri non potest etiam mediatè & per
 alium. 142.
 Potest tamen præcipere homini ut mentiatur in
 circumstantiâ ignorantia invincibilis. 143.
 In quâ Hypothesi mendacium Deo imputaretur
 ut præcipienti, non tamen ut mentienti, quia
 aliud est mentiri, aliud præcipere mendacium.
 144.
 Potest Deus assumere actionem ministri malam
 tamquam suam, sed non potest assumere Lo-
 cutionem Ministri falsam. 144.
 Ratio discriminis inter utrumque undè petatur.
 145.
 Deus non potest falsum quocumque modo asse-
 rere. 145.
Articulus 2. Demonstratur repugnare Deo om-
 nem æquivocationem fallacem. 146.
 Æquivocatio quid sit. Alia vocalis est, alia men-
 talis. 146.
 Vocalis æquivocatio, vel determinabilis est, vel
 indeterminabilis. 146.

Index rerum

Mentalis verò , vel est sensibilis , vel insensibilis

146.

Repugnat Deo æquivocatio insensibilis & purè mentalis.

147.

Verba quæ in mente retinentur Locutionem illam non excusant à mendacio.

147.

Non tamen repugnat Deo æquivocatio sensibilis.

148.

In æquivocatione sensibili dubitari non potest de veritate dictorum Dei , si dicta Dei integrè accipiantur.

148.

Locutio sensibilibiter restricta, neque per se tendit ad decipiendos audientes, neque ordinatur à Deo in hunc finem,

149.

Repugnat Deo æquivocatio indeterminabilis, seu ita ambigua , ut ambiguitas tolli non possit.

151.

Quæ in scripturâ occurrunt ambiguae locutiones variis modis determinabiles sunt ad verum sensum.

151.

Nihil necesse est ut Locutio Dei ambigua , sit à quocumque determinabilis.

152.

Nihil necesse est ut statim & sine ullo labore determinabilis sit ab eo ad quem dirigitur.

152.

Nihil necesse est ut Locutio ambigua Dei determinabilis sit solo ingenio & labore ejus ad quem dirigitur.

153.

Nihil necesse est, ut actu determinetur ad verum sensum, sed satis est si determinari possit.

153.

Ambiguitas ista locutionis Dei longè diversa est ab illâ quam falsi Gentilium Dii affectabant.

154.

Index rerum.

- Bene stat ambiguitas ista cum summâ Dei veracitate.** 154.
Ordinatur enim non ad deceptionem audientium, sed ad fines alios Deo dignos. 155.
Primus finis est. Ne apud populum locutio divina suâ perspicuitate & facilitate vilescat. 155.
Secundus. Est exercitatio nostra, quia industriam excitat difficultas intelligendi. 155.
Tertius finis. Est dissimulatio Mysteriorum Dei, quæ interdum necessaria est. 155.
Quartus. Subordinatio fidelium. 156.
Articulus 3. Demonstratur repugnare Deo confirmationem falsi per miracula. 156.
Miraculum, seu opus miraculosum quid sit. 156.
Aliud est miraculosum quoad substantiam, aliud quoad modum. 156.
Miraculum intelligi potest ordinari à Deo dupliciter ad Confirmationem falsi. 1°. Ita ut Deus per miraculum intendat Confirmationem falsi. 2°. Ita ut sola creatura miraculo abutatur ad falsi confirmationem. 157.
Miraculi abusus alius sensibilis est, alius insensibilis. 157.
In statu saltè providentiæ præsentis Deus miraculum ordinare non potest ad Confirmationem falsi. 157.
Miraculum est quoddam veluti sigillum divinum, quo Deus dicti alicujus, seu sui, seu alieni, veritatem confirmat. 157.
Probari potest fidelibus ex scripturâ. 158.
Probari potest etiam extraneis ex communi sensu hominum. 158.
Probari potest ex ipso usu miraculi, Deus enim

Index rerum.

- miraculo passim utitur ut sigillo. 159.
 Miraculum non est verbum Dei, sed sigillum.
 Ratio discriminis inter utrumque. 160.
 Non potest tamen Deus facere miraculum in
 Confirmationem falsi salvâ suâ veracitate &
 sinceritate. 160.
 In statu providentiæ præsentis Deus non potest
 permittere abusum miraculi insensibilem ad
 Confirmationem falsi. 161.
 Potest tamen permittere abusum Sacramenti in
 malum finem. Ratio disparitatis. 161.
 Fraus ministri abutentis sigillo regio ad sigillan-
 dam scripturam falsam, non imputaretur
 regi, sed imputaretur Deo fraus ministri
 abutentis miraculo insensibiliter ad Confir-
 mandum falsum. 162.
 Non peccat Deus præbens creaturæ concursum
 ordinarium ad peccandum, quia non facit
 aliquid contra debitum suum. 163.
 At vero permittens scienter abusum insensibi-
 lem sigilli sui ad Confirmandum falsum, de-
 ciperet. 163.
 Non decipiet tamen Deus concurrens cum Pseu-
 do-Prophetis ad falsa miracula: quia falsum
 miraculum non est verum Dei sigillum. 163.
 Repugnat absolute & pro omni statu providen-
 tiæ possibilis ordinari à Deo miraculum, aut
 permitti abusum illius insensibilem ad Con-
 firmandum falsum. 165.
 Miraculum est sigillum Dei naturate. Nullibi
 extat institutio miraculi in sigillum. Apud
 omnes gentes miraculum agnoscitur pro si-
 gillo Dei. Miraculum opus est solius Dei
 proprium. 165.

Index rerum.

Neque tamen continuo evidenter verum erit
omne dictum vero miraculo confirmatum.
166.

Fieri potest ut veniat in dubium veritas miracu-
li ; dubitari etiam potest de ordinatione mi-
raculi ad doctrinam confirmandam. 166.

Ratio sigilli conveniens miraculo in eo est, quod
Deus per miraculum tanquam per notam sibi
peculiarem & propriam veritatem dicti teste-
tur. 167.

Nihilominus potest Deus permittere abusum
miraculi sensibilem, ad confirmationem falsi.
167.

Miraculum in hypothesi abusus sensibilis, non
esset testificatio Dei, Deus enim neque phy-
sicè, neque moraliter falsum attestaretur. 168.

Articulus 4. Demonstratur repugnare Deo in-
fusionem & operationem erroris. 169.

Error actualis quid sit. Quid directus & sim-
plex. Quid reflexus. *ibid.*

Quid error habitualis. Quid infusio Erroris.
ibid.

Duobus modis intelligi potest Deus producere
errorem in creaturâ. 1°. Ita ut creatura Deum
determinet vel physicè vel moraliter ad erro-
rem efficiendum. 2°. Ita ut ipsa à Deo deter-
minetur. *ibid.*

Duplex concipi potest infusio erroris. Prima est.
Si Deus errorem producat in creaturâ intel-
lectuali, concurrente quidem, sed non de-
terminante. Altera est. Si Deus errorem pro-
ducat cum creaturâ determinante moraliter
tantum & non physicè. 170.

Repugnat Deo infusio erroris reflexi supra or-

Index rerum.

- dinationem mentis suæ ad creaturam, idque nomine suo. *ibid.*
- Talis erroris infusio esset quædam locutio Dei falsa. 171.
- Error ille est quoddam signum naturale objecti sui. *ibid.*
- Illuminatus aliquis si fortè erret errore illo reflexo, error ille infusus à Deo esse non potest. 172.
- Repugnat Deo infusio erroris reflexi supra aliquam mentem Dei falsam. *ibid.*
- Quia error ille esset verum & naturale signum mentis divinæ falsæ, quod signum si Deus per se poneret, falleret. 173.
- Utrum autem infusio talis erroris esset propria Dei locutio, nec-ne, non multum interest, quia semper esset fallacia Deo indigna. *ibid.*
- Repugnat Deo infusio cujuscunque erroris quantumvis simplicis, quia Deus eâ infusione deciperet. 174.
- Si Deus potest infundere errorem destruitur fundamentum perfectæ societatis Dei cum creaturis intellectualibus. 175.
- Cur Deus dolorem infundere possit, errorem non possit. *ibid.*
- Error dedecet naturam rationalem, ut rationalis est. *ibid.*
- Error tendit per se ad depravandum affectum, ubi enim errat intellectus judicando, errat ferè voluntas amando. *ibid.*
- Quicumque ponit per se, & nomine suo signum determinatum rei falsæ, eo ipso decipit. 176.
- Contra hoc principium immobile multa proponuntur. *ibid.*

Index rerum.

- Sed facile solvuntur omnia per legitimam principii applicationem. 177.
Errandi necessitas à Deo non est. 178.
Repugnat Deo quæcumque propria operatio erroris actualis. Ratio petitur ex summâ Dei sinceritate. 180.
Scriptura passim removet à Deo operationem erroris. *ibid.*
Patres duriora quædam scripturæ loca de solâ permissione erroris interpretantur. *ibid.*
Deus causa erroris est non propria & per se, sed impropria & per accidens. 181.
Deus hominem dementare non potest propriè & per se, aut sine interventu alicujus causæ liberæ. *ibid.*
Si Deus fortè hominem dementet, id non facit tantquam causa universalis, sed mediante Spiritu malo, aliâve causâ liberâ determinante. *ibid.*
Deus velle non potest errorem creaturæ suæ voluntate primariâ & intendente, sed voluntate dumtaxat secundariâ & permittente. 182.
Voluntas Dei circa causas errorem necessariò trahentes, non tam intendens est, quàm permittens. *ibid.*
Deus ita vult errare creaturam suam, ut velit in iis tantum circumstantiis, in quibus aut errandum, aut peccandum est, quod non est propriè velle errorem creaturæ, sed magis velle, ne creatura peccet, quàm ne erret. *ibid.*
Quæcumque suppositio fiat, Deus in errore creaturæ suæ complacere non potest; quia talis complacentia non satis congruit summæ Dei sinceritati. 183.
Satis sincerus non est non modo ille qui alte-

Index rerum.

- rum decipit , sed etiam ille cui placet aliquo modo alterum decipi. *ibid.*
- Supposito peccato Deus propriè vult voluntate secundâ & Consequente , mortem & damnationem peccatoris. 183.
- Non dedecet Deum justum simul & bonum complacere in pœnâ peccatori debitâ , quia Deo etiam summè bono placere debet, ut puniatur, qui pœnam meretur. *ibid.*
- In suppositione Parochi falsum dogma proponentis Deus non est propria & specialis causa erroris, sed solius affectus credendi qui honestus & supernaturalis est. 184.
- Affectus ille credendi propter quem datur auxilium supernaturale , non errandi affectus est, sed affectus veri assequendi. *ibid.*
- Affectus credendi supernaturalis non est per se connexus cum errore , sed per accidens tantum , & ex circumstantiâ Parochi falsum dogma proponentis , quam circumstantiam Deus nolle esse, *ibid.*
- Affectus credendi duplex distinguendus est, universalis, & singularis. 185.
- Singularis , est voluntas credendi determinatè quaternitatem v. g. personarum. Universalis, est voluntas credendi quidquid sufficienter propositum fuerit , ut à Deo revelatum. *ibid.*
- Affectus singularis cum errore connexus est, sed non est supernaturalis. *ibid.*
- Universalis supernaturalis est , sed non est per se cum errore connexus : est enim indifferens secundum se ad imperandum actum verum, aut falsum. *ibid.*

Index rerum.

Neque trahit necessariò affectum singularem cum errore connexum; est enim indifferens, ut jungatur cum alio affectu singulari determinante ad veritatem. 186.

Quaestio 4. DE DIVINITATE DOCTRINÆ CHRISTI,

Per quem Deus plenè Locutus est, repetens quæ antè dixerat per Prophetas & nova superaddens. 186.

Circa divinitatem Doctrinæ Christi duo demonstrantur. Primum. Evidens credibilitas Doctrinæ Christi. Secundum. Evidens incredibilitas cujuscumque sectæ Christianismo oppositæ. 187.

Caput 1. Evidens credibilitas divinitatis Doctrinæ Christi. 187.

Doctrina Christi ea est, quam Christus ipse aut per se immediatè & proprio ore, aut per Apostolos suos tradidit. *ibid.*

Quo sensu Doctrina illa dicatur esse divina. 188.

In eo Capite examinatur. 1°. Credibilitas prudens divinitatis Doctrinæ Christi. 2°. Expenditur quanta sit ea credibilitas. *ibid.*

Articulus 1. Demonstratur prudens credibilitas divinitatis Doctrinæ Christi. 188.

Quid sit credibilitas Doctrinæ Christi. *ibid.*

Credibilitas à veritate distinguitur, quia aliud est veritas, aliud apparentia veritatis. *ibid.*

Rei veritas petitur ab ipsâ rei existentia. Credibilitas ab existentia motivorum. *ibid.*

Credibilitas alia prudens est, alia imprudens. *ibid.*

Prudens,

Index rerum.

Prudens , est talis ac tanta apparentia veri, ut fundare possit assensum prudentem. Impru- dens, est talis quædam apparentia veri, quæ non sufficiat ad assensum prudentem. 189.

Prudentis credibilitatis multi sunt gradus. *ibid.*

Interdum prudens credibilitas , neque excludit omne dubium prudens, neque credendi obligationem inducit, neque partis oppositæ prudentem tollit credibilitatem. Interdum præstat hæc tria. Aliquandò rem facit evidentem , & ad assensum necessitat: *ibid.*

Prudens credibilitas doctrinæ Christi in quatuor motivis fundatur: In qualitate doctrinæ Christi: In modo extraordinario quo introducta & propagata est. In irrefragabili auctoritate testium Doctrinæ Christi suffragantium. In exercitu, ut ita dicam, miraculorum pro Doctrinâ Christi militantium: *ibid.*

§. 1. Qualitas Doctrinæ Christi: 190.

Primum motivum est qualitas Doctrinæ Christi , quæ Deum authorem sapit , & omnes Doctrinæ divinæ characteres habet. *ibid.*

Nulla est Doctrinæ verior ; nulla sanctior: *ibid.*

Ea est veritas Doctrinæ Christi, ut Deo maxime digna sit, & solum Deum authorem sapiat. 191.

Habetur veritas Doctrinæ Christi ex multiplici capite: *ibid.*

1°. Ex stylo illius simplici , qui stylus fucum & mendacium nullatenus redoler. *ibid.*

2°. Ex conformitate illius cum rectâ ratione , in iis quæ rationem non superant. *ibid.*

3°. Ex mirabili concordia omnium capitum, & articulorum Doctrinæ Christi: *ibid.*

4°. Ex certis quas continet rerum futurarum

Mm

Index rerum.

prædictionibus.

ibid.

5°. Cum certum sit Doctrinam Christi habere multa vera, præsumendum est pro veritate cæterorum, donec convincatur habere aliquid falsi.

192.

Ex quâ veritate colligitur divinitas Doctrinæ Christi.

192.

Aut potius prudens credibilitas divinitatis : divinitas enim & prudens credibilitas divinitatis duo sunt valdè diversa.

ibid.

Colligitur autem evidenter ejusmodi credibilitas.

193.

Vérité adeò constans doctrinæ valdè diffusæ, & versantis in rebus difficilibus, & à cognitione hominum remotis, magnum est divinitatis argumentum.

ibid.

Nec quemquam morari debent, quæ in Doctrinâ Christi videntur incredibilia.

ibid.

Ratio ipsa naturalis docet esse aliqua profunda Dei, quæ ratio naturalis scrutari non potest.

194.

Ipsa naturæ lumine evidens est, debere esse multa in Deo in speciem repugnantia.

ibid.

Evidens est, humana & divina iisdem regulis non subjacere.

ibid.

Ea est sanctitas Doctrinæ Christi, ut Deo maxime digna sit, auctoremque sapiat summè sanctum.

194.

Sanctitas doctrinæ in duobus consistit. Inclinare ad bonum, & avertere à malo.

ibid.

Doctrina Christi moralis constat præceptis, consiliis, minis, promissionibus, exemplis.

ibid.

Præcepta affirmativa nihil jubent, quod bonum non sit.

ibid.

Index rerum.

Præcepta negativa prohibent omne quod malum est. 195.

Consilia doctrinæ Christi hominem ad virtutes heroicas & virtutum heroicarum perfectissimos actus promovent. *ibid.*

Minis quas adhibet ad homines à malo deterrendos; nihil terribilius. *ibid.*

Promissionibus ad virtutem allicientibus, nihil magnificentius. *ibid.*

Exemplis quæ proponit nihil efficacius. *ibid.*

Qui sequitur Doctrinam Christi eo ipso perfectissime implet omnia officia sua. 196.

Officia hominis; alia sunt ad Deum, alia ad proximum, alia ad seipsum. *ibid.*

Qui sequitur doctrinam Christi de Deo sentit dignè Deo: *ibid.*

Qui sequitur doctrinam Christi rectè se habet ad proximum. *ibid.*

Qui sequitur Doctrinam Christi rectè se habet ad seipsum. *ibid.*

Doctrina Christi ita sancta est, ut illam, & Deus docere debuerit, nec docere potuerit nisi Deus. 197.

Doctrina Christi olim diffamabatur, ut inimica sanctitatis. *ibid.*

Christiani putabantur esse Athei, quia non Polythei. *ibid.*

Traducebantur passim ut homicidæ & carnium Comestores, quod profiterentur vesci se carne & sanguine Christi. 197.

Hæreticorum sordibus verus Christianismus onerabatur. *ibid.*

Perduellionis accusabantur Christiani, quod jurare nollent per Genios imperatorum, & re-

Mm ij

Index rerum.

cusarent pro ipsorum salute Idolis sacrificare.
198

§. 2. Modus extraordinarius introductionis & propagationis Doctrinæ Christi. 198.

Secundum motivum credibilitatis Doctrinæ Christi, est modus introductionis & propagationis illius, introducta enim & propagata est modo planè divino. *ibid.*

Divinus ille modus in eo consistit, quòd doctrina captu difficilis, sensibus aspera, religioni longo jam usu inveteratæ contraria, per pauculos piscatores, nullis mediis humanis, intra breve tempus, non vulgo tantum, sed viris etiam doctis, ipsisque principibus persuasa fuerit; eaque tandem, & facundiæ oratorum, & sapientiæ Philosophorum, & potentia principum, & obstinationi populorum, & Tyrannorum persecutioni, & conjurationi omnium hominum prævalens, totum orbem momento ferè occupaverit. 199.

Super hunc modum extruuntur multa argumenta. *ibid.*

Primum Argumentum petitur ex difficultate doctrinæ Christi persuadendæ. *ibid.*

Persuasio humana & naturalis fit, vel evidentia rei, vel experientia sensuum, vel rationis discursu, vel inclinatione voluntatis. *ibid.*

Secundum. Ex pravâ dispositione subjecti eam doctrinam recipientis. 200.

Tertium. Ex instrumentis ineptis quæ adhibita sunt ad faciendam persuasionem Doctrinæ Christi. *ibid.*

Quartum. Ex defectu medii cujuscumque humani ad finem obtinendum idonei. 201.

Index rerum.

- Quintum. Ex mediis non modò non aptis ad finem, sed finì obtinendo contrariis, quibus tamen finis obtentus est. *ibid.*
- Sextum. Ex mirabili diffusione doctrinæ Christi, quæ non uni tantum Civitati aut Provinciæ, sed universo orbi probata est. 202.
- Septimum. Ex subitâ conversione mundi ad Doctrinam Christi, quæ subita rerum conversio divinitatis operantis argumentum est. *ibid.*
- Rerum humanarum fallentia ferè sunt & insensibilia incrementa. 203.
- Octavum. Ex resistantiâ factâ Doctrinæ Christi, totus enim orbis infremuit. 203.
- Nonum. Ex firmitudine persuasionis Doctrinæ Christi, quæ nec internis hæreticorum bellis, nec externis Gentilium persecutionibus everti potuit. *ibid.*
- Decimum. Ex propriâ cujusque confessione & Conscientiâ. 204.
- Incrementa Christianismi non sunt humana & naturalia. *ibid.*
- Progressus nascentis Christianismi tribui non potest, nec gratiæ novitatis, nec hebetudini temporum, nec stupori populorum, nec favori principum, nec studiis partium. 205.
- §. 3. Autoritas irrefragabilis testium Doctrinæ Christi suffragantium. 206.
- Ea doctrina prudenter creditur esse divina, quæ divinitatis suæ testes habet, numero & qualitate irrefragabiles. *ibid.*
- Ad irrefragabile testimonium tria præsertim faciunt, scientia, probitas, & constantia testium, quia testis probatus debet esse extrâ suspicio-

Index rerum.

- nem ignorantia, malitia, & levitatis. 206.
Doctrina Christi divinitatis suae testes habet, &
scientia claros, & sanctitate insignes, &
constantia mirabiles. *ibid.*
Ordo testium Doctrinae Christi suffragantium
triplex est. Ad primum pertinent Ecclesiae Pa-
tres & Doctores, Ad secundum viri eximii
& sancti. Ad Tertium Martyres. *ibid.*
Maximi ponderis est Patrum & Doctorum Ec-
clesiae autoritas. 207.
Fuerunt enim illi 1°. Ad miraculum usque in-
geniosi. 2°. Studio & intelligentia rerum
divinarum insignes. 3°. Numero multi, om-
nium fere aetatum & Nationum, & aliqui de
Gentilismo venientes. *ibid.*
In materia divinitatis prudenter creditur homi-
nibus rerum divinarum studio, & intelligen-
tia claris. *ibid.*
Maximi momenti est suffragium virorum san-
ctorum, qui fuerunt omnes studio religionis,
praedictione rerum futurarum, operatione
miraculorum, & virtutum Heroicarum exer-
citatione conspicui. 208.
Credibile non est Deum permisisse, ut tot ejus-
modi hominibus in materia summe gravi
illuderetur. *ibid.*
Incredibile est vitam ipsorum adeo mirabilem
& divinam errorem habuisse pro funda-
mento. *ibid.*
Maximi ponderis est suffragium purpurato-
rum testium, hoc est, martyrum Christi. 208.
1°. Numerus fuit innumerabilis. 2°. Condicio
omnis generis. 3°. Modus patiendi extraor-
dinarius. 4°. Miraculosa poenarum fecundi-

Index rerum.

- tas. 5°. Constantia miraculis plerumque coronata. 209.
Persuasio illa tot hominibus tam altè infigi non potuit sine magnis quibusdam & universalibus motivis, vel humanis, vel divinis. *ibid.*
Constantia illa communis infirmæ etiam ætati, non est aliquid naturam sapiens. 209.
Naturale non est, ut pœna sit illecebra criminis, neque multiplicentur scelera, cum scelerati puniuntur. *ibid.*
Deus credendus non est honestare miraculis pertinaciam in tuendo errore. 210.
Quamvis inveniantur interdum falsi testes, non desinit tamen esse prudenter credibile, quod in judicio per duos treve testes asseritur. *ibid.*
Magnum est discrimen inter Martyres erroris, & Martyres Christianos. 210.
5. 4. Confirmatio Doctrinæ Christi per miracula. 210.
Doctrina illa prudenter creditur esse divina, ad cujus divinitatem confirmandam facta sunt innumera miracula, adeò ut de illorum veritate nemo rationabiliter dubitare possit. 211.
Christus innumera fecit miracula in Confirmationem Doctrinæ suæ, ut testantur Apostoli & Evangelistæ. *ibid.*
Apostolis & Evangelistis miracula Christi narrantibus omnino credendum est, ut oculatis testibus, aut oculatorum testimonium Discipulis. 212.
Si falsa fuissent ea quæ ab iis narrantur miracula facile potuissent convinci falsitatis. *ibid.*

Index rerum.

Sed ità notoria erant, ut ea ne inimici quidem negarent. *ibid.*

Apostoli ipsi miracula fecerunt in confirmationem Doctrinæ Christi, & quidem interdum majora, quàm ipse Christus. 213.

Credibile omninò est facta fuisse ab Apostolis ea miracula, quæ ipsimet narrant se fecisse, *ibid.*

Sancti Patres primorum temporum reliquerunt posteris Historiam insignium miraculorum. *ibid.*

Sanctis illis Patribus prudentissimè creditur. 214.

In probatissimis Martyrum actis crebra fit mentio miraculorum, quibus solebat Deus pugilum suorum certamina honestare. *ibid.*

Ejusmodi actis fides habenda est. *ibid.*

Infideles magno sæpè numero ad fidem veniebant, non alià, quam miraculorum illecebrà.

214.

Omnes ferè sancti Doctrinæ Christi professores per omnes ætates dispersi, miraculis insignes fuerunt. *ibid.*

Nemo sine stultitià, aut irrationabili pertinacià dubitare potest, quin in tanto numero miraculorum, quæ facta dicuntur in confirmationem Doctrinæ Christi, sit yerum aliquod miraculum. 215.

Quod falsa interdum miracula narrentur, veris miraculis fidem non detrahit. *ibid.*

In fide miraculorum extrema vitanda sunt, nec oportet esse nimis credulum, nec difficilem nimis. *ibid.*

Cur Gentiles historici Christianorum miracula

Index rerum.

- non retulerint. 216.
Silentium istud affectatum nihil detrahit fidei,
& authoritati miraculorum. *ibid.*
Multa quidem habentur pro miraculosis, quæ
naturalia sunt, sed multa sunt quæ nemo
prudens negaverit esse supernaturalia. *ibid.*
Doctrina Christi confirmata est ejusmodi signis,
quæ omnium prudentum judicio naturam su-
perent. 217.
Miracula facta in favorem Doctrinæ Christi,
non nisi stultè virtuti dæmonis, aut præsti-
giis tribuuntur. *ibid.*
Nam 1°. Multa ejusmodi superant potestatem
dæmonis. 2°. Multa fiunt in dæmonis contu-
meliam. 3°. Modus faciendi ea miracula nul-
latenus sapit authorem diabolum. 4°. Finis
istorum miraculorum esse non potest finis à
diabolo intentus. 5°. Fiebant ea miracula in
iis circumstantiis, in quibus prudentes omnes
putabant fieri à Deo in confirmationem Do-
ctrinæ Christi. *ibid.*
Cur non hodiè tot fiant miracula, quot olim
fiebant, duplex causa est. 218.
Prima. Quia minor est adulto jam Christianismo
miraculorum necessitas. *ibid.*
Altera. Quia jam elanguit fides nostra, nec ità
vivida est ut primorum Christianorum fides.
219.
Articulus 2. Expenditur prudens credibilitas
Doctrinæ Christi quanta sit. 219.
Summa est credibilitas Doctrinæ Christi infra
evidentiam absolutam & necessitantem. *ibid.*
Quibus gradibus eò ascendat. *ibid.*
1. Gradus. Ex omnibus motivis credibilitatis

Index rerum.

- simul sumptis, Doctrina Christi fit credibilis
assensu aliquo prudenti. 220.
- Secundus. Ex omnibus credibilitatis motivis
simul sumptis, Doctrina Christi fit prudenter
credibilis, assensu aliquo excludente omne
dubium prudens. *ibid.*
- Tertius. Ex omnibus credibilitatis motivis si-
mul sumptis, Doctrina Christi ita fit credibi-
lis, ut inducatur obligatio eam credendi. *ibid.*
- Quartus. Ex omnibus motivis credibilitatis si-
mul sumptis, Doctrina Christi fit credibilis
assensu aliquo honesto. 221.
- Quintus. Ex omnibus motivis credibilitatis simul
sumptis, doctrina Christi fit credibilis assensu
firmo & irrevocabili. *ibid.*
- Sextus. Ex omnibus credibilitatis motivis si-
mul sumptis, Doctrina Christi ita est pruden-
ter credibilis, ut tollat prudentem credibili-
tatem partis oppositæ. 222.
- Septimus. Ex omnibus credibilitatis motivis si-
mul sumptis, habetur saltem moralis eviden-
tia directa credibilitatis Doctrinæ Christi.
ibid.
- Octavus. Ex omnibus credibilitatis motivis si-
mul sumptis haberi potest Metaphysica evi-
dencia reflexa credibilitatis Doctrinæ Christi.
ibid.
- Nonus. Ex omnibus credibilitatis motivis simul
sumptis, Doctrina Christi ita fit credibilis, ut
divinitas illius evidens sit evidentiâ quâdam
morali. 223.
- Decimus. Ex omnibus motivis credibilitatis si-
mul sumptis, ita fit credibilis Doctrina Christi,
ut interdum evidens fiat evidentiâ respectivâ

Index rerum,

- & necessitante. *ibid.*
Deus summè bonus permittere non potest, ut
genus hominum veritatem sincerè quæren-
tium, in materiâ tanti momenti errent errore
inevitabili. 224.
Deus summè sincerus non potest permittere er-
rorem in iis circumstantiis, in quibus omnes
homines prudenter credunt Deum fuisse ope-
ratum extraordinariè, illa enim erroris insen-
sibilis-permissio, deceptio esset. *ibid.*
Credibilitas Doctrinæ Christi tanta non est, ut
Evidentiam faciat absolutam & simpliciter
necessitantem ad assensum. *ibid.*
Si qua interdum & aliquo modo necessitans est,
ea respectiva & particularis est. 225.
Error vestiri non potest omnibus credibilitatis
motivis, quibus Doctrina Christi vestitur.
225.
Error sub talibus ac tantis motivis apparens in
Deum refunderetur. *ibid.*
Doctrina aliqua ex eo quod possit absolute esse
falsa, non desinit esse credibilis. 226.
Prudentia credendi non postulat necessario ve-
ritatem objecti quod creditur. *ibid.*
Judicium illud quo quis judicat fieri posse ab-
solutè, ut Doctrina Christi divina non sit,
non est dubitatio de divinitate Doctrinæ
Christi. 226.
Veritas Doctrinæ Christi non eundem habet
gradum claritatis & evidentix, quem credi-
bilitas. *ibid.*
Aliud est evidentia credibilitatis, aliud eviden-
tia veritatis. *ibid.*
Argumenta quæ sufficiunt ad faciendam credi-

Index rerum.

bililitatis evidentiam, non continuo sufficiunt
ad faciendam evidentiam veritatis. 227.

Ex nullis omnino. motivis, ne ex miraculis quidem, habetur evidentia absoluta & necessitans
Doctrinæ Christi. *ibid.*

Motiva credibilitatis sunt in triplici genere,
ibid.

Per motiva credibilitatis duo probantur. Primum
est, prudens credibilitas, Alterum est divinitas
Doctrinæ Christi. 228.

Qui penetrat motiva credibilitatis, necessitatur
ad judicandum ea esse de genere eorum, quæ
quamvis absolute fallere possint, numquam
tamen, aut raro fallunt. *ibid.*

Stat cum evidentiâ respectivâ & necessitante
Libertas & meritum fidei nostræ. *ibid.*

Quibus est evidentia respectiva & necessitans ad
assentiendum Doctrinæ Christi in genere, non
continuo est evidentia necessitans ad assentiendum
Doctrinæ Christi in particulari. 229.

Evidentia etiam respectiva non habetur ex singulis
motivis seorsim sumptis, sed ex omnibus
collectis & bene penetratis, *ibid.*

Positâ etiam necessitate assensûs, potest esse aliquod
meritum assentientis. 229.

Magnum fidei meritum non est in eo quod credatur
Deus loqui, sed in eo quod propter
authoritatem Dei loquentis, credat homo,
aut certè paratus sit credere quæcumque
difficilia. *ibid.*

Caput 2. Demonstratur incredibilitas cujuscunque
sectæ Christianismo oppositæ. 230.

Sectæ incredibilitas duplex est, negativa &
positiva. *ibid.*

Index rerum.

Secta incredibilis negativè, ea est quæ deficit
motivis sufficientibus ad fundandum assen-
sum prudentem. *ibid.*

Secta incredibilis positivè, ea est quæ ex mori-
vis, quæ contra pugnant, talem ac tantam
habet apparentiam falsi, ut non assensum,
sed dissensum prudentem fundare possit. 230.

Utraque incredibilitas seu positiva, seu negativa
à sectæ falsitate distinguitur. *ibid.*

Fieri potest, ut vera aliqua secta deficiat moti-
vis sufficientibus ad fundandum assensum
prudentem. *ibid.*

Secta omnis Christianismo opposita, est pruden-
ter incredibilis. 231.

Si secta opposita esset prudenter credibilis, du-
bitari posset prudenter de Christianismo. 231.

Si secta aliqua opposita Christianismo credi
posset prudenter, jam nulla esset obligatio
credendi Christianismum. *ibid.*

Quæcumque secta Christianismo opposita defi-
cit motivis sufficientibus ad assensum pru-
dentem, & habet motiva contra pugnantia,
quæ tantam faciant apparentiam falsi, ut ei
quilibet prudens dissentiri possit, ac debeat.
232.

Demonstratur incredibilitas Deismi. *ibid.*

Deismus secta hominum est, qui in materiâ re-
ligionis solo lumine naturali standum esse
volunt. *ibid.*

Evidens est Deum potuisse multa revelare de
seipso, & summam fidem mereri, si revela-
verit. *ibid.*

Evidens est Deum potuisse determinare modum
cultus sibi à creaturâ exhibendi. 233.

Index rerum.

Evidens est Deum potuisse uni alicui religioni ita alligare salutem , ut extra illam non sit salus. *ibid.*

Evidens est posse fieri , ut Deus non permiserit luminari naturali cujusque hominis determinationem religionis. *ibid.*

Deistarum secta Levibus omnino aut nullis nititur motivis. 234.

Demonstratur incredibilitas Judaismi quâ parte Christianismo oppositus est. 234.

Tria sunt , in quibus secta Judæorum opponitur Christianismo. *ibid.*

Incredibile est Messiam non venisse. *ibid.*

Credibile omnino est Jesum-Christum esse verum Messiam. 235.

Credibile est abrogatas fuisse à Christo Legis Mosaicæ Cæremonias. *ibid.*

Religio Judæorum fuit olim vera religio , sed longè alia ab illâ quæ nunc est. 235.

Quo sensu Testamentum vetus , & Sacerdotium Aaronis æternum dicatur. 236.

Demonstratur incredibilitas Mahumetismi. *ibid.*

Primarius & fundamentalis istius sectæ articulus omnino incredibilis est. *ibid.*

Verus Propheta habere debuit illustre aliquod testimonium missionis suæ. *ibid.*

Verus propheta missus ad sanctæ Religionis institutionem non debuit esse homo nequam , & sceleratus. 237.

Alcoranus quem Mahumetani habent pro Libro divino , nullam Libri divini speciem habet. 238.

Lex Mahumetana imperfecta valdè & mala est , malè præstituens finem , & de mediis pejùs

Index rerum.

præscribens.

ibid.

Mahumetismus deficit omnibus motivis credendi ad assensum prudentem idoneis. 239.

Credibilem Mahumetismum non facit dilatio illius, aut temporalis felicitas. 240.

Dilatio Mahumetismi facta est artibus merè, humanis. *ibid.*

Questio 5. DE ECCLESIA CHRISTI

Quæ Christi Doctrina fidelissima custos est.

Tria in ea quæstione demonstrantur. 1°. Esse aliquam Ecclesiam Christi veram & visibilem. 2°. Ecclesiam illam esse solam Ecclesiam Romanam. 3°. Ecclesiam Romanam esse fidelissimam custodem Doctrinæ Christi. 240.

Caput 1. Demonstratur esse aliquam veram Ecclesiam Christi visibilem. 241.

Est aliqua Christi Ecclesia. *ibid.*

Ecclesiæ nomine intelligitur Congregatio aliqua hominum Christo auctore & fundatore gloriantium. *ibid.*

Est aliqua congregatio hominum profitentium se sequi scripturam & Traditionem divinam.

241.

Est aliqua congregatio eandem tenens doctrinam & formam vivendi, quam tenebat Ecclesia Apostolicorum temporum. *ibid.*

Si non esset vera aliqua Ecclesia Christi, jam Ecclesia à Christo instituta defecisset. 242.

Ecclesia Christi ita visibilis est, ut certè discerni possit ab omni aliâ congregatione, quæ non est vera Ecclesia Christi. 243.

Habetur visibilitas Ecclesiæ ex scripturâ. *ibid.*

Tenentur omnes sequi veram Christi Ecclesiam. *ibid.*

Index rerum:

Evidens est Deum potuisse uni alicui religioni
ita alligare salutem , ut extra illam non sit
salus. *ibid.*

Evidens est posse fieri , ut Deus non permise-
rit luminari naturali cujusque hominis deter-
minationem religionis. *ibid.*

Deistarum secta Levibus omninò aut nullis ni-
titur motivis. 234.

Demonstratur incredibilitas Judaismi quâ parte
Christianismo oppositus est. 234.

Tria sunt , in quibus secta Judæorum opponitur
Christianismo. *ibid.*

Incredibile est Messiam non venisse. *ibid.*

Credibile omninò est Jesum-Christum esse ve-
rum Messiam. 235.

Credibile est abrogatas fuisse à Christo Legis
Mosaicæ Cæremonias. *ibid.*

Religio Judæorum fuit olim vera religio , sed
longè alia ab illâ quæ nunc est. 235.

Quo sensu Testamentum vetus , & Sacerdotium
Aaronis æternum dicatur. 236.

Demonstratur incredibilitas Mahumetismi. *ibid.*

Primarius & fundamentalis istius sectæ articu-
lus omninò incredibilis est. *ibid.*

Verus Propheta habere debuit illustre aliquod
testimonium missionis suæ. *ibid.*

Verus propheta missus ad sanctæ Religionis
institutionem non debuit esse homo nequam,
& sceleratus. 237.

Alcoranus quem Mahumetani habent pro Libro
divino , nullam Libri divini speciem habet.
238.

Lex Mahumetana imperfecta valdè & mala est,
malè præstituens finem , & de mediis pejùs

Index rerum.

- præscribens. *ibid.*
Mahumetismus deficit omnibus motivis creden-
di ad assensum prudentem idoneis. 239.
Credibilem Mahumetismum non facit dilatio
illius, aut temporalis felicitas. 240.
Dilatio Mahumetismi facta est artibus merè,
humanis. *ibid.*

Quæstio 5. DE ECCLESIA CHRISTI

Qua Christi Doctrina fidelissima custos est.

Tria in ea quæstione demonstrantur. 1°. Esse
aliquam Ecclesiam Christi veram & visibi-
lem. 2°. Ecclesiam illam esse solam. Eccle-
siam Romanam. 3°. Ecclesiam Romanam esse
fidelissimam custodem Doctrinæ Christi. 240.

Caput 1. Demonstratur esse aliquam veram Ec-
clesiam Christi visibilem. 241.

Est aliqua Christi Ecclesia. *ibid.*

Ecclesiæ nomine intelligitur Congregatio ali-
qua hominum Christo auctore & fundatore
gloriantium. *ibid.*

Est aliqua congregatio hominum profitentium
se sequi scripturam & Traditionem divinam.

241.

Est aliqua congregatio eandem tenens doctri-
nam & formam vivendi, quam tenebat Ecclesia
Apostolicorum temporum. *ibid.*

Si non esset vera aliqua Ecclesia Christi, jam
Ecclesia à Christo instituta defecisset. 242.

Ecclesia Christi ita visibilis est, ut certò discer-
ni possit ab omni aliâ congregatione, quæ
non est vera Ecclesia Christi. 243.

Habetur visibilitas Ecclesiæ ex scripturâ. *ibid.*

Tenentur omnes sequi veram Christi Ecclesiam,
ibid.

Index rerum.

Tenentur omnes in dubiis consulere Ecclesiam!
ibid.

Tenentur omnes audire veram Ecclesiam, ejus-
que præceptis obedire. 244.

Tenentur omnes communionem habere cum
membris veræ Ecclesiæ. *ibid.*

Notio veræ Ecclesiæ Christi formam visibilem
importat. 244.

Forma illa visibilis, est professio veræ fidei, com-
munio visibilium Sacramentorum, & obedien-
tia visibiliter exhibita Petro, ejusque succes-
soribus. *ibid.*

Malè definitur Ecclesia à Joannè Vvicleffo, &
Joanne Hus; Congregatio prædestinatorum.
245.

Malè restringitur à Pelagianis ad solos justos &
perfectos. *ibid.*

Malè dicitur à Calvino esse Congregatio verè
credentium. *ibid.*

Sensibilia sunt Ecclesiæ membra, & distingui
possunt. 246.

Intra Ecclesiam sunt multi reprobi, multi im-
perfecti, magni interdum peccatores, infi-
deles occulti, & falsi fratres. 246.

Sensibiles sunt & manifesti, qui de Ecclesiâ non
sunt. *ibid.*

Extra Ecclesiam sunt, infideles non baptizati.
Hæretici & apostatæ; Schismatici. Cathecu-
meni. Excommunicati. 247.

Synagoga non tam defecit, quàm in meliorem
formam transiit; institutio Ecclesiæ Christi,
non tam destructio est, quàm perfectio Sy-
nagogæ. *ibid.*

Etsi defecit Synagoga, Ecclesia tamen Christi
non

Index rerum.

- non deficit, quia Ecclesiæ promissa est perpetuitas, non Synagoga. 248.
- Ecclesia non deficit vacante sede Petri, remanet enim etiam tunc sufficiens obedientia Petro exhibita. *ibid.*
- Non deficit item in Schismate cujuscumque generis illud sit. 249.
- Multis modis contingere potest Schisma. *ibid.*
- 1°. Si à vero & indubitato Pontifice aliqui recedant, nullum alium sequentes. 249.
- 2°. Si ex duobus Pontificibus qui circumferuntur, unus est notoriè verus, alter notoriè falsus. *ibid.*
- 3°. Si uterque Pontifex ità dubius est, ut pro neutro sint rationes satis graves, quæ prudenter suadere possint ipsum esse verum Pontificem. *ibid.*
- 4°. Si pro jure utriusque Pontificis sunt rationes graves quæ movere possint ad alterutrum pro arbitrio sequendum. 249.
- Schisma Ecclesiæ vulnus est, non interitus Ecclesiæ. 250.
- Non probatur ex scripturâ Ecclesiæ invisibilitas. 250.
- Fortè credi potest, id quod videtur. 251.
- Multa sunt in Ecclesiâ quæ non videntur, ut vera fides, directio Spiritus Sancti, ordinatio in vitam æternam, &c. *ibid.*
- Cum formâ invisibili stare potest totum visibile, quia forma quæ in se est invisibilis, fieri potest per signa externa visibilis. *ibid.*
- Sed forma Ecclesiæ visibilis est aliquâ saltèm sui parte. *ibid.*
- Est enim forma illa, non tam fides interior,

Index rerum.

- quàm externa professio Fidei. 252.
- Caput 2.* Demonstratur solam Ecclesiam Romanam esse veram Ecclesiam Christi. 253.
- Ecclesia Romana tripliciter accipi potest. 1°. Pro Ecclesiâ particulari. 2°. Pro Ecclesiâ Occidentis. 3°. Pro Ecclesiâ uniuersali. 253.
- Romanus Episcopus triplicem personam gerit. Episcopi, Patriarchæ, & totius Ecclesiæ Pastoris. *ibid.*
- Ecclesia Romana est vera Ecclesia Christi. 253.
- Ecclesia Romana est Ecclesia supra Petrum ædificata. *ibid.*
- Habetur id ex duobus satis notoriis. Unum est Petrum Romæ sedisse. Alterum, Romanum Episcopum Petro succedere in regimine Ecclesiæ. 254.
- Ecclesia Romana est beatus ille grex, cujus pascendi cura commissâ est Petro. *ibid.*
- Ecclesia Romana habet omnes notas Ecclesiæ Christi. 255.
- Septem omninò numerari possunt Ecclesiæ Christi notæ, veluti septem veræ Ecclesiæ visibilia Sacramenta. *ibid.*
- Prima veræ Ecclesiæ nota, est Unitas. 255.
- Ecclesia Romana est propriè una, idque triplici titulo. *ibid.*
- 1°. Quatenus omnia illius membra in uno capite uniuntur. *ibid.*
- 2°. Quatenus profitetur unam eandemque fidem. *ibid.*
- 3°. Quatenus separata est & diuisa ab omnibus aliis sectis. 256.
- Secunda nota, est Sanctitas. *ibid.*
- Ecclesia Romana sancta est, idque tripliciter. *ibid.*

Index rerum.

1^o. Quia professio Ecclesiæ Romanæ sancta est, in Doctrinâ fidei nihil falsi habens, in Doctrinâ morum nihil mali. 256.

2^o. Quia primi Ecclesiæ Romanæ Patres fuere viri Sancti & irreprehensibiles. *ibid.*

3^o. Quia tendit Ecclesia Romana, ut animas convertat, & sanctificet.

Tertia nota est Universalitas. 257.

Sola Ecclesia Romana est, quæ nomen habet Ecclesiæ Catholicæ, seu universalis, & sola est quæ tale nomen meretur, duplici de causâ: *ibid.*

Prima est. Quia sola per totum terrarum orbem diffusa est. *ibid.*

Alterâ est. Quia sola Ecclesia Romana veram Christi fidem amplectitur, cum totâ suâ amplitudine. 258.

Quarta nota est, origo Apostolica: *ibid.*
Ecclesia Romana Apostolica est; idque duplici sensu. *ibid.*

1^o. Quatenus habet successionem Episcoporum ab Apostolis ad nos usquè deductam. *ibid.*

2^o. Quia Ecclesia Romana constanter servat Doctrinam, quam Apostoli tradiderunt, antiquitatem, & consanguinitatem cum Ecclesiâ Antiquâ. *ibid.*

Quinta nota est, duratio perpetua. 258.

Ecclesia Romana numquam deficit, sed ab ipso Christo ad nos usquè firma permanfit. *ibid.*

Sexta nota est operatio divina. 259.

In Ecclesiâ Romanâ perseverat virtus miraculorum, ita illi propria, ut aliis sectis non conveniat. *ibid.*

Perseverat Spiritus Prophetiæ magnum argu-

Index rerum.

- mentum divinitatis. *ibid.*
- Perseverat potestas ejiciendi dæmonia. *ibid.*
- Septima nota est, principalis Autoritas. 260.
- Ecclesia Romana est radix & origo omnium
aliarum Ecclesiarum, quæ Christianum nomen
habent. *ibid.*
- Nulla est Ecclesia Christi nomen habens, ex
quâ exierit Ecclesia Romana. *ibid.*
- Omnes aliæ Ecclesiæ quæ Christi nomen habent,
ex Ecclesiâ Romanâ exierunt. 260.
- Ecclesiam Romanam omnes veri fideles pro
matre agnoscunt. *ibid.*
- Sola Ecclesia Romana est vera Ecclesia Christi.
ibid.
- Sed Ecclesia Romana complectitur omnes Ec-
clesias particulares, quæ Petro adhærent. 261.
- Cur Ecclesiâ Christi non dicatur pariter esse
Ecclesia Antiochena. 261.
- Cur non item Constantinopolitana. 262.
- Cur non Avenionensis. *ibid.*
- Probabilissimum est traditionem esse ab ipso
Christo immediatè venientem, ut Christi
Vicarius Romæ sedeat. 263.
- Quòcumque transferri dicatur sedes Petri, ma-
net semper veram Christi Ecclesiam, esse
illam quæ adhæret Petro & successori ejus
Christi Vicario. *ibid.*
- Caput 3. Demonstratur Ecclesiam Romanam esse
veram custodem Doctrinæ Christi. 264.
- Ecclesia Romana est vera custos Doctrinæ
Christi, quia Christus non alteri credidit
Doctrinam suam, quam Ecclesiæ suæ. *ibid.*
- In clavibus Ecclesiæ datis, est clavis ad custo-
diam Doctrinæ. *ibid.*

Index rerum.

Ad Ecclesiam Romanam undiquè & constanter
recurritur pro habendâ verâ Doctrinâ Christi.

264.

Constans ille & generalis recursus indicat tra-
ditionem aliquam, quæ fert in Ecclesiâ Ro-
manâ veram Christi Doctrinam custodiri.
ibid.

Ecclesia Romana quæstiones de Doctrinâ Christi
supremo & infallibili judicio finit. 265.

Est obligatio in singulis fidelibus amplectendi
Doctrinam ab Ecclesiâ Romanâ propositam.
ibid.

Ad Ecclesiam Romanam propriè pertinet dam-
nare omnem Doctrinam, Doctrinæ Christi
oppositam. 265.

Doctrinam Christi perire non patitur culpâ suâ.
266.

Præcipua & Capitalia dogmata, etiam imperi-
tæ plebi fideliter in Ecclesiâ Romanâ propo-
nuntur. *ibid.*

Minores Articuli, veluti minutiora panis Evan-
gelici fragmenta in Pastorum Cophinis col-
lecta servantur. *ibid.*

Ne unus quidem Articulus Doctrinæ Christi
convinci potest itâ periisse totaliter, ut nulla
illius memoria supersit in Ecclesiâ Romanâ.
266.

Si quis Articulus Doctrinæ Christi periit, nec
periit culpâ Ecclesiæ, nec deest Ecclesiæ, seu
diligentia in quærendo, seu felicitas in in-
veniendi. *ibid.*

Traditio circa numerum & Autoritatem Libro-
rorum divinorum veteris testamenti nun-
quam periit totaliter. 267.

N n iij

Index rerum.

Et si perit , restitui potuit , seu viâ alicujus Prophetæ , seu viâ examinis , seu viâ inspirationis. *ibid.*

Doctrinam Christi non adulterat Ecclesia Romana dogmatum additione. *ibid.*

Ista novorum dogmatum propositio , non est adulteratio Doctrinæ Christi , sed propagatio illius. 268.

Quæ dicuntur nova dogmata , non sunt nova quoad substantiam , sed nova dumtaxat quoad propositionem. *ibid.*

Cur ejusmodi dogmata tamdiu latuerint causa triplex esse potest. 268.

Prima. Quia nihil necesse erat ea proponi.

Secunda. Quia Ecclesiæ olim gravioribus curis occupatæ non vacabat omnia explicare.

Tertia. Quia ei nova in dies præsidia accedunt ad detegendam veritatem. *ibid.*

Ecclesia Romana interdum de Doctrinâ Christi litigare fideles sapienter permittit. *ibid.*

Interdum interrogata non respondet , seu quia tempus non habet opportunum respondendi , seu quia nondum res ad eum certitudinis gradum venit , in quo prudenter Ecclesia pronunciare possit. 269.

Quæstio 6. DE SCRIPTURA ET TRADITIONE DIVINA ,

In quibus continetur Doctrina Christi.

Doctrinam Christi custodit Ecclesia in Thesaurio scripturæ & Traditionis. 269.

Caput 1. De Scripturâ divinâ.

De scripturâ divinâ quatuor proponuntur. Primum. An sit aliqua scriptura verè divina.

Index rerum.

Secundum. Quænam illa sit. Tertium. Quis sit scripturæ textus Authenticus. Quartum. Quis sit sensus verè divinus & à Deo intentus. 269.

Articulus 1. Demonstratur esse aliquam scripturam verè divinam. 270.

Scriptura propriè divina est scriptum aliquod à Deo ut loquente inspiratum. *ibid.*

Quadruplici titulo dici potest scriptura aliqua esse divina. 1°. Si Deus ipse propriâ quasi manu scripturam fecerit. 2°. Si Deus non scripserit ipse propriâ manu, sed alienâ manu usus, alteri scribenti dictaverit. 3°. Si neque ipse scripserit, neque alteri scribenti dictaverit, sed scripturam jam factam quasi relegens, autoritate suâ confirmarit. 4°. Si ipsa Dei loquentis verba scripturâ contineat quamvis fortè Deus ipse speciatim non jusserit verba sua scriptis mandari. 270.

Est aliqua scriptura verè divina. 271.

Demonstratur quinque Argumentis contra Libertinos. *ibid.*

Primum petitur ex Dei hominumque providentiâ. *ibid.*

Credibile omninò est Deum fuisse hominibus locutum, & incredibile est, homines in dictis Dei excipiendis ita negligentes fuisse, ut de iis nihil omninò scripserint. *ibid.*

Secundum Argumentum petitur ex communi hominum sensu. 271.

Tam credibile est, esse aliquam scripturam divinam, quàm credibile sit, esse aliquos Platonis aut Aristotelis Libros. 272.

Tertium petitur ex divinatione, quæ divinitatibus
N n iiij

Index rerum.

tis character est.

ibid.

Scriptura aliqua certam habet prædictionem rerum contingenter futurarum.

ibid.

Est aliqua scriptura, quæ totum orbem sibi crediturum esse prædixit, & cui reipsâ credidit totus orbis.

273.

Quantum petitur ex sigillo Dei alicui scripturæ appposito.

273.

Scriptura aliqua præfert sigillum Dei, quod est verum miraculum.

ibid.

Quintum Argumentum petitur ex ipsius scripturæ testimonio.

ibid.

Scripturæ testimonio creditur propter Auctoritatem ab ipsius testimonio independentem.

274.

Scriptura quamvis per hominem scripta sit, nihilominus divina est.

275.

Ut scriptura divina sit, nihil opus est ut Deus immediatè & propriâ manu scripturam fecerit.

ibid.

Deus litteras scribere voluit, non necessitate scribendi, sed quia ipsi ita visum est.

ibid.

Hujus divini Consilii ratio triplex occurrit.

275.

Prima est. Quia si Deus immediatè unicuique hominum loqueretur longè majus esset periculum erroris. Secunda. Quia Majestatis est communicare se paucis immediatè. Tertia. Quia Deum decebat providere ne exciderent dicta sua.

ibid.

Secretarios Deus adhibuit, non necessitate, sed voluntate.

276.

Hujus voluntatis divinæ triplex invenitur causa.

Prima est, ut certis quibusdam hominibus eo

Index rerum.

- munere gratificaretur. Secunda. Ut ipse rex regum aliis se regibus conformaret. Tertia. Ut nobiscum humaniùs ageret, & cum hominibus per omnes loqueretur. *ibid.*
- Fortè sanctissimorum virorum meritis datum est, ut in secretarios Dei assumerentur. *ibid.*
- Articulus 2.** Determinatur scriptura verè divina. 276.
- Scriptura triplex distinguitur. *ibid.*
- Prima est. Scriptura incognita quæ cum fortè divinam originem habeat, omninò nescitur habere. *ibid.*
- Scriptura ejusmodi auctoritatem non habet, donec ejus divina origo reveletur. 277.
- Secunda. Scriptura Apocrypha, quæ habet aliqua argumenta divinæ originis, sed ea dubia, & incerta. *ibid.*
- Tertia. Scriptura Canonica, quæ certò divina est. *ibid.*
- Canonica appellatur duplicem ob causam. 1°. Quia debet esse regula & norma fidei. 2°. Quia in Canone Ecclesiæ veram scripturam determinante continetur. 277.
- Determinatur scriptura Canonica. *ibid.*
- Eaque demonstratur esse Prophetica & Apostolica, prout definitur in indice Concilii Tridentini. 279.
- Quadruplici viâ haberi potest scriptura aliqua esse verè divina. *ibid.*
- Prima est. Consensus eorum qui Dei manum benè norunt. *ibid.*
- In cognoscendâ manu & scripturâ Dei, plùs credendum est viris sanctis, quàm libertinis, aliisque hominibus Deo extraneis. 280.

Index rerum.

- Altera via est, stylus Dei, seu modus scribendi planè divinus. *ibid.*
- Scriptura Prophetica & Apostolica ubique stilo suo se prodit esse divinam. *ibid.*
- Stylus Deo maximè dignus quinque præsertim dotibus constat, veritate, sanctitate, profunditate, concordii rerum varietate, & prælagâ futuri divinitate. 281.
- Veritate insignis est, siye narret præterita, siye prædicat futura. *ibid.*
- Sanctitatem spirat in præceptis, in consiliis, in promissionibus, in minis, &c. *ibid.*
- Altam profunditatem habet, siye quatenùs aperit alta Mysteria, siye quatenùs fovet altos reconditosque sensus. *ibid.*
- Concordii rerum varietate mirabilis est, siye spectetur totus scripturæ finis, qui Christus est, siye scriptorum, qui diversis locis, temporibus & linguis sacros Libros scripserunt, concordia tantâ, ut non tam scriptores diversi, quàm unius scriptoris diversi calami fuisse videantur. 281.
- Famosa est certâ prædictione rerum futurarum, innumera enim prædixit, quæ, uti prædicta sunt, evenere, 282.
- Tertia via est divini sigilli autoritas, quæ scripturæ non deest. *ibid.*
- Prophetis & Apostolis solemne fuit probare miraculis legationem suam. *ibid.*
- Scripturæ Propheticæ & Apostolicæ dogmata, prout necessitas tulit, singula miraculis confirmata sunt uti divina. *ibid.*
- Constat servatam fuisse scripturam insignibus miraculis. 283.

Index rerum.

Quarta via est testimonii divini, quo Deus ipse
scripturam agnovit pro suâ. 283.

Scriptura Apostolica suffragatur scripturæ Pro-
pheticæ, citando illam, & passim laudando
uti divinam. *ibid.*

Scriptura Prophetica suffragatur Apostolicæ
promittendo illam, ut verum testamentum
Dei. *ibid.*

Christus ipse ore suo divino laudavit scripturam
veteris testamenti, & Apostolis designavit
omnes Libros divinos. 283.

Libros qui post discessum Christi, scripti sunt,
potuit Deus testari suos esse multis modis.
ibid.

1°. Potuit Apostolo cuiquam dicere, ut partes
ageret scribæ, & Dei dicta exciperet. *ibid.*

2°. Potuit Deus recognoscens Epistolas Pauli
v. g. confirmare illas, & testificari verum esse
quidquid in iis continetur. 284.

3°. Potuit Christus dicere Apostolis, Libros om-
nes illos divinos esse, quos Ecclesia definiret
esse divinos. *ibid.*

Vindicatur divinitas scripturæ Propheticæ. 285.

Cur aliqua illius pars ab hæreticis fuerit repro-
bata. 286.

Defenditur pariter à calumniis hæreticorum di-
vinitas scripturæ Apostolicæ. 288.

Explicatur quomodo Libri aliquot Canonici
jam sint, qui antea Canonici non erant. 289.

Duplex est Librorum Canonicorum genus. Alii
sunt Proto-Canonici. Alii Deutero-Canonici.
290.

Libri Deutero-Canonici, divini quidem erant
in se, sed quoad nos certò divini non erant. *ibid.*

Index rerum.

Liber qui in se divinus non est , potest fieri divinus. *ibid.*

Ex Libris Deutero-Canonicis nullus est, qui primis etiam temporibus magnam apud Ecclesiæ Patres auctoritatem non habuerit. 290.

Progressu temporis Auctoritatem obtinere majorem. 291.

Ex definitione Ecclesiæ summam accipere , Ecclesiâ divinitatem non conferente quidem, sed manifestante. *ibid.*

Impudens Kemnitii Calumnia. *ibid.*

Duplex est via indagandi Libros Canonicos.

Una Apostoli aut Prophetæ cujuspiam testimonium : Altera, inquisitionis & examinis. *ibid.*

In discrimine Librorum faciendo tria præsertim attendit Ecclesia. 1°. Testimonia veterum. 2°. Libri de quo dubitatur cum alio minimè dubio similitudinem. 3°. Sensus & quasi gustum populi Christiani. 291.

Quam Auctoritatem habeant Libri Apocryphi. *ibid.*

Non repugnat, quominus Liber , qui nunc Apocryphus est , fiat aliquandò Canonicus , & certò divinus. 292.

Ex eo quod Liber Apocryphus sit , non sequitur falsa esse quæcumque in eo habentur. Imò fieri potest, ut nihil habeat falsi. *ibid.*

Nihil repugnat quominus Liber Apocryphus habeat aliquid certò revelatum à Deo. *ibid.*

Libro Apocrypho inest autoritas sua , eaque major vel minor , quò plura vel pauciora habet divinæ originis argumenta. 293.

Regula Augustini de Autoritate Librorum. *ibid.*

Index rerum.

Styli diversitas in scripturâ undè petatur. *ibid.*
Stylus divinus consistit præsertim in perpetuo
tenore veritatis & sanctitatis. 294.

Articulus 3. Definitur scripturæ divinæ textus
Authenticus. 294.

Scripturam Autographam non habemus, sed
Apographum. *ibid.*

Ejusdemque versiones innumeras. *ibid.*

Versiones omnes ad quatuor Capita revocari
possunt. 295.

Ad Hebraicam, quæ continet præsertim vetus
testamentum. *ibid.*

Ad Græcam, quarum omnium præcipua est editio
septuaginta. *ibid.*

Ad Latinam, quæ latinè scilicet scripta est. 296.

Ad vulgarem, seu Vernaculam, quæcumque ni-
mirum scripta est linguâ aliquâ vulgari. *ibid.*

Scripturæ textus Authenticus dicitur ille, qui
scripturæ Autographæ certò conformis est.
296.

Ad Authenticitatem duo requiruntur. Primum
est. Tanta conformitas textus cum scripturâ
Autographâ, ut nullum exprimat sensum, qui
non sit expressus in scripturâ Autographâ.
Secundum. Certitudo talis conformitatis.
ibid.

Textus Hebraicus qualis nunc habetur, non est
Authenticus. 297.

Editio Hebraica Mosis & Prophetarum num-
quam tota periit. *ibid.*

Quo sensu Esdras dicatur à Patribus scripturam
reparasse. 298.

Editio Hebraica non fuit omninò à Judæis cor-
rupta. *ibid.*

Index rerum:

- Corrupta non fuit neque ante , neque post adventum Christi. *ibid.*
- Editio Hebraica non est fons ita purus , ut nulli turbidus fluat. 299.
- Textus Hebraicus ita fuit olim Authenticus , ut hodiè Authenticus non sit. *ibid.*
- Nullus Textus Græcus , qualem nunc habemus est Authenticus , tum defectu conformitatis cum scripturâ autographâ , tum defectu certitudinis talis conformitatis. 300.
- Editio septuaginta olim quidem fuit , sed non est jam Authentica. 301.
- Historiæ editionis septuaginta , multa se fabulosa immiscuerunt. *ibid.*
- Temporibus Apostolorum Authentica erat. 302.
- Ecclesia Græca nullam habet editionem scripturæ Authenticam , quæ græcè scripta sit. *ibid.*
- Si textus græcus cum latino nostro congruit , haberi potest pro divino ; si non congruit emendari potest ex nostro. 303.
- Nulla editionum vulgarium , seu vulgari linguâ scriptarum Authentica est. *ibid.*
- Ne versio quidem Montensis , quia , nec styli elegantia , nec factiosorum ardor , nec foeminarum favor scripturam Authenticam facit. *ibid.*
- Textus Latinæ editionis , quæ Vulgata dicitur Authenticus est. 304.
- Ecclesiæ Latinæ non defuit per spatium mille annorum scriptura Authentica. 305.
- Scriptura non est purior hodiè in fontibus quàm in rivis , quia fontes corrupti sunt , & rivus aliquis fuit purus , & incorruptus. 305.
- Ecclesia Latina in quâ est sedes Petri longè fuit

Index rerum.

- diligentior in scripturæ puritate servandâ ;
quàm fuerint aliæ Ecclesiæ. *ibid.*
- Concilium Tridentinum ita Vulgatam habere
voluit pro Authenticâ , ut de cæteris non
damnarit , nisi novellas & suspectas versio-
nes. *ibid.*
- Licet & juvat interdum ad fontes recurrere.
306.
- 1°. Ad Energiam & proprietatem vocabulorum
meliùs intelligendam. 2°. Ad tollendam am-
biguitatem. 3°. Ad corrigendum Librario-
rum aliquem errorem. *ibid.*
- Defenditur Vulgata à calumniis hæreticorum,
Calvini præsertim, & Kemnitii. *ibid.*
- Nulli sunt in Vulgatâ errores , nisi fortè Libra-
riorum, iique satis emendari faciles. 307.
- Vulgata ita est Authentica , ut non sit omnium
editionum possibilium perfectissima. *ibid.*
- Ad rationem scripturæ Authenticæ satis est , si
cum scripturâ Autographâ conformis sit, suæ-
que illius conformitatis infallibile testimo-
nium habeat. *ibid.*
- Certitudinem suæ conformitatis cum scripturâ
Autographâ Vulgata ducit, non à suo inter-
prete, sed ab Ecclesiâ ipsam approbante. 308.
- Fieri potest ut alia quædam versio erigatur in
Authenticam, approbante illam , & erigente
Ecclesiâ post sufficiens examen. *ibid.*
- Concilium Tridentinum Vulgatam ita reperit
Authenticam, ut novo judicio Authenticam
fecerit. 309.
- Ad judicium illud ferendum necesse non fuit
comparari Vulgatam cum scripturâ Autogra-
phâ, satis erat Apographum fidele. *ibid.*

Index rerum.

- Scriptura quæ fidei Apographo conformis est,
eadem conformis est Autographo. *ibid.*
- Emendatio vulgatæ à Concilio præcepta nihil
nocet illius authenticitati. 310.
- Errores quoscumque habet aut habuit, impres-
sionis errores sunt, non interpretationis. *ibid.*
- Ex Antecedentibus & consequentibus facile de-
regi potest vitium impressionis. *ibid.*
- Nullus est textus vulgatæ qui sensum exprimat
falsum, aut non certò divinum. 311.
- Ad materiam fidei pertinere potest quidquid in
scripturâ divinâ continetur. *ibid.*
- Articulus 4.* Quomodo intelligendus sit scriptu-
ræ sensus. 312.
- Scripturæ sensus est illa mens, ad cuius mani-
festationem verba scripturæ Deus assumit, or-
dinatque. *ibid.*
- Distingui potest multiplex scripturæ sensus. *ibid.*
- Sensus Litteralis dicitur, qui primus est, saltèm
negativè, ita ut priorem non habeat, cui
subordinetur. 312.
- Mysticus est, quicumque subordinatur alteri, &
per alterum judicatur. *ibid.*
- Omnis scripturæ textus habet aliquem sensum
Litteralem, imò unus idemque textus habere
potest sensum Litteralem multiplicem. 313.
- Sensus Litteralis interdum accipitur pro Gram-
maticali, & ita acceptus non est semper certò
divinus, imò interdum falsus est. 314.
- Non rejicitur à Paulo sensus Litteralis, sed ne-
gatur in eo præcisè sistendum esse. *ibid.*
- Textus scripturæ interdum habet sensum Mysti-
cum; eumque interdum multiplicem, quia
unus idemque scripturæ textus habere potest
multos

Index rerum:

- multos sensus alteri subordinatos , & omnes
à Deo intentos. 315.
- Sensus Mysticus interdum à Deo intentus est ,
nec solum ab interpretè accommodato. *ibid.*
- Sensus accommodati interpretum, aut Conciona-
rum non sunt semper divini. 316.
- Parum solidè concionantur ii , qui ad moralia
fidei dogmata stabilienda, scripturam in con-
ceptus quosdam arbitrarios , seu ingeniose ,
seu , ut plerumquè fit , putidè detorquent ;
vano fortè plausu , sed fructu nullo. *ibid.*
- Sensus quos Apostoli & Evangelistæ scripturæ
accommodarunt plerique certò divini sunt ;
& à Deo intenti. 317.
- Interdum contra Judæos argumentantur Apostoli
ex aliquo sensu mystico , interdum signif-
cant , vetera fuisse figuras novorum. *ibid.*
- Quomodo juxta Sanctum Thomam ex solo Lit-
terali sensu ducatur argumentum efficax. *ibid.*
- Probatio resolvi debet in sensum Litteralem.
317.
- Non omnis scripturæ sensus obscurus est. *ibid.*
- Non omnis item clarus. 318.
- Malè Lutherani & Calvinistæ scripturam volun-
t esse ubiquè facillimam , suique interpretem
multò clariorem omnibus Patrum Commen-
tariis. 318.
- Scriptura ipsa , se aliquâ parte obscuram esse
testatur. *ibid.*
- Patres scripturam in multis difficillimam esse
prædicant. *ibid.*
- Pii doctique homines in sensu scripturæ inve-
niendo valdè laborant. *ibid.*
- Hæretici ipsi de scripturæ sensu perpetuò liti-

Index rerum.

- gant. *ibid.*
 Verba scripturæ in proprio sensu accipienda
 sunt, quando non constat locutionem esse
 figuratam. 319.
 Si Deus verba alio sensu usurparet, quàm pro-
 prio, non significando talem abusum, au-
 dientes falleret. *ibid.*
 Scriptionis obscuritas imperfectio est hominis
 scribentis, sed non Dei. *ibid.*
 Obscuritas scriptionis in homine ferè provenit
 ex defectu aliquo, vel intelligentiæ, vel di-
 ligentiæ. *ibid.*
 In exquirendo scripturæ sensu magnâ cautione
 versari oportet. 320.
 Regulæ aliquot pro exquirendo vero scripturæ
 sensu. *ibid.*
 Prima. Cæleste lumen implorandum. Secunda.
 Purgandus animus ab omni affectu partium
 & præjudicio. Tertia. Habenda notitia Lin-
 guarum. Quarta. Conferendus codex cum
 codice. Quinta. Scripturæ Lóca invicem
 comparanda. Sexta. Consulendi Patres. Septi-
 ma. Audienda Ecclesia. 320.
Caput 2. De Traditione divinâ.
 Traditio divina propriè accepta, est verbum
 Dei non scriptum, sed commendatum me-
 moriæ hominum, ac velut per manus tradi-
 tum. 321.
Articulus 1. Statuitur existentia divinarum Tra-
ditionum. 321.
 Sunt aliquæ traditiones verè divinæ. *ibid.*
 Habetur 1°. Ex ipsâ scripturâ. *ibid.*
 2°. Ex Conciliis Generalibus. 322.
 3°. Ex Patribus. *ibid.*

Index rerum.

- 4°. Ex sensu totius Ecclesiæ. 323.
Traditioni scriptura non adversatur. *ibid.*
Scriptura vetat tantum se alterari & corrumpi
per additionem aut deductionem quamlibet,
quâ fiat, ut jam non retineat eundem sensum.
324.
Singuli scripturæ Libri utiles sunt, singuli tamen
non sufficiunt. *ibid.*
Scriptura si accipiatur cum omnibus quæ conti-
net tam virtualiter & implicite, quam forma-
liter & explicitè, sufficiens est. *ibid.*
Scriptura ita sumpta continet traditiones divi-
nas. *ibid.*
In scripturâ damnantur non Traditiones quæ
verè divinæ sunt, sed Traditiones humanæ
verbo Dei contrariæ. 325.
Traditioni non adversantur Patres. *ibid.*
Pro Traditionibus divinis indubitata Patrum
sententia est, quare sicubi videntur dicere ali-
quid repugnans, benignè interpretandi sunt.
ibid.
Cum Patres docent omnia in scripturis conti-
neri, intelligendi ferè sunt de continentia
quâdam virtuali, & implicitâ. 326.
Cum Patres docent nullam fieri fidem sine scri-
pturâ, sensus est, in rebus ad fidem pertinen-
tibus, non privato aut humano sensu agen-
dum esse, sed divino, qui ferè habetur in
scripturâ. *ibid.*
Cum Patres quidquam vetant addi scripturæ,
intelligendi sunt de eâ additione, per quam
scriptura corrumpatur. 326.
Cum Patres scripturam dicunt esse regulam fidei
nostræ, vel non dicunt esse regulam solam, vel si

Index rerum:

- solam esse dicunt, restringendi sunt ad quæstiones nonnullas per scripturam solam determinabiles. *ibid.*
- Cum Patres iudicium suspendi volunt in iis quæstionibus in quibus scriptura dubia est, cohibere dumtaxat putandi sunt humani ingenii præsumptionem. *ibid.*
- Comparatio Traditionis cum scripturâ. 327.
- Traditio scripturâ Antiquior est. *ibid.*
- Traditio auctoritatem tribuit scripturæ, divinitatem ejus notificando. *ibid.*
- Traditio dat lucem scripturæ, & verum illius sensum aperit. *ibid.*
- Traditio est interpretatio quædam divina, & divinus scripturæ Commentarius. 328.
- Pertinet ad providentiam Dei, ut traditio in ipsius Ecclesiâ pura & incorrupta servetur. *ibid.*
- Ad conservationem Traditionis multùm juvant, scripta veterum, continuus Ecclesiæ usus, monumenta quædam externa, & quæ subindè exoriuntur Hæreses. *ibid.*
- Tres sunt species Traditionum. 329.
- Aliæ sunt immediatè Divinæ, quæ ab ore Christi immediatè veniunt. *ibid.*
- Aliæ Apostolicæ, quæ non à Christo immediatè, sed ab Apostolis Dei nomine loquentibus, Spiritu-Sancto dictante, profectæ sunt. *ibid.*
- Aliæ Ecclesiasticæ, quæ, nec à Christo, nec ab Apostolis, sed ab Ecclesiâ originem habent, Spiritu quidè sancto illas suggerente, sed per Ecclesiam non loquente. *ibid.*
- Articulus 2. Explicantur notæ & Characteres singularum Traditionum. 329.

Index rerum.

Multiplici notâ haberi possunt Traditiones immediate divinæ. 329.

Prima Nota, est ipsa Traditionum frons & species. *ibid.*

Altera Nota, est conditio materiæ circa quam traditiones versantur. *ibid.*

Tertia nota, est consensus Patrum. 330.

Quarta nota, est sensus & determinatio Ecclesiæ. *ibid.*

Multi etiam sunt characteres traditionum immediate divinarum. 330.

Primus character est immutabilitas & perpetuitas, traditiones enim immediate divinæ perpetuæ sunt, & immutabiles. *ibid.*

Traditiones omnes à Christo immediate venientes, in Ecclesiâ Catholicâ, integræ adhuc & intactæ perseverant. *ibid.*

Potuit à Christo dari Ecclesiæ potestas ejusmodi traditiones abrogandi; quia non est contrarationem Legis divinæ quòd mutetur, aut abrogetur. *ibid.*

Secundus character est Universalitas, Traditiones enim immediate divinæ, seu fidei, seu morum, Universales sunt. 331.

Terrius character est vis directiva, vel quoad fidem, vel quoad mores. *ibid.*

Multiplici notâ haberi possunt Traditiones Apostolicæ. 351.

Prima Nota, est ipsa species Traditionum, si ferant se pro Apostolicis. *ibid.*

Altera Nota, est conditio materiæ circa quam Traditiones versantur, si enim versentur circa materiam, quæ Christi discessum præsupponat, ab Apostolis ferè sunt, non à Christo. *ibid.*

Index rerum.

- Tertia Nota, est Consensus Patrum. 331.
Dogma Catholicum, si neque invenitur in scripturâ, neque scitur à Christo immediate revelatum, pro Apostolicâ Traditione tenendum est. *ibid.*
Quarta Nota, est Ecclesiæ sensus. *ibid.*
Quod universa tenet Ecclesia, nec Conciliis institutum est, sed semper retentum est, non nisi Apostolicâ autoritate traditum rectissime creditur. 332.
Sæpè confunduntur à Patribus traditiones Apostolicæ cum traditionibus immediate divinis. *ibid.*
Ea confusio nihil nocet fidei nostræ. *ibid.*
Traditiones Apostolicæ partim characteres habent traditionum immediate divinarum, partim non habent. *ibid.*
Traditiones Apostolicæ quæ sunt Traditiones fidei, æquè perpetuæ sunt & universales, nec minoris autoritatis, quàm Traditiones immediate divinæ. 332.
Traditiones morum Apostolicæ ex genere suo mutabiles sunt. *ibid.*
Traditiones morum Apostolicæ, non omnes universales sunt. 333.
Ecclesia abrogare potest traditiones Apostolicas, non modo humanas, sed etiam divinas. *ibid.*
Multæ etiam scriptæ abrogatæ sunt, ut patet multis exemplis. *ibid.*
Dupliciter intelligi potest quomodo Ecclesia dispensare possit etiam in lege sui Superioris, 334.
1°. Si potestatem faciat Superior dispensandi in suâ lege, eamque abrogandi. 2°. Si Lex di-

Index rerum.

- atur esse conditionata, & importare tacitam hanc clausulam. Nisi aliud Ecclesiæ videbitur pro opportunitate temporum. *ibid.*
- Est semper obligatio credendi Traditionem Apostolicam quæ jam abrogata est, olim fuisse sanctè & prudenter institutam. *ibid.*
- Duplici præsertim notâ haberi possunt Traditiones Ecclesiasticæ. 335.
- Prima est nota temporis. Altera est nota Authoris. *ibid.*
- Traditiones Ecclesiasticæ diversos habent characteres. 335.
- 1°. Traditiones Ecclesiasticæ quæ circa fidem versantur, non sunt revelationes divinæ, sed explicationes tantum & declarationes revelationum divinarum. *ibid.*
- Ecclesia non facit revelationes novas, sed declarat antiquas. *ibid.*
- 2°. Traditiones Ecclesiasticæ mutabiles sunt; & interdum reipsâ mutantur, in quâ mutatione nihil est inconstantiae aut levitatis, sed mira prudentia Ecclesiæ. 336.
- 3°. Traditiones Ecclesiasticæ non omnes universales sunt. *ibid.*
- Traditioni Ecclesiasticæ qui obstinatè contradicit, Hæreticus est præsumptivè duntaxat, & consequenter. 336.
- Traditiones Ecclesiasticæ magnam venerationem habent, etiam illæ, quas Hæretici Pædagogicas, seu pueriles appellant. *ibid.*

Index rerum.

Questio 7. DE VIA DUPLICI,

*Cognoscenda vera Doctrina Christi in scripturâ
& Traditione contenta.* 337.

Pro decidendis Controversiis de Doctrinâ
Christi, duæ sunt Regulæ Ecclesiasticæ. Una
mortua. Altera viva. *ibid.*

Mortua, est sensus Patrum. Viva, est sensus Ec-
clesiæ præsentis. 338.

Caput 1. Statuitur & explicatur prima regula
quæ est sensus Patrum. 338.

Patrum nomine veniunt Antiqui Doctores, quo-
rum & scripta laudantur, & memoria in be-
nedictione est. *ibid.*

Ut quis inter Patres numerari possit quatuor
omninò requiruntur. *ibid.*

Primum est Antiquitas. Alterum. Eminentia
doctrinæ. Tertium. Excellens sanctitas. Quar-
tum. Perpetua & constans ad mortem usquè
communio cum Ecclesiâ Romanâ. 338.

Sensus Patrum cadere in objectum aliquod po-
test, vel nudè sumptum, vel divinâ revelatio-
ne affectum. *ibid.*

Possunt accipi Patres vel omnes simul, vel sin-
guli seorsum. 339.

Articulus 1. De unanimi sensu Patrum. 339.

Unanimis sensus Patrum est regula infallibilis
ad discernendam veram Christi Doctrinam,
seu Scripturâ, seu Traditione contentam.
ibid.

Infallibilitas istius consensus Patrum multiplex
est, & ex multiplici capite venit. *ibid.*

1^o. Est infallibilitas Patrum Antecedens. Eaque
duplex, alia intrinseca, extrinseca altera. 340.

Index rerum.

Infallibilitas intrinseca Antecedens ea est, quam habet consensus Patrum, ex ipsâ naturâ rei.
ibid.

Consensus Patrum magnum credibilitatis argumentum est, & sufficiens propositio Revelationis ad inducendam obligationem credendi.
ibid.

Infallibilitas Patrum extrinseca, eademque Antecedens venit ex promissione Christi, quâ promisit facturum se, ne Patres in errorem consensiant. 340.

Promissio illa Christi omninò credibilis est. 341.

2°. Est quædam Patrum infallibilitas consequens, quæ per usum & approbationem Ecclesiæ tribuitur: nam Ecclesia, & Patres sequitur, & declarat sequendos. *ibid.*

In Conciliis Generalibus. 1°. Diligenter exquisitur sensus Patrum. 341.

2°. Profitentur Episcopi sequi se fidem Patrum.
ibid.

3°. Decernunt tenendam esse ab omnibus Christianis Patrum fidem. *ibid.*

4°. Prohibent sub pœnâ Anathematis, ne quis contra unanimem sensum Patrum scripturam interpretari audeat. 342.

Determinatur quinam Patrum consensus unanimis sit, & sufficiens ad obtinendam infallibilitatem. *ibid.*

1°. Si omnes omnium temporum Patres in aliquo consenserint, dubium non est quin ille omnium consensus sit infallibilis. *ibid.*

2°. Sufficit absolutè consensus eorum Patrum, qui antè quintam Synodum Oecumenicam vixerunt. 343.

Index rerum.

- 3°. Necessarium non est, ut omnes illi consentiant, discordante nemine; iste enim consensus, non Metaphysicè, sed Morahiter accipiendus est. *ibid.*
- 4°. Quinam Patrum numerus præcise sufficiat & requiratur ad infallibilitatem obtinendam, difficillimum est statuere, ne dicam, impossibile. 343.
- 5°. Si Patres, quod raro contingit, æquali ferè numero dissentiant, neuter illorum sensus infallibilis est: uter verus sit, Ecclesiæ est determinare. *ibid.*
- 6°. Si pauci Patres aliquid asserant tanquam revelatum, tacentibus & non contradicentibus cæteris, ille quidem paucorum sensus non est regula infallibilis, nisi fortè res ejusmodi sit, ut silentium cæterorum haberi debeat pro consensu tacito & interpretativo; ille tamen paucorum sensus cum silentio cæterorum, magnum est argumentum veritatis. 343.
- Patres quamvis singuli sint fallibiles, habent tamen omnes simul sumpti infallibilitatem: quandam moralem ab intrinseco venientem: habent & Metaphysicam, sive ex promissione Christi, sive ex Ecclesiæ approbatione. 344.
- Articulus 2. De sensu singulorum Patrum.* 345.
- Sensus Patrum singulorum non est regula infallibilis, ad discernendam veram Christi Doctrinam. 345.
- Singuli ferè Patres in quibusdam errarunt, & notantur errores singulorum, veluti luminarium defectus. *ibid.*
- In erroribus Patrum notandis commendare se

Index rerum.

debet pudor & modestia Catholicorum.
ibid.

Ex erroribus Patrum haberi potest triplex ista
veritas. 345.

Prima est. Debere quemlibet sapientem diffi-
dere plurimum ingenio suo. Altera. Nemi-
nem privatum sequendum esse in omnibus.
Tertia. Nullum sanctorum Patrum præferri
aut æquari oportere omnibus Patribus simul
sumptis. 346.

De Authoritate Augustini quanta sit. *ibid.*

Augustino qui summam Authoritatem tribuunt,
Augustino ipsi contradicunt. *ibid.*

Dici non potest undè infallibilitatem habeat
Augustinus. 346.

1°. Infallibilitatem non habet ex naturæ aut
gratiæ donis, quibus insigniter quidè or-
natus est, sed non exemptus à conditione mor-
tali. 347.

2°. Infallibilitatem non habet ex Ecclesiæ ap-
probatione generali: talis enim approbatio
Augustino communis est cum multis aliis Pa-
tribus, nec est definitio Ecclesiæ excurrens
per singula Doctrinæ Capita. 347.

3°. Infallibilitatem non habet ex singulari quâ-
dam approbatione Ecclesiæ, talis enim ap-
probatio infallibilitatem tribuens nunquam
fuit. *ibid.*

Quanta sit Authoritas Augustini ex Approba-
tione, seu generali, seu singulari. 348.

Cum infallibilitas negatur Augustino, non pro-
pterea omnis ei authoritas detrahatur, aut
fit inutilis approbatio Ecclesiæ Augustino
data. *ibid.*

Index rerum.

1°. Ecclesia approbans Augustini libros dat
eo ipso facultatem legendi libros quos ap-
probat. 348.

2°. Addit illis commendationem utilitatis. *ibid.*

3°. Amovet ab Authore suspensionem Hæresis
voluntariæ. *ibid.*

4°. Authorem commendat eo gradu , ut alle-
gatus probabilitatem faciat sententiæ alicujus,
seclusâ etiam ratione. *ibid.*

Ex singulari approbatione summorum Pontifi-
cum, totquæ præcedentium sæculorum com-
mendatione, non summam quidem Authori-
tatem, sed tamen tantam habet Augustinus,
ut in Theologiâ unus esse possit pro multis ;
nec ab eo discedendum sit , nisi vel Ecclesiæ
cogat Autoritas, vel major aliquis consen-
sus Patrum, vel nova quædam ratio, quam
non viderit Augustinus. 348.

De Autoritate sancti Thomæ. 349.

Si magnus Augustinus non est infallibilis, neque
infallibilis est Sanctus Thomas Augustini Dis-
cipulus. *ibid.*

Idem dicendum est de Sancto Thomâ, quod de
magno Augustino, cum proportionem tamen, &
servato utriusque jure ac merito. 349.

Elogia Pontificum data Sancto Thomæ appro-
bationes sunt dumtaxat generales, non defi-
nitiones quæ cadant in singula, Doctrinæ
Thomisticæ capita. 349.

Citantur meritò Patres , & magno fructu le-
guntur. 350.

Caput 2. Statuitur altera regula quæ est Eccle-
siæ sensus. 350.

Triplex Ecclesiæ status distinguitur. Primus. Est

Index rerum.

- Status diffusionis. Secundus. Status Congregationis. Tertius. Status adunationis. 351.
- Articulus* 1. De sensu Ecclesiæ per orbem diffusæ. 351.
- Ecclesia per orbem diffusa, potest accipi, vel totaliter, vel partialiter. *ibid.*
- Pars Ecclesiæ alia est integralis toti, alia substantialis. *ibid.*
- Ecclesia item tota, vel est integraliter tota, vel tota substantialiter. 352.
- Duplex concipi potest Ecclesiæ infallibilitas.
- Una passiva, altera activa. *ibid.*
- Infallibilitas passiva, est impotentia errandi. *ibid.*
- Infallibilitas activa est impotentia proponendi & docendi errorem. *ibid.*
- Quæstiones aliæ sunt Juris, aliæ Facti, aliæ ex utroque mixtæ, aliæ nec juris, nec facti. 352.
- Quæstiones juris secundum Theologicam acceptionem, eæ dicuntur, quæ in scripturâ & Traditione solutionem habent. *ibid.*
- Quæstiones facti dicuntur, quæ sunt in materiâ contingenti, & per scripturam aut Traditionem decidi non possunt. *ibid.*
- Distinguenda est multiplex species facti. Alia sunt facta dogmatica, alia, non dogmatica. 353.
- Facta dogmatica appellantur dogmata privatorum in materiâ fidei. Non dogmatica, cætera omnia, quæ dogmata non sunt. *ibid.*
- Inter facta non dogmatica, aliqua sunt essentialiter cum fide connexa, alia, non ad fidem, sed ad disciplinam pertinent, alia denique nec ad fidem pertinent, nec ad disciplinam. *ibid.*

Index rerum

Quæstiones mixtæ dicuntur , quæ constant quæ-
stione duplici , unâ juris , alterâ facti. 353.

Quæstiones nec juris nec facti dicuntur , quæ
sunt in materiâ necessariâ , & in scripturâ aut
Traditione decisionem non habent. *ibid.*

Ecclesia per orbem diffusa infallibilitatem habet
in discernendâ verâ Doctrinâ Christi , seu
scripturâ , seu Traditione contineatur. 354.

Habetur 1°. Ista infallibilitas ex promissioni-
bus Christi. *ibid.*

Promittitur à Christo soliditas & firmitudo Ec-
clesiæ tanta , ut everti non possit. *ibid.*

Si Ecclesia erraret in fide , Spiritus erroris , qui
de portis inferi est , Ecclesiæ prævaleret.
354.

In clavibus à Christo Ecclesiæ datis , sunt claves
scientiæ ad aperiendam fidei Doctrinam. *ibid.*

Potestas solvendi , ad controversiarum fidei solu-
tionem pertinet. *ibid.*

Habetur 2°. Eadem infallibilitas ex traditione ,
quæ verum scripturæ sensum ponit in mani-
festo. 355.

Habetur 3°. Ex unanimi sensu Patrum passim
prædicantium infallibilitatem Ecclesiæ , & in
dubiis , de scripturâ aut Traditione , ad Eccle-
siam provocantium. *ibid.*

Sine ullo vitioso Circulo infallibilitas Ecclesiæ
probat ex promissionibus Christi in Evan-
gelio contentis ; Doctrina autem Christi pro-
batur divina esse , & contineri in Evangelio
ex motivis credibilitatis. 356.

Evangelium , ex quo probatur infallibilitas Ec-
clesiæ , testimonium habet divinitatis suæ in-
dependens ab infallibilitate Ecclesiæ. *ibid.*

Index rerum.

Credere possumus Evangelio propter authoritatem Evangelii humanam. 357.

Divinitas Evangelii totaliter & adæquatè sumpti non habetur ex traditione satis constanti, & omnibus notoriâ. *ibid.*

Infallibilitas Ecclesiæ per orbem diffusæ, non solum ad quæstiones juris, sed ad multas etiam facti quæstiones extenditur. 357.

Multæ facti quæstiones ad Christi Doctrinam discernendam necessariò referuntur. 358.

Ecclesia per orbem diffusa errare non potest in quæstionibus juris. *ibid.*

Quamvis forte errare potuerit Synagoga, non sequitur errare posse Ecclesiam Christi. *ibid.*

Arianismi tempore non erravit Ecclesia Christi in quæstione de divinitate Verbi. *ibid.*

Ecclesia infallibilis est in quæstionibus facti Dogmatici; evincitur contra novatores. 359.

Pro ejusmodi infallibilitate quatuor proponuntur argumenta. *ibid.*

Primum petitur ex infallibilitate Ecclesiæ in quæstionibus juris, quia talis infallibilitas virtualiter saltèm & implicite importat infallibilitatem in quæstionibus facti dogmatici. 359.

Si non est infallibilis Ecclesia in vero sensu Patrum intelligendo, infallibilis non erit in intelligendo vero sensu scripturæ. *ibid.*

Sensus Patrum est factum aliquod dogmaticum. 360.

Negari non potest Catholicè, quin Ecclesia infallibiliter judicare possit, se esse in fide & Doctrinâ Patrum. *ibid.*

Ecclesia infallibilis est in judicio ferendo de

Index rerum

- qualitate cujuscumque Doctrinæ. 360.
 Debet Ecclesia certò & infallibiliter cognoscere
 sensum naturalem propositionum, de quibus
 judicat. 361.
 Damnatio vel approbatio Ecclesiæ cadit in sen-
 sum naturalem propositionis, sive præcise
 spectatæ, si sola damnatur, aut approbatur,
 sive sumptæ cum aliis, si damnatur aut ap-
 probatur, ut jacet in libro, & in sensu au-
 thoris. *ibid.*
 Secundum Argumentum petitur ex ipsâ con-
 fessione Novatorum, ipsammet, quam ne-
 gant, infallibilitatem agnoscendum. 361.
 Non minor est Ecclesiæ infallibilitas in repro-
 bandâ Doctrinâ unius authoris, quàm in ap-
 probandâ Doctrinâ alterius. 362.
 Tertium argumentum petitur ex ipso Ecclesiæ
 judicio de suâ infallibilitate. *ibid.*
 Ecclesia in nullo judicio suo de factis dogmaticis
 convinci potest falsitatis. *ibid.*
 Quartum argumentum petitur ex providentiâ
 Christi in Ecclesiam suam. 363.
 Sine ejusmodi infallibilitate, nec fideles in fide
 & moribus satis commodè regi poterunt, nec
 inquieti novatores satis cohiberi. *ibid.*
 Factum dogmaticum neque in scripturâ neque
 in traditione continetur, Ecclesia tamen in
 eo judicando infallibilis est. 363.
 Ecclesia infallibilis est, in judicandâ conformi-
 tate, vel difformitate Doctrinæ cum scriptu-
 râ & traditione. 364.
 Infallibilis esse non potest Ecclesia in judicandâ
 conformitate vel difformitate duorum extre-
 morum, nisi in utroque extremo cognoscendo
 sic

Index rerum.

- sit infallibilis. *ibid.*
 Factum dogmaticum est factum aliquod exter-
 num, non sensus auctoris intus latens. 364.
 Est infallibilis Ecclesia in iis iudicandis, sine
 quibus stare non potest veritas facti dogma-
 tici. 365.
 Negans factum dogmaticum post Ecclesiæ defi-
 nitionem, quomodo sit Hereticus. 366.
 Vindicatur Ecclesia ab errore facti dogmatici.
 367.
 Tum in negotio trium Capitulorum. 367.
 Tum in facto Honorii. 368.
 Ecclesia infallibilis est in quæstionibus facti
 essentialiter cum fide connexi, quamvis do-
 gmaticum non sit. 369.
 Ecclesia infallibilis est in quæstione de Canoni-
 cã, vel Authenticã scripturã. 370.
 Infallibilis est in quæstione de Concilio Legiti-
 mo. *ibid.*
 Infallibilis est in quæstione de vero Pontifice.
ibid.
 Notitia istiusmodi factorum quomodo habeatur.
 371.
 Positã purã assistentiã Spiritus Sancti, definitio
 Ecclesiæ est revelatio quædam virtualis, quæ
 in ordine ad firmandum assensum æquivaleret
 revelationi formali. *ibid.*
 Ecclesia infallibilis est in quæstionibus facti cum
 rectã disciplinã necessariò connexi. 372.
 Huc pertinet. 1°. Ecclesiæ infallibilitas in ca-
 nonizatione Sanctorum. *ibid.*
 Pertinet 2°. Infallibilitas in approbatione Or-
 dinum religiosorum. *ibid.*
 Pertinet 3°. Infallibilitas in moribus antiquæ

Index rerum.

- Ecclesiæ cognoscendis, si fortè ex illâ cognitione necessariò pendeat disciplina præsentium temporum. 372.
- Pertinet 4°. Infallibilitas in cognoscendo rerum statu, & dispositione temporum, pro legibus ferendis, aut abrogandis. *ibid.*
- Infallibilitati Ecclesiæ in Canonizatione Sanctorum, nec repugnat sanctus Augustinus, nec sanctus Thomas. 373.
- Ecclesia, nec errat in approbatione ordinum religiosorum, nec in suppressione eorumdem. 374.
- Abrogatio Legum Ecclesiasticarum non probat errasse Ecclesiam in ferendis legibus. *ibid.*
- Non est infallibilis Ecclesia in quæstionibus puri facti, nihil ad fidem, aut disciplinam pertinentis. 375.
- Potest ergo errare in causis criminalibus, nec dubitari potest, quin in ejusmodi causis interdum erraverit. *ibid.*
- Ecclesia in quæstionibus mixtis, partim infallibilis est, partim non est. *ibid.*
- In quæstionibus, quæ nec juris sunt, nec facti, Ecclesia non est infallibilis infallibilitate salutem divinâ. 376.
- Ecclesiæ infallibilitas residet in Ecclesiâ totaliter sumptâ. *ibid.*
- Infallibilitas est in Ecclesiâ integraliter totâ, integritate, seu Phisicâ, seu morali. *ibid.*
- Ad infallibilitatem obtinendam necesse non est ut omnes omninò fideles consentiant. 377.
- Infallibilitas est in Ecclesiâ substantialiter totâ. *ibid.*
- Infallibilitas est in consensu omnium Ecclesiæ

Index rerum.

- Pastorum. *ibid.*
 Infallibilitas saltem aliqua, est in consensu unanimi omnium Theologorum. 378.
 Infallibilitas non est in singulis Ecclesiis particularibus. *ibid.*
 Infallibilitas non est in singulis fidelibus. *ibid.*
 Nullibi extat promissio istius assistentiæ Spiritus Sancti pro singulis fidelibus. 379.
 Inter ipsos fideles de vero scripturæ sensu interdum non convenit. *ibid.*
 Necessè est esse unum iudicem visibilem, qui controversias fidei finire possit sententiâ suâ. *ibid.*
 Explicantur testimonia, tum scripturæ, tum Patrum, quæ favere videntur privato Spiritui. 380.
 Infallibilitas Ecclesiæ non tantum passiva est, sed etiam aliquo modo activa. 381.
Articulus 2. De sensu Ecclesiæ in Concilio congregatæ. 382.
 Ecclesia, quæ per orbem diffusa est, repræsentari potest per Concilium legitime congregatum. 382.
 Concilium Ecclesiam repræsentans esse potest vel generale, vel particulare. *ibid.*
 Generale, est repræsentativè tota Ecclesia. Particulare aliquam tantum partem repræsentat. *ibid.*
 Ad Concilium Generale legitimum & notorie Oecumenicum quinque conditiones requiruntur. 381.
 Prima est, ut per Romanum Pontificem indicatur, aut certè de illius Consensu, tacito, vel expresso, formali, vel interpretativo. *ibid.*

Index rerum.

Secunda. Ut ex omnibus orbis Christiani Provinciis, aut certè ex majori parte vocentur Episcopi, per quos fiat repræsentatio Ecclesiarum. *ibid.*

Tertia. Ut Concilio præsideat Romanus Pontifex per se aut per legatos suos, non Imperator, aut quicumque alius. 383.

Quarta. Ut processus Concilii sit legitimus & Canonicus. *ibid.*

Quinta. Ut Romanus Pontifex acta Concilii revivens Concilium approbet, seu declaret legitimum esse, & legitimè processisse, ejusque Decreta Ecclesiis communicet. 384.

Potest deficere Concilium à legitimo multis modis. 1°. Defectu legitimæ indictionis. 2°. Defectu legitimi conventus Episcoporum. 3°. Defectu legitimæ præsidentiae. 4°. Defectu legitimi processus, 5°. Defectu approbationis sufficientis. 384.

Concilia particularia, alia dicuntur Nationalia, alia Provincialia, alia Diocesana. *ibid.*

Ex Conciliis particularibus aliqua approbata sunt ab Ecclesiâ, aliqua reprobata, aliqua media & suspensa. 385.

Concilium generale legitimum & notoriè Oecumenicum totius Ecclesiæ infallibilitatem habet. 385.

Habetur ista infallibilitas 1°. Ex ipsâ notione Concilii generalis. *ibid.*

2° Ex traditione Apostolicâ. *ibid.*

3°. Ex communi sensu Patrum. 386.

4°. Ex ipsis Conciliis generalibus, quæ sibi infallibilitatem assumunt, idque ex scripturis, & traditionibus divinis benè intellectis. *ibid.*

Index rerum.

- 5^o. Ex communi sensu fidelium, qui putant teneri se Conciliorum generalium definitionibus. 386.
- Nullum Concilium generale, quâ parte legitimum est, erravit in fide. 387.
- Concilium Judæorum fuit Concilium Synagogæ non Ecclesiæ Christi. *ibid.*
- Concilium Apostolorum, ne umbram quidem erroris habet. 388.
- A Concilio Nicæno damnata non est militia, nisi in iis circumstantiis, in quibus signum est idololatriæ, nec definivit hæreticos omnes rebaptisandos. *ibid.*
- Verum Sardicense Concilium, non modo non favit Arianis, sed Arianorum reliquias oppugnavit. 389.
- Concilium Ariminense, quâ parte legitimum est, ad perfidiam Arianam non defecit. 389.
- Ab Ephesino 1. approbatus quidem fuit error Eutychetis, sed Ephesinum 1. Concilium Oecumenicum non est. 390.
- In Concilio Chalcedonensi approbata non fuit Epistola Ibx. *ibid.*
- Ex Conciliis legitimis prodeunt interdum decreta pugnancia quoad præceptum, non quoad definitionem. 390.
- Nihil vetat præcepta priorum Conciliorum abrogari à posterioribus, prout visum fuerit. *ibid.*
- Infallibilitatem Concilii generalis legitimi nulloquam negavit Augustinus. 391.
- Rectè intelligi potest quomodo Concilia etiam plenaria emendari possint, priora à posterioribus. 391.
- Concilium particulare approbatum & receptum

Index rerum.

- ab Ecclesia, quâ parte approbatum & receptum est, infallibilitatem habet. 392.
- Concilia particularia approbata à multis erroribus vindicantur. *ibid.*
- Concilium generale illegitimum Ecclesiæ infallibilitatem non habet. 393.
- Potest tamen accipere infallibilitatem ab Ecclesiæ approbatione. 394.
- Legati Pontificis aliquandò non tenentur acquiescere sententiæ Concilii, aliquandò tenentur. 396.
- Tenetur Pontifex sequi sententiam Concilii legitimi & legitime procedentis. *ibid.*
- Neque tamen inutilis est approbatio & confirmatio Pontificis. *ibid.*
- Ad multa enim valet. 1°. Ad declarandum Concilium legitimum fuisse & legitime processisse. 2°. Ad demonstrandam totius Ecclesiæ unionem 3°. Ad supplendum si quid fortè in Concilio minus legitimum foret. 397.
- Explicatur quomodo constare possit de legitimitate Concilii. 397.
- Interdum notoriæ sunt quinque conditiones ad Concilium legitimum requisitæ. *ibid.*
- Quodcumque Concilium agnoscitur ab Ecclesiâ pro legitimo, certissime legitimum est. *ibid.*
- Quodcumque Concilium confirmatur à summo Pontifice & fidelibus proponitur cum obligatione acquiescendi, haberi debet pro legitimo. 397.
- Concilium particulare etiam legitimum seclusâ Ecclesiæ approbatione non est infallibile, non est tamen contemnenda illius autoritas. *ibid.*

Index rerum.

Articulus 3. De sensu Ecclesiæ in suo capite adunatæ.

Quo sensu tota Ecclesia sit in summo Pontifice, 398.

Duplex in summo Pontifice distinguenda persona est, privata scilicet & publica. *ibid.*

Persona Pontificis publica multiplex est. *ibid.*

Quid sit loqui ex Cathedrâ Pontificem. 399.

Sensus Pontificis ex Cathedrâ Loquentis, approbante Concilio generali, infallibilis est in discernendâ verâ Doctrinâ Christi. *ibid.*

Infallibilis item est etiam extra Concilium generale sensus Pontificis ex Cathedrâ Loquentis accedente consensu Ecclesiæ per orbem diffusæ. 400.

Ad terminandas fidei controversias opus est Concilio Generali aliquandò & per accidens, non absolutè & per se. 401.

Totis tribus primis Ecclesiæ sæculis damnatæ fuerunt multæ hæreses sine Concilio generali. 401.

Posterioribus etiam sæculis invenitur facta legitima damnatio Hæreticorum sine Concilio generali. *ibid.*

Neque hinc sequitur superfluum, & inutilem esse Conciliorum Generalium celebrationem. 402.

Pontifex aliquandò causam fidei definire non vult, nisi de sententiâ Concilii generalis. *ibid.*

Interdum turbulentis Hæreticis Concilium Generale postulantibus, ex quâdam condescendentia & prudenti dispensatione juris, annuere oportet quod petunt. 402.

Patres in Concilio Generali acrius animantur ad

Index rerum.

veram fidem in suâ quisque Ecclesiâ consec-
vandam. *ibid.*

Per Concilium generale manifestius apparet om-
nium Ecclesiarum in unam fidem consensus.
403.

Questio 8. DE CENSURA THEOLOGICA,
Quâ Doctrina aliqua Doctrina Christi opposita
notari solet. 403.

Censura Theologica duplex est. Alia est Cen-
sura dogmatum, alia Censura personarum.
ibid.

Caput 1. De Censurâ Theologicâ dogmatum.
404.

Censura Theologica dogmatum est sententia,
per quam mala Doctrina ita notatur, ut fidei
aliquo modo nociva esse pronuncietur. *ibid.*

Doctrina, quæ nullo modo fidei nocet, Censuræ
Theologicæ obnoxia non est. *ibid.*

Ad plenam Censuræ Theologicæ intelligentiam
quinque omninò scire oportet. 404.

1°. Cujus sit ferre Censuram Theologicam. 2°. *Quæ*
sit Censuræ Theologicæ materia. 3°. *Quæ*
forma. 4°. *Quæ & quàm multæ illius spe-*
cies. 2°. *Quam obligationem inducat.* *ibid.*

Censuram Theologicam ferre possunt & debent
ii soli, quibus ex officio competit fidem in
Ecclesiâ servare integram, illibatamque. *ibid.*

Competit 1°, Ea potestas Episcopis, sive in
Concilio generali congregatis, sive in Con-
cilio Nationali aut Provinciali, sive singulis
in suâ Diœcesi. 405.

Summus Pontifex omnium Ecclesiarum Pastor,
potest ac debet perversa dogmata, ubicum-

Index rerum.

que nascantur , Censurâ Apostolicâ ferire;
ibid.

Competit 2°. Ferendæ Censuræ Theologicæ
potestas inquisitoribus fidei. *ibid.*

Competit 3°. Academicis Theologiæ facultati-
bus, quæ sunt propugnacula Religionis. 406.

Privati Theologi cur Censuram Theologicam
propriè dictam non ferant. *ibid.*

Quia scilicet Doctrinam notant, non, ut iudices ,
sed, ut accusatores. 406.

Materia Censuræ Theologicæ dogmatum est om-
nis & sola Doctrina, quæ fidei aliquo modo
nociva est. 407.

Pro æstimandâ propositione in ordine ad Cen-
suram observationes aliquot. *ibid.*

Prima. Circa personam ipsius proferentis. 407.

Secunda. Circa tempus propositionis prolata.
ibid.

Terria. Circa statum propositionis, seu abstractæ
à proferente, seu conjunctæ cum proferente.
408.

Quarta. Circa locum in quo propositio profer-
tur. *ibid.*

Censuræ Theologicæ obnoxia non est opinio
purè Philosophica, & fidei nullo modo noci-
va, sed quæcumque aliquo modo fidei no-
civa est etiam Philosophica sub Censuram ca-
dit, quales multæ sunt recentium Philoso-
phorum opiniones. 409.

Forma Censuræ Theologicæ non in simplici
prohibitione Doctrinæ, sed in certâ quâdam
damnatione consistit, quâ scilicet pronun-
cietur Doctrina nociva fidei, atque ut talis
prohibeatur. 410.

Index rerum.

Duplicem ob causam Doctrina aliqua prohiberi potest. *ibid.*

Interdum Doctrina prohibetur absque Censurâ, *ibid.*

Interdum utraque pars contradictionis prohibetur. *411.*

Liber Censurâ notatur Theologicâ, eo ipso quod prohibetur, si in circumstantiis prudenter credatur ideo prohiberi, quia fidei nocivus est. *412.*

Liber, quâ sententiâ damnatur ut fidei nocivus, eadem sententiâ prohibetur. *ibid.*

Si Liber, nec damnatur, nec prohibetur titulo oppositionis cum fide, censurâ Theologicâ non notatur. *ibid.*

Multiplex est species Censuræ Theologicæ. *412.*

Multiplicatur Censura Theologica pro multiplici gradu oppositionis Doctrinæ cum fide. *ibid.*

Duplex oppositio cum fide distinguitur, directa scilicet & indirecta. *ibid.*

Cujuscumque oppositionis, seu directæ, seu indirectæ præcipuos gradus notare solent Censores certis verbis, conceptisque formulis. *413.*

Explicantur formulæ Censoriæ, seu solemnes propositionum notæ ferè depromptæ ex Decretis Conciliorum, & Bullis Pontificum. *ibid.*

Doctrina, ut Hæretica notari solet, quæcumque directè & formaliter opponitur veritati Catholicæ. *414.*

Veritas Catholica est dogma revelatum à Deo, & summâ Ecclesiæ autoritate propositum *ibid.*

Ad Doctrinam Hæreticam duo requiruntur &

Index rerum.

- sufficiunt. Primum. Ut opponatur veritati à Deo revelatæ. Alterum, ut opponatur revelationi divinæ, non quocumque modo propositæ, sed summâ Ecclesiæ autoritate. 414.
- Hæreticus non est quicumque sustinet Doctrinam Hæreticam, sed qui Doctrinam Hæreticam ita sustinet, ut scienter & culpabiliter repugnet supremo Ecclesiæ judicio, veritatem proponentis, ut à Deo revelatam. 415.
- Doctrina hæretica est, quæcumque expresso alicui scripturæ sensui opponitur. *ibid.*
- Doctrina hæretica est, quæcumque opponitur Traditioni alicui divinæ manifestæ. *ibid.*
- Doctrina hæretica est, quæcumque opponitur expressè Concilio generali legitimo, definienti aliquid fide divinâ credendum. 415.
- Doctrina ut erronea notari solet, quæcumque opponitur veritati à Deo revelatæ, juxta unanimem sensum Patrum, aut Doctorum Ecclesiæ, nondum tamen supremo Ecclesiæ judicio definitæ. *ibid.*
- Prima Doctrinæ macula est repugnare testimonio divino summâ Ecclesiæ autoritate proposito; secunda verò, repugnare eidem testimonio per unanimem sensum Patrum, aut Doctorum Ecclesiæ declarato. 416.
- Multiplex acceptio erroris, & doctrinæ erroneæ. *ibid.*
- Error propriè & strictè acceptus, in usu communi Censorum, est sententia quædam falsa in materiâ Theologicâ, habens cum fide secundum oppositionis gradum, & malitiam Hæreticâ malitiâ ita minorem, ut illam proxi-

Index rerum.

- mè contingat. 417.
Doctrina erronea quomodo non confundatur
cum Hæreticâ. 418.
Non omnis doctrina quæ opponitur unanimitati
sensui Patrum, est continuò opposita supremo
iudicio & definitioni Ecclesiæ. *ibid.*
Unanimis sensus Patrum fundare quidem potest
definitionem Ecclesiæ, sed non est ipsa Eccle-
siæ definitio. *ibid.*
Doctrina, cui præcisè suffragatur unanimitas sen-
sus Patrum, non est Doctrina fidei in primo
gradu, sed in secundo dumtaxat, 418.
Est obligatio credendi Doctrinam, cui mani-
festè suffragatur unanimitas sensus Patrum, non
est tamen obligatio credendi, sub pœnâ Hære-
sis saltè formalis. 419.
Doctrina, ut hæresi proxima notari potest, quæ-
cumque ita non est hæretica, ut proximè ad
Hæresim accedat. *ibid.*
Contingere potest dupliciter, ut Doctrina aliqua
ad hæresim proximè accedat. *ibid.*
1º. Si Doctrina revelata cui opponitur, sit
fortè definita supremo Ecclesiæ iudicio, sed
nondum ita clarè & evidenter, ut non sit ali-
quis adhuc tergiversationi locus. 419.
2º. Si Doctrina cui opponitur non sit expressè
definita supremo Ecclesiæ iudicio, sed talis
sit, cui suffragetur unanimitas sensus Patrum
aut Ecclesiæ Doctorum. *ibid.*
Doctrina hæresi proxima, eadem est cum erro-
neâ. 420.
Doctrina hæresi proxima dicitur, non quæ brevi
futura est hæretica, sed quæ ex præsentis sui
statu habet, ut proxima sit hæresi. 421.

Index rerum.

Doctrina, ut errori proxima, notari potest, quæ ita erronea non est, ut errorem contingat. *ibid.*

Doctrina, ut suspecta notari potest, quàm gravat prudens aliqua suspicio oppositionis cum fide, seu primæ, seu secundæ. 422.

Prudens illa suspicio, est iudicium prudens, quo judicatur, non ipsa Doctrinæ oppositio cum fide, sed periculum oppositionis. *ibid.*

Doctrina aliqua notari potest, ut hæresim sapiens, aut errorem, quæ saporem habet, aut hæresis, aut erroris. 423.

Sapor iste nihil aliud est, quàm species quædam Doctrinæ hæreticæ, aut erroneæ. *ibid.*

Doctrina, ut impia, aut blasphemæ notari potest, quæcumque vel Deo, vel Deiparæ, vel Sanctis injuriosa est, sive perfectiones debitas detrahendo, sive imperfectiones, quæ non conveniunt, affingendo. 423.

Doctrina prout fidei offendiculum est, notari potest, ut scandalosa, quæcumque damnat in praxi, & in individuo bonos fidelium mores, piasque consuetudines, fingendo in iis pericula vitiorum & abusus. *ibid.*

Doctrina, ut malè sonans notari potest, quæcumque ita duos habet sensus, unum fidei congruentem, alterum non congruentem, ut in malam partem non rarè accipiat, excitando in audientibus sensum non congruentem fidei. 424.

Doctrina aliqua notari potest ut pietatis, & piarum aurium offensiva, quæ impugnat communem fidelium existimationem ex pietate ortam, & sacris fidei dogmatibus consentaneam. *ibid.*

Index rerum.

Doctrina notari potest, ut simplicium mentium seductiva, quæcumque sub specie pietatis errorem regens, apta est seducere simplices & illaqueare. 425.

Doctrina, ut seditiosa, notari potest, quæcumque ab obsequio fidei fideles avertit, minuen- do auctoritatem Ecclesiæ, & obedientiam illi debitam in rebus fidei. *ibid.*

Doctrina, ut temeraria notari potest, quæcum- que sine gravi fundamento contradicit gravi sententiæ Theologorum, non scripturas quidem interpretantium, sed ex naturalibus simul & fidei principiis, humanâ ratiocinatione ali- quid deducendum. 425.

Doctrina, ut improbabilis, notari potest, quæ- cumque nullo, aut levi fundamento inducit revelationes novas, aut privilegia & exceptio- nes à legibus scripturæ generalibus. 426.

Doctrina, ut falsa, notari potest, quæcumque difformis est objecto suo, difformitate aliquâ nocivâ fidei. 427.

Quæ Doctrinæ falsitas sub Censuram Theologi- cam cadat. *ibid.*

Censura omnis Theologica dogmatum aliquam obligationem inducit, sed non omnis æqua- lem. 427.

Aliquandò Ecclesia totam Auctoritatem suam adhibet, aliquandò partem auctoritatis tan- tum. 428.

Aliquandò Ecclesia Doctrinam notat supremo & definitivo iudicio, aliquandò iudicio pro- visorio. *ibid.*

Ecclesia, sive totam auctoritatem suam adhibeat, sive partem auctoritatis tantum, sive provisio-

Index rerum.

tio iudicio Doctrinam notet, five definitivo, non semper eadem Censurâ Doctrinam ferit. *ibid.*

An omnes obliget quæcumque Censura. 428.

Et quos obliget. 429.

Episcopi Diocesani Censura injusta, an & quomodo subditos obliget. *ibid.*

Censura Theologica Triplicem ferè obligationem inducit. *ibid.*

Prima est, obligatio non contradicendi exteriùs.

429.

Secunda est, obligatio acquiescendi interiùs. 430.

Tertia est, obligatio subeundi pœnas per Censuram præscriptas. *ibid.*

Caput 2. De Censurâ personarum. 430.

Censura Theologica personarum est Ecclesiastica quædam sententia, quâ quis pronunciaturreus Doctrinæ nocivæ fidei, atque ut talis damnatur. *ibid.*

In examine istius Censuræ offerunt se omnino quinque. Primum est, potestas Censendi personas. Alterum. Titulus Censendi. Tertium. Censendi forma. Quartum. Personæ Censendæ. Quintum. Pœnæ per Censuram decretæ.

431.

Ejusdem potestatis est Censura Theologica personarum, cujus est Censura Theologica dogmatum. *ibid.*

Judex sæcularis Censuram Theologicam personarum cur ferre non possit. 432.

Titulus immediatus & proprius Censuræ Theologicæ personarum est nocumentum fidei, seu verum, seu rationabiliter præsumptum. *ibid.*

Censura Theologica personarum venit de po-

Index rerum.

- testate directivâ fidei , & ordinatur ad fidei
conservationem , non minùs quàm Censura
Theologica dogmatum. 433.
- Non omnis Censura , quâ personæ à Conciliis
& Pontificibus damnantur, est Censura Theo-
logica personarum. *ibid.*
- Quia non omnis habet pro titulo damnandi no-
cumentum fidei. *ibid.*
- Nocumentum fidei , aliud culpabile est , aliud
inculpabile. 434.
- Culpabile , titulus est Censuræ personarum.
ibid.
- Inculpabile , Censuræ dogmatum. *ibid.*
- Non est semper eadem forma Censuræ Theo-
logicæ personarum. 435.
- Nam 1°. Alia est forma Censendi personas con-
ditionata , alia absoluta. *ibid.*
- 2°. Alia est forma Censendi indeterminata &
vaga , alia certa & determinata. 436.
- 3°. Forma Censendi personas multiplicatur, pro
multiplici qualitate doctrinæ fidei nocivæ.
ibid.
- 4°. Diversa est forma Censendi personas , pro
diversitate pœnarum, quas Censura decernit.
ibid.
- Nihil tamen vetat quin eâdem formâ Censean-
tur inæqualis meriti personæ. 437.
- Est enim, ut dogmatum, ita & personarum Cen-
sura quædam generalis, interdum particularis
& propria. *ibid.*
- Cujus, seu confusionis, seu distinctionis plures
sunt gradus. *ibid.*
- Nam 1°. Damnatur interdum Liber generatim,
nullâ malâ propositione designatâ. *ibid.*
- 2°. Damnantur

Index rerum.

- 2°. Damnantur in Libro certæ propositiones sine
ullâ certâ notâ. 438.
- 3°. Damnantur certæ propositiones cum certis
notis, sed respectivè applicandis. *ibid.*
- 4°. Damnantur certæ propositiones, & sua cui-
que nota inuritur. *ibid.*
- Censeri possunt Theologicâ Censurâ, quicum-
que Doctrinam fidei nocivam, culpabiliter
sustinent, aut aliquandò sustinuerunt, sed non
omnes æqualiter. 438.
- In primo gradu sunt Hæretici, seu confitentes
& convicti, seu rationabiliter præsumpti. 439.
- Præsumptionis verò rationabilis fundamenta
multa sunt, quæ obiter indicantur. 439.
- 1°. Quicumque id, quod ab Ecclesiâ præscribi-
tur, tanquam Symbolum & tessera fidei, usur-
pare detrectant, vano colore & prætextu qua-
sito, *ibid.*
- 2°. Qui principium aliquod admittunt, undè
manifestè sequitur propositio contradictoria
revelata. *ibid.*
- 3°. Qui complexionem negant ex duabus præ-
missis deductam, quarum una evidens est,
obscura altera, sed revelata. *ibid.*
- 4°. Qui hæresim cum ex officio coercere debe-
rent, molliter foveant, aut dissimulant. 440.
- 5°. Qui personis hæreticorum nimis plus addicti
sunt, & eorum memoriam habent quasi rem
sacram. *ibid.*
- Nec vivi tantum hæretici damnari possunt, sed
etiam mortui. *ibid.*
- In secundo gradu sunt, qui non hæreticam, sed
notæ cujusdam inferioris Doctrinam sustinent.
440.

Index rerum.

Non continuò hæreticus est quicumque sustinet
Doctrinam aliquam nocivam fidei, & ab Ec-
clesiâ damnatam. 441.

Ecclesia non quancumque Doctrinam damnat,
continuò damnat ut Hæreticam, aut dam-
nando Hæreticam facit, nam Ecclesia non
damnat semper totâ & summâ suâ authori-
tate. 441.

Interdum damnat provisorie tantum, & non de-
finitivè. 442.

Interdum Doctrinam damnat præcisè, ut sus-
pectam hæresis, non, ut Hæreticam. *ibid.*

Quomodo possit Ecclesia Censere hominem ut
hæreticum, cujus interiorem sensum certò
non novit. *ibid.*

In judicio personarum potest admitti aliquis
error Ecclesiæ, sed prudens. 443.

Ab errore Ecclesia aliquo modo vindicari po-
test, etiam in judicio personarum. *ibid.*

Ipsi etiam mortui satis Ecclesiæ subditi sunt in
ordine ad Censuram Theologicam. 444.

Pænæ Censoriæ multæ sunt, partim præserva-
tivæ, partim vindicativæ. *ibid.*

Præcipuæ percurruntur. Prima est proscriptio &
combustio Librorum Hæreticorum. Secunda.
Publica ejuratio erroris, & formulæ Catholicæ
subscriptio. Tertia. Depositio, aut degradatio.
Quarta. Excommunicatio. Quinta. Incarce-
ratio. *ibid.*

Quæstio 9. DE USU LEGITIMO

LUMINIS

Naturalis & humani in Theologiâ. 445.

Lumen naturale & humanum quid sit. *ibid.*

Index rerum.

Duplex est lumen naturale : proprium , quod ratio humana dicitur , & alienum , quod authoritas humana appellatur. *ibid.*

Utriusque luminis usus est in Theologią necessarius. 446.

Caput 1. De usu luminis proprii , seu rationis humanę in Theologią. 446.

Duplici lumine regitur Theologia , lumine scilicet divino , & lumine humano. 447.

Distinguitur quadruplex status humani luminis , respectu luminis divini. *ibid.*

Primus est status conjunctionis. Secundus est status oppositionis apparentis. Tertius est status Eclypsis, seu defectus. Quartus est status supplementi. *ibid.*

Pro quadruplici illo statu multiplex luminis humani usus legitimus consideratur. *ibid.*

Articulus 1. De multiplici usu rationis humanę in statu conjunctionis cum Lumine divino. 448.

Explicantur usus legitimi rationis humanę in conjunctione cum lumine divino. *ibid.*

Primus usus. Ratio humana in statu conjunctionis , adhiberi potest ad molles aditus lumini divino parandos. 448.

Lumen humanum veritatem à Deo revelatam collustrans , facit , ut testimonium Dei de tali veritate , facilius admittatur. *ibid.*

Languescit inquisitio mediū ulterioris , si medium quo tenetur veritas , sit certius medio ulteriore.

Secundus usus. Ratio humana in statu conjunctionis valere potest ad recreandam aciem mentis , ex divino lumine hebescentem &

Index rerum.

fatigatam.

ibid.

Optimum est in Theologiâ, post veritatem probatam testimonio Dei ex scripturâ & traditione petito, ad rationem humanam descendere, & lumini divino subungere humanum, *ibid.*

Per rationis humanæ accessum ita minuitur meritum ex uno capite, ut longè magis crescat ex altero. 450.

Tertius usus. Ratio humana in statu conjunctionis utilis est ad fuganda quædam errorum monstra, lumini divino simul & humano opposita. 451.

Debellatio errorum facta per lumen humanum, utilis est fidei. *ibid.*

Quartus usus. Ratio humana in statu conjunctionis adhiberi potest, ad Lumen divinum aliquo modo ornandum, & coronandum. 452.

Nihil verat authoritati divinæ rationes naturales adjungere, per modum honesti satellitii. *ibid.*

Quintus usus. Ratio humana in statu conjunctionis, debet lumini divino profundè submitti. 452.

Profunda ista submissio in eo consistit, quod in concursu utriusque Luminis humani & divini, longè firmiùs mens veritati, propter lumen divinum, quàm propter humanum adhæreat. *ibid.*

Articulus 1. De usu Legitimo rationis humanæ in statu oppositionis cum Lumine divino.

453.

Explicatur usus Legitimus rationis humanæ in

Index rerum.

- Statu oppositionis cum lumine divino. *ibid.*
Primus usus. Ratio humana in statu oppositio-
nis cum lumine divino, reprobari debet per
ipsam rationem humanam. *ibid.*
Quæ reprobatio fieri debet, etiamsi non sit evi-
dens oppositio rationis humanæ cum lumine
divino, dummodò ita credibilis sit, ut de illâ
dubitari prudenter non possit. 454.
Evidens est obligari hominem non modo non
contradicere aut contra-sentire Deo, sed etiam
non se exponere morali periculo Deo contra-
dicendi, aut contra-sentiendi. 455.
Apparentia rationis humanæ quamvis fortè in-
tensivè major sit, quàm apparentia oppositio-
nis cum Lumine divino, est tamen minor ap-
prehiativè, eique postponi debet. 456.
Evidens est debere hominem plùs credere Deo,
quàm sibi. *ibid.*
Si apparentia rationis humanæ cum veritate con-
jungeretur, reprobans rationem humanam,
ut staret pro apparentiâ testimonii & sensus
divini, materialiter tantùm & inculpabiliter
Deo contradiceret, non verò formaliter aut
culpabiliter. 457.
Apparentia rationis humanæ infirmatur ex duo-
bus principiis. 458.
Primum est. Notoria debilitas intellectus hu-
mani ad certa quædam objecta intelligenda.
ibid.
Alterum est. Notoria incomprehensibilitas Dei,
est enim evidens habere Deum in se infinita,
in quibus hæsitet, & cæcutiat humana mens.
ibid.
Ex his duobus principiis non infirmatur appa-

Index rerum.

rentia testimonii divini circa objecta quam-
tumvis ardua. *ibid.*

Principia illa reflexa quibus infirmatur apparen-
tia rationis humanæ, nulli possunt esse sus-
pecta. 459.

Secundus usus. Ratio humana in statu opposi-
tionis, diluere ipsa debet objecta sua, contra
lumen divinum. *ibid.*

In quâ solutione duplex est via procedendi, di-
recta, & indirecta. 460.

Quo sensu possit ratio humana solvere difficulta-
tem, quam ipsa facit. *ibid.*

Articulus 3. De usu legitimo rationis humanæ
in statu suæ Eclypsis, seu defectus sui circa lu-
men divinum. 461.

Explicatur usus multiplex rationis humanæ in
statu suæ Eclypsis circa lumen divinum. *ibid.*

Primus usus. Ratio humana, in statu suæ Eclypsis,
seu defectus sui, occupari debet in admiratio-
ne, & commendatione luminis divini num-
quàm deficientis. 461.

Secundus usus. Ratio humana, in statu suæ
Eclypsis agnoscere debet liberalitatem Dei,
secreta etiam sua homini revelare non de-
dignantis. *ibid.*

Tertius usus. Ratio humana in suâ Eclypsi, va-
lere potest ad lumen divinum aliquo modo
demonstrandum. 463.

Motiva, quibus testimonium Dei fit credibile
sunt fori humani, & ope luminis naturalis ex-
quiri, ponderari, ac modo aliquo suavisivo
proponi possunt. *ibid.*

Quartus usus. Ratio humana in suâ Eclypsi, va-
lere potest ad veritates ipsas revelatas evolven-

Index rerum.

- das , explicandas, ordinandas. *ibid.*
- Articulus 4.** De usu legitimo rationis humanæ in statu sui supplementi pro lumine divino.
- 484.
- Explicatur usus multiplex rationis humanæ in statu supplementi. *ibid.*
- Primus usus. Ratio humana in statu supplementi diffidere multum debet de seipsâ. *ibid.*
- Sed diffidentiâ rationabili, quæ non semper dubitationem pariat, sed minorem aliquam adhesionem. 465.
- Secundus usus. Ratio humana in statu supplementi, modestè & reverenter exquirere debet lumen divinum. *ibid.*
- Non omnis inquisitio divini luminis rationi humanæ prohibetur. 466.
- Inquisitio divini luminis duplex à Patribus reprehenditur. *ibid.*
- Una est, cum ratio humana veritates, quas satis constat à Deo revelatas, audet revocare ad examen suum, & lumine humano metiri. *ibid.*
- Altera est, cum revelatio divina nondum satis apparens, curiosè & avidè nimis inquiritur. 467.
- Tertius usus. Ratio humana in statu supplementi, retinere debet ac sequi lumen suum, solumtè provisorie. *ibid.*
- Lumen humanum quantumvis evidens, veritatis judicium est provisorium dumtaxat, non supremum. 468.
- Quartus usus. Ratio humana parata esse debet abjicere omne lumen suum, quodcumque sufficienter intelligit lumini divino non congruere. *ibid.*

Index rerum.

Quæ dispositio non est quidem absoluta, sed conditionata. *ibid.*

Dispositio ista conditionata nullam necessario fluctuationem importat, aut suspensionem circa prima principia, sed prælationem rationabilem luminis divini supra humanum.

469.

Caput 2. De usu legitimo luminis alieni, seu autoritatis humanæ in Theologiâ. 470.

Locus ab Autoritate quæ super ratione humanâ fundatur infirmissimus est, & cur. *ibid.*

Potest tamen autoritas humana interdum rationi humanæ prævalere. *ibid.*

Duplex Theologo distinguenda est Autoritas, extraneorum, & domesticorum. 471.

Articulus 1. De usu legitimo autoritatis extraneorum in Theologiâ. 471.

Extranei dicuntur, vel infideles, vel hæretici. *ibid.*

Autoritas infidelium non est omnino contemnenda Christiano Theologo. *ibid.*

Usurpata est à Paulo. 472.

Et usus aliquos habere potest Theologiæ non contemnendos. *ibid.*

Primus. Est convictio & persuasio Gentilium. *ibid.*

Secundus. Indicatio divinæ Traditionis, aut facti alicujus Ecclesiastici. *ibid.*

Tertius. Fidelium salutaris confusio. 473.

Quartus. Ornatus aliquis Theologiæ. *ibid.*

Rarò tamen usurpanda est Autoritas infidelium. *ibid.*

Nec nisi circumspectè, & cum aliquâ cautione adhibenda. 473.

In Theologiâ prophanus author ne nominetur

Index rerum;

- omnino, aut si nominari necesse est, sine honore nominetur. *ibid.*
- Patres, libros suos quando resperferunt Auctoritatibus Philosophorum, id non spontè aut voluntate, sed miserâ quadam necessitate fecisse putandi sunt. 475.
- Incubuit illa necessitas Patribus ex multiplici capite. *ibid.*
- Primum fuit calumnia Gentilium, sectatores Christi simplicitatis & ignorantia nomine passim traducentium. *ibid.*
- Alterum. Responsio ad objecta Gentilium. *ibid.*
- Tertium Gentilium convictio, quibus & sectæ suæ vanitas demonstranda erat, & nova Christianismi secta persuadenda. 475.
- Quartum. Aliquis Theologiæ ornatus tunc accersendus, quando Ecclesiæ Doctores nulli, aut pauci prodierant. *ibid.*
- Sed jam nulla est talis necessitas. 476.
- Sæcularis eruditio non se habet omnino ut spolia Ægyptiorum. *ibid.*
- Authoritas Hæreticorum in Theologiâ eodem ferè loco habenda est, quo authoritas Gentilium. *ibid.*
- In eisdem quippè usus valere potest. 477.
- Et debet cum iisdem cautionibus adhiberi. *ibid.*
- Frequens mentio Hæreticorum in Theologiâ quò pertineat. *ibid.*
- Merito in Ecclesiâ rexitur series, & servatur Catalogus insignium hæreticorum. 478.
- Quæ in Libris Hæreticorum bona sunt usurpari non debent in Theologiâ, nisi dissimulato nomine authoris. *ibid.*
- Eâ dissimulatione nominis non fit injuria au-

Index rerum.

thori hæretico, jus enim, si quod habuit, capiendi fructum aliquem ingenii & eruditionis suæ, id totum hæreticâ suâ pravitate & pertinaciâ amisit. *ibid.*

Arculus 2. Autoritas humana domesticorum fidei quem in Theologiâ usum habere debeat, 479.

Domesticorum fidei autoritas in Theologiâ utilis, est autoritas Doctorum Ecclesiæ. *ibid.*

Autoritas quæ inest Doctoribus Ecclesiæ, partim divina, & partim humana est. *ibid.*

Autoritas divina competit. 1°. Authoribus scripturæ Canonicae, seu Prophetis seu Apostolis, quare isthæc Doctorum Canonicorum autoritas non est distinguenda ab Autoritate Dei per Doctores Canonicos loquentis. 480.

Competit 2°. Ecclesiæ Pastoribus singularum ætatum summâ Ecclesiæ autoritate aliquid definientibus. *ibid.*

Competit 3°. Patribus Ecclesiæ per varias ætates dispersis consentientibus. 381.

Solius Authoritatis humanæ Doctorum Ecclesiæ hîc usum quærimus. *ibid.*

Ecclesiæ Doctores non sunt omnes ejusdem autoritatis. *ibid.*

Ad Autoritatem Doctorum Ecclesiæ quatuor maximè faciunt. Antiquitas, sapientia, probitas, & approbatio. 482.

Distribuuntur Doctores Ecclesiæ in duos veluti ordines. *ibid.*

Primus est ordo Patrum. Secundus. Ordo filiorum. *ibid.*

Autoritas humana Patrum magni & frequentis usus est in Theologiâ. 483.

Index rerum.

Authoritas humana Patrum valet. 1°. Ad probandam existentiam divinæ revelationis in scripturâ contentæ. 483.

Rectè creditur Patribus in discrimine librorum divinatorum à non divinis. *ibid.*

Rectè creditur Patribus pro autoritate textus scripturæ, iique textus, qui citantur à Patribus, ut divini, meritò præsumuntur esse divini. *ibid.*

Rectè creditur Patribus pro sensu scripturæ intelligendo. *ibid.*

Valet 2°. Authoritas humana Patrum ad probandam Traditionem divinam, rectè enim adhibentur ut testes idonei traditionis divinæ. 484.

Terriò. Authoritas humana Patrum valet, ad revelationem divinam seu scriptam, seu traditam, ubi opus est, explicandam. 485.

Rectè adhibentur Patres ad tollendam ambiguitatem, & obscuritatem scripturæ. *ibid.*

Traditiones divinæ, ex Patrum ætate & testimonio sapienter æstimantur. *ibid.*

Quartò. Authoritas humana Patrum valet ad revelationem divinam defendendam. 486.

Regula victoris Carthaginensis. *ibid.*

Quintò. Authoritas humana Patrum valet, ad revelationem divinam, magnificè, ut decet, illustrandam, ornandamque. *ibid.*

Authoritas Patrum, quæ valere dicitur ad usus istos, est authoritas humana. 487.

Authoritas humana Patrum ea est, quam habent Patres independentè à Christi promissione, & approbatione Ecclesiæ. *ibid.*

Accipi potest authoritas humana Patrum, siue

Index rerum,

- omnium simul, quia consensus omnium moraliter est infallibilis. 487.
Et revelationis divinæ sufficientem credibilitatem facit. 488.
Autoritas divina Patrum præsupponit humanam. *ibid.*
Autoritas Patrum humana potest esse fundamentum sufficiens, saltè extrinsecum, credendi divinitatem scripturæ, & reddere credibilem revelationem divinam de infallibilitate Ecclesiæ. 488.
Sive singulorum; quia Patres suo testimonio probabilitatem aliquam revelationis facere possunt, etiam singuli. *ibid.*
Neque tamen fundatur fides in autoritate humanâ Patrum, sive omnium, sive singulorum; quia Patrum autoritate non movemur, ut credamus objectum à Deo revelatum, sed ut assentiamur revelationi divinæ. 489.
Existencia divinæ revelationis humanâ autoritate melius haberi potest, quàm ratione humanâ. 490.
Neque item Autoritati Patrum humanæ tantum tribuimus, quantum divinæ autoritati Conciliorum generalium. *ibid.*
Nam Autoritas Conciliorum generalium, alia divina est, alia humana. *ibid.*
Humana cedit aliquo modo autoritati Patrum etiam humanæ. 491.
Divina, præponderat non modo humanæ Patrum autoritati, sed etiam divinæ, undecumque veniat. *ibid.*
Autoritas Conciliorum Generalium, non est eodem titulo divina, quo divina est autho-

Index rerum.

- ritas scriptorum Canoniorum. *ibid.*
- Multiplex fieri potest, in Theologiâ authoritatis Patrum abusus, sive per defectum, sive per excessum. 492.
- Abusus per defectum. *ibid.*
- Primus. Est inverecundus quidam Patrum contemptus. *ibid.*
- Hunc abusum facere solent hæretici, in notandis Patrum erroribus impudentes, & Authoritati Patrum nihil omnino, aut certè parùm tribuentes. 492.
- Secundus. Est ignava quædam proditio authoritatis Patrum, quibus permittuntur fieri calumniæ. 493.
- Causæ calumniarum, quæ Patribus fiunt, multæ sunt. *ibid.*
- 1°. Zelus & ardor Patrum in hæreticis persequendis. *ibid.*
- 2°. Commune quoddam Hæreticorum odium in sanctos Patres. 493.
- 3°. Dolus malus eorundem hæreticorum, qui, ne ipsi videantur hæretici, ipsos sanctos Patres hæreticos faciunt. *ibid.*
- 4°. Studium quoddam partium etiam inter Catholicos, & amor nimius sententiæ suæ, cum contemptu alienæ. 494.
- Tertius. Est discessus à Patribus rotundior & sine reverentiâ. *ibid.*
- Quartus. Negligentia quædam benignæ interpretationis Patrum, si quando adhiberi potest. *ibid.*
- Quintus. Præteritio authoritatis & testimonii Patrum. 495.
- Sextus. Non satis exquisitus delectus eorum,

Index rerum.

quæ ex Patribus depromuntur, sive ad causæ firmamentum, sive ad ornatum. *ibid.*

Septimus. Alteratio ; & depravatio textus Patrum, sive res additione fiat, sive detractio-
ne, sive violentâ avulsione textus de loco suo,
undè avulsus naturalem sensum amittit. 496.

Octavus. Citatio Patrum non satis exacta, quæ infidelitatis, aut negligentiae suspicionem aliquam facere possit. *ibid.*

Per excessum verò circa auctoritatem Patrum, peccari etiam solet multipliciter. 497.

1°. Exaggeratione auctoritatis Patrum, quandò plus Patribus tribuitur, quàm tribuendum sit. *ibid.*

2°. Citatione Patrum supervacaneâ, & intempestivâ : interdum enim citantur Patres, ubi testimonio Patrum nihil opus est ; interdum citantur & plures & pluries, quàm oporteret. 498.

3°. Servili mancipatione auctoritati unius, quando se uni alicui Theologus totum addicit, ab illius sensu nunquàm discessurus. 499.
Mancipatio illa professio erroris est aliquandò sequendi, & est supra meritum auctoritatis singulorum. *ibid.*

4°. Oppositione Patrum, inter quos aliquandò non minùs, quàm inter fratres, discordia fertur. 500.

5°. Confusione Patrum democraticâ ; si omnes coæquentur, nec plus uni, quàm alteri tribuatur, in quibus tamen non est æqualis auctoritas. *ibid.*

Vitanda est invidiosa Patrum comparatio. 501.

6°. Monarchicâ veluti prælatione unius supra

Index rerum.

cæteros.

ibid.

Authoritas novorum Ecclesiæ Doctorum , qui nondum Patres sunt , sed Patrum filii ; magni & ipsa usus est in Theologiâ. *ibid.*

Longè tamen minoris , quàm authoritas Patrum. §02.

Utilis est 1°. Ad habendam interdum certitudinem moralem seu scripturæ , seu Traditionis. *ibid.*

2°. Utilis est aliquandò , ad faciendam probabilitatem majorem divinæ revelationis. *ibid.*

3°. Utilis interdum est , ad aliquam probabilitatem , si non majorem , saltèm minorem , aut æqualem habendam. §03.

4°. Utilis est nonnunquàm , ad multam lucem mysteriis afferendam. *ibid.*

5°. Utilis est ad Ecclesiæ definitiones rectè intelligendas. §04.

6°. Ad Patrum testimonia explicanda. *ibid.*

7°. Ad præstò habenda Catholicorum dogmatum firmamenta omnia , sive de scripturæ textu , sive de Canonibus Conciliorum , aut definitionibus Pontificum , sive de Patrum testimoniis ea petenda sint. *ibid.*

In usu Authoritatis novorum Doctorum triplici ferè modo peccari potest , silentio , refutatione , laudatione. §05.

Peccatur silentio. 1°. Si magnorum viròrum nulla mentio fiat , ubi facienda est. §05.

2°. Si acceptione quâdam personarum unius ferè sectæ authores commendentur , præteritis aliis nihil minùs merentibus. *ibid.*

3°. Si aliena inventa , quæ nova & extraordinaria sunt , usurpet Theologus , quasi sua. *ibid.*

Index rerum.

Peccatur refutatione. 1°. Si infidelis sit. 2°. Si nimia sit. 3°. Si vana sit & puerilis. 4°. Si acrior sit cum contemptu authoris, & Censurâ sententiæ.	506.
Peccatur Laudatione. 1°. Si adulatoria sit. 2°. Si crebrior sit. 3°. Si Longior sit.	506.
Totius organi novæ Theologiæ Conclusio & recapitulatio.	508.



FINIS.

EGo infra scriptus Sacræ Facultatis Parisien-
sis Doctor Theologus, nec non Montis-Al-
banensis Episcopus designatus, Testor, à me
eum librum, qui *Scientia Religionis Universa, seu
Christiana Theologia Historia Ecclesiastica so-
ciata* inscribitur, diligenter & studiosè lectum
esse, & in eo nihil à me fuisse deprehensum quod
Fidei Catholicæ, Apostolicæ & Romanæ re-
pugnet, quin imò variis coruscare veritatis ful-
goribus, quibus infidelium & hæreticorum men-
tes, discussis errorum tenebris, illuminentur.
Unde eruditum hoc & egregium opus, quod
quidem præclarum Authoris ingenium refert,
prælo ac luce dignum existimo. Datum Parisiis
die 29. Septembris anni 1688.

H. DE NESMOND EPISCOPUS MONTIS.

ALBANENSIS *Designatus.*

FACULTAS.

Reverendi Patris Vice-Provincialis.

EGo infra scriptus Vice-Provincialis Societa-
tis Jesu in Provinciâ Tolosanâ, facultatem
concedo, ut operis, cui titulus est. *Scientia Re-
ligionis Universæ seu Christiana Theologia Histo-
ria Ecclesiastica novâ Methodo sociata.* Tomus
præambulus *Organum novæ Theologiæ* inscrip-
tus, Authore P. JOANNE GISBERT ejusdem

Societatis Theologo , à tribus Theologis de
more approbatus in lucem edatur. Tolosæ. 28.
Dec. 1687.

JOANNES SARTRE.

